









黄季刚先生誕生




年

紀念









湖北人民出版社





黄季剛先生遺像

黄季剛先生遺墨之一

盆鸡种 得 当 物 登 若 天 天月光生属書 干上了 更擾 態 意江 孔 T. 伙

Ą

黄季剛先生遺墨之二

延安初



黄季剛先生墓

## 校訂説明

九六五年, 黄季剛詩文鈔》是根據黄季剛先生四子黄念祥先生的手鈔本整理校訂 黄念祥先生將季剛先生遺著《量守碎金》 和 《勞者自歌》 清繕成册, 而成的 送呈董

必武

司 志。 董老甚重視, 于一九六六年春, 派員來漢,商量遺著出版 問題。 正擬交稿付印,『文化大革命

鈔本 事遂擱 輾轉 置 推移, 最後存放于湖北省文史研究館。一九八四年,文史館重新開始了 『鈔本』的校

訂工作。 黄菊英老人和季剛先生的子女、學生 黄念祥先生已于一九七六年去世, 「鈔本」的來龍去脈;而且更認識到季剛先生對著述的嚴肅 爲了校核訂正 「鈔本」,我館曾多次派人走訪 季剛先生遺孀

在訪

問

調

查 中,

我們不僅了解到

態度

子重 著書, 章太炎先生作季剛先生墓誌銘有云: 吝也。 妄, 不智, 吝, 不仁。 『……季剛不輕著書, 答曰: 「年五 +; 當著紙筆矣」。』 余數趣之曰: 「人輕著書, 不幸,天不假 妄也;

九三五年, 季剛先生正五十, 即溘然去世! 所以, 季剛先生批、 注、點、校之本雖多,而生前自定

裱 先 南 f. 此 焯 成 的 存 保 原 先 各 糊 生 稿 念 册 11 存 京 於 詩 他 4: 他 處 F 所 撤 H 准 見子 先生 鈔 居 來 也 備 退 詞 在 一時 本 的 説 迄今 所 出 亦有 手跡,其 失落 更 記 板 那 版 載 兒媳 不 俱 壁 個 的 : 幸 知 無 内 鈔 季 原 或别 所 試 本 41 剛 稿 着 鈔稿齊全保存 之的 季 絶 先 圖 落 一剛先生 大部 保 就 我們曾查對 人 生 却 存, 是 鈔 作 情 所 柳 况 以 念 分 的 詩 F 不 祥 É ,皆能於 觏 意 從 先 癸 在 目 念 後 生. 其 H 經 來 特 過念容女士 前 遭毁 據 散 至 過 没 别  $\mathbf{H}$ 鈔 存于 iii 先 以 Z 鈔 有 是 亥十 滅 録 底 詩 個 4: 謄 本 季 繕 稿 而 ~ 的 剛 年 鈔 保 稿 的 嗣 除 111 送呈 九 先 間 寫 本 本 稿 存 七四 Ü 4: 本 H 好 多 F 獲 來的 被 董 記 K 後 隨 足 女念容 中, 道 就 毁 老之鈔 年 興 應 视 個 見 在 滅 原 搓 III 爲 成 稿 香 有 稿 作 本 季 本 鈔 港 晚 紙 碩 外, 團 果 剛 本 女婿 年 又 順 出 多 僅 先 詩 版 F. 文化 搜集 的 潘 念祥 損 丢到 散 存 生 的 手 重 毁 失 ~ 詞 之豐 完 先 量 規 排 Ŧ 字 稿 大 革 生 又 守 及 戰 紙 本 日 更 其 7 散 復 廬 録 亂 筻 難 命 學生 居 裏 失 依 念 存 4 見 樣 不 時 1: 完 田 全 先 F. Ŧ: 據 現 謄 遺 整 念样 寫 生 墨 中 \_. 季 存 的 杯 的 九 剛 遺 數 原 × 祥 份 1  $\equiv$ 先 先 1 詩 著 稿 1: 4: 艱 季 4 先 分 曾 辛 剛 制 年 次 黄

爲 1 是 詞 符合 我 T. 發 酌 體 表 鈔 1: 較 注 例 百 本 的 九 東 理 1. 11 從 京 分 It. 版 M 量 首 4 他 民 部 書 則 守 報 分 的 悉 碎 多 × 依 金 數 外, 11 是 爲 的 111 從 尚 鈔 ~ 量 本 移 未 有 是爲 到 發 辭 守 表 碎 ~ 1 楷 勞 過 賦、 金 者 保 U 的 × 存 Ĥ 銘、 ; 存 我 真 歌 --書等 爲 岐 阮 籍 111 ~ 义 勞者 雜體 化 的 脉 懷 遺 詩 文 Í 産 共 歌 鈔 補 本 /E Ŧi. × + 是爲了完 × 前 未 和 篇 者 冠 ~ 李義 除 總 題 成 後 若 革 Ш 者 F 詩 按 政 老 黄 詩 論 4: 偶 季 評 體 性 前 分 指 剛 文 × 詩 類, 章 15 則 曾 文 [1] 是 到 THI

季

베

我

114

HI

1

同

先 4: 又是 湖北蘄春人 湖北文史研究 館 整理 出版此書、 更是 貴 無旁貸 的

談到本書的價值,至少有以下兩個方面:

敲響了 對 ifij 反 與 體無完膚 中國 封 П 振 建專 曾 職 的 才能擺 第 清廷: 的 在 或 鄂 民 洪 制主義之腐 而 本書 季剛先 脱困 的 東 道 鐘巨響, 而 德前 喪鐘 南 《哀貧民》 斬 境 所 生是 春 搜集的 途之關係》、 這在 對我國資產階級民主 激起了革命黨人的起義决 朽禍國, 我國文學家 黄 梅等 當時 文 措 T 的 抨擊 革 1 則 縣組織孝義會, 歷史條件下,尤爲難能可貴 則指出地主階級的壓迫剥削 命 撕碎康有 無 政 論 遺 訓詁學家和音韵 性文 革 ^ 爲 大 章, 命起着 心; 梁啓超改良主義的 亂 并深入民間 者、 不僅 推動作 文章發表不三月, 救中 文采 學家 赫赫、 用 國之妙藥也 堪稱 他不但會寫文章 宣傳民族大義 厥功 是廣大農民受苦受難的 虚 銷 甚偉! 僞 錚 代 國學大師 面 ×, 有 辛亥革命 孔 聲 如《專 、把他 直 和中 H 如 傳 均 爆 們 國 聲春 這是 檄 係 發 駁 之驅滿 危亡 天 革 斥 K 國 根 命 得淋 ) 19 之狀 源 内外學者 論立憲黨人 關 振 È 鍵 撼江 海歸 漓 H 况 義 時 盡致 有 刻 夏 造 發 所

人民起來推翻 第 季剛 清朝 先 4: 4 君 H È 好 專 制 詩 詞創 H 此, 作 **毕非**國學大師一 極 豐 然 彌留 之日 詞所 能概括先生之爲 戒以 勿刻其 詩 詞文筆 人者 人 間 其 故, 先

遂 也 脱 是 以 離域 骨牌爲 後 來 R 很 黨政 少 喻 見 11 界 到 却 設時 纏 ifij Jt. 潛 綿 詩 心學術 不 無天九 絶, 詞 的 常流 作爲 付村 則 地八 露 原 闪 7 個革 詩 未始不可 什 命 是, 詞之中 者 我們 以 是 Hill 有極 勝 心 詩以言 須 大 知 然終爲 八隱痛 道 地 寓 和 辛亥革 論于 壓 八而已! 抑 詩 的 命後、季 遠非 他不 『這是季 剛 再寫文章了 先 般鑽進象牙之塔 4: 剛 痛 先 國 4 4 的 11 É H.

皆借古 陶醉 于 諷 故 今 紙 痛 中 者 下 所 砭 針 可 比 反 擬 映其 如 對 對 袁世 或 家 民 凱 之稱 族 前 途之深 帝, 軍 切 閥 憂 混 慮。 戰, 這都 蔣介 石之獨 爲 我們 裁,日 研 究辛亥革 本 軍 國 命後 黄 先

剛先 生 大璞 第 很明 任 胡 虚 故能 賴 令訛 的 谷等 楚藩 荆 黄 鈔 教 步、 第 生 思 季 顯 本 孜 但 平 的 書 想 等共 授, 傳 因 先 剛 的 孜 同 錯誤, 步, 手迹 的 脈 中之 生 在湖 志。 不 多 先 但 校 絡 華中 倦 係 + 生 先 辨 訂 北 余 張 遺 對 疑 季 人 將 别 提 難 剛 虚 師 著 也 L 省人民 鈔 亦或有 H 衹 IE 作 供 谷 夜 先 範 校 點 3 允許 誤, 奮 同 學院楊潛齋教 本 鈔 生. 印 訂 政 本 萬 是有 本發 志, 可 已基 勉從 門 會 府領 靠 rp 另 5 . 洵 生 之失, 資 至人 以 本上 所 行 刻 非 或 事 及 參加 易易 定 導 録 寫 料 有 再 手 文 下, 難 得 出 油 解 傳 不 史館朱 册, 到 難 弟 授 校 能 印 而况 度 我們 子, 供 數 因 的 解 析 訂 解 許多 十份 書中 湖 的 决 作 决 疑 1: 之 對 北 研 既 分 有 邀請省内外 嘉 間 季 74 疑 討。 使 詩 要 大學劉先 Ш 剛先 東大學 有 組進 點 用 存 絲 印本要求完全符合 陳 真 參加 古 詞 個 不 英 乃隨興 今字、 别 苟 行校 列 生 武、 這次校 枚 殷 爲 又必 不 懷 著名專家 能 歷 有 訂 郭 副 in 存 1: 之作 解 大風 教授、饒欽農先生 疑 通假 須 深 倫教授及其 决者 參加 訂 厚 承 **教授于** 的, 感 字 認 H, 留待專 人員 蕭洛 甚 未 鈔 『鈔本』 終十 除本館人 多 爲 録 13 二九八 保持 家解 校 年 軒、 助 中 加 核? # 手 爲慎 順 以 難 馬 决。 原 利 Ψ. 俱 鮑 免 湖 11 時 四 重計 貌 完 不 我 有 日 高 季 成 年十 外, 作 治 文 北 祥 計 們 疏 未 校 學 有 自 誤 省 百 字 我們 之處 敢 訂 嚴 般 X 志 月 存 不 王 尚 民 在 更易 妄 L 謹 均 獻 疑 有 能 政 饒 在 决 借 猷 武 武 Ŧi. 七十 府 漢 稿林 定 即 昌 + 、范英、 任 至此 參事 令是 大學 召 余 即 分 原 開 條 令是 M 作 步 室 周 1 而 季:

本 未斷 句, 我們爲 適應讀者需要,加上了 標點符號

版權 交給我館。 季 剛 先生 遺 婦黄 直 到 她醫院 菊 英老人 垂危 在 # 彌留之際, 時, 對這部 還念念不忘囑 書稿 極 爲 重 托此 视, 事。 再 季剛 誠 摰 地 先 生的 委托 諸 我 館 位子女, 進 行 整 也 理 都 表示 并將

遵 從母命, 在校訂 書稿 的 過程中, 還給了我們許多幫助

季 剛 先生桃李滿天下。 \* 個 111 紀來 國内外研究章黃 之學之風,

將對

海

内

外研

究

章

黄之學

者有所裨益,

以

使季

剛先生的

思想學術

能

得到

更 日

進

步的

發展、這 · 書的

將是

益興盛。本

出版

或

們最大的

願

望

和欣慰!

我們

湖 湖

北 北

省圖

書

館、

武漢大學圖

書館爲

本

書

的

出

版 給予

借閱資

料的

方便、我們

在

此

謹表衷心的

因 人 民 限 于能力水平, 出版社趕忙于黄季剛先生逝世 疏誤之處, 在所難 Ŧi. 免, 十周 年紀念以前爲本書 尚祈廣大讀者給予批評、 出版 我 指正 們 深致謝忱

湖

北省人民政府文史研究館 九八五年三月

宗達

陸

的 的 黄 在 論 學術論 師 季 著已 近年 剛先 母 和幾位 九 著, 經有 1: 來 八 辭 Ŧi. 相當 年年 隨着 世 世 能够讓 兄以及湖北省文史館 半 柳 個 初 \_\_-部分整 後來的 左 世 紀之後, 念 W. 思潮 人 理 111: (全面了 出 兄 版 被 重 送 逐 新 來季剛 解 不 漸 所提供的這 見 過, 季 清 到 剛 掃 老 先 先 那 師 生 詩文 生 此 重視文化遺産的 的 文筆、 的思想和 都是 札寶 鈔 貴資料 老師 的 領略 H 爲人 累 録 Ŧ: 的 老 和 的 風 師 經 ^ 他自 氣 學、 的 4 逐 思 守 想, d 小 漸 碎金 創 丹 1: 升 我是 作 和 的 文 季剛 應當 詩 部 稿 文 分 文 先生 感謝 使我 學 這

的 出 版 季 剛 先 都是很有意義 生. 的 詩 文, 我以 的 爲 可 以 用 九 個字 來 評論, 那 就 是: 愛國 志、民 族 魂 人 筆

次是首次付印

不論對革命

史和學術史的

研

究

還是

對文學的研究來說

道

部

詩文鈔

他 的 半. 生的 詩文, 特别 是他早 期 的 政論文 充滿 1 反對民族壓 迫和 外來侵略, 提 倡 挽救

或 命 運 的 正 氣與 、激情, 這在 他 那個時 代, 是進步的、 IE. 義 的、 戰鬥的, 也是 令人 感 動

式 的 的 與 復 内 季 容 剛 雜年代, 先 的 統 生把這 <del>\_</del>, 我們 股激情 п 不 想 難理 起 那 解 寄托 個 那 在 在 種 新 形 與 他 式與 舊 切 的 切 内容 鬥争 實 實宗 統 中 法 同 \_. 的 時 漢 實 唐的 羼 質 雜 生花 着 反 抗 文 與 筆 投降、 L 使人 愛國 感 與 到 媚 種形 外

研 究 在 我與季 但還常常作 剛 先 詩 生相 處的 娲 F 老 那 此年 師 的 代 作 詩 裏, 他已 我 還 經不 留着 \_\_\_\_ 再寫政論, 些很 深的 而專 記 憶 從 事 小 學的 教 學 與

九二八年, 我 隨季 剛 先 生 去 游 鍾 Ш 步行去靈 谷寺 ,回轉時 太陽已經 快 要落 Ш 這

裏就 季 剛 是謝 先生邊走 玄暉 寫 邊對 東 我說: 田 詩的 地 你 方 嘛! 作 首詩 -接着他便把已成的詩唸了出來: 吧! 我説: 怕 作不來。 他 提醒我說:

鍾 4 4 處 是 東 田

愧乏玄暉才子筆

歸

路

詩

情

落

HB.

前

難吟遠樹與生烟

這 一就是 他 詩 思 七 的 絶 敏 ~ 游 捷 靈 谷 也是在這 寺 歸 年 的 的 來 秋 歷 天 季 我 剛 和 先 生 季 剛 唸完這首 先 生 起去游 詩 我 北 的 海 詩 還 季 剛 句 先 没 生 有 在 X 1

tj

車

中

暗

回 頭對我說: 『作一首詩 嘛 ! 我知道他已經成詩了。 果然, 他念道:

神武門頭夕 HB 闌

御溝流水去無 還。

重來不覺風 光 改,

愁對車前萬歲山

净業湖邊柳始荑, 我現在還記得半首:

書贈給我,這幅字亂中遺失,

儼然是唐人風格。一九三一年,

季剛先生曾以一首七律《聚宴什刹海分韵得

「題」字》

太行晴色映欄西。

客 中節序過寒食,

亂 後園 林憶舊題。

這些

留在我記憶中的詩,

文即將印出 我便可把這些記憶的片段,與詩文集中的詩連成一氣去讀了

過去都是我思念季剛先生時常常默讀的。

現在,季

剛先生的詩

至于季剛先生的文章, 當時他已不在報紙上發表政論, 但那種憂國憂民的心緒是

信, 很 都是 勵 月, 例 生治 策 大 少 勵 如 保 季 家 他 經 留 便 着 在 他 剛 學 如 因 細 先生當 思舍 給我 和 的 Ti Ŀ 對 見 不 形 到 我 小 的信 學的 負 勢的 這 他 摘 此 取 時 先 的 種 亦 思想情 來信 民 更 裏 憂 途 爲 心 慮 徑、 緒, 人。 無自 説 點滴 F 在 緒 對 方 在 不 靖 寫 的 在 朋 法 我 他 辱 自 在 都 友 現 給 深 友 獻 生 之方 時 的 心 在 我 刻反 這 忠 得 保 的 裏 屢 映。 幾 也。 爲 誠 0 存 + 感 的 弟 作 九 對水 爲 想 季 帯 封 在 信 次 言 外 剛 即 學的 點補 將印 0 H 先 裏 年 此 也 生 還 後當 執著和 給 是 充 出 IE 他 又 我 時 的 是 可 在 以 的 詩 以 時 九 對授 經 刻苦 看 流 + 文 我 出 幾 鈔 露 轉給 八 業的 當 的 裏 爲 封 信 人、 時 興 老 反 事 欣 中 那 映這 戀 藝 殷 悦 師 時 前 社 勤 的 除 每 前 了 諸 傳 11 讀 時 九 可 夜 子. 學 情 期 以 老 的 1 和 字 0 師 的 這 信 思 看

交 年五

相

中

纳

隨季 以 表 在 示 剛 -種 話 先 對 文 0 生: 作 到 民 E 是 沈 族 經 陽 文化的 不 逐 行 時 漸 普及 由 的 熊 他 的 度, 窺 我 便 時 贝 懇 代 能 切 他 堅持寫 的 作 地 思想其 不 文 對 H 我 隨意 説 文言文, 實是早 絶不 改變自 改變, 你 己見 不僅 要 己的 EH. 到 旧 是 对 你 時 堅决態度和 白 代的 種 話 定要 守 文 趨 舊 勢的 的 作 將 時 É 來 图 代帶 白 慣 話 話 文 九 文 更 重 他 要 的 我 要 成 七 内 爲 年: 的 首. È 我 記 要

剛

先

生

這

代

人

恐怕是

用

文言

文寫

文

作

詩

愐

以爲

常

事

的

最

後

代

人了

他

之所

文 此

章

老

師

這

此

話

并

H

此

見

1

他

願

給

到 的

來

想

對老師教導的珍惜與矢守。

盾。所以,在季剛先生詩文鈔出版的今天,我便遵師所屬,用白話文爲它作序,表示我

一九八五年二月于北京



刊之典也。先師蘄春黄季剛先生, 昔賢著述, 雖日傳言,必由身教。以一 少年即有長風之志, 我之私見, 合天下之公義,此所以懸諸日月, 未及弱冠, 投身革命, 奔走

號, 檄天下, 先生奮如椽之筆, 不意征途多艱,大功難就,孤兔逐而腐鼠居。先生豈肯以察察之身,受汶汶之玷乎? 意氣泱泱, 日以逐翻秦鹿, 義正辭嚴; 寰宇歸心, 及至倡言『大亂』, **鏟除專制爲事**。其時,封建孽末,氣息奄然,而保皇囂吠, 不絶如 **圯專制**,斥康梁,張革命之幟族,伸天下之大義。革命軍起,傳 何其壯哉!先生是時,甘爲革命軍之馬前卒, 警醒 夢痴, 俱發人之所未及言也。文出先生之 無反顧而已

方來。 常常寓之咏嘆。獨後世之人,未察先生平生歷事,亦尠見先生之文,則蔽以一言曰 學大師』。誠哉斯言, 心典墳。 復覩神州板蕩 遂致力於『國學』,成一代宗師。 先生豈是晏然爲退晦之計哉!故每每觸景生情, 世亂如麻,哀民衆之不覺,懼陸沉之有期,思惟學術可傳之永久,啓悟 而革命之黄季剛,於今知之者誰。先生之文不傳於世, 然壯志不伸, 雄風難息, 抒懷感憤,夢中猶記壯歲旌旗 雖築廬 「量守」,

世人之不知先生邪?

册, 領導 斯稟湖北省文史館得之,當值 之稟,鉛黄塗抹,歷久猶新, 遭委棄, 雌 勝鈔數部, 知矣。 黄已 H 一日 先生之詩文舊稿 下重加 録成, 就 勞者自歌 艾蘭悉被芟 而文革事發, 『量守碎 分藏各處, 整 念祥君懼孤本傳之不永,恐遭變故,致瑰文湮泯, 理, , 收先生詩詞凡一千三百九十三首, 金 再現輝光, 夷, 者, 當是時 其用意可謂 世姊念容曾爲影印, 各處鈔本, 收先生之文凡五 也, 清明之日,萬寶 而念祥君竟已作古,寧不痛歟!蓋先生有靈, 復邀四方 深矣! 破舊 貝葉飄零, 名流, 風 行, 又及一稿呈董老必武, 然不及萬一。舊 十二篇, 畢 校勘訛誤, 稂莠莫辨, 陳, 不知所之, 讀之, 於是文史館諸君在湖北省人民 讀之, 點削 昆崗 有 先生平生歷 所遺一本, ,先生之情懷操守 火起, 世弟念祥輯録 過, 董老崇之, 遂復對冷月孤燈,手自 力復其 E 正當 石 事 可? 俱 本, 真 時欲付棗梨 焚。 弘文難没, 亟欲刊 考 而 叮 薰 凡 m 知 斯 政府 蕕 W 同

明 同 廣 昨 曩 古, 日 貴 余從先生學, 毎讀罷一 余謹 篇 誌 ili 先生誨之曰: 『學問文章, 先師之行事, 不 敢 忘, 今蒙湖北省 俱歷 歷 眼前, 文史館 神馳不 當以四海爲 相 召 已 理先生之文,念先生之言, 量, 淚下泫然 以干 載爲心。 事 畢 忽而 以高

例

昭揭於

#

也。

悟 日: 『斯文也,高、明、廣、大,其是先生之自謂乎!』

者,藉傳言而知身教,明身教愈審傳言,雖先生不欲人知,世豈有不知先生之人耶! 不言先生之身教者,則不察先生之傳言,故作斯言,以告讀者。是書既行,後之來 書將行世,文史館長朱老士嘉殷勤勸余爲言,以弁編首。余何敢序先生之文哉!雖

甲子冬日受業殷孟倫謹叙

## 日録

先師劉君小祥奠文	号汪容甫文 ☆○	夢謁母墳圖題記 五九	附 日記一則	清故國子監生蘄州黄君妻蕭孺人墓誌銘 五	係翊謀 暨妻某氏合祔墓誌銘 五	童先生墓表 ************************************	曹子建洛神賦識語 ············· 五①	申 范	自序	秋日泛舟大通河序 📴	咫聞題辭 四	金聲題辭	跋徐行可所藏劉先生手校文字注本 四二	書後漢書論贊後 ************************************	毛詩正均贊 ************************************	日知録校記序 三七	
-	0	九	t	><	179	=	$\bigcirc$	1	t	Ŧī.	179	=	-	0	た	t	

 $\equiv$ 

李義	阮籍	詞	詩		又 :	與姪	與潘	與劉	又:	又 :	又 :	與徐行可書	附	
義山詩偶評	籍詠懷詩補注	鈔	鈔	勞	又	與姪燿先書	潘婿書	劉静晦書	又			行可	太	
偶評	詩補	三七六首************************************	<u> </u>	勞者自歌		書:						書:	太炎先生來書 ************************************	
	注	六首	一〇一七首	歌									生來	
			首										書	
									•		:			
										•				
										•				
								:						
										:				
							:	:		:				
									:			•		
									:					
						•	:	•						
						•		•						
						•			•					
														ρġ
														κä
	•	:				i	•	:	i	i	•	i		
四三七	四七	三〇九	八三		八	八一	0	七九	七七	七七七	七六	七六	七五	

## 量守碎金

## 專一之驅滿主義 原載一九○七年民報十七期筆名運

此 光復之事 方將視爲鴻 則人類大 泛之虚 旗 之 爲 晦 而樂 可知, 盲否 職 既 天 理, 張 地 尔守幼少 冀斯 氏 斯 塞之世, 哉 閉 實 莫若言 寒, 仇 無 同 猶是我民自主之實。 論已 人既 國土 民 爾 揭 習聞之説, 蹶 四 然興起 ! 淪 爲微 由斯以 得 所 顯著之事實。 夷 吸者 喪, 交 若夫高 志 萬 侵, 方 固 歴 0 談 , 上溯 以 神州 輻 祀 復 婦 語 當 仇之誼 在 企中夏之清 湊, 孺言談, 西 況夫事 惟事 之民, 方 種 百 諸 之美 奏凱 類之興 孔孟之陳言, 地 實 猶華 變遷 歌功之日 政 夷夏之防 大氏不出於間 勿 既 分遠 衰, 艦者, 憔悴鬱抑 欲爲 域, 流 而 邇, 不在 人猶 下考宋明仁智之所留韶, 與 雖有智者不可以意測 他 時 固 其 其言高 於 賢良豪俊, 敷 華胄 巷, 政治之良惡 久隱入我民之心, 深中人心惻愴悽楚者貴 東胡羣 布之衡, 尚之政法, 雖其智有限, 而政典憲章, 獸之下, 萃處而諮譀國 亦曰: 。獻策大酋, 莫若言剴切之名理; 奄然無復生 發之而 聞長 而喜其卑近;以高遠爲難者 他日大功 悉爲 鳥取 政, 安樂, 矣。 修言功 胡 遠 爲中興配天之大業, 庸人之情, 氣。 告 商度 有 引晳種之談, 出 蕆 典刑, 利, 厥 門 猗嗟我 ,神州之真狀 有 西 其人爲禽 與 笑 以 親其 縱其 民, 其言 發寶 洲 始爲 已。 所 容 振

盛耳 將偉 大經 亦徒 持 則 mil. 之有緩急 前 亦 口 1 破 可必之休 地之罰 挺 疾首 之事 調種 可由 以絶之天 之。 勞瘁 唯有 操 斯爲吾曹 也 出 而 4 擾 ifij 於 仇忿! 爲 祥。 力求 及其 耳 朝鮮 撫 大 土之民 爾 大, 爾 不必遽謀建設之方。夫 彰 必 淫 萬 時 地之間 T 羸 得 若其於民智初開 威之加, 莫大之欣 種之不 生瘍於頭 미 縣 民 而政次之。 勝之道 果能 斯 之方 於 弱 此 Thi 域之區 不 日 暴虐之世 不 E 保 振 專 本 熟而 克 即 爲 與 心 亦 再 有 亂害 壹志 、發疽 牛馬 何有 必 見 今將曉然於政治 與之言國 而 後 命 於今 切患苦 訴 於斯 # 脱於 於背 选生, 諸平 雄郑 於政?危亡之不 户 之日 英 負 胩 帝 口之料 H 材 雜 和之會 際之法 # 百 耀 六 13 貅 Ŧ 等病 之最 折 絒, 雖 之衆 L 假 經綸 專 定 夫亦不必斤 不 量 H 號 制 撓之氣 也。 以 奴隸免於淫 t 今 未 11 之無良 兹無濟 大患既 圳 都 既 民 其 光復大義自 偵 俊 定之時 遑救 以生 拒 以 不 生之疾苦, 虐 伺 民 利 能 何 斤 之嚴 以 民 除, 命 厚軍 爲 爾 不 V. 陰 īfij 過 害 其尺 威, 故 納 趨 何 理, 慮 行 知皇皇求索之均 力而嚴 酬 有於文致泰平?借使皇天 標 至齊之表, 矣 且夫人雖至蠢 防 天 有他病 歡豫悦懌之深、 必將以 彼豈 陳於歴 勝者榮 維 子. 效 風習之清濁, 彼豈 之密 之事 若夫立 寸 約 不 功 醫首 束, 有 知 而 史, 權 所恤 敗者 與 遥 舉 亦 憲之治 庶 度之亦癬 爲先。 鼓 平 制 無濟 無益 民 章章不 其 不 行 和 辱, 今日所 方 必不舍周身之 在 弗 固 Ŧ 而 之名 來, 耳 忍 前 當忘 扶强 誠 所以 未嘗言背 預 前 可 編 价 雖累 ? 未 較 不 774 亦 掩 inj 右漢, 然則 鋤 吾曹 摧 41 瞭 蔽 專 t. 當 稍 切之患苦 L 彼 É 哉 弱 制 卓 不 有 可不 利 欲 索 篇 惟自 所 K 爲 旋 人心 曲 急 俾 害 避 虜 顧 或 言 固 E jį 治 際 治 將畢呈 今 H ifii 州 所 克 唯 前 本 不易之 以 列 收 fu] 人之 丐僧 顧治 慮 言 續舊 謀 國 力 往 在 Ľ 112 於 亦 排 不 强

又安 則 救 此 克 鳥 言 不 府 爾 基 事 至 明 蠝 苦 純 希 呼! 之, 日 雄 微 於 可 亦 於擾亂 揚 南 吉 割 知 毛將 政 於 心 **M** 無 流 善政 不 X 省 公 資 未 ffij 今之國 疆 據之日 M 理, 也哉 É T 類 及 南 本家興 必 不 收 去之期 mi 傅 可 爲 政 猶 4 盡 吾民始 平 得 HI 衆 家 存 彼 HIII 能 rfn 好 K 毋 求 苦 H 誠 進 rin 1 盡 之源 皆如 勞動 言 使 於 忿争 也? 異 出 除 則 至懿之歸 故 族 即 專 兵 强 我 共 者困 然則 七八 權。 之國 和, 之極 既 H 事 則 制 甲 翅 寡從 逐 如 於 丽 我 共 不 國家爲 塘, 十之老翁 家復 則 即 種 和 X 亦 可 惡己之 i 皆 國家 或 族之 去 衆、受 地 言 有 不 不 亦 不 111 將不念 種 心 可 鄭盲 澹足 種 我 亦 衆 鑄貨 完 政 種 振 有 聽 財 之美 府之説 地 種 興 可 惡之首 或 固 行 我 幣 悲也乎 貌 差 人 而黎庶 成 **大**政, Mi 之自 種族 雖 既 Mi 則 家 民 制 所 亦 勸 X 以 可 有 此 之视 制之所 不 逃 艾 爲 共 X 夫 流 其 亦 我 政 例 民 前 E 斯 貿 淹 政 離 心 府 11] 邦 故 遷 我 以 古 寒 好 Ifij 思 扶杖龍 所 驅 政 其 建 而 111 İ 因 近觀 施 則 团 同耳。 去之, 貿 或 滿 亦 苦 利 政 Ħ. 猶 矣 設後之政治, 爲 我 必 也 害 府 遷 11 奉 家 美利堅、 鍾, 無答之 尚 若乃貧 先 政 在. 有 均 而 H 豈有 立 既 我 畛; iE. 則 行 以 張之 民 L 必 既 不 利 中國之民, 法蘭 以 無 知 者 得 則 俯首 豚 國家者對 種 富之分, 是 弛 既 族 爲 策 死 在 世 货 根之夙 界之同 之, 西 爲 # 既 Fi. 帐 聽從之望哉 爾日 御 曹 我 不 先 E 挺 4 是在 民 H 於異 夫非 覆 所 搪 叫 日益 褊心 去、 波 號 伏 意 大同 置 不 jhj 他 或 共 縣 能 於何 必 呼 舉 害 最 者 者 預 人 兵 家 和 遠 有 者 ! Ė 富 飭兵 之國 謀, 祇以 在 爲 椎 有 財 彼 施之! ifij 烏托 政 不 日 後 他 心 治 L 排: 間 言 圖 泣 謀 自 府 甲 見 也 商 内 廢 邦之治 皮之不 物 所 霸 起 血 之 苦 一異己,

我 則 以 道

固

政 衛

嘗試

4

然

當此

ıfii

亦

何

大失

也。

11

夫人

類有至惡之公性

H

惡人之害己,

Ifij

不禁己之害人,

斯

於

公

理

周

悖

愐

惡

根

所

. 伏

亦

求 不

也。 刺 彼政 類之與 爲 今者驅 權 至 4 懿 羊雞 滿之舉 使彼大酋還我龜 自 引罪 驚 浸使 辜, 正發於 吾族 然非我之 吾族, 玉 戰勝 至於醜類、未嘗不許其 惡人害己之心 4 待之不 磁 11 法 知 也 亦將與 用彼之道以 是故滿人之汲 涵濡卵育於版章之内也。斯亦 (苗蠻 牛羊 待 彼 雞 汲於排抑 驚等。 固 無靳 得當 吾族,猶之吾族之與 爾。况乃僅僅逐其渠 而不 吾曹以 非 人類之情 德 苗

七日 無切 之美舉耳 UZ 1 政 彼大酋 興之望。 府 以陰行庇滿 以 有急, 代策資 噫 嘻! 今借改制之名, 生之 人盡執及爲王先驅者, 人之實。 豺虎之滿人, 事, 若曰 而漢民 則生 者 方日以 則 八旗 事 不 H 克與 充, 凌制吾族之命爲策 改制之案 固 彼 人 其 入孳生必 情 衡 也。 , 愚者方以爲出於大公, 實則 以 若乃富 有 日 衆 力者 近觀時事, 與 孳生既衆, 厚豐殷, 無力 者 争, 改制之後 强 在在皆 其勝 盛 可 可寒心 負 八 以 又豈 猶 旗之人不改制 預 當 期 待蓍 VI. 且人愛其種 借滿漢平 致 龜 何也? 而 决 長 等

政, 次 滿 則 X 滿 既 能 洲 藉 殖 其 産 説 則 以 練 産 亦必 兵 括 日增; 財 無耻 滿人之增, 者 紛請 立 漢 憲 人之减也。 則 滿 洲 又 藉其 又事實之章章不可 説以集權 於 政 府 掩者矣。 及 官 制 往 者 平等, 人 言 而

财 L H. 伯 之謀 重 中央集權 吉 學 國 校 悉置滿 之策; 大氏 則 以 賞禄 視漢 人; 漢人漸 解散駐 族之舉 釣 民 晶 防, 動 向 京 陰 爲 域 Mi 推 肆 移 滿 則 I 疆吏又將 箝 人又以 漢 束 X 强 之大殖生産; 其 遍布 所 則 以 私 壓之益急; 謀 人。 漢 者 言實 觀於西北諸 旁皇周 弱, 業 則 則縱大 浹 省 制 之稍 帅 四 漢 奸 川 寬 人 爲 未 寇盗 嘗 甘 漢 求 人 任外 陜、 Ħ 而 庚 陰 償 取 其

劣敗 爲 義 耳 之 師 喻 新 器 則 能 進 固 不 事 盛 之 L 軍 善 初 復 軍 攻 其 優 特 海 之大 求 於頑 此 耶 也 起 仇 數 昏 或 勿 行 之日 奴 分 起 以 軍 也, 稔 庸 近 是 義 義 疲 鈍 之輩 许 四 需 而 畛 噫 張言 始 域 故今日 方 事 之 滿 嘻 東 弱 如 雲 甘 起 雖 也 南 固 新 仰 不 梃 X 兵 興 合 爲 宜 益 立 鎮 起 刃 不 不 之軍, 難 能 所 之 又 殊 死 憲 撫 力 可 兵 雄 伐 事 鬼 必 科 之樂。 集 治 其 棉 如 M 以 任 救 華 T 有 爲 以 乎 狠 堅 固 地 河 之業 之防 言矣 當已 國 域, 不 不 ? 之 固 當 宜 役 之兵 以 義 作 南 H. 彼 民 夫 重 卒, 贵 生 經 極 義 内 其 者 無 逐 礙 在 滿 时 奴 訓 瘴 師 戏 畛 H. 政 ·L 其 志 iE. 域 吾 爲 爲 借 数 練 海 所 固 與 與 П 燕之 之卒 嚴 畏 之 莫 X 是 41 所 或 或 使 起 者 III X 大 民 何 諸 於 密 交 殆 以 西 之謨 之災 野 盡 之警 哉? 之 方皆 欲 自 分 固 以 奔命之亡 取 其 Ш 不 外 留 救 心 蜀 衛 往 不 勝 置 屯 操 當 交 此 苦心 則 111 假 乎 勁 駐 勝 關 在 不 止 ? 人 然 隅 其 中 關 可 無 黨 勿 旅 蓋 同 重 畏 名 X 舟 焦 景 H. 兵 津 齊 不 爲 非 是皆 之休 將 今世 輔 它 之 志 從 吾 奇 通 好 之 u 大 也 以 不 曹 若 則 勇 達 以 時 之 之地 兵 軍 言 氏競 求 多, 所 西 可 雄 負 戚 不 也。 志 何 力警 奴 能 用 旅 兵 岷 北 2 名 亦 尚 之 ; 革 狃 有 不 終 猶 於禍 當 使 地 政 固 地 在 虞 而 而 命 ൬ 之 難 虞其 欀 未 死 死 此 宜 不 勝 内 不 跋 是 耳 害 異 之 治 於 成 利 可 III) 在 政 時 族 竦 如 鳥 則 H. 不 以 涉 祇 Ш 關 克 此 點 給 調 谷 合之義 Inj 勿 以 不 何 加 使 相 非 以 險 狡 有 今 孤 m 遭 河 口 之肇 벬 油 阳 岩 平. 庶 軍 不 人 不 傾 民 之鄉 民 持 巧 敢 懷 長 長 利 不 民 也 有 當 黨已不克奮 事 驅 悉 强 蹂 iI. 以 麻 餘 逐 宜 整 蹦 滿 , 警 所 開 夾 蹈 能 相 虜 直 奔走募集 筋之槍炮 之。 黔黎 之心 進 不 審 吏 能 振 高 傾 如 算 闡 11 談 又 П 是, 求不 未 雖 哉 在 據 以 俱 遠 亦 興 II. 户 有 以

火

僅

13

得

之之

財

非

無

人

1

者

必

不

利

之。

革

命

既

成

則

身

或

E

效

命

鋒

刃

或

雖

未

死

Iffi

政

出

執 敗 大 N

六

!

111

龍

也。

亦

fitt.

所

利

H.

名

利

M

忘

其

爲

於爲

義,

夫

者

今世 然後 樂已 死 殺 古 於 甚 亦 其 f 狡 不 之大 車 成 當 覆 孫 有 點 發而 ൬ 夫 旅 殺 收 唯 係 奮 專之之望 也 彼 膽 繼 戒 如 勝 爆 必 昔 暗殺之事 得 其 殺賊 得 負 嬳 者以 鼷 裂之彈 若 志 軍 fi 者 旅 者 誅 今以 鼠 未 J'y 拍 百 之而 者 пΓ 继 布 樾 亦 何矣 果 前 以 此 防 知 夫以 ム然 ·L \_ 較之軍 人 後 毅 自 制 M VI. 資既 率千 브 從 獨 來 軍 萬 猛 彈 耳 必 满 今試 暗殺者 嚴 軍 迅, 相 Ifij 准 若 旅 對 耗 所 人 雖 之彦, 使 Ifij 令神 滿 爲 以此 2 夫 111 矣 以 以 則 不 無復 之所 師 F. 優 Ħ. HI 能 期 吳 洲 有 未 以 T. 以 州 事 徐 止 恭 佰 斬 人, 之必 以 戒 其 戮 戰 之 叮 爲 備 奉係之虞, 行 仇 軍軍 奏 心 当 者 壤 仿 其 人 VI. 讎 專 收没, 勝 功 憲 功 購 成 效 力爲 臣 告 擊 彈 積 也 刎 Ifij 徐錫 功 刺 兵 以 骸 滿 者 亦 未 然則 祖 故 則 隊 F. 弊 未 如 所 所 人 嘗以 不 考 不 謂 人 刺 必 法 Hi. 轔 彼 費者少而 之事, 易之, 驅 知 以 能 有 陆 遽 Hi 臨命 爲 則 得 亦 御 能 Bh 未之 槍 大 渠 無 鬼 事. 操 維 嚴 之際 不 魁; 收 我死千 悔 必 而 μ] 师 勝 巡 ihi 效豐, 焉。 不 使 驚 亦 有 亦 者 我 衛 滿 無後 來 簡 即 也。 不 馬, 若 若 能 易 易 得 食 作 洲 固 乎 喪其 不 乃 即 谱 當 爲 歟? 廬 店 其 矣 軍 ! 彼死 渠 事 天 亦 Į. 處 11 之簡 魁 不 梟雄 用 岩 11 興 VI. 嘯 H III. 者 合 其 是 行 亦 悔 114 湛 Thi 事. 易 Hil 欲 乎. F 禍 衆 相 必 亦 ! H 馬 滿 則 得 ?達官 清 必 F 致 機 叮 帝 Iffi 買 洲 2 滿 心 惟 鄉 彼 死 得 行 成 軍 不 族不亡 之畏 族當 之道, 而 漢 勢 固 T 數 軍 純 民 **‡**: 斯 其 貴 百 恒 軍 捷若 難 人 фi X 竦 亦人 川 大 Iffi 能 之首 多收 百 乎, 挫 宜 志之紛 作 操勝 莫若 亦使子 兆 生之至 那 然 畏 耗

死

易 特 谷 熽

巨

鳥 师

其

必

有

H

娴

滿

義

Ifij

不

悔者

則

漢

民

之不

11:

JĮ.

住

是乎

!

其

住

是乎

抑其

人

縱此

者若 夫握 朝堂 技 者 出 寡 力 僵 ıffi 所 涸 卧 制 田者坐而視倉箱之盈 絲 苦 籌算 於道 麻 有 困 以 事 窳 則 ıfij 釜鷺,攻木者屋無椽, 口 明诗 死者, 苦者 餘 爲 而 呼 Ш 猶 而 1 、哀哉! 路 所獲食, 叔 īfij 食 盡草者也。 主之責租 寓食於人之百工 人之政 不 計 以衣食天下, 而貧者以貧得 物故者十八九。朝廷發帑,恒充奸吏之豪, 較其短長, 11 膩 億計 川均 民生之窮, 則奉係 以 也。 逐 郡邑守令, 高語仁義, 有年 奸利 以入 若其 愚 **猶謂之自繇爾**。 相民 舍貧 其趣異 未有甚於中國之今日也 縫紉者衣袈不足以去寒, 闸 而愈益急, 之財, 獲上賞、 溝壑矣。處大穰,貧者欣欣然有喜色, 執百工者, 者無與 視其朝廷之爵禄, 謹言功 鞭笞敲撲以 富者十 thi 任 不富其鄰、 也 利 村 其自耕 農之家若有四五人, 苦形疲精, 苦頓 其行 版民 乃若終歲 取 者, 九 蹇, 富者據之不慚, 馬。 11 则 官中之催 厚自封殖者、 飻 111 凡許 Jţ 晝夜不惶他營 也 Ш 勤 īlij 當關 不識廉 動, 然猶號之曰賑恤之善政。 散在 澤之農, 曳綺 爲 不越 深者, 富 呼又從之。 而 其壯者事 人僕 耻, 紈 訶 畎 而貧者以貧得賤 舉貧者之益賊 奪, 浮游飄轉之丐, 則 什一而已矣 役而 吹笙竽, 然亦 畝, 尤其蠢摹者也。 陶者弗爲己範瓶 攘民貨者 耕耨, 穰猶 總日 已。至其 汗被體, 甘其 康也, 暮 (p 老弱所仰 無 饑餓不 虎狼 富人煮 第 食 通 泥 饑 鞍 塗足 加 都 持干戈衛疆 其民之智力, 不幸遇歲之 患。 界 一崇高 民之數、富者 之税吏也 大邑之 **播紳之** 能 读 也。 糜 出 冶者弗爲 其 云秋矣 H 及壯 慮 門户 流 裨 於人 販 富

4

(11)

者

逸 於 又 誠 鳥 ±: m 彰 姑 悉 諱 得 也 知 其 有 彰 分 有 之矣 者 所 所 所 財 盗 謁 难 嘗 號 衆皆 偵 以 請 彻 牛 於貧 命 之, 要 棄 之賊 恩 則 設 之; 者 官 民 以 欲 奚 鐖 治 木 補 隱 餓 又 等 不 事 不 於 蔽 謂 之 馬 患 ? 惡 必 我 2 Thi T. Jt. 鋒 H 爲 顛 制 之 盗 事 鏑 叮 有 Z 害 矢 平 夷 興, 所 考 天 '? 石 請 則 也 其 1. 朝 擁 無 未 民 事 廷 饑 得 跡 非 相 Τ. 揚 寒 之者 盗 歷 嵐 則 藪 廠 ൬ 饑 者 以 疫 也; 有 欲 監 謂 欲 民 富 或 死 魏 Z 胡 2 巍 飭 往 人 則 乎 無 盗 兵 Iffi 不 辇 又 得 得 甲 窮 魁 俯 Ĺ 舉 死? 也 之 者 首 所 何 渠率 由 mi 以 Пj 小 今 就 相 保 得 盗 其 在 觀 衛 耶 罪 之, 韅 虐 有 民 ? 無 勒 L. Z 今 赦 財 殆 財 無 者 111: 藝 宵 産 謂 人 大 亦 富 以 身 盗莫之詰 西 有 俾 人 芘 家 方 其不 之 2 言 陸 利 富 夫 或 克 民 貧 111 害 i軍 暇 HI 者

矣 其 曲 用 力 本 野 之 II: 進 其 途 於 也 文 不 H 然 寡 愚 野 則 暇 智 而 佚 文 苦 曲 2 愚 H 以 野 谁 貧 於 H 愚 多 得 明 之 明、 是 X 於 文 \$ 苦 富 明 曲 者 苦 [fi] 樂 則 樂 准 2 然 於 以富 樂 畛 也 Iţ 談 Ħ 得 者 之。 限 我 觀 Œ 苟 空 其 能 間 易 所 其 文 謂 至 詞 野 進 於 愚 佗 明 自 H 日 : 富 苦 人 者 樂 之名 類 視 H 之 H. 其 貧 愈 進 資 樊然 於富 判 生之事 遠 淆 風 Ifij 린 則 H H 惡 寒

暇 C 爲 門 持 以 X 111 # 高 官 厚 爵 電 之捷 不 是 位 之 附 也 1 然, 剘 E 賈 豪 商 也 1 然 則 名 治 1: 思 政 客 慮 也 暇 名 包 所

有

謂

者

Hi.

ıfii

祟

It.

堂

美

服

飾

Ifij

啖

羊

水

之用

乎

有

所

適

則

F

舶

車

加 所

1,1 進

寓言 平.

於 澤

遐 #

方

有

如

奔

身

之欲 4

滿

溢 火

III

图

所 無

恨 待

則 汲

其 埶

攻

學

術

以 飛

H 萬

利 肆 所 筵 席 晶 Im 願 招 望 省 客 既 足 日 乃耽 酒 1: 觴 西风 淫 絲 嬈 竹 於 11: 室 旁 雖 F. 酒 死 酣 Ifij 歌 ffij 舞 謂 之克 若 亨. 鳥 天禄 潤 之 路 11 蹡 也 若 岩 時 洒 時 R 有 辰 占 H 所 烹 謂 文 羊 明

雖 望 Im 終 樂者 悲 H 哀 也。 奔 抑 走 Ë ffi 不停休 耳 吾 意 是 其 息 非 如 斯 絶 馬得 可 而已, 病 者平 盡 斯 此 ! 皆 民之疾 孰 貧 者 謂 苦 彼 所 都 未嘗 而 知 勝 之? 於 有 音 也 華域 七尺之身, t 者 有 知 以 嗚 還, 呼 害於百年 ! 員 E 輿 大 墓 之内 矣 以 前 愐 未 腦 吾之足 嘗 有 所 彭 長 儲 聃 不 之 盈 愁苦怨 見不 壽 尺

則 吾 民 鄉 F 居 處 阳 基 隘 Ш 曲 中 此 惜乎其 中 地 撒 不 栭 獲 民 盡 勤 悉 也。 民 H 吾將 之貨 哀 諸 吾 人者 鄉 人 凡在 + 家 而 禹 九 甸 H 以 1: 是 爲 驕 遇 推 佃 III 民 爾 若 喜辣,

博 則

浹

未 淪

由

周

知

貧 境

狀 能

少長

楚之東

鄙,

熟察

其 本

俗

始以 之遺

爲

民之困

殆,

莫是

邦 吾

若 族

於

今視之, 惟

田

畝

内

佃

民

之

陷

1. 悲

者 者之情

胡

持

量

以

測

其

所

届

也?

吾

民,

所

哀

者

固

當

先

類

聞

錢 歲 入穀之日 内 千文。 殺二 石 是謂 石媵 於 田 以 È 大 錢 轉莊」 無問早 + 文, 始受 澇 田 耕 力 稔 所 取 則 償 乃收還 石 内 或 勿與 錢 F 其 文。 田 輸 於 更 鄉人謂之 人 者 以 屬 鈎 他 『轉莊 佃 其 者。 餘 雞 秋至, 之費 魚、 田 È 更二 巡 菽 行 稔 隨 H 田 則 im 責 石 賦

其 H 飲 供 食 張 È 輕 重, 之弗 允 其 酒 克致 貫 不 食 負 足 弗 量 腆 佃 弗 m 哪 受 È 恒 也 以 黑 致 穀 斮 掠 入於田 擊從 厥 有 若 之。 最 È 酷 雨 之倉 陽不 者, 佃 民 軟 播 若 弱 揚 慮其穀之敗 之以 佃 民 乃 擾 扇, 或 ĮĮ. 泣 於 雞 康 則置 豚 秕 田 無 之門 毁其 弗 水 E 去 尊 器 矣 中, 其得 其 佃 投穀 仍 寬 民 4 畏 减 督 饑 而 其 取 償 恒 其 出 常 沈 多 留 F 如 者 以 有 自 點 否則 悍 養 者 衡 冀

署

È

者

故

然猶

非

之費。

有弗

内

民 來 朝 見 タ之間 當 田 È 曳之行 庶 戰 幾 栗 避 懂 徽 署 苦 纏 ൬ 杖 若見 棓 官 役 南 維 pp 門 面 官 之君 矣。 所 欲 施 役 甚 至 乃 置之壁 求 呼 賄 之爲 牢 力 耶 可 償 以 小 浦 賄 有 m 則 恩 後 恣所 得 惠 釋 喜 欲 見 役 ൬ 及 顔 去 官 色 無 悖者 悉富 继 何 亂 人 使 H 令 È 也 嗾 Ž

復

佃

九

飲 衣 泣. 笠、 而 Ľ 傭 hi 於 人 佃 发、 僅足 受田 食、 飿 人得 Iţ 飲 , Ц 拟 减 傭 取 诚 錢 11] 諸 必 傭 十石, 船 人 其家 者 費 有 家人少 欲 1 訾 得 製 繁, 秋 H 石 所 13 11 非此 又須 先 登 人傭 之田 傭 人 į: 錢 H 所 復 傭 澹 以 F 傭 於是 人之訾耗之, 錢、歲以 傭 人者, F 文率, 傭於 殘者

是 嫠 固 以 終身, 慘 毒 殆僅 不 能 爲 見 貧 於 民 大衣食 罪 也 財 足 貧民 之室 非 不 诚 然, 時 月婁 臘, 树 有 未嘗 不見 陷純 鬻者。 米之飯; 故鄉人生 尊酒 女, 赟 肉, 前 娩 得之出: 未 啼 於計 即 扼 度之外 mj 斃之

盤強 人者

謝 傭

愐

此皆

謂 大

ifij

173

有 1:

岩

如 民

磐,

畝 廢

之田

徽 至質

黎

羹 衣念

而

餐橡實 iffij

有

錢

者

咸

困

H

IXI

之禮

佃

Œ

敢

11,

賀

其.

之。

盂

田

可

耕

者 遜 待

猶

以 後 以

爲 受 養

鷦

寫之與

鷹 貧

隼

H)

民 H 有

貧 者 ti

ıffi H

不

能

娶, 乃室

其

有 懸 雖

婦

大氏 無半 不

童

Mi

取

之,

至.

困

则文

或

生鬻諸

13 驟 春 崩 無 啖芋 槐 薪 魁 木 爲 署 宵無燈火, 樵, 預 用 夏煮年麥爲 以 冬夜無衾, 易 所 鮮 粥, hi 號寒溪 乃至不 不 虞其 乏 H 得 者, 食 斯 亦 往. 秋冬食 全,寡 往 ıfri 者矣。 有。 少良, 又其少樂者 浅 然飯 fi. 六月 1/1 必雜 之間 粟 爲 谷中 梁, 民 之民 或 則 以 有 饑 權 近山 患 菔 勿問 林未 羹不臘 前 茂

之豐 先 歲 凶 IXI 前 乃 閉 年 豐 # 倉 廪 富 X 以 慮穀 待 賈 無良賈 未中 程 13 弗 jili 輸 售 於 也 他 饑 清 叔 顺 之地, ITI 祈 勿 所 死 餘於倉 則 聽 者少 富 X 所 索 至夏 秋 或 草萃而 之交、亦必 烟之, 騰 11

분 則 聯 X 亦 和 至 草. 叮 根 関 1-若 堁 Ü 以 爲 丸 L 傭 謂 錢 足 成 以 喝 薄 ifi 不 所 停 鄉 ÉI 活 亦 能 治 博 tri 奇 墙者 利 歲 冶鑄 暮 遠 型 鋤 滴 者, 若 品 制 饕 衣 沒者, FI. 1-金 攻 鄉 竹木者

錢

大

氐 於 刑 者 四 + 文 又 踵 44 相 是 逮 廢 也 工者衆矣 地 H 鄉 不 足 ·Ľ 有游 以 養 蕩 始棄 不 1 鄉 # 賃 Î. 喜與 於異 他 地 X # 或 者 至 iI. 准 愚民尊憚 間 求 爲 1 裏爲之欣 耕, 1 亦富

威 外之齿 無 便 厭 燧 也 貧 比 貧 弗 與 敢 H 校 7 涕既 訴 諸 BH 此 之矣 貧 獨 心 不 先 ti. 114 此 1. 年, 曹 從 當 愐 清 侮 之 同 治 希以 時 竭 有 佃 御 侮 民 之力 陳 甲 於 聯 Fi ¥ 字. 佃 H 以 求 推 减 富 省 X

賦

法

始以禮,

不獲請

乃始相

固

結以

死

争

外

人

某

遽以

民

叛

聞

兵

至

虔劉數

Ħ

É

是

佃

民

ıE.

奈何 少 人之笑,以求 4: 伸民 望矣 打义 鳥知 4 丹嘗過聚, 斯 柳 他地之民, 食焉、是民之受刑於天者也 耶 有行者, 偽若夫婦 困殆不劇 於此 也耶? ifij 以 鳴 隱 音又 呼 事 誣 吾鄉 馬 人 知 抑 不 廣 作 有 龙 美吾 翼 者 里 鄉之民, Ħ, 錢 H 1/11 以 或 貧者困 爲 匍 X: 匐 樂者 塗中 象 放效 耶 已紛 視天夢 恤 躯 而 狀 集 Ŧi. 導

之與 生 图 有 Fi. 設 兵 H 斯 須 於冥, 说像 猶 知 之事 避之, 家 民 之 爾勞 命 魄, 與 分, 爾 日 命 膂力 信之如 ; 設 弗 刑 兒 11 於 養爾 桃 明 酒 父 抑 11 始言 民 之欲 妻 命 f 與 唯 分 日 者 分; 爾 困 窮 始言 辜倍於鑄 富 命 人 則 不 fi. 分 爾 者 兵 哀 時之 也 校 哉 狮 姨壹 餐民! 鑄 ti. 以謀 兵 爾 者

堆 H

有 爾 獲 小 f. 人 以 甚 威 敝壞之衣, 全 武 殿 <del></del>
傳去之。 爾 自 殺 維 爾有 彼富 者 富人 家室 人, 厭其 世 終身 爾保然 梁 肉, 鰥 曠 章其 丐 於人 彼妃妾衆多, 文繡, 疲 餓將 乃衣 恣其 乃食 死 爾 淫 樂 爾 乃 爲盗 力所 匪 致 爾 或 所 也 有 敢 常 冀 爾 刑 也 1 勉弗 ti 又不 爾於 爾

粗

櫔

之食

生 富貴賤 巨 也 憝 41 爾 患民 图 亦 冥 弗 能 嘗 由 求 無 求 均 命 知 Iţ 識 説 則 則 於天 貧 方 治之以 賤 作 愐 者日 是 不 分 得 念 H 則 命 li. 輔 鬼 與 分、 庶 神 以 之褫 幾 命, 高 入據 是 貴 爾 平 懼 魄 爾 分猶 之膏 也 吾滅 或易 育矣 嗚 呼 與 彼 携 ! 均 也 旲 謂 77 爾 貧富 莊 生 過 又 去 民 貴 生 何 111 媵 心 多冀焉 咸 智 分 官 嘗 造諸 1 骸 則 貧 惡 何 是故富 摩 賤 有 者 品 謂 貴 氣 别 乃 ? 爾 泪 現 古之 貧賤

貧

祟人之鬼乎!死人之奇疾乎!夫饑寒厲疫,刀鋸縲絏,貧民死於是間者,實繁有徒矣。胡爲乎又以 貴陵賤, 有命與分爲援也。貧賤而富貴,又侮陵貧賤焉。命與分之説,俾其心無漸也。命乎,分乎!

之所期,非貧賤之所甚。惟其然,富貴者有攸匿矣。求富貴而得之,命也,求而弗得,分也。富侮貧,

我之舊。富人奪之,而我乃貧。非平之道,盍請命於天?殪此富人,復我仇讎。復平等之真,浑以 命與分殺之耶! 悲來横集,作爲是篇,如彼貧民,羣立吾前。敢告之曰:命不必嚮,分不必守,我躬之貧,微

求平等而死, 共 瘞於其下, 亦無悔焉爾,哀哉貧民,盍興乎來! 毋汶汶以生也。事之濟,貧民之福也;若其弗濟,當以神州爲巨冢,而牽率富人與之

父也。 俠其 之俠道盡乎此 於聲音,音通而 自擊刺之萌 孰 # 能與 夷考俠字之誼, 宙 在 晦 昔 塞 於斯? 間 恒 義 里之尚氣者興,俠之畛固少少削矣。然而勢足以驚彊禦, 則 民 抑小子之所知 即 儒 生 古之聖哲, 儗 多 相 實曰夾人,而沒長釋之曰傳。傳之訓輕,何足以蔽俠哉!尚覽古文字,大氏原 艱 函 儒行 故余取其 Ψ. 悲世 均 所言, 之象, 則寧敢外是?世有 之沈淪,哀烝民之失職、窮阨不變其救天下之心,此俠之操 同 固 聲之字, 俠之模略 侜 兆 ffij 弗 見 鉤索而比附之, 俠者 雖 危起居, 則 怨亂之聲, 教而 竟信 誨之。 以定斯字之誼 其志、 聞 謹陳其誼 於 九天。其誰拯之? 力足以制豪雄、 猶將不忘百姓之病 於 左 我不敢知。 時 亦民之慈 維 H 俠乎。 非大 也。

力, 也; 胎 奸 厥角 底厲 位 始 捍患禦災 高 據 作 若 鋒 强 要津、 崩 鍔 弱 福 作 馬 判 威 抑 Ħ ifij 彼優者, 無力 力同 政以賄成, 乃暴虐貪殘 H 也。 者 厥官司 危; 而 夫惟其同, 貧富 議以衆制, 伸此 肆於民 廢爲殘賊, 懸 烝民之屈 而 Ŀ, 無 背者 始; 則一摹之内, 互分侧黨, 乃飭 稍有蠢動, 則俠者其人也。 軍旅 貴賤 如登春臺, 罔恤民依 則遭芟 爲 分 耐 王爪牙 無勢者困 夷, 夫異種 其樂融融。 哀哉下民, 斯 民處是邦, 相 俠者夾輔 殘, 智愚辨 虔劉 世 無所控 若居 漸 弱族之時 闹 澆訛 # 無 藝, 訴 牢 知言傷。 雕 則 也。 及其 斯俠者 不同於是 或者 震疊威 若 於斯 豪民 乃梟

俠者、

以

夾輔

**羣生爲** 

志者

也。

爱初

生

民

其道

平均。

五官

百百骸,

其

體

同

也,

飲食男女,

欲同

除其 政之 種不 居國 同 民 動 於 類之 庶 之秋 真 幾 除 俠 巨 + 者, 体祥 摯, 有生 미 流 屈 暴 以 悽愴 一之望 有所 舉 政 指 貧 草 者 事 難 至 不 終 挾持 無辜 孰 納 戢 於豪右兼 惻 荆 恒 有 我啓其 以 便 富 軻 而富 死於寒 人 以 於是者 行 赴 其意 聶政 貧不 不 併 途 死 其 之事 者 餓 H 願 均之象,乃者益爲明著。我 施 連 也。 人步其武; 俠 所 曲 , 其 斯 BŦ 據俠之 謂 親 得羣黎百姓之心乎? 俠 陌, 蓋勝於陳涉、吳廣。不殺 能 始 者 夾輔 奪攘 得 心, 我願 我爲其先, 仇 勞 土 1 氣爲其 地 人 而 吾黨以 之日 Ħ 以 心 人續其 先, 夾輔 肥其 者 儀 也。 圖之, 抑 身; 摶摶 必將含笑以就 羣生之志 不 神州之今日, 奏功之時, 辜, 緒 大地 役僕常 俠顧 不 必使其疲 擾 不 民 器爲其要。誠令我民之心 先用之於我軒 黎 重 自 誅夷, 東陬 庶 哉 西 亦驕 於 自 奔 栭 殺 貉 東 畏死 命 子, 亦 以 Ħ 虐 以 渠 自 一人之頸 死 僭 南 惟儒之情, 轅氏之子 III 以警 弄 既 自 在 而皇 北 m 星 H F: 漢之 貴 孫 頑 苟 虐

既早 惟 奪 俠 則 志 恐 者, 矣 弗 其 在 所 必 速 挾 成 其 IJ 涂 持 劍 銘金 徑 者 利 在 其器用 手, 狹 石,令聞 隘 亦 義 者 不 也。 憤 可 填 不 誺 亦爲先 膺 救 也。 忘之念, 民 之道 吾 務 若 藏 蹴 器 是 華 亦 故 亦 待 嶽 不 云衆矣 用 西 以 復 歐 壓 存 一民黨, 柔 諸 繼 條 自 腦 獨 今 胸 取 其 北 決海 之中。其所 露賢 加 諸 之 水 暗 殺, 豪, 意 以 哉 沃 慮皆 道不 爝火, 挾持, 亦狹 持 固知 利器 有 何 隘 乎? 以 不 必 濟, 成 滅 功, 夫 者 哉 孤 仇 身 籍彈 X 懿俠者舉 之 敵 丸 魄 而 棄 則 得

所謀 故 其 者 赴 事 事 也, ; 左 寧拙 右 伺 毋 候 巧 所 當其 欲 得 趨 者 時也, 人。 寧淹 其 狹 财 隘 速 固 矣 當 其 而 襲人 其 效 也, 或致 寧寡 震 動 班 天 多; F 愈 則 狹 何 狹 則 隘 績 之足恤乎? 愈 彰, 前

垦

衆

揭

竿

忽得

渠

魁

則

谏

於

軍

旅

之

戰

伐

術

不

必

受

自

他

人

iffi

謀

不

必

咨

之朋

友

專

心

미 覩 也

志, 志摇 而 即 其心寧静, 於敗; 發, 雖以千 自藏不 其 事 密則 爽 捷, 機露, 其 自 機 藏 驚 露則 幽 摔 若 徒喪 者 其 也 其 相 身, 心不 機得勢, 罔 静 裨 則 大計。 擾其氣, 缓 徕 故夫俠者, 氣 偵伺 擾 而 即 於彼; 欲有 維 所 虚 爲 事不 無 捷 益 先静其 則 此

吏之智 猶 有 所不得志者,是可法 也已

所以

集事也。

不然,

暴君貴人之首,

何

以 不

糜散如京

塵堁

哉!

至其自己

固之嚴、

亢身之密,

雖以

路

西

捷若

防

歸

然後

监

事

奮

萬人當之而

食中土久矣 誓捐 一死, 我漢民, 元元之困 俠之誼粗略如右。 苦, 死喪無日, 以少 **宜孰大焉。儒者言仁義,仁義之大,** 盐 其 心, 力於我同類, 不平之氣, 余又考之, 礪其器, 充塞於禹甸之中。 以 脯 斬一 剪除 相人偶爲仁; 拯華 仇敵, 域 遺 黎、 試權度之,當愈於淪爲興隸而死乎! 而夾人爲 俠者其焉能忍此終古耶 舍俠者莫任 予小子誠不敢不 俠。 矣 仁俠異名 鵬 勉 呼! Iti 諸友昆弟, ! 俟河之清, 光復之事, 有一 德。 義者、宜 未有 久不 封豕 人壽幾 不樂乎此 K 能 蛇、 集 也

何

薦

H

濟

也

十五

#### 論 V. 憲黨人與中國國民道 德前途之關係 報原十載 十八期筆名不 一九〇七 不佞民

其 舌得 高 固 爲 僑 康 不足道也 已!他 中國之臣 勿 獲富貴之策, 欺 醜 商 梁 頭 寵 庸更易 一心,以爲 講 之? 禄 行 以 , la Ĥ 章 以 若 不 森 外 级 mi 爲 治 荆 則 紿 蔣 民。其説奉合附會, 君 X 從其黨者, 智由 奉爲 姦言以 3 越之竹 有 眥 之 È 康 欲救 孫 乃猥 亦 日 有 : 爲行 臨文 丰泉, 其 , 種族 類 Thi 簧鼓天 楊 焉, 吾名之日 最要者矣。」 君之爲 中國, Z 一汝其 逐 遯以 度, 猶 國 不能書 判然有二途: 臣戀主 來, ۲ 家, 助 同 非君主立憲弗可, 皆無聊者 者, 桶 吾 狂瞽之極。 既假借尊王之説, 也。 背, 可以 11年 13 哀哉 殊 北 抑又不 官胚 恤也。 愚黔首; 向 他 類 總而言之、冀爲憲政國家之巨官議士,以佈 僑商富有金錢,衣食澹足,而入官之念,起則誦之、卧則 恒 特欲 僑 H 逮。 吾請 uſ 流 商 或謂率是可以致治平。 步武康 财 涕 !中於計 此曹之心, it 異同之故, 要其本懷, 則尊王之誼并包之。以爲君主非主權所舍,則改造中國 於帝必官 統現在之已爲官者,與現 此已無耻矣。 至其戕賊 以會飲商於海 梁, 而弗覺,則亦以出貲、立憲、得官,并爲一談云 固與昔者以八股策論取名利者略同。若其質實 汝 爲異 則 可得一 亦與其 良心、誣天下而弗 汝欲得官,是蓋在 H 而其徒黨如梁啓超者, 而言。 附驥 外者之貲 今之官胚,篤守政治法律範圍,誦法 師 尾而 同,無非希冀權 往者 在雖非官而 財, 登朝廊 ,學究篤守四 又欲 恤 其所謂 立憲後 張 ,又悍然斷滿族故爲 藉 本, 其 乃更鎔尊王愛國 是 位 政治 志在官者論之, 。立憲豈 爲 書,誦法程朱 抑 ,醉心利禄而 再 亦 法律之學, 歸 叫 可以 故 関者, 夢之。 或 爾 П 6

視中 事。 之試 於 呼 即 HI X 咸 語 亦 康 有 在 雖 痛 爲 率 1 然, 無 德 道 變 憤 哉 H 如 德, 所 高官 斯 其 恕 今之官胚, 作 11: 域 耀 或 之淪 . 之 此 囂 填 此 食 民 術幸而 亦 伯 之道 厚禄 甚 欲 遣 張 不 調 倫 人, 牌 未 X 恣 固 能 改 胥 K 所 之出 人 德 以 肆 出 售 嘗 時 致 知 也 革 而 高言 理 之狀 不慕 身 無睹 將 ! 至是, 對 此 時 11 經千 衆 則且 有之, 卿 昔 金錢, 其 諸 相 或 權 相 者 食, 顧 其 救 # 氏 人 蓋 含默 愛國 國, 輿; 此 歲 摹 君 多積 其講 仿 然 謂 聖 爲己衣食 有 又 莫 占 寧人之言 之真 無足 導 取 要結朋 其 ıfıj H 之亡天 賢 鄰 ൬ 隱其 浴, 邦, 少 章取之日 夫 顛 金 倡 矣 率 先 躓 錢 荀 怪 黨, 競名 之而 交遊計 岩 爲 微 既 0 以 用 矣 1 路 日 肥 寒蟬 久, 者 而 故 其 察之, 本高 以 夫 其 i 死利之心 今將 不 猶 就 身 足, 也 今之立 有 則 力 空名之新 之無聲 不 試 亡國, 昌洁 數 强 1 H 欲人 昏夜黃海 鳽 得 Ħ 場 或 早. 求 T 博 屋 將 苗 憲 Vi. 人之中 有亡 政, 以 與 黨 以告我漢民 無 患者之罪矣 如 愚點首 壞其道德,所 為西說 此猶 緣, 榮名, 浮 歡 歐 人 耻 H 以證 喜 H 天下, 小人 美 黄金 禄其 毕 自 雀 齊 和 民等。 其所學之非 誇張 病國 則 躍 其 率 隳壞之而 不 、宗旨 易姓 賄 用 與 軌 攤 ımi 略之事 婦 趨 家 度 後 食 以 僑 以 2 厚與援 商 爲 111 7 既 人 改 有來者 相 號, 愛國 卒. 者 之所 1 岐 1 此 有 業, 妄。 及 稍 所 将 對 It. 也 餘 i, It 號 [ii] 謂 隱 失 不 固 漢民 之亡 在 則 叮 若 依 临 名 秘 也。 則 伊 勿 rfij 然此 求 倣 古 爲 無 顫 列 擊之而 金 往 國, 若 藏 所 It ൬ 聲 榜 效 安 以 錢 1166 者學究 身 末, 得 來 比 曹 長 乃高言 品 不 rfn. 得 西 仁義 矣 所 號 投 塘 之。固 Ifij ൬ 爲也。 п∫ 官 ,冀聳 'nſ 親官 獨處 V. 不 则 此 精 憲 ľ. 充 爲 胚 松野 其 研 也。 黨 之所 塞 痛 走 世 ! **全爲常** 得勢, 異 人聽 賀 其熟 人 īfij

也

11

狂:

鳴

未 至

失

如

能

翻

然

改

圖

亦

苔

黨之所弗棄也

名以 國家種 異 斷 I 能 取媚於政 取 衣食妻妾之奉爲已足, 命 族之人。 彼。 種, 可誅 喪至斯極 算?故但使能得 妻妾之好 求 歷 族 質而 他 庸 盡 與之同 E H 胡 待 府 好 即 艱 日之利者, 慕 言之, 矣! 問 及 ıfij 勢 住 中. 可長耶?吾黨痛心亡國, 無所愛恤 名。名之病 好 救亡。 盡。 乎?吾又考之,其中又 名, 無名 循是以往, 允 抱悽愴 名 同 自 其好 則權 志之人, 私 然則好名固 可 則楊 惟以 則 言 人,有如鴆酒,好名之極, 自 則國民 名仍 側怛 度、 進 度 利 於輕 獨 多一好名之人, 得名爲准。 而 之心 償 好名。 之懷, 熊範興之爲也。 休 藉 立不懼, 戚種 其所 以釣 吾黨之大禁也,此所以異於立憲 重 脯 而 失, 好名, 爲 以爲光復祖國之計, 矢志復仇, 族存亡之大事 今日以 衣食妻妾之具。 有二别 H 其巧點者, 敗 心德亂 亦有 受刀頸, 即多一言立憲之人;多 名爲最 要名 餘裕 則比 草之事者, 數人倡之, 勝則爲漢民開萬世無疆之休, 無名 以 , 至故意干犯國民之公怒, 較 可好 至於忘國 然則 悉可以 贖 其 夫人至 可言 前 者 高 救國 將欲 衆人效之, 所 日之非 F 他日 家 損 姦言解釋之。爲虎作倀,而己亦沾微 以喪名之道取名, īfīj 不惟此 達 救 好 Ki 黨人 種, 者, 名, 在現 其 又 吾嘗考之, 恋分二 有 所 則康 即以 言立憲之人, 幾不復以好名爲可 在, 志, 也 也 私慾充實 物馬較名爲 **你有爲、** 必 白衛, 好名之弊, 而益者 Iffi 有 不幸而 其術 表證 所 無名 梁啓超之爲 藉 則 即多 扶 之上 類一暫 im Jţ 也 將 至於亡國 河言; 收 11 來也。 後 成 耻, ,豈巧曆 好名, 則 故彼黛對 惟 害國家種 X 也; 棄此 藉 棄家亡 而 拾 有 於 [¿ 則 其

官,

籍於紳士

所

以

為游

附

藉於商

人,

所以

爲

飲錢之具

藉

於異

、邦之

高

係

政

所 以

以 爲

爲 鐢

光龍之計 引之途,

勢之所

1

趨之如

驚, 談

至心性 和之助;

命馬

其

要結人也,

或動之以

抢门

或媚之

訓 失勢, 客者 欲據 心 即 善 傳教士 本 絶於篇; 而 以 尚 已矣 而 Ħ 日 其也 於交結官 政黨之言以自 言, 權 以 繆重 固 動 咸 奔走權 也, 以 則 X 亦耿介 趨 於鄉黨者 與其 於立 或惑之以 以 紕 吾聞 如 我 維 競 府, 勢, 用, 係 利 忽而躋之於九天之上, 涸泉之魚 , 堅貞, 憲黨, 勢爲 人 蝍蛆甘帶, 那 ൬ 基者 於國 無理 時爲動 重 談 而 陶 事, 物 超於立憲黨, 秀言, 我之勢, 誠使其 慕勢也。 其黨人中其 則國務 可言, 振 民之道 亦將隨之大壞。 豈知 人觀 俗之道, 失林之鹿, 言而 始其 大臣國 人仗義以 循是 德尚 於是乎 聽之事 無道德良心 生理 不行、 此曹深 毒, 慕勢也。 莫要於恬淡 不變, 無多愧也。 行, 使然; 大。 耳 推以 會議員之名不絕於 進則 故亦 用 知 往者, 可見、 始 舉者一 以 態 固將見棄於蒸民哉?嗚呼!吾黨其 毫無僞飾, 爲祭酒 不能擁取 欲爲 日慕 勢合者 立憲黨之甘勢, Iffi 我 寡營, 態而不行 今也若是, 迂儒諱言功利, 議 端 視勢所 康梁楊熊 慕 榮名 人 豈曰德行學問, 月 吾黨縱仇其主義, 勢不 高謝 他可 策士者, 在。 П 繼 則 盛 用貨: 榮 概 退 ൬ 抑民有恒 人慕 利 吾黨欲爲 見 冀附驥尾, 開會而 亦其心理使然也 亦不能見容於民 而 將離 趣於立憲黨, 雖時近於褊隘, 我。 貨而 噫嘻! 若競以 足以 要日本之勛爵以 性, 不行 欲入 之諱, 故汲 救國 利 法於彼黨? 曷嘗有廉 亦未嘗不敬其人才, 次 然 张 張 官 其始豈 爲 慕勢也。 鑒 者, 一一 救 用恐。 亦 視其 則踉 於茲 有 危, 而 趨於 則 耻 其 所 樂乎此?亦 所以 勢 亦良故 書 惕其極. 不 事 示 蹌 廉 豈非大事 哉! 樂, 忽 耻 能 顛 欲爲樞臣督撫謀 立憲黨、慕勢也 遏 則 蹶 H 而 利欲 夫馬 上海 著報 彼昏 朝 仰人之勢、 要使 謂 ? 日 廷 終 之洪流 紳士 良, 其 政 亦 風 不 彼黨自 而 有勢 E 乞日 府 必 俗 知

H

不 死

功

洲

也

自頃西方之學流入神州,

則始有澕

言功利

教猱升木之徒,

愚者靡

伙

向

人

義

今而 來, 從而 不相 赫禹 衆擅權 利之以要勢. 彼之術 常 稍有 謀利之道衆矣 安毋躁, 議院之中、 索取多金、 1 域 紿之, 託 Ħ 思强致之。 之所畏也 [74 率之, 曲 乃周密 H 之樂 以待 託言議政、 始則 小 畏 此 # 尚未足以 政 優彼絀、不易之情 夫孰不走之如水就 己者矣 死 立 無疵 詞於他 11 漢族光復之後 府之内, 由斯 利之以結衆 憲 説有 立憲黨人之畏死、 敢 何 黨 小己之利, 必 死之風 人戕 盡其 以 利也; 萬 此 H 有實 爲異族效 談, 岐, 海外 之報 公等亦隨滿 衰 住 賊 15 武斷鄉 之 智耳 酬 小己, 好利莫過於立憲黨人: 而利爲歸墟; 其所表於衆者、 僑商之阨 fj, 心受裁於國人;繼而欲熾於中 1 ifij 爾時公等獨立 也!洪 又何以 後 偽廷立 ifij 嗟夫 强索 好名 曲 而託 Ħ 人 吾豈必貴之? 叫 也 戕其種? 交通官 諾 憲 長馬 名國 水猛獸之害, 目前之貢獻 !好利者人之恒 慕勢、 人有萬分、 H 彼充其好利之心, 不足憑矣, 興臺、 亦曰 ľ 人者矣 谋 海爲雜 吏 种 權 雖然、 競利之弊見 既 不 不受人之關勒, 甘爲 可憑以要利之說, 利也; 利、 其所託 厚貨 13 又何足以喻哉?吾聞 П 而利爲同趣。 權利 がi 即公等極 情 國家存亡大事、 毋爲 鹽乎? 賄 振興 thi 見國 則仍 公等 欲以道德化民者曰 而已矣!利之既去, 而 名 4 工商, 物扇 美宫居 事罔 與勢 亦同 後、 力苦求、 雖然, 國 縱爲 其外, 事也 心冀官爵. 公等 又莫便於立憲。僅 歸 非 壟斷財富, 英非 與 吾當敬告公等,滿漢之形、勢 有識者固當冒萬死以圖救 於 'nJ 有 利, 衆所 死利 國 以 盡 亦决不能 故人入其 彀中而不覺, 魂魄擾擾之際,有 : 质民以 爲 必自亡而 也 之心 棄 力致公卿、 常人之所 , 遏其私 利之事 利 思恢復之; 利之未 爲養 也 權 躍過滿人之上 人乃亡之, 度 縱難斯 利 利之以得名 利之道多矣 一愚弄僑民, 樂 [fi] 惟恐不足, 利也; 觀 人之財 以 īfij 继 或 稍

滔 點則 慮皆窮 矧以 顯樂 返國 言立 言革 吾黨擇 所 與交者, 日 救 無 H 耳。 不 國 所 下, 身 立 而 憲 避 命 遲 强飲强 後, 如操 土 至 家之念 憲黨人之狡 艱 73 回。 可 神州 危, 至擊 大 則 阻 也 以 上則爲 甫入 名與 食 左 氏皆枯槁之士; 今既 之事 謹 愈深, 券; 求 而言立 刺之豪, 彼 勢、 願 域 達其 既 毋 囂囂然以 庸有 點, 政府 爲 境, 以 妻妾子女, 日 要。 求 利從欲 志, 域 憲安耳。 自 賴 其 ıfrj 之謀 即 事 暗殺之杰, 立於安 乎! 、效果 有 救國之業, 指 實則 故太自苦 救國自 言立 不 E 爲 Ifij 悉享 言革 毅 反是不 知者哉?故 至。 亂 藏身最 全無恐之途 ٢ 黨, 憲者, 豪, 不 - 撓之節 命, 歡 則 僞 彼 思, 漢族 固, 未嘗責諸彼黨之人, 娱 爲 而受誅 政 亦避之若 而畏死特甚, 安居 則將 諸 府 待草 不亡, 亦已焉 避死 夫敢死之氣, W 候之策士, 猶望 夷, M 盘 獨 室, 媚兒, 捐 浼 以 對 至 眷屬 觀, 精, 哉 不 其好 公等 勸 告要 夫 以爲 ĮII] 所 最少 以其心直 名、 豊可 吾信 宜 宗 與交者,大氐皆浮華之徒 又豈肯稍加 rhi 华之事 尚 姻, 求 住 人之樂入 慕勢、 獨 義之風 亦能據 死也乎? 共 所不爲。 爲 皆將 穴克享天. 惜 事 可謂之僅能 也。 彼 数 辱 黨猖 立 不保; 視 競利之心, 然其 嗟乎 鄉 附 年, 琴 憲 必顓謹 黨矣 哉! 和立 披 以 動 ii 心不 之革 好名、 Ħ ! 宣之於 憲者 吾黨 霸, VI. 率蒸民以 篤厚之人, 憲者 革命 Ilij 擇 致 命 慕勢、 之志 結 所 爲 П 軍. 安避危 H 言革命者 豈有 持之術 或 在國外嚴然政黨 官以 爲 rhij 筆之於 11 他 競 15 奔 死 如 庸 以 战? 利 走鄉 敢 uſ 人之常 ľ 動 也 蛇 懦 希冀。 之輩 螁 死 與 敬告 住 爲 河 亦 ifii 險 富貴 咸 無不 11 固 不 先 41 所 能 滔 彼 H. 愈

也 ti. 其 H 狡 狡僞之證也。 偽 V 憲黨 夫其 人之狡偽者 爲 此言 者 莫過 有 於蔣 三意焉: 智由 其言 掩其前 H H 人 人皆 曾言革命之過 革 命 黨, 也 人 人 非 革 命 恐後不能 黨 斯

得

將發憤 而還 倡 革命 也。三、 欲以 惑我黨人, 使棄其 八革命主 義,而: 非 革命 於心無 慚 也。 若 以 斯

之言革 者斷 爲 曉 政 不 又何所 命, 能 府 同 時 則 又 指也? 奚爲 並見 誤其 意旨 也。 者?既已清 須 知 所 如本昏暴 fi. 在 矣 儕之志, 明 也, 夫彼 所 以爲滿 謂 而謂之清明, 所謂見政治 清明 者, 洲 政 革命 香琴 府 則直 無往 慎之發生 ıfıj 謂 革 in 不昏暴; 之惡言革 命 見 如 故 政 彼黨之意 命 治 又 115 有 H. 清明 奚爲者? 之望 本 則 清 以 苔 明 爲 也, 而不 杏 不 nJ 欲革 得 解 則 清 夫 將 所 氏 命 明 前 謂 其 H

明者, 等亦 黨無 實清 可 豈 洲 明 Ħ. 革 也。 昏 命之 雖 滿 便欲 人耶?若革 X 皆 發 彼 彼 爾先 者, 等 所 人之家, 彼則歡迎之, 不 能 命黨者, 辨, 入據爾之官 惟 始終 視 便 彼又何嘗不助 於彼等 心, 惟水貫 之策 亦當勿變 政府以 师 L 徹其驅胡之主 ! II. 排革 勿復爲此 不能得 命黨耶?要之公等言 義。 言 彼之所 以 滿洲大長大去宛 Ĥ 欲 盖, 誣先賢 彼 W VI. 惠 之, 憲 以 平之 自 則 與 欺 殺 日 請 革 蓋

7

宗旨 之我 皆革 事 致? 命黨 馬 幾彈 與昨 人知之矣, 則 梁與 訶 H 特 之我 署, 公等則 蔣皆當竊 吾义 皆 挑 戰 無 可受之, 奚多貴 笑於 詞 ifij 有 미 胡爲 馬 旁 異 耳 ifij 意則 雖然 作 III 適 啊 同。 以 舌之言, th 岳黨成之! 其 7 姣 П 13 偽 革 之計 命, 地張 彼之言與梁氏同 之計 矣。 明日 也? 夫國 江 憲, i 家之事, 籍 ൬ 也。 如 П 此 於 政 誠 梁氏之言曰, 行事 有所 治者一綫清 È 可 知。 持 不 僞 何 明 惜以 檷 必 而 忽 密 不 先後 變 今日 詔

幾爲

人

人

非

革

命黨之時

不然革命之勢,

如雷

如

霆

其誰

非皇

漢子

係

爲有不

興

起

者

吾

1惟見

人

Ħ.

無 耻 吾黨民 意爲希望滿 州江 患者 之助案, 就 康 有 爲之布 告 īfīj

黨 H 庶幾 讀 此 文 m 知 改平 ? 孰 知 it ME 耻 如 故 也 ! 11 即政 聞 社 大 數 會 之事 其 無 愐 耻 覘之, + fi 可爲 誠 足

當 Ħ.

開 即 之田僕; 心有 业 梁 説宗 縷言之矣 H 無 或竟喪其 亦 於 會之日 ifii 揭 神 哀乎! 耻 賣國 事後 甫 狗 11 跛 旨 妖學者 之據者、 11 亦 慰 ti 馬 奉富 藉以 陰險 孟子 者 良 不 EP 大 良 心 得 Hi 也 拼 頓首 隈之言 要而言 其 無耻 心 又不 Ė 復 行 X 不 護 推 複 以爲 华 從 政開 高 於 爲 力 fi. 级 其 13, 排除 水當 命 m 之, 談白 11 H 魁首 耻之於人大 社受此 助 推 ilij 111 無 人之門, П 當時 其 立憲黨人以無耻率天下人之景從之者,始爲其術 曲 則 足 異己之術 耻 耻六也 政府之任, 輸心 用 民黨也。 而己爲 幼 梁氏 巨割 無耻 型 無耻 意 熱中 堅求 矣 擁 演説 未能 藉口 利禄 以爲 狮 Ł 戴 之斯養; 之甚者, 詩日: 演説, 是 也 復 以 立憲黨者, 欲藉 Ħ 伯 欺 • 何 施其芟夷革命黨之計, **奔競** 劣乎? 甘 嗚呼 由 出語 也 此 人而 具名, 擁名士以爲重,而己爲之生徒。 據地 心 深 會場既 H 流線. 本元 人 ! IE. 而謂吾黨之舉爲侵其自由之界, 無 悖, 愈高 夫異己 亦自謂 復欲藉蘇 無耻之立憲黨, 耻胡 擾, 謂爲 勛 無 聚儿 耻 吾黨張 費同 者 則 世。 黨於國民 不 日人報 救 徒黨 既 浙 國 遗死?吾甚願 有羡無耻 同 路 11 於我,以是耀於學界以 獻媚 亦未 事再張 爲 13 紙 無 欲干 者也。 民 批擊之。 無不譁笑、 耻 竟始終不改其度乎。將所謂國 始不 黨 Ifij 日本政黨、 國政, 不得者、 其 11 III 則 V. '申' 自謂黨於國民者, 既不 處勢不 ij. 所 憲黨人 勿 立憲黨幾相忘於無耻馬。不 無耻 欺 孙 相 Jţ 今乃 一組制 辯 戴異族 不悟其言之害、 H 引以 假造犬養毅之言, 忘其 L 咎,而謂吾黨 H 駁 厚其 也 自重 攻 始更甚 號於人, 再戕 擊、 1 以 無 勢、 大啓會 能 13 耻 亦理之當然 贼 投章 #1 乃陰爲 動 無耻 我 謂己爲民 繼 人 吾亦不欲 家將亡 R 爲 場 無異 (h) 爲 174 暴 彝也 其 乃援 己爲 政 徒 演 黨 府

ifin

隱

然值伺革命黨之行動,

以告於政府,一藉獻媚而

復

怨馬

此賤丈夫之所

爲

孰謂堂堂之民

現政 等, 信 其 爲鬼爲 黨 如斯 子告密 而 不 府之所 若 蜮 此 敢 也 辭 可 則數 也。 吾鳥 爲 也 且 耳 彼 告 若之何竟出於此也?或曰, 黨幸而 乎擬之? 獨 惜黨人之名、 彼黨, 雖然政府之不容革命黨, 未 陰險之術, 推立憲黨之心、殆 握 政 枘 悉爲公等所 耳. 君等如 日 高 惟知有權 革命黨之於立憲黨, 敗 肯 政府應爾也。 據 要津, 屢 用, 而 國人之道德, 位,而不 則請恒用之,吾黨縱若何受困 作威 作 號爲民黨者 知有公義, 福, 抨擊無餘地,故含 則 恐將染於公等而成 其 治 充斯義也, 乃假 革 命 黨 政府之力 不 遺餘 忿 雖 窳 īfij 仍以公義 使 惡之民, 力 其父革 以排 者 思 異黨 洩焉 亦猶 海公 則 命 夫 公

等之罪大矣

國民者 濟其 憲黨人 有 # 羞 則其轉移、 耶? 異 以道德 立 奸 X 憲黨者 以 (I 雖然 F: t 其 也 自 其 文足以 標者, 效又 何 事 亦正易易。 則 詞 吾黨對於立憲黨則哀之, 中國 V. 至. 以 憲黨者, 佐其辯, 大 謝國 憲黨 今其如 庶幾 也 民 小人道長, 人之涼德有如 乎?夫化 I 团 台 術足以 叔 思數 季澆 1 而 若 劣 15 是也。 也, 訛 民成 ij 朋比爲 1 雖 不足以語 悪 此 或 夫其 俗, 或 對 有 者 於國 思 智者 R īfij 上君 猶 穢 道德之前 鳴 民則指導之, 善者 其弊亦足使風 呼! 德己腥 沾沾然自 欲以 子之責也。 也 學絶道喪, 聞 途庶幾 身化 不足 謂 在 爲救國之徒, 1: 以語 矣, 俗日 天下 Į 俾 人欲横 皷 羣之内皆以道 有 染於 善 偷, ·而有 多 使天下 if 則 而 所 流 不 國維 俗 救 效之, 幾何不輕中國 能 其 此 德 禍 横 以 ıfri 吾黨 競趨 相 流 隳 獨 竟發於國 維 使民 人 人 亦朝 於 立. 繫 憲 而 互 無淪胥以 途, 黨 則 相 家 夕思所 人中 激 其影響於 種 有志之士 智足 勵 族 以 馬

以

固

V

吾聞之,

合下

百人

ifij

13

朋

H

執

守

必與衆異

然

後

пJ

以

Ĥ

出

其

早

非

烏合獸聚之謂

江

言 有 長 其 憲 狷 留 黨 介 有 所 高 所 不 於 以 則 爲 未 其 何 潔 不 威 之風 之有 爲 中 墓 道 耶 將 m 夫至 夫既 也。 ? 固 益 然 其 不足以言救國乎 恐 草乎? 無 H 則 其 難 (或天 所 有 惡 固 不 所 德之多, 也 爲 不 助 如 爲 漢 何 猶 民, 丽 也 有 ? 亦將 即 iΕ 云 循是 自 率 義 進 光復之 涣 立 也者 取 有 憲之道 以 所 I 事 往 則 必 **摹之道** 集 爲 其 則 前 不 所 以 及 進 既 驅 之惡 救 Ŧi. 取 H 吾又爲 胡 中 德 稔 可 進 塞 或 知 取 外 又何 將 也 立 中 天地 憲黨 使 亦將 或 其黨 天 必 其 多 F 有 危 清 水 無非 人相 所 矣 明 . 之日 不 如 孔子 小 結 中 何 取 X 或 愐 今之 動 H 立 自 水 憲 : 而 以 L 固 黨又 人 中 進 耶 重 狂 ? 或 取 ൬ 豊 事 爲 言 者 如 立 遂 言 進 能 憲 僅 進 不 取 取 特 黨 以 能 惡 可 亦 其 問 知 狷 惡 常 德 而

無輕者

相

德 保

示

建

而

民無援

軒

轅之祀

忽諸

可哀

也

哉

汝之嗜 汝之 相 汝之 H 汝之所懷 汝之惡矣 不 狡 佞 佞 鼠 畏 陰 日 日 作 有 僞 利 咨 險 禮 死 是 以 孰 爲 其 豈 立 汝 有 究 則 妆 膽 如 不 H 憲黨 知 之德 好 汝 其 無 如 豺 日 位 名 人 械 鼷 狼 耻 ? 首鼠 徬徨 貪饕 志在 汝亡 汝之 言 醉 無 心 語 耻 取 愆 漏 之 兩 徙 無 富 我 人 貴 寵 中 尤 端 倚 厭 洩 或 爲 生不 哀此 性 爲 有 如 亦 海 鬼 民 H 死 慕 毒 之賊 無二。 之 爲 顯 我 如 僑 可 商 榮 漢 域 死 悲 民, 胡之 洗心革 輸 輦 策 棄 汝 勸 告要 其 此 1: 實 心 生 媚 昆 黄 議 虜 何 有 f, 穢 求 金 員 廷 弟 ± 面 德 ? 發言盈 其 代 戎 M 皇 以 惟 肯 力 腥 賂 在 除 狄 舌 乏 是 聞 照 淫 於 是 反 國 荒 視 於天。 今。 微 廷。 側 媚 豺 咲 其 既  $\Box$ 汝 嗟 嗟 虎不 族 我 懿此 我 行 富 有 爾 議 則 漢 諸 黨 亦 且 友 員 Ľ 族 草魄 食 詐 貴 人 汝願 大命 爲 視 投 奈 我 壽 ,惡人之淵 汝 IH. 甲 何 民 與 之 則 以 是 天 良 有 如 償 傾 惑 齊 遂 此 北

## 哀太平天國 原載一九〇七年民報十八期筆名信用

内, 戈北 時 ifij 摧 和 弛矣 之甚 義 攻 起 抑 操同室之支、 圖天不 人異端 東南 古訓 既 囂 指 憔 滿 典章文告, 者也! 悴, 威 章 然無復 輻 悔禍 -+ 鰄 無失 直 乃肆 有如 餘部, 固 薄 所 乃告無 幽州 被, 11 昔 宜 威 更生之望。 拱手以 當太 熟審 夏,二百 虐於民 劉 盡背乎古制, 大 弗啓其 悉已 邦、 罔不 敵 辜 於天。 平 滿 民 )囊括; 旣 朱 懷 心 州 鰛 成 當洪翁密謀集衆之日 大長, 建天 有識者 有 民用 元 心。 覆亡之禍 璋咸 慨然 皇天右 餘年, 洪翁矯偽於 欲以 京之後、 因 寒心 西北之民, 於是 踰 興 捐 固 於草 毒品 追跡穆罕麥德, 其 將大去宛平, 陸 我下民, 梁, 遂 内 西 知 莽, Ŀ 乎. 悖 方天國 政 太平之以暴易暴, 曹然自 出衡湘 方 ifij 既 楊韋 眷 反 從附 喁喁 世。 擾 之教, 顧 望 以 藉鬼神熒惑之説 軍令弗 之士 喋血 滿洲 適彼 南 於 刑 爲大功 卒使 [0] 政 南 略武昌, 之撫輯 於下, 苛殘, 以 黄 萬 毋 飭其 俾我 將 罔 龍 打 不知其 驚黎 之府; 蔵, 不 方解體。 防禦疏 邊豆 逐江 太平 網羅 維 和 庶。 其 羣 會 至 臣不 非矣。 玄黄, 天國 寒至熱在 將 以固衆心、 皇漢絶緒, 濤 周 心 自書 於外, 而 有 1: 計 肖 東下, 不 天王洪 史以 出 件 大 丕能定其 夫中國 延頸以待義師之至 抵 咸欲 此 域 1: 軍律 弛於内, 夫亦權 來, 秀全, 於是乎克紹。寧不懿哉 遺 出 建天邑於 於草 之民 專擅 Thi 黎, 14 可 膠 H 宏 养姦 權 篤舊 提絜英豪, 用 業 爲 執 無走者、 道矣。義 建康。 柄用 痛 異 不免於水 固 惜 遂使四 **宄之徒** 而熹所習 知 以相 旗既 誠使 未 當斯之 取 海之 則 克 有 化 乘時 揭 揮 我 在

狀, 哉? 斯 釣 固 **菹醢太平而** 必敗之道也。 治國化民 坐使西人爲滿效力、 大利未攘 罔 無望矣 浸淫於我民之心, 也。 庸 益而終敗 人謀之不臧 詎 當其初紀, 1 謬哉 不惜者, 不可不資於學; 大勢弗悉, 君子觀於錢江、 怙權而 也。 於此見 夫體國 即 天下嚮風; 及其季年、 衙張斯 不恤, 屢戦 雖婦 **豈無故哉** 亦曰暴戾難與 若滿若漢、 之矣 屢仆, 孺 猶或 王畹之策不行、未嘗 野 衆將不忍之 安衆齊人、 ! 嗟乎! 循心有力 知之 雖然, 事 資學術 圖大事、吾寧暫爲爵妹計矣。 彼固未 X 不 以義號召字内、 後之起者, 申其所志之 暇 平已矣, 可不資於教: 向使太平克慎於是、雖曾胡之爲滿作賊、 辨擇、 設官 不爲太平悲也。 11 VI. 以太平爲龜 法 愐 綏之斯 滿厄 日,矧以太平之奄有東南,據長驅席 滿洲之薦食如故 責 整軍經武, 慮無不奔走者莫與抗也 來耳。 記 在 載 人才。 鑑, 假其不然, 夷夏之防, 太平不曉懷遠之方、又 又當是時, 不足微矣;故老之言,身受目睹之 不可不持以仁: 尚 專 其覽觀所失,勿蹈其覆轍而已。 憑淺陋之懷, 我民之臣於索虜 西方哲種 敵雖有 欲措 競 夫豈甘心?所以 利 昧禮賓之道 通 復仇之誼 貔貅之衆 而互争者 升平之治. 捲之勢者 市東來, 又垂五

年。

斯太

平之罪也

有仁者起,

仗太平之所志,而易太平之所爲,斯乃軒轅氏之子孫,

所以託命者

哉

# 劉烈士道一像贊 原載一九〇七年民報二十期筆名運甓

嶽嶽衡山,高上造天。鬱勃輪囷,乃生異人。而農沈冥,寶愛其種。話言孔多, 惟夷狄是恫

嬰網維。嗚呼昊天,有恨如何!華夏式微,斯痛莫大。不能事仇, 風聲所敷, 君通其言。 起者如雲。以予所聞, 異域絶學, 君識其原。藏學相時,期行所志。所志伊何, 焉有劉君。 矯矯劉君, 志存攘夷。 即死亦快。 幼而俶儻, 剪除非類。 矧君雖死,尚有賢兄。 頗嗜恢奇。殊方朱 志不克就, 遽

速行君志,

庶慰君魂。 漢終不亡, 君名不死。

嗟我後人,

視此君子!

#### 大亂者救中國之妙藥也 原載一九一一年七月廿 口大江報筆名奇談 六

日漢

將至 大亂 無規則之大亂、予人民以深創巨痛,使至於絶地, 萬人之沈夢, 者, 男兒死耳! 41 長日如年, 國 實今日救中國之妙樂也。 情勢, 亡國奴之官銜, 行見人人歡然自戴而 事 好自爲之, 毋令黄祖呼佞而已。 昏沈虚度; 事皆現死機, 軟癰一朵。人人病 處處皆成死境; 嗚呼!愛國之志士乎 而頓易 膏肓之疾, 夫。 不自 此時 知耳 ! 其亡國之觀念, 是亦無可 非 救國之健兒乎! 已不 有極大之震動 和平改革, 可爲 然猶 既爲事 和平 極烈之改 上下醉夢, Ė 無可 奈 理所必無, 何 望矣 革 之希 不 唤醒 知 望。 死 次之則 或

位

故

174 期

萬

薪前 作 筆名一文中, 認爲詹大悲所 詹大悲, 回 六 9, + 憶 黄念祥 録』第二集 年 總編 宿於 约 變遷 案:大江報 亦謂 作。 輯 大 何 :I 書 奇談 又案 4 海 報 鸣 社, 於一九一一 文 逮 為先父之筆名 撰詹大悲辨 謂 捕 為該 北 文爲 史』第一期 詹、 報 作 詹大 年七月廿六日發表此文,作者署名為 何 此, 大江 \_ 悲所 <u>F</u> 人為 次晨 報 作 和 3 張静廬等撰辛亥革命前後重要撰 Ep 漢 D 保護革命 返 父 軍政 蕲 轨 虚 分府 智 報 同 泉、 纸 志, F1] 文 載 姑 均争 後 丈 云係 'E 供為 ,药 楚 先父 ·清 折 \* 此 談 黄 在 府 文者 侃, Kp 李 故 將 六 文 在 亥革 社

長

误

#### 太 炎先 生行

受經 改。 始昌 作 始顯名於世。 儒 者以 於清廷, 報 詆 室既深忌之。 室益忌之, 排 修 修 \* ^ 學, 國學 於東京, 清室 駁 言光復之義 ,先生 先 今革命之功 生 康 石有微言 又 初、 假事 故 有爲 嘗從 親國事 生 名學乘, 然無可 戊戌撰文於 非革 封民 先 癸卯 而 與鄒容判 克成, 仁和 徇 生至, 敏, 命書 浙自 奈何。 乃 載於集録, 愈壞 報館 字 譚 以 中仲修游 幼讀 枚 繁租 遂主 推厥 晚 ×, 村、 上海 叔 後革命黨稍涣散, 黨人無遠 禁報不得刊 其事。 又爲巴縣鄉 界獄三年。 報 所 ^ 東華録 傳於鄉之後進。 紹衣以來, 時 後更名 兀, \* 事 務報館, 文采斐然 孰非 略, , 《民報》之文, 1炳麟; ×, \* 逮之上 容序 則 斯人之力乎?始先生爲 鄒容死獄 去之台灣,又游日 . , 憤異族之君中 明夷夏之防, 志不帝清者 大憤 先生與日本 有所述作 慕崑 海, 黨之要人或他 《革命 先生受之、播諸 中, 將致 ili 思適 顧 諸 軍 先生以 爲先 諸 君, 印 政 \* 行世, 威 治《 府 大 度爲浮 生所 辟。 又易 訟 適 本。 左傳 丙 即 數 又撰文 月, 民報 撰 午出 而租界西人不肯移送清 立志 名絳, 屠 ~ 國 閔中 述 訄 人, \* 卒不得 不仕 館事獨委諸 獄 書 資斧困 發寶 世未 爲《 皆深切 ~ 國之將 東適日本。時 \* 自 蘇報 數 署太 進。 絶 勝 一篇 嘗 振 春秋左傳讀 峻厲 絶。 L 年十 炎。  $\Rightarrow$ 瞶 遂退 不能 先生。 蒙難艱 知清 七八 轍 力主急激之説, 中 浙江 足以 近 行 居 革命黨方 多革命之論 室不可 餘杭 日 如 吏,卒以 \* 教授諸 貞, 寓 本政府 興 戴子 數 從德 起 + 人 至數 爲治 人。 撰 曾不 高 萬 清 受言 游 爲 言 俞 月 民

學

文

又 渝 譚

# 君

國不幸衰亡, 不舉火,日以百錢市麥餅以自度、衣被三年不 學術不絶,民猶有所觀感、 庶幾收碩果之效, 醉。 困阨 如此, 有復陽之望。 而德操爛属 故勤 其授人以國學也, 勤懇懇 不憚其 以謂

侃記

餘歲,

文辭訓故, 弟子至數百人, 造詣 正未 集清儒之大成;内典玄言、 小有極。 可謂獨立不懼, 仁民利物、 閣然日章, 事方在於後來。 闡晋唐之遺緒。 自顧君以來, 茲篇所述, 博綜兼擅、 鮮有倫類者矣。 但取其繁於革命者, 實命世之大儒。 先生懿行至多、著述尤富 今年先生裁四十 餘不贅馬 弟子

## 補文心雕龍隱秀篇 并序

是用 知之矣 校 此 仍爲偽書所給 於舊 時尚得見之, 惜少徵 補之者 人笑詫, 之, 真 今本 仰 制 《隱秀篇 明爲僞 亦知 窺劉旨 贵以 夫 《文心雕 其辭 不勞 『隱秀』之義: 彦和 也 》之文 撰 11 旁緝 村 愐 點 詳此 然於 龍 引者 舊聞 至于斯?至如 · 隱秀篇 無待 補亡之文, 今本既云出於宋槧, 一波起 惟張戒 裁鎔, 詮明 作 ¥, 辭問 此 柳 出解 Ĥ 用字之庸 乃中篇忽羼 篇 艱 《歲寒堂時 始正 膚 節, 以 彦和 備 淺 何以 雜 ıfij 搴採 復 既立專篇, 末奇 話 X 無所 云 舉證之闊 遺 》 引劉勰云: 馳心湖 然猪 甄 此二言? 明; 純任 全 生.續 可知於文苑爲最 「朔風動 思 疏, П H 然則贋 然, 史, 原文明云三思合自 又不足誚也。 「情在 或見哂 秋草」, 彦和之宗旨, 跡 嘔心燬歲 辭 4. 於 要 斯 外 通 愈顯, 日隱, 朔字,紀氏以 人; 案此紙亡於 但 諸語, 篇 逢, 即千古之定 狀溢 不待 東竹補 簡 非由 俄空、微言 此之矛 考索文 H 《水 研慮 前 詩 元時 H 樂大 理 秀 盾, 聊 ıfıj 則 典》 是 宋 亦

當 以 ൬ 義 成 於隱也 存 巧; 乎 文以致 意不 彼 若故作才語 秀者 稱 曲 爲 物 貴 宜資 理 有 故 要言 弄 所 義 致 Jt. Ifij 以 1 III 爵 端 助 以 明 效 61 Jt. 以纖巧爲能 餘 功 言含餘意則 辭 行義 以 得當 11 以 ₩ 謂之隱; 爲 先 刻 略 飾 詞 故片 爲 意資 務 有 省 ii 要言、 非 减 可以 所 或迂 居 云秀也 則謂之秀 要、蓋言 其言説 然則 不 隱以 隱者、 恭 或 意, 腌 複意爲 11 الآء 心 故 於此 餘

之不 合自 武 至 聖 此 存 理 小 詩 鳳 ൬ 玉 ~ 若 之頌 篇, 左氏 賢 以 好 麟 乃蒙羊 艺 JĮ. E 則 纖 甪 禹 述作 然 解 片 旨 文 在 取 ; 興 更僕 拜 111 語 洵多 陸 存 ¥ 111 子 惟 昌 明 + 則 契定 乎 質 Ifij 隱義 文外 期 難 取 辭 微 繎 衡 隱秀之美易 以 草 许 伸 ~ 典 數 卒 機 木 聞 九 顯 虎 餘 Z 可 志 先, 象 笛 辨 章 不 īF. 皮 潤 爲 晦 文 隱 秀以 鑽 謝安之舉 過慎身數 表 × 恩多 述志 仰 是則舉 之 雖 刻 # 淵 馬窮 例 言 致 無鹽 塗附 或 紛 Eil 生 卓. 隱 秀 珠 絶 以 恭 藹 狀 假於 於爲 者矣 被話 語 之功 爲 细 《禮 琳 於 物 諫 爲 生 而 付 訓 瑯 此 西 馬 岸 IJ, 色 言, × 潤 塘 FL 111 f-不 11 標詩 非雕 旬毕 色 有 意 枯 H 許 或 IIII 館《中 標爲 嗟不 令升 舉 # 1 附 精 H 謨 染之 旨 韶 则 無 Hit 輕 所 宋 情 殊義, 語 以 以 夏 温 隱 彪 重 秀 FI 山子 Jal 之喻 降, 1 ·F 晋日 fil 於 秀之實 炳之文, 蔽 议 篇 比 紀 偏 以 重 余 明 摘 H 於經 無 It 掬 ti 以 也 1 1 11 111 有 》之論 傷 意本 雅 邪 隱 以 177 有 13 1 詩 秀 粉 然隱 乖 楊 名 有 ini 秀 故 音 i 淺 篇 蓋 黛之飾 雄 例 11 1 有陳 調 路 明 舉 誠 超 故今古篇章、 秀之原 情 ~ 書》引遲任之詞、祇 恐 此 越常 H 住 全 劇 略 例 亦 古以 語本平 解 德之異 茶 指 Ifij # 匪 也 送 言尋 宜 音 41 思, 嗣 ..., 後 今試 存 以 世 刺 鴻 17 創 則 今 然 本 庸, 乎 隱 包桑, 獨 易 寓 質 村門 諷 以 隱 之也 分 充隘 神 ^ 是 易 思 秀 徵 111 持 F. 狀 明 則 之以 溢 之在 傳 則 穎 揮 筬 尤 Ŧ. 隱 前 意 秀 脈 存 文 笥 偽 載, H 卿 粲 ~ ħ. 子 外 有 踮 廋 則 有 前 44 ~ 6 經 之釋 若夫 句; 難 登 重 言 考 水 章 辭 秀 所 1-1 帝 旨 141 彼 其 生 明 寄 秀 樓 加之以 之 隱 矣 書文 1 如 馬 事隱之文, 1 ~ K 思 唯 秀, 頌 離 傳 琅 之喻 [[] 44 所 此 歎 縣 H 故 華 不 獨 成 若乃 叙大 之盈 武成 知 消 匏 × 色 追 也 功 縣 依 妙

八之同

魚

藻

他

若

古

詩

+

有

九

章

许

含深旨

冰懷

1

1

+

首

悉寓

悲

思

陳

思

有

離析之哀

ΗI

浩浩 依 稀 情 洪 焉 於 流 黄 又 子荆 如 公幹 先 1 ^ 茂製, 陟陽》之章, 含卓拳 題高 之氣, 歷 用級 賞, 故 假 强、 圕 喻 爲 賦之青青秋 於 南 青 唱; 松 興 雖 蘭。 公 11 遠 《天台》之賦, 小 人 ılı 遐 之萋萋春 本 懷 難 草, 敘瀑 盡 昭 班 布 哲 iţij 姬 擅 之 以 場 粵 意 粤 逆 。彦伯《東征 明 志 月 亦 嵇 口 生之 得 ×

24

其

字, 塘草 以 泝 故 爲 流 知 生, 競 敘 佳 風 以 巧 事 言 叙 並自昔 盡寫送之致;景純《幽思 思君若 情 韵, 然 皆 勝言, 至今莫及 有秀語 流 後爲秀哉?蓋聞 水, 宋帝擬 T, 豈必 其 「連篇 音調 且其爲 流川 \* 藻瓊 累牘 ix 延年 秀、 敷 以寄蕭瑟之懷 等 不 疏 亦不 誕, rfi # 限於 原 月露之形; 詠古有 之 有 圖 菽; 貌 至若雲横 自 Ш 錯金樓 川, 寓之辭 積案盈箱, 摹寫物 廣階, 采 曹公古直,樂府有悲凉之句 月照 異 色 唯 芙菜 是風雲之狀 積雪 故 之出 所遇無故物, 王恭 吳江 波 隱秀之篇 楓落, 争奇 池

亦 n 以 徐 唯 先 自 然 伊 求 擎日 學 求 識 喻其 難 次 以 (甘嚛, 練 人 力致。 體 裁 古來隱秀之作, 要之理 摹雅製以 如秦 定智, 籥 誰云其不 課 與 天地 精 思 可 以 iffi 馭篇 罔窮 復 繼 哉 思等 然後窮幽 流波, 洞 微 隨 時 因宜 序 ihi 適 前 變, 進 野輪 綴文之士, 自 辨其

贊 意存言 表, 婉而 成章, 川含珠玉 瀾 顯 圓 方 苕發 穎 學, 託 響 非 常 F 金 字, 歷 久

### 法言義疏後序

困神, 無失, 好時, 陽作噩秋九月, 曾以疏稿數卷委侃平定 弟旭初, 九州麻亂, 李注本更加斟酌, 祗爲腐生,不亦誣乎?衮甫先生早治此書、中歲爲之疏證、已行於世。年過五十,隱處燕都, 以踐 學者失其句讀,迷其旨趣。注家自李弘範右道左儒,已非楊子之意,至今朱元晦疑其全出黄老 楊子以希聖之資、 皦然如晦之見明, 迹同陸賈之優游、豈知老託玄亭、以希楊子之寂寞哉 信有之與?楊子值漢道中微,巨君泯夏, 自力疏録, 宿諾 久乃以論韵承先生俯與商權,又以篇什獨蒙獎藉,爲之延譽。往歲避兵北行,數得請見, 雖名奉使,實等乘桴。辰告遠猷、曾無省録、譽滿天下,無過以文采見稱。世但見晚歸 後學蘄春黄侃 侃媿非君山之知, 改題曰義疏,以付上海書肆刊之。倭寇之樹,並稿本焚焉。先生溫志絕人, 歲餘復定、 謂所親曰: 則先生之心、後世亦必有知者,誠可無恨也。 遭五百之會,所爲《法言》、繼迹孟荀,次於經傳。 ,且命爲序,因循未成, 願執候鋪之禮, 「此書竟成、雖死無憾己。」旋即寢疾, 而先生没。 以容默處當世,以空文垂後來。先生亦值海水羣飛 撫斯青簡, 諸子吸刊遺稿 然楊子之書、歷千載而得先生爲之疏 如接音徽、 侃以頑質,弱冠獲交於先生之 未久畢功, 泫然不知涕之何從也!昭 徒以義訓奇低,文辭簡 旬餘而卒。 旭初 屬級語篇

用思

復取 記誦

### 十三經證異序

深, 付局 **對**如 饕 多則刊布非易。 深人心, 舉即先生功臣, 人終覺有所不愉。然則此書今者刊成,不可謂非學海文林之一快事也。夫以先生之作, 飫聞此書名, 以活 良金精 不可再得。 先正萬蔚亭先生所著書, 板排印, 他時播 璞, 雖隱潛 抑足以稍償景仰之宿願已。是書之宏美,曾君序中言之已詳,不待贅述。世間奇籍 亦未獲一見也。 先生没後, 行海内, 《證異》之爲書,又陸元朗以來所無之作,不及今茲流布,恐遂湮墜。因屬成烺先 而任子純專校警之事, 于巖淵,必有不可磨滅者。 轉相 稿藏其家數世。 多刊 前年來武昌,始從其家求得副本, 以 《困學紀聞集證 亦意中事。 踰年工成, 往者, 而爲之嚆矢者,必數此本焉, 然使棄而不采, 任其沈晦而 趙學使輯刊 》刊布爲最早,以 勘對嚴審。從此學者益一治經之師資, 《湖北叢書》,深以不及此書爲缺恨 念國學日以陵夷, 《十三經證異》卷帙爲最多, 不出 寧非幸敢?若謂流衍 ,誠無傷於金璞 如先生經術湛 犂然有當

豈謂是

成此

一簣,則吾豈敢?

#### H 知録校記序

慎、 清 諱至 冰翠堂、 滄縣張君以 胤 字而止, 蓋雍正 殷樹柏諸家印 所得舊鈔本《日知 記 時 人也 書法頗拙, 改字又多不當, 録 》見示,其 以黄 汝成集釋及刊誤與鈔本對校、則刊誤所云原寫本作某者、 題籤云: 評語時 何義門批校精鈔本一, 傷 庸陋, 必非何焯所爲 書前有光熙、 鈔者避 李

鈔 本類與之同 鈔本·亦多·完具。如卷十二、黄金、條、三江左三作「南渡」,則汝成所不言。卷十八、内典一條、「而佛氏乃兼之矣」鈔本·亦多·完具。如卷十二、黄金、條、三江左至十三揆。下,汝成案、元本有「以後睫至六换、而今又十三换」 於散者 之昧字: 如卷 既雨既遽 · 発爲口舌 條、 「唐高宗 二故舜之御臣也 之御字之唐字"游魂爲變一條、 眛 集釋中據原本及沈彤校本 補 番

今本案 本此下有 一其 傳浸盛] 四字,潘本所改、汝成未能删净。起"至。此從沈氏校本增。"鈔本正同 知鈔本移寫、 良可實也。考今本刊落有全章,卷二十八

内典一條、「而佛氏乃兼之矣」下

惟汝

1

刻

本者、

本徑删之一卷六「素夷狄行乎夷狄」條、今本存其目、 一左惟 條上, 有 狄行乎夷狄〕條、今本存其目、删其文、鈔本存文及小注數百字「胡服」一條"鈔本目次中列之"存文及小注千餘字、潘本目作方空、 有全節,卷四「納公孫寧儀行

八一朱子晚年定論一條, 考次經文 條, 一條、鈔本各多一節 餘字、卷十二、「助鮹」條、卷十一有數行,卷十八 心學。條、對本多五十餘字 可 遽 數,

凡皆顧子精義所存。今本既失其真、 而汝成雖見原本, 亦未敢言。録中論古文未正之隱,曰:「文

信國

≪指

南録

× 序中,

北字皆虜字也。」後人不知其意,不能改之。因歷舉

注中所空蒙古取宋之文,以爲有待於後人之改正與補完。竊謂

又與皋羽身之之書,出於自爲者不同。善讀書者雖可揣測

而

猶不 刻

世人刊 知,

爲魯公季漢之稱

 $\Rightarrow$ 

通 鑑

 $\approx$ 

古書,廋辭闕文,

以避時難,

訛字駁文,

與其小小異同,

無關大義者,

固可得而略也。癸酉二月二十一日,

黄侃。

使人知今本之失真,

其

亦顧子所許與!至鈔本

州多虞,秘籍復章,

寧非天意?侃得因以撰成斯記,

如親見本書之爲快,况於删削章句,深没其文,則更非親見本書,無道以知之矣。今清命已訖,神

《西臺慟哭記

中,

#### 毛詩正均贊

均, 周。 氏之義, 立例數十, 經, 不必言終;發言成調, 詩之取均, 日照丁先生冥心覃思數十年, 求古均者, 獨明成均之法者哉!誠歡忭贊歎所不能已者也。 則有均爲文之説, 稽譔 寧局於句末?且成均樂語, 以詩三百爲 其説,信而 有徵。 復何疑乎?昔沈休文徒知低昂浮切之殊, 參差相應。 掉 則。 **蒸王孔** 至老乃成《毛詩正均 然自 顧、 譬猶 珩珮隨步, 所不能上。夫詩歌聲律, 言語並蒙其名; 江以降, 但求之於句末。 而宫羽雜鳴; 》一書,據古均二十二部,以求詩句中之均, 誦詩三百,應對實覘其效爾。 其事相依。律之調均, 王孔始 尚自矜爲創獲, 綺組成文, 知句中有均, 而玄黄合采。知丁 况於先生遠溯 而推 不限於結 則文之有

## 書後漢書論贊後

未 既多, 慮皆 偭 語 亦惟去甚去奢, 須偶語 思規矩, 爲 取聲律 I, 膠執於宮商。 實亦文詞之臬極也。 自蔚宗善别宫商, 受侮不少」。至於宣 以長 臀 遂 漸 以調好吻, 韵不貴均調, (您尤,一 成四六之體。 以求合於本度而止。 益偶語 有其隆之,無或殺也。談古文者,以四六爲非,遂並議及齊梁而 聯詞義以織文章。 識 尼贊《易》, 清濁, 但劉宋以往, 出於自然, 斯又矯枉之過常,而非適道之通理也。詳覽古來篇 此猶古詩變爲近體, 沈休文繼之, 若必 柱史著書、 而對仗多由 昭質未虧, ≪書≫ 「磔裂章句, 而文辭之聲調若 則有 雖形態小殊, 刻飾; 尤多捶雙詞以成文, 故偶語雖多, 「平章百姓, 隳廢聲的」, 聲調由乎天至, 而波瀾不異。學者之於古處, 有定軌。 而未嘗拘牽 於對仗; 協和萬 晋公之言" 本天 而官 其 籟 簡, 邦」;《詩 後愈求 商或賴安排。 而 臂猶知櫝之 自記 爲 句, 諧 協, 事 Ė, 聲調雖協,而 斯乃經子之正 × 載 則 更以 言 非貴, 知文理 謂文章不 有 闹 修飾 苟非甚 觏 外, mj 関 偶

並 棄 其 珠 懲 哽之爲害, 而無 心於食, 過已。 由來、因言其利弊。以上論文中聲律對偶之 尋繹范氏之文, 雖多偶語,而 不 · 盡拘

句 讀 相類 雖 谐聲 律, ൬ 「則天」、 Thi 絶無膠 執 「美矣」, 舉 例 以 觀, 詞性不同 昭 然 пJ 察。 已下如  $\Rightarrow$ 逸民傳》 「長往」 與「 序: 感致」 對舉, 「堯稱則 天 「甘心」將「 武盡美矣」, 憔

仗 悴 連言 令 Ŧi. 雀六 燕 家 址 輕 重 適 同 蹈 海 也 岩 語 15 臀 不 響相 齊 [4] 殊 ; 亦 蟬 無 蜕 嚴 律, H 隱 致 Fr; 祠 福 性 無定。 旬 末悉是 非 如 侧音: 174 六之專攻 样 方 對

明 文, 便 於 吾 兼 諷 結調 族 以 誦 諸 所 夏 初 獨 亦 Hi 擅 緣 無 文 心 1. 響 論 揻 文 單 感 觭 要 體 物 取 者, 成 大 義 种 齊 宜 有 不 於 斯 聯 所 想 亂 此 察 以 之 彻 能 非 也 能成 心 偶之 理對 銖 庻 j. 1 # 度 浩 Hi 至 穰 1 於 Ki 11] 調 矣 [17] 常 均, 得 和 湖巴 齊 聲 ·聲·無膠執之事 上舉蔚宗文對語 是 律 可 則 之 致 聯 本 類 恢 之思, 或 人 情, 比 尚 ħ 考文章之多偶語, 觀夫 人 rhi 類 愈 琴瑟 所 撩 同 姨心, 或反 有 排 覆 不 比之 固 以 曲 能 相

瑞 流 旣 **설**管, 琢 馬能 還 反 於 廢 樸 斯 樂 語 臀 偶 求 之末 諸 鄙言, 流 誠 以 宜 調 喉娱 有 所 耳爲 E 飭 #, 令不 以 蹇吃見長爲是哉?以上明文貴 離宗; 亦當 專究前文、 廣 陳 古人 利 害 有言: 師 古 既 而

爲

聽

HI

ii

哽

介,

不

能

達

懷

故

絲

竹

有

高

下

之均,

官

唱

貴

清

英之響

然

III

义

辭

之用

以

代

語言

或

不 拘 爲 所 Ilij 無俚 役, 之夫, 趨 新 iffi 不 13 得 畔 其規。 肆 其外 若夫心不 來之說。 於是争聲偶之是非者, 能 知 Įţ 意者, <u>[[]</u> 以 憔 悴枯 不得 槁救 不同歸 對 仗之弊, 於收 矣。 詰詘 惜 夫!以上明聲偶 蹇澀 樂 聲律之 以 救之

見紙排聲偶正、而不必以成

# 跋 徐行可所藏劉先生手校文子注本

已盈期, 其家子駿、 爲德不卒, 培諸人, 幽居白雲觀時,見之道藏中者也。 **壬戌六月十七日**, 始欲藏其書於大學。 追憶平生, 宛然心目, 光伯遠甚,已足傷心, 舉君書悉付其族人。天津書店遂往往見君手批書籍, 行可持是本見示, 知君未没前, 循摩是册, 矧此殘編, 幸歸行可, 展視筐當上校語, 不知淚之何從也! 曾以未成書之稟數種付侃, 復何足道?君卒於己未歲九月廿七日, 使侃今者猶得捧玩 乃先師儀徵劉君手迹。 秋數 此亦命也。 劉君没時, 來書督索不可少稽緩 才高運屯, 所據諸 其書皆散 心喪之制 所遭逢不若 既而 皆其

俊

#### 金聲題辭

晋、 秋》 謗 猶 其盛也, 不足夥乘, 不足以窮文字聲音之變, 有餘閒 亦種善根 非徵信之史, 近頃從事於國學者亦多途矣, 魏、 金陵大學國學研究會諸 其衰也 梁、 以從 而野語童謡, ,謂其由 隋一乎玄, 事於此不急之務, 而《山經》、《穆傳》,視若秘典焉 新之一,果愈於舊之一乎?是未可知也 聞 歷耳、 唐一乎正義、 反若有真宰之存焉。 而古器物文之學代興焉 人 輯 終當醒悟也 其於國學縱少貶損之, 總之不離舍舊謀 所論著, 宋一乎道學, 印 予謂 以質當 是編之成, 所 以言乎經史, 新者近是 明 # 謂惡夫舊者, 以言乎文辭、 集諸人之所作, 猶愈於 乎制舉文, 取 **≪孟子** ≫ 雖然值邦家削 以言乎小學, 東閣 則《易》非性道之書、《書》、《春 惡 成文, 清一 其執一而不變 則楊、 而不談者 乎考證 弱 而勿畫其途以歸於一 號日 馬不足扶轂, 則六書之例,三百之韵, 民生憔悴之時, 《金聲 《内典》云: 也。 其一也。其盛也;  $\approx$ 漢一乎經, 韓、 屬予序

予之所欣然欲觀者

夫!

#### 咫聞題辭

或乃奮其私智,排彼異端,持簞膠以澄河,秉爝火以代日,亦已陋矣!今此雜志、 懸之國門? 尺短寸長, 綆短汲深, 陽生酉仲, 實懼非任; 伏暢達之機; 卦至否窮, 聊以充夫篋衍雲爾。 談微解難,或亦庶幾。 得泰通之會。世變已極,羣言競萌, 如子衿之懷嗣音, 無鄉校之議執政 一曲兼存、大歸斯在、 題爲《咫聞》, 八覽六論,寧敢

# 秋日泛舟大通河序

斯物 於此 深纔 懸瀑 鳴 以 施 深林 而 榔 所 東 悦爲 焉。 過 濯 元 欘 T 游 色 帶, 傾 所 鑿 巳 則 平. 行 層 安 是 霧 沙 行 1 闕 野 望 故 漆 清 絶澗 日 月 並 亦 鯈 疏 蕭 沫之裏, 汹 赤 而 居然有 届 湧 無 躍 凋 也 傳 # 存 瑟 殊澤 之圖 堨 成 網 剥 側 六 城 晴 脯 日 垣 **僮竪數人**, 響 披榛覓逕, 詠 國 柔欄 名爲 止 衆 墉已圮、 乃知吕梁掉臂, 江湖之想, 曦送煊, 渠 舟路至此 也。 日 (鍾會於 乍摇, 畫舫, 慶豐 亦號 加 未, 俄 勝 牐 自言能好於驚湍 而 風塵不 石人離立 畦埒縱横, 水淺渚 窮矣。 與曾 長岸驟狹, 則鳧雁 舍塵事之勞矣 區 者 此。 未足 起, 俗所 將以 東達 緘 多 梁側 鼓翼; 粱禾畢 稱 甫出 朔 謂 運 孫世 皆作胡裝 奇 有廬, 榜 石堨 1: 河 棹謳 人 量 楊 高 牐 水程四 當 技 闍 忠信 取物 出 登 兩岸叢蘆, 燥 去城 前, 發聲, 窳, 東 行者所蔭, 進歷 間 涉 如 野 清川 便 存薯蕷 + 門, 波, 拾地芥。 濤門數尺, 柁 色 八 举門, 彌望 絶希 里 則羣兒屬 轉屢膠, 徒 上平 至大 丽 中 飾 覽跳 近。 設 如翦, 遂買 灌木蔽日 歸人 高論 城市 通 Ŧi. 戲投以錢, 渠流徑. 跨以略约、 和 **緯曳而後** 牐 橋 珠之異, 荷鋤 埃囂, 小 艇, 變習 晚 泛 日 所 垂柳受日, 墟 直 以 舟 汎平 其家 就 進。 水木 停 抵 生 聞 初 應聲躍 常, 草樹稀 以 飛流 蓄 散, 慶 水不受管, 波, 問 罕觏, 吾儕以 豐 穹 涓 之喧 路 有自 則 諸 流 牐 色聚之。 人 舟製樸陋, 疏,寬劣容舠 滅没 、影滿 所希爲 來矣。 望之如 側水得福隆 故游者措意 取 其 奪途 有 便 水 舊名 鯢 如 11 轉 一而奔, 桓之 真 度梁 貴 漕 H 身 通

൬ 辭 冢 至 題 哂 並 拙 有 雜 賜 逻, 豈唯 碑 頗 文采 有 訥殷爲構孳子, 異 不 域 艷 人 書。 蓋 地氣 亦糞土難 而碑墓 陰 森, 圬 在 也。 左。 不可 豈女真-古來共盡, 上右 出 垣 名亦奚爲? 也?古爾佳 而 西 得 豐 縱復义 公碑 伸 濟 爲巢 倫 無 冢 媳 可 辭 託撰,自擬蔡邕 又 得 祇供樵牧

弄耳。 差類吴均; 後適懷 也。 日既下 苕飲之佳, 既達 稷, 向 西山 廬 何羨醇 在前 舟人已樣船 酪? 帶之以雲霞, 是時 以待, 昧谷飲光, 共苦饑渴, 映之以樓堞, 議寫彌 試水 厲, 村酤, 始知岡陵以 寒風激 萩以菘菌 水, 遠眺爲美 衣襦不 肴以 温。 豚 非心升險履 蹄, 余意在 仲秋説 屬 危, 詠 餅

竟忘漏 門, 與星 下, 野路逶迤 相 映。 短歌 既就 高 求苣 城 綫, 一不得, 聊令曾緘題之壁間 動 朽株當徑, 影 波間 良 往往 久, 期異日 駭人, 抵東便門, 再來, 流潦 未煮, 関 可考較迹。 牡已下, 履襪 盡 門者孰何, 瞑入舟中, 泽, 幸而 不令遽入。 得達,時已人定矣 四望杏靄, 改趨齊 人家

燈

然

日之游 良無足述, 然得侣 非 易 擇 地 亦難, 會 心不遥, 良辰 可 念 索流 光於交臂, 欣一遇之同

化

何必遐舉層城, 遠適蒼莽? 應悠然長想, 慨然高 吟, 余既有詩, 君 宜 和

#### 11 序

之心, 藝门 危 慕 微 者, 仳 扶老携幼、 期 離, 邦, 君 家 此 頤 也。 劉 亦有參 不 得全 凄然し 慚魂 竣 毕 畧陳 類 以 11 萍飄 君 者 視 差 爲 非 弔 序 mi 雖 墻 敬 影 幸 II 蓬 異 俱 也 比 面 通 敬 轉, 歷 通 本不 迹馮 此 唯 不 艱 知 膂 此 至 -税駕 吟 君 # t 干 於 衍 類 屯 文學誠 進 慷慨 力 事. 右 懸 咏 絶 剛 栭 無 亦 之節 時 俱 彷 誰能斥 汪中作文擬 也 有等 彿前 逢 劣足 余歲 老而 盛世 詩 1: 差 益壯 文 冢還家, H 缝 之! 金石 ☐ : 娱 1 若乃握 齊 劉 īfij 衡 君皆遇悍妻, 剛, 我不 門 然著 郁烈 劉、 徒 文辭之工, 尚 腕 .見分, 存夢 詠 芬芳, 依彼當仁: 書不行, 病已成 i.E 符之願、 并稱多 想 III 言從之邁 以忘 同 勃谿治 卷施 久絶 而 解人難 爲後來所慕。 疾 私 淑 夫 11. 饑 胸懷 久矣 窮 拔 何 惡死憂生 余遭罹 心 誚 敢 年 索, **迫於憂慄** 讓? 一歸蒿 差堪爲 余中 暇日 今之自 伯 余幼 世變, 道 少 之 繙 然劉 年 好 序, 里 承庭 比 嗟, 鰥 艺 尋 理, 則 處 終 狼 舊 訓, 六芝延 史, 年 聊欲 歲不免勞勤, 狽 永閎: 崖 過指 遷 罔 III 粗 修名, 流 長事大 图 識 重 瞻望古人, 獲 使, 省汪 命, 苑枯 免, 無 避地辭鄉 聊 文, 此 師 持校 未見 汪 寄命 樂生 不 亦 親

類

壽 往

其

遺之好

4

也

夷! 辭 理 其 曄 康 深 其 宜 詳 傳 並 喉, 性 蔚宗 及後 直 H 13 乃至 慎 頗 FI 臣位 愚夫 夙 疏 身犯 就 受枉 被 夜 范 元嘉 任 收 獄 不 匪 曄 太祖 Ŧ 過重 以 爲 對 懈 性 臨 没 召 + 刑 簿 疏 之 璞 t 其 横 詞 年 遠同 有 必 謂 不 Fi 被 階 H 多 憚 雖 日 所 怨 細爲 夏侯 泥下、 不 兩 始興王濬 懷 誣 級 同 今宗 神 孽 丰 知 悕已 畿之 以 卿 畫 朝 11 人 爲 室 腹 红 然 密 之鑒, 吟. 許 政 揚州 意嘗 必 磐 心 至 石 所 沈 其 青 刺 怪 休 华 钳 既 失之 4 不 史, 之。 文著 有 如 蕃獄 施 當 易 所 101 孔 行 理, 密 今檢 ^ 張 龍 及 以 熙先; 愛 宋 被 以 踌, 在 濬 殊 書 族 必 ~ 以 從 異 造 宋 理 易 設 以 × 覆 中 弱 書 此 使 mi 盆 獨於 察 出 彼 年 以 竊 • 爲 之 雖 臨 Ĥ 古 發 hil 人云: 曄 行 州 主 序 蔚 僥 臣 事, 簿。 宗 iE 不 × 倖, 成 謂 萬 序 容 傳 111 物 jţ 於 其 時 有 左 方 徐 明 竹 皆 順 父 此 鍞 事 洪 留 陽 手 委 屬 叙 便 范曄 之 察 卿 耳 It 據 來 13 1 H 雨鬼 天下 此 討 知 觀 故 爲 名 HI] 伐 約 賞罰 長史, 一之圖 深 其 細 心 紙范 更 璞 # 跡 F. 幾 恭 以 得 言 昭 何 氏之由 行州 II: 失, HH 然, 右手 請 而 遇 1,1 不 誅 事 既 特 微 辭 勿 誅 義 Iffi

誅 此 於 文觀 胩 濬 雖 E 知 親 沈 覽 璞 與蔚 州 事 宗 同 以 付 1 璞 ì: Ifij 又蔚宗本 蔚 宗代 管府 傳 2: 11. 及濬 璞則 以 爲 楊 史侵 州 官 未 親 政 嫌 隙 事 心之成 悉 以 成 於此 11

莫見

It

際

也

1:

職

1

年

神

州

大

治,

升爲齊明帝設宣南朝稱揚州日神

城州

郡亦

公見

表任

H

無

謗

贖,

璞有

ħ

馬

+:

车

范

曄

坐

事

13

不幸蔚宗横遭荼酷,璞乃有子能文,奮其筆鋒,獻歈枯骨, 使一朝良史, 受屈千秋, **目睫之譏,宛** 蓋義 康縱 爲

諸市朝, 范》一首,於蔚宗冤獄爲之平反, 不惠,持校二凶肆逆,比跡商臣,孰重孰輕,斷可識矣。道真助逆於前,送欵又後,歸罪司敗, 如自誚。 然道真沈璞 黨同賊子,身伏刑誅,政使蔚宗移弟作君, 何所稱寃,而云:「横罹世難」。孝子慈孫,百世莫改,豈謂此耶?近世番禺陳君著有 而休文奮筆騰誚之由,尚未搜及。因讀范文,感其身名埋没, 猶將以五十步笑百步。

遠申

肆

等秦初,

故作此篇,以告同學。

# 日子建洛神賦識語

放 使植 冥婚之誚 《七啓》之摹放 效者甚衆 意 祝 事 舞 披羅 迴腸 記云: 1, 留 在建安 已下 即 賦 放 守 麗 序 衣之难 傷氣 人一, 鄴 横 明 縱 也 相如 耀 造 復 九年, 賢王秉禮, 言 事 筋 戒 魏 乎 璨 已下 骸成 之日 枚、 實 東阿王 則 越北 若 即 甄后 賦 諸 白 放 感 《美人 就 也 以 傅諸人也。 沚 語, H ~ 宋 見 孙 有犯上之嫌。 初 神 E 吾昔 納, 往哲 玄服 漢末求甄 其摹擬之迹明白可 # 過南 對 即 女》之夢 ×, 照 楚 放 已加 即在 爲 屋梁 岡 E. 其謬 平子則 頓 好 神 振繡衣, 逸女 次年 丘令, 事者必求 已下, 女之事」, 徒助 婦人 以 諸語 也 魏武之精 賦 游 《定情 年二十 既不遂, 也 也  $\Rightarrow$ 即 被袿裳」諸語也 魏志· 談 尋 記又云: 其事以實之, 放 如 摇 與御者問答, 尋審篇句, 穠纖得中一 明 大違名教, ×, 此。 陳 太祖回, 珮 汝今年 思王 伯喈 蓋自 豈得縱使稚 飾 黄初 則賦 宋玉 於是造爲 植傳》 鳴 大都寫 諸 中 與 亦二十三矣 甚無謂也。 玉鷺」已下 即放宋玉與 語, 一《高 Ŧī.  $\Rightarrow$ 忽馬縱體 朝 官中 ,十九年徙封臨菑侯。 兒與兄争色?作記 静 放宋生, 即放 情》 唐 「感甄」之言、 郎將, 帝示植甄 × , 子 今記李注所引 E 也; ○神· 穠不短,纖 問 而加 已下, 是則 植甚 建此篇 答也 女》、《 后 背下 以英詞 冀州 不平。 玉 即 者 使甄 鏤金帶 特踵爲之、 陵 放 不 記文, 翩若 登徒 高 不案年歲 初 Ł 太 Ψ. 后 宜 藻 祖 驚鴻 案魏 幽 》之後, 已下, 耳。 諸語 高 征 匡正 陳 靈 殿 武 植見 E 如 以 也 其 諸 定 年 其 廣 即

帝 建 誣 加 居 銘 身思 以 朝 年上 改 年 竹 乎? 1 成 以 於 F 封 長 帝 不 應韶 國, 卓 感 諱 國 雜 甄 過 甄 不 論 其 尊 諱 據 城 氏 甄 L. 賦 覺 陳王 爲 謬 親 救 N  $\approx$ 陳 惟 此 責 侯 謁 泣 此 過 曼 目 fi 平 者 而 諸 躬 後明 乃有 之盗 也。 定從芟削 文 當 不 餘 刀 灌 文 疏 君 闹 在 遑 篇 鋸 年 X 均 是黄 文 又 不敬 帝 斯 嫂? 之加 立爲 4 疏 希 不 中 λ 題 轉蓬之歎 副 見 事 Ħ 指 太 之科 之, 之 藏 又 篇 但 7 初 甄 於 於理則 何 復 奏 留 題 詠 内 寧 Ξ 城 特 外, 改爲 年, 植 洛 篇 it 有 15 Ē 宴 神, 召 便殿 改 Ú 醉 飲 伯 非 太子, 言之晰 若 其 是 悖, 抱 其 直 E 喈 ~ 洒 洛神 文則 當 表 題 削 則 晤 釁 年 悖 173 歸藩 言, 之於 號, 讒 朝 慢 賦 藩 植 於 以 示 諱 矣 文 赋 事 X 京 枕 遠 青 示之褻 交構 裏 篇 » \_ ° 劫 查 仍付 又 以 師 衣 莫 鼠 曾不 録, 穢 刻 科 乖 植 如 ार्गा iffi 殺 L 聞 肌 傳 使 深 表 ൬ 物 古 青? ! 持 案 骨 刻 不 案甄 張 裏 IE. 出 賜之遺 骨 載 H 躬 在 Ú 肉 招 題 同 ^ **造**調 防 帝 有 后 甄 景 植 相 則 度 齊 因 傳 東, 則 追思 卒 初 嫌, 尋 2 直 患 可 后 之年, 於 愛其 珍 街 ~ 請 騰 非 > ൬ 衣 文帝 罪 洛 黄 裳乃 他, 率爾 戾然 治 不隱 妻於弟, 誚 罪, 慰其 戾。 景 神 初 麗 賦 初 敝 苛 成 詞 明 以 傳 借 年 帝 帝 君 中 矣。 妄 待 V 令子 如 示 遠類 念、 此 題 之母, 人 [ii] 又 自 以 六 遂忘先惡; 后之名, 月 間 撰 其謬二 生 玄 稱 太 建 歧 篇 此 越 君 后 繫 耳, 同 録 之瀆 X 故 假 幾 E ihi 非 植 懷 符 之讓 獨 也。 興 前 ~ 贵合文 令子建果 著之篇 前 佳 貶 陳 傳之後祀 則 怡 魏 亂 粟 泰 俠 後 布 爵 思 兄 在 明 記 意 所 詔 題, 之 消; 安 情! 理 親 又 封 F 自 追 著 書, 鄉 EI: 絶 Ŧ. 傳 Ŧ 念古 見 有 賦 狎 此篇 則 侯 恒 後 × 蓋 昵之 臣 黄 來者 子 情 對 陳 肋 聞 今令子 頌、 等 Ħ 初 遂 相 詞 絶 四 年 明 身 念 束 711 亦 如

Ħ

姓

名

自

貽

明

矣

而

記

如

此

其

謬

四

也

總是

四

謬

而

陳

E

心

迹

於

以

顯

明

或

《洛神》乃思君之辭, 此又好作腐談, 求之恍忽。 夫閑情所寄, 涉筆成篇,古今文人,類有斯作。

何必指《楚辭》之荃芷盡屬懷王, 疑風詩以榛芩遠思佛國哉?陳啓源以爲毛詩西。今謂《洛神賦》但爲陳

王託恨遣懷之詞,

進不爲思文帝,

退亦不因甄后發, 庶幾言情守禮,

兩俱得之。

五二

#### 童 先 生 表

氣芯 柏, 祥, 卜乎? 予讀第德所爲文, 恩者也。 第德以古文辭教人、 施於人, 童第德, \$ 育 張 立埏 ·肯稱 能形容全德, 第 而歸 勒銘幽堂 先生 穀、 大溪 道 名不出 今世 烏庫!壽天窮達 功 洪 第 亦有 諱 於 ilit 稱 爲 流 望 天相, 周 t 之能文 日 郵 平鄉 陳 賢 奇, Ų 其 俠, 言赤 质 訓 第肅 間 亦俾後之觀斯丘者, 行, Ш 尤謙抑, 域 (者也, 樹庠 丽 IF. 讀其文即 E 爲 宫之左 阡 後先生一 清 堇之山 恥其 作 其 第德, 澄 不 而 字, 家傳 如 叮 四 又篤於行; 先人墳墓儉約, 明 温 先生 鏡, 側 必 由是觀之, 之師 余爲 狀 歲卒於戊午年九月 者 然君子, 峰, 之德可 字梅 也, 遺詩 如 幽宅之佳若是、 覆甑 儒無 北 芳, 單. 深其景慕之心, 數 京 積 既偕兄弟葬其 人之求 椒 是先生義 X. 不 首 大學教授 知 鄞之童 -稱道其 遂大起冢舍, 嵐氣隱見 有 也。 孤 秀, 報 載《 先生 没 學也。 四明 世 行時諸 一谷人, 其下 方之教也。 十三日, 直第德兄弟以 修之身 、考樹庠: 名 以 清詩 生也。 沃 鐸 積學棄諸 知非原氏阡比也 卒於丁 山者 遣諸子游學四方皆有成 與 開 野 ili 大致 年五 名彰, 先生於鐸 道立表、 略 數 冢地 百 **>** 先生之葬 生, 聲稱 + 爲 畦 巳年八 赤堇之别支也。 幸事, 獲之適然, 不易 余因第德 署日 又不及中 111 以 春時芸夢 之理 榮 也, 月二十 實合葬。 則 其. 微先生之德, 南陽 爲文以記筮宅卜日之 請 也 親 慈 其鬻者即 身 谿馬开 1 作 爲文 許 BF-環斯 先生 子五人: H, 花 而 然無漸漬薄俗者 殁, 必 享年 以揭 爛 有 詳 Fi: 其 馬能 故澤 以 其族子嘗受 道 志 如 苔 nſ 四 於墓 矣 規 第 以 其 散 + 曹 、世系、 無非 慰已 無山 得此 金 H 鄞

松

香

有

縣

九

# 孫翊謀暨妻某氏合祔墓誌銘

學也、 夷, 無不 望門 始 身, 淵 謹 敬 m 可 創 默 Mi 净 德 而 居 井 不 捕 不失之拘: 淚 日本 違, 懷 諱 遠邦 日 戢 知 以君 張 方 某, 慚 影 新 毅 村 傷 打己 藏 而 主之, 東京高等師 勞而 较 病 綿 胸 叫 謂道 雖美 字 臀 熱 极 不忘故、 無怨, 重而 翊謀 人 Pol 遂 擘畫 競心 先以 修齡 譽日 懸 4 故 旅 儭 薄 쐀 不 鄉 規摹, 長沙 斯古 擇善 促, 章, 失之緩; 範學校三年, 雕 空 粝 屼 黨 爱采 趨 不 人之庸 運嗇 ागि 人 名 鄉 而勞謙 亦不 揚其 綿 尊所聞, 至今承 也 ľį 莊 nij 其待 後 名豐者已 珉 周 肺 11 日甚 收 喪 íj, 名 疾 難 脩 妻 用 人 隨曹卒業。 旬 先行 也, 月 此 實漓 井里 儒 益 以失火 業, 亦不 銷 鼓 雙 以 没身之日, 而後 辭 盆 棺 勤 俗 難浴 遭世 以忠 君 势, 危 何 並 之所難已。體素堅强、 民國 i 引外 則 益. 例 其 较 厚化輕浮, 以 承之。 E 亂 彼 打子人, 寫 年三十口, 汰華 去職。 梁鴻 深恨 胤息不立, 年 萍浮異地, 校會弔, 人尚浮囂, 歸, 始爲 偕隱, 脯 存實; 銷 復主小學, 以懇誠消 爲武昌 卒於武 諸 惟善之爲, H 孤女主 生 歌丘 童稚之生, 其治事。 竟以 楚士 初無疾 噫以 文通 H 猜 高等師 喪歸 一剽輕 忌, 居之數 喪, 忘身徇 傷 也 行 妻某氏, 懷 怒者睹 範 狄. 帷 的 扈養之役 科 先以 年 帳 早失二親、善事繼 顯者亦衆 物 校 屈子 科 凄凉 惟好擊鞠, 熟慮, 教 淑 顔 遂終於此 舉 致此 11 遠 慎 既 而解忿, 游 門 温 **敂**奠靈 廢 持以 披 附 庭 君獨口 麻 奏 蕭 調 屬 游 恒 訟者 其爲 九 111 學於 瑟 亦 可益 几 母, 57. 韶 有 居

不勤劬, 誰不死,

而又何悲?

道不可隳。世以爲笑,不以爲規、藏此深心,欲訴何誰?烏虖!長夜曼曼,太古不虧,人

# 清故國子監生蘄州黃君妻蕭孺人墓誌銘

守節 夫疾、 兄爲 E 没 以是不得姑 焯爲 就學校、 良奥之家 育其子女, 以 H 其 有子 世 撫嗣子, 余都 胡 謝 術 父封 常受 同 授余 兄年 過 焯, 蕭 以丁 祖 講 意, 楚毒 兄弟 焯漸 甚惟 中憲大夫吉雲公諱 公以青儒教授里中, 俟余 後 能傳家業、 甚 嫂因 913 亦年七十而 八人, 畢 長 十七矣, 兄以爲不善承歡, 色 捶 來南 業武 炊, 和 無 反 怨言 側 令其從 昌第二 夕則 諸 乃令之起 京數月, 今於 終 嫂中 本 外祖學 待嗣 去其 以 有 其葬, 獲旌 三人 1 凉水雜飯食之、 痼 雲鴻之季子。 子 久不 疾 有 餌 山大學, 素履 無加 最 如 將 歸時 辛西 常慮 求銘 相 所 11 從兄毓 11 見 禮馬 生, 稱 捶 不 學者稱 於 述 11 得稱文學士、 余 芳, 余教於 得 111 年 以手 語 見則 母蔣 永年, 六 夜無 燈火 伯 嫂執勞事, 1 微焯之 悲喜 字日 兄 持占藤杖子 H 惟恐授之未悉也 武 恭人 遠軒 餘 喬 E, 以 科芸. 第早得 mj 性嚴 先生 請 终 者數年。 焯 嫂故善煎 而嫂年已逾六十 焯乃來: 朝夕勤 屬 厲, 余 嫂 没時 心 余亦 從 兄 錘 疾 就余、 il 嫁其二女 焯之孤 劬, 愛嫂, 當 年 喬 和 兄敬憚之 是遂不 余性 有 74 菜早 卧床 mj 兄久而 述 + 授以 僅八 F. 矣 Ì. 教之敕備 也 174 # 死, 制 復再見矣 年 嫂始來 每河 濤珍 戊辰 城 念之。 小學經訓 嫂爲 嫂同 嫂黄 乃 適吴、 卒, 尤精 斥 原膳生 嫂刻意儉 。年二十來歸於 梅 縣蕭氏, 小時, 謹 焯 侃 先產二女, 趙 嫂廣 教於 是 氏 粗有家法。 時 嘗親 葆新 嫂 適 濟 時 重寡言笑 賢 州 坐 南 陳 約 饒 入厨 旁督 久改爲 京, 氏 晚乃 以 最後 九 Ħ. 間 爲 鞠 H

嘶 甫 家 春 行 試 縣城 illi 中 疾 復劇 面江 末幾 背湖, 病 家人以 店 被 距吾家大樟樹之地百二十 餘 追信致婚 1 愈 益以佗疾, 行抵下關、 焯方乞假養視, 里 待舟一日, 焯以嫂篤老, 達縣城、 嫂慮其1 不復迎至 、廢業, 則嫂已於前二 南京, 强起飲食,督之赴校 遂暫居於縣城 日没矣 及焯

喪歸 余少 時居家日 舉族 來用 1 無不 從未聞 敬息 其大聲語 嫂素無 世 疾言 人生固不能盡 遽色. 待人煦煦然, 如志, 嫂辛苦畢世 雖卑 能養, 蜀 偶 加 以 陵犯, 親見其子有成, 亦不欲 晚望孫 報 賢聲 以惡

播 ihi

族

年六十

九

乃終,

此

可無恨

惟是距

京

百餘里

而客死,

有子

而

不

獲親屬

純

焯數生女,

此皆

嫂所宜以爲不足者、

抑天爲之也!嫂生於清同

治三年正月初

H,

卒於民國二十

年九月二十日 焯得吉壤於宋家山之陽, 以癸酉十二 月二十五日克葬。銘 日:

西 面 正衣戒 無違 盘棒 至老胡 所非 有子成立慰其悲 生必有死名豈衰? 管冢爽塏 後其

#### 附 日 則

里 娶 嫂 H 115 婦 廬 名 粥盡,惟 家女、極 深 焯 不得 夜 得焯電、云嫂蕭孺人以二十日歾於蘄 從皆 不謂之客死。又抱孫念切, 嫂刻 恭懿、初來時、不得於姑、五 廢學、焯 苦 自勵、晝嘗一炊、雜以糠覈、未嘗求人、 以 嫂賢,故得 不廢。 臨老無含飴之樂,此 元 今得見其成立、 # 母敬、 城、年六十九。焯二十日始發下關, 因之亦不答兄。 事爲其所歉 可不 亦吝於施予、宜也。 恨 三十七, 後遷居 余同堂 城 中, 乃生焯,八歲而 嫁兩 是未及送終 八人、諸 雖居家裁逾百 女, 爲焯兩 嫂中, 也 孤

堂長兄孟蘭妻趙,以節孝旌,長兄人鏡妻饒,亦有賢行,此外, 則蕭孺人最爲可敬也。婦德不

舉一門爲例,而天下可知也。

身執勤苦, 小心恭儉以濟

其子,卒享壽考,優矣夫!

出閨門、宜易成就、然賢者世難多觀、

五八

#### 謁 母 墳 圖 記

乃云 堆, F 若樹 渡此 螭堆黄氏 悉是三百 包 茅 桜 以 į¥. 重 表 嘶 1: 對 年 谿 水 黄氏 隄 蓋 物 孤 rhi 111 脉半 111 1: 始自 水 隄 清邃 内 醇 里, 11] 然高 廣 ri iI. 西 陂 松檜 舉 錯 佔 1-籍斯 芙蕖 梦映, 以 里, 腴 陗 壤 地 (滿中、 不 谿 11 nj 水 良宜 有信 有 1: 清 小渚 豫 泊 聚族 樟 Ili HI H, 螭 4 Mi 堆 潭 繚 居 是 以 也 屬 者矣 其 雜 周 望 初 植 111 tri 祖 槐 麓 有 精 柙 扶 水 鷹、 鄉 疏 11 X 四 循 東來會 謡 池 布 Z 東 洗 俗, 走, 於 心 閣 是爲 以人 nJ 得 + 表 黄 闡 寒泉 白 氏 水 地 祠 與 步 及其 幕 谿 倚, 其右 西 前 所 有 11 直 樹 在 市 相 蛅 深

幕下田 其 脇 北 谿 先人相宅, 舍 H 闸 庫 Fi 隘 爲外 重 域 峻 藉 任. 削, 以守 碑 111 之陰, 崇三尺, 家, 與螭 堆 Ш 前有三丘、 隴首長 齊  $\mathbb{H}$ 數畝, 自 松 爾 販 问 有 圃 商 馬我 1 μſ 有 相 屬 隄皆樹柳. 池, 丈 其前谿袤十 右 ŀ 爲 章丘 覆冢兆、 墓前單椒 T' 里 有 母 周 璇環可睹 如 斗 羽 孺 蓋, 人墓 入谿脅, 在焉 升虚 俠谿遠阜,青 隄則 反 望 曲 盡 74 矣 背東, 便見吾家 蒼嫩天 水出

詩曰: 時 既 寤 既 1 葬 流 悲 豈不 傷, 鼠 東 神 懷歸 至於昒 夷 靈 聽 從, 恐 H 遂 畏 此 不 意 # 得 母 因 之潛 請 返 H 鄉 沙 門 魂 里 1: 每念斯言, 曼公繪 先 睠 人 懷 冢 爲 售 墓、 是 地 圖 所 以零涕 日 粗存較累, 溘 死, 沾 衣 也! 復 ηſ 藉 不 以 能 用 朝 黄 夕顧 侃題 寄思 依 母 泉 守斯 記 下 旧 望之匪 墳: 宵中 曾不幾 魂夢、 遥 遠則 時, 恒 違 來

是 患

Fr.

遠

游 先

# 弔汪容甫文

其儕。 偶揚 瑟傷心, 至其中懷覺狹, 也?嗟乎!以彼俊才、加之高亮, 宜無所悔 頃 若乃遭遇屯迎, 尋汪君遺文,爲之永歎!夫以奇才博學,妙解辭條,情均相宣, 自文術之衰, 斯可爲潸焉出涕, 然觀其自序之辭、 見疾時人,身與祻親,窮年憂慄,既昧任公飾智之戒,徒懷叔夜嫉惡之心,顛躓 於今千載, 流離世故, 憤懣難平者已! 斯人既出, 託身記室, 隋珠和壁, 良多菀結, 首翦榛 異代知珍。 屈志斗筲, 伊憂堂下, 蕪 所謂闇合前修, 當其生時, 悲歎穹廬, 斯由時命之艱難,未可責以廉貞之節 豈執操之不純, 獨罹阨困, 至於壺飧感義, 俛貽來則, 質文不掩, 風 若云隱秀, 亦世途之過險 聲不泯,

也。 無待 罕見

以

#### 先 帥 劉君小祥奠文

上天 沙 Ani 遠興哀 投文請海 111 好文字。 時相存 137 年 IH 未及 庚 1 始闕 必長生? 年壬申 據圖 雖傳 酹 n 奔喪 别 數 23 [11] 日往其門。 堯典 不 彻 त्रां 刎喉, 智士 朔 悉 沙 曾不經時, 誠 聊將此 榆枋鳩搶、  $\approx$ 疏 今違練祭: 入棺, 顡 亦負甄 越六日戊寅、 H 因觀之子、言笑欣欣、齒雖相若、道則既尊。我歸奉親、深山 H 所 值 捨 遂成 悝 天池鵬運, 小大雖殊, 各安涯分 文獻俱喪 韓非。賈 夫子, 始辨津塗 解我悲情 學豐年嗇、名高患至、 永訣 變態百端、天諒人猜。我滯幽都, **君之絶學,《春秋》、《** 弟子楚人黄侃自武昌爲文奠我先師劉君 訊 嗚呼哀 悲哉· 始聞 E 鹓 小子, 凶信 肺疾 如我夫子, 纏綿 得不面牆: 以詩表哀、 夫子既亡, 斯文誰繫? 周禮》、纂述未竟,以 **豊非其一?尚藉鴻名、慰斯** 知君 于繙繼簡, 恩德莫偁, 不 機槍東出, 永, 數得相 欲慰 臨文徘徊 游泣浪浪! 無辭 見 大野麟來, 嗚呼 丁未之歲、 敬佩之深,改從北 斷 心焉耿 徊 順 歲序 幽室 鄙 晦遁, 嗚呼哀哉!賢 羸軀幸存, 局 始事章君 周, 耿 促 111 風 則 猶蒙素 我歸武 塵 )j 師恩 FL

庙 望

## 劉仲蘧哀辭

就黄 H 之西流; 不可居分, .乃今日 爐以息煩 歸 噫 Ifij 乎人生之多憂兮, 感斯 迷路 ihi 予馬用此 知其 宛分, 民 之病毒 H 欷歔兮掩袂以 很假! 矌 悲伊人之不辰 千載 分 #4 俗之迫 mi 予獨愉樂之可差! 聊假日以游敖兮、 不欲 反 觚 分、 一遒分 牆 飄摇 獨離 兮魂魄營營而有所慕, 鵩鳥翩然下坐隅兮, 告夫君以 懊獨立之無儔兮, 困於陽 怫鬱分深藏而 登蒼天而遙望 九 紛飄流以播遷分、 雖須 誰 語 與曾不 望分識故國之爲丘、 旁皇兮徘徊而不忍去; 11] 衆狂奔 以留 以横走 何 才士之早天 再望兮見夕陽 悲憂窮鞠 13 其故; 濁 世 其

1. 加 Hi. 分道 悲世 默深 11 途之迫 遼遠: 何爲兮獨愁苦?靈之來兮歆椒漿, 湛兮思鬱紆、 隘分, 命巫陽分子 黎相 感物衆分貌不愉" 擠 魂 於中 修門蕪分魂不反 地; **腓智巧之爲患分**。 形神 跽陳辭兮君毋忘, 逞志意兮爲樂方, 離分將安居?歸其它兮古爲徒 靈之去兮乘雲車, 將遭命之難 避 登九嶷分覲有 燕雀飛 秋風寒兮楚山 萬千歲兮何遽央! īħj 虞 奮 吭 哀下民分淚 分、 鳳皇 晚, 之 1

乎枳棘: 然分 紀飾游 况於今之 於深淵 周 Jul J 分 惟物情之不可必分、 神龍求水面 不得 **然先民之據德** 夫燕雀鯢**鯖**且自姿兮、 寧溘死以 宜鳳皇神龍之失職: 11 臧分、 守中道而 不式 覽前 ılij

微 繁其 己形分: 又思知 夭枉之非 福 嗟余生具 int. 孤分、 獨思君 ıfij 惟惻!

Mi 去分爲樂康: 集芙蓉分爲君裳。 人間世分長相心: 国瓊紫分馬 11 魂有情分來我旁、 粮 騙飛龍分爲打 獨夷運分吟青 軁 桂枝隕分秋風 游 H **暆兮楚山脊** 

11

#### 念楚哀聲

1. 14 余嘗 歷月 疾 加 1 111 禄 於 加 知 十九日 唯此兒 mi 撫諸子 + 146 弟 K 湖 1 地 基王 129 悶絶 際 護小 弱于 形 7 亂定 骸 既 144 愈 阁 H J. 最 無 īħj 淹 111 50 兮喪慈母, 時, HI 不幸耳! 絲 初. 困 始 Ti 世! ni [+] 生. 子 横 F 從 H 毫 既 肥 原掠於屋 來於 耳則 倭醫 不 久, X 诚 輒聞 適 曾未浹 女七人、 人 人實 潘岳 向痊 求 以 法源寺前 ifij 生早歲 後 Ti 此 則 樂, 來 E: f 旬 有 爲之分, 澌 余以 醫云: 兒復患 141 道 母 絶 寒泄又作 湖廣 之爲 俊 It 赤子 偏 忽患寒泄、 倘令其 孤 先期未 Mi 死 微汝不 耳 義 也 啼 時, H. 貞 何辜 無 行 母 傷 t: 僅 沔陽金開榜墓之左。 母之苦, 余視其 何 顺 不 羿入 不亡, 瘥 存 壽 謂 同 罪我 割 舉室 右 眠 : 汝 劇 醫 曹 膚 W 男 有形片樂分, 疾不 鞠育 院 匍 見局聲相 之尤 命 劇於無 枯骨露, 曾 女 更 伏 地 無間 以 經月 遜 可爲 , **嗟乎** 我, 道, 1 父 幼 應 略存: 如俑 時 兒念楚、 乃令汝 雖無恙 越三 汝苦何厚! 冀以墙壁禦烽火; 我昔十三, fi. 月 孤燈 人 念割之或 形、 11 嗟 日,乃爲辭以傷 乎, 17 1: 是 周 以 1 饑 先 至. 知 旬 IL 日卒 生 尚何言哉 即 成 無 尚 飽 未 我 遺掛 幾 城 失 V. 生 叫 不三齡兮, iffi 傾 望矣 生. 1/1 節 Ľ 嚴 nl 此 陰 驟 住 初 也 椸 寒燠 之日 遂令施術、 兒濕寢終日, 有 無 兒 iil. 戰 疾 曲 何嘗 H 失 病 初 殤以丁 今思之,諸 亡妻之殁, 凄然 茫 何 時 災蔑 不 病 託之傭 至殤 彈丸 酸楚零 已八 奏刀 余每 寒

與命争

分,

以久:

我欲

11

不可問天兮、我之咎。從母於冥兮、

水相

守

汝母哀汝

14.

我

呼

奈何

悲來如

疛 枚! 在

下不 從也 相與曳而趨深谷 諸夏之微不能 11 11] 止人之恶兮, 以 遂 可分、 11 允 神 百卉盡焉有 農 飯 既託 ihi 村 如 命 蟌 夏 A. 唯牢 彼童昏猶能察兮, 於斯上 聖不能曉愚之惑 Ĥ 夏 11 被被 振分 思 愁以終古 食 哉 IL 11. 如 邈 從接 分、 驚霆 利 分、 州之博 禄 Ifij 興以 分? 天長喪亂 ıfıj 震乎貉 零之俗、 H 大分, 涿 吁嗟乎! H 福輕 毙 宫羽兮、 西 何嚴慧 **予**抱道 首分, II施 將安 T. H 蹙白 ılıj 屬 羽 111 繁不 亦何 品? 以 日胸 不 忘詬 速分! 4 知 Ĥ 放闢 救於民 好分; пΓ 亦 反? 懼高里之敛 虞兮, H L 以褚分, 兮迷青黑 邪侈以爲 不 福 相秋蓬之辭幕 能 迷? 寧憤 槐榆 11 周、 Ti 魄兮, 常分、 蒺藜不可以踐; 閔 世之不容; 東 效 秦、 鴞嘯 屈平之升皇兮、 出 申 拂 徒 漢、 愚召 分、 侣於空林兮, 太 厭先民大猷之福 兮, 角 H 亦從 禍 11.5 兮, 雖 太息以 不 顺 H 芰荷不 使賢 異物 可 風 偃 幾 將 息 īfij 分, 輪轉 周 與 K 訓 來萃遒相迫兮 媳 之齊 竹分, F 流 可以爲衣兮, 鸞皇之宜納; 東履平塗不 撊 木分; 余壹鬱誰與展? 既菑害之並至分、 旋 顧 獨悲衆之迷所 超遠舉入深山 民今方夢誰 進 謂安兮、 天不能 退去 H 重日: Ti 風 留

114

塞天地晦冥兮,

Gi

無分於幽

顯

既存

亡之可

同分,

何是非之足

辨

也?

#### 牡丹賦

15 盡日適中央農事試驗場、 入唐花军, 有牡丹一叢 絳色盛

春之將暮, 與塵土 惟蓬心之未化,乃怊悵於花前 **繫心物之相感,曾不知其所緣,或屢接而無覿,** 朝迎彩旭、晝幂晴煙,或當風而不語,或無人而自憐、逮斜陽之晼晚、收萬態之嫈妍,及青 吟 賞,至暝乃歸, 而同 捐 訝此姝之奇麗, 挺異質以嬋娟, 猶有時思, 宣之於賦 考其記于譜録, 品類盈千, 處斯郊囿,

有暫賞而欣然。

幻色塵以自取,判憎愛于垢鮮;

特異於衆、

敷榮幾年

連葉接蘂、

壓景

駢肩,

若斯,

又何待乎言詮? 疑鄭客之逢仙

之捐佩,

既相觀以成悦,

乃無故而纏除:

欲久留其不可, 呈配色以自獻,

乘薄暝而歸旋;信合離其 又却立而遷延。比漢阜

#### 寫懷賦

開筋吹之音。

車中静念往事、怳若有存、爲賦云附。

暇 日婆娑太社之下, 七女駢闐 匪我思且, 于時冬也, 景氣蕭瑟 晚歸塗次, 適

分、 既 剖? 人情之難量兮、或始美而終醜, 藏此情于中心兮, 往 昔 胡笳發于城壁兮, 何必蹇修以 而復還、羌既有此婉孌兮,奈何阻之以重關?惟佳人之習禮兮,正容飾以自持, 假 H 託飛鳥于高雲兮, 以游敖兮、 理之?指句龍以爲正兮, 將要之于皓首; 舒送晚之哀音, 警營魂于既散兮, 忽有觀於彼之園,樂秉備之嘉會兮, 思彼己之目成兮, 伊兹晨之慘戚兮, 矢曒日 以爲期, 雖新知 萃風 霜于 若有失而復尋; 而勝舊,飄風起於道周兮,惜纁黄以分手, **溘余去此樊圃兮**, 聊遺視以代言; 林囿 循往 歸空舍以自憐兮, 塗以徘徊兮, 雖至今猶然疑。 映光景于御溝兮, 苟兩情之不違 縱有怨其誰

嗟夫!

微波

爱念舊

iffi

寫、

寄微詞于所欽

#### 桂花賦

有客自南至

爲說桂花之狀、

幣其供麗

援軟賦之

抑何

昔年見師爲《木犀賦》. 益有所国命 俗問多以木犀爲桂、桂之實不因此而亡也

兮, 詠小山之招隱兮、 以爲桴兮、行載焉以爲旌、 紛錯而敷榮?友蘭茝而倡申椒兮, 望賁禺而東行。既得陟於巒山兮、 懿桂花之皎潔兮、協南土之炎精、 配託香木而誓同情 在酒而同之鬱鬯兮、 何木犀之假名。雖留蠹其何傷兮,終不損此精英 詫奇香之灌生: 幹淩冬於寒阜兮、華順陽而播馨。 在服而儕之衝珩; 焕紫葩於青柯兮,映陽曦而逾明。 久延竚兮忘歸, 豈不窅窳而多姿兮, 誰能識兮至誠? 思予美之所居 居願得子

#### 傷亂賦

**争何足論兮,遺民無辜遭此運兮,** 答胡笳之夜鳴。寤成虧之無常兮。 荆棘之遂生,居人去而不反兮,雞犬喝而無聲。 其故形,崇墉頹而爲埒兮,廣厦墊而爲阬"遺繞痕于柱質兮,散斷鍉于空庭。信兵戰之終凶兮,慰 維癸丑之季秋兮、余有適乎江甯。 慨見聞之驟更。 添苕華之卒章兮,攄寄旅之悲情。重曰: 蛙蟆之 仰視青玄訴冤債兮、害氣將究度同盡兮! 既模駕于荒館兮,訪宿昔之所經。街衢易其新貌兮,廛里失 语嚴城之隱隱兮,映戍火之熒熒,聽寒潮之夕上兮,

## 宫溝秋蓮賦

罌, 蓉, 悲!何必下雍門之泣, 夕秋風、 魚之舟, 而猶碧。 藕供烹燭, 舟名畫鴣 朔方兮早秋、萬卉兮將揫、 萬花已矣 彼夫殷墟麥秀, 豈如或長江湖, 神武變賣蓮之市。 以彼視斯 匪宸游而莫賞, 或生池沼, 御渠浼浼, 相去多少!然而盛衰循環, 弔殘荷兮賸菂, 匪宫嬪而疇惜? 周道黍離, 榜權頻來, 視爲荷田; 故得級露炎晨, 獨踟 漢池青蕃, 童娃圍繞, **衛卒桓桓、成爲漁子。** 蹰于御溝。 盈昃共體, 吴宫澤葵, 葉方卷而已搴, 昔之清切 摇 昔日禁門, 風凉夕, 信廢興之同 瑣闡, 葉折藕枯, 華迓秋 苞尚含 今朝間 森嚴禁掖, 而 轍 而 見剿; 尚 里 房推蓮死, 紅 歷千載而共 太液 華給瓶 葉送夏 池號芙

有捕

吟茂草之詩也哉?

#### 别怨賦

以自察, 哭不如歌, 翔風之魃服, 復止,草後春兮不芳,花過時兮誰俟?苟曰有情,焉能自已也!惟交甫之初觀, 西兮溝中水,會促兮離長,歡遐兮恨邇,別之日兮三秋,別之途兮萬里,恐營魂之失路,夢將行 酒入肾矣淚沾肌, 錦之易織, 江 文通云: 對孤影而悽惶,行怊悵以瞀惑, 言不如默、 懼南箕之遂張,縱結誠之叩叩,終圖會之茫茫, 接環珮之暉光,指潛淵以誓予, 「有別必怨」,其言信矣。 燈摇摇分、 無情何 以有怨、 風凄凄兮夜何極! 有知 居裴回以旁皇; 何如無識?盛年兮不留,佳人兮難即,收神慮兮勉自剋, 昔貨懷而今棄渠, 必繾綣之勿忘;忽風波之危駭,乍漂蕩而異鄉; 何日月之悤促、而此恨之悠長 將運遇之有定, 始同塵 而終殊軌。 匪人意之難量; 謂漢廣其可方, 參辰兮天上星, 己矣哉! 願輕身

恨貝

東 mi

眩 有意而無言,感微風之多情,颺淺絳之中單,對芳華以怊悵,增薄暈於朱顔,亮盛年之易去, 用於拳拳!至於白日既頹,春人未倦,代明月以華燈,晃重葩而霞燦,映奇采於澄川、 雖繁華之不久, 萬蕊齊妍 結輕 舟以水嬉, 伊異考之鮮冶,表下國而舖棻,豈受命之不遷?唯貢媚於東鄰 亦敷榮於上春, 萼半舒而綴緑,蘋畢坼而含丹、招綽約之仙人,紛游戲於林間、揚娥眉以微笑,似 及仙雲之未散,送歸潮於前浦,惜流紅而誰見?聽豔歌之纏綿, 覽舜英之洵美, 蓋速化 而逾珍 爾乃靈 等秉蕳之嘉會、盪士女之營魂; 雨 新露、初陽乍暄、千柯競 亦徘徊以悽戀! 接神光而

亦何

歌日:

櫻花開兮情始諧,櫻花落兮色始衰,願歡心之無改兮,願櫻花之常開

#### 硯 銘

研 質甚美,署曰「碧嶙洵館藏」,亦不詳何人也。 口口 夏得而銘之曰:

可發幽情

異書編摩、惟我與生、千古名山、

永證斯銘

### 徐氏硯銘

閲世以貞, 得人則名, 繁此片石,

徐氏作器 自有程, 徐氏作器自有紀、 禮堂矻矻書六經, 默然守玄次奇字, 案前書帶長青青, 深湛之思類揚子, 几上雁足光熒熒, 不慕朱丹及青紫, 其間古墨發奇馨。 用晦 如明易之理。

#### 又

豈云蹈乎大方? 知白然後守黑, 不腐然後括囊, 當仁然後不讓, 達變然後安常。 緊此四義, 貴在衡量, 執

廢

#### 几銘

懿文木, 授竘匠, 作爲几, 用自餉。 **基居言必及義**, 獨處貌不隳恭,受祜於天安有窮!

# 徐氏通鑑厨銘

下如笥, 以訓蒙士。爰求君實、原父之書,埤以畢沅、夏燮所紀,納之一鐀,便繙尋耳。上如几,取其可凭" 多識畜德,奠要乎史,矧四部之鲦穰,必用史爲綱理。尊莫若經,奧莫若子,澔汗無津,非可 取其可序。徐氏作銘韶後嗣、知古知今從此始、勉力務之必有喜。

# 上太炎先生書

遼西令支, 峰傳》云: H, 每覽仲宣登樓之言, 先生鑒: 墨翟亦墨胎氏後,爛爲誕矣姓苑有台,未必同墨胎、或説 則墨胎世居其上, 「遼西人、本姓默台、 送師行後, 意常惘惘也。師言「夷齊出自鮮卑」,侃復得一佳證。《周書》十七有《怡 勞軟遂甚,今乃小瘥,不審起居近日何似?至繋下懷!天下分崩, 墨默、 蓋不足信也。 因避難改 胎台, 旭初近來滬否?植之當常詣師 字偶變爾 高祖寛燕, 《路史後記》始有「姜姓封台、 遼西郡守魏道武時率户 嚴寒 晶 伏懇 朝 善 後爲默台 案孤竹在 加 竟無寧 攝衛

如蒙賜諭,尤所企感。弟子侃叩頭。乙丑長至

七四

# 答謝太炎先生撰量守廬記書

侵奪, 謀 唯 感厲之忱, 慚 斯環堵, 糞朽, 九 九域不靖, 一室寧論?但令主實篳門, 月七日, 聊芘妻孥,不謂樹蔽臺南, 伏維垂鑒!弟子黄侃叩頭 徒勞彫 弟 拭 子侃叩頭先生門下: 謹當尋繹實訓, 有似隰斯之它, 潦經堂下, 奉 勉之畢生, 到 日賜 託尊文以傳於來葉, 不隳師法, 書及尊撰《量守廬記》, 歡慶感激, 以酬恩造 非鄰子罕之家。 斯厚幸也 侃以故里難歸,萍浮非計 順風陳謝,未盡懇款 即此遽廬, 始不 可任! 猶虞

# 附 太炎先生來書

剛仁弟足下:

前由旭初轉交一片,

屬撰《量守盧記》,

酷熱不能握管,

遷延至今,

南於昨

如 不過及半, 脱稿、文尚不俗。 鶷 據《 或加以跋尾, 借 鸙 戴記》引書「高宗諒問」, 其中所述皮錫瑞事,乃昔年得之葉焕彬 用之。 亦勉强可得此數。 兹將記文封寄、 祈即詧收。 鄭注字應作「 旭初屬作 「寄庵」 者, 麟白。 問. 非 臆造也。 九月二日。 額, 此字亦不莊 亦於近 來片欲裝三尺橫幅, 日 寫好。 故就鄭注 《説文》 吾所 無 讀

# 與徐行可書

以羽 金 间 數月來、 所出之古文字, 爲 秋長編 頓見無數真蹟, 見黄 石, 愠 部 行 翼《脱文 久假 μJ 》者比否? 亦絶無驚人之價、 **丕烈藏書題跋**, 尤覺欣好! 乃非 姻家老弟大 不 以爲 ψ, 有篆文之書 所見未宏 此易之説 嫌 抑 馬得趁 何隘 與 人 []]I 開 閣 有以五十元易一《魚玄機集》之事, 一不購, 舟西 也; 此 下同 彼何生之優渥哉?閣下近日研討 耶?然處今日而爲此學、 1: 夫山 Ī, 闸 居 舍 節 書之值, 111 武 姓 11 鼎林 炉還 减 住宿清齋、 交誼已厚如 衣食、 首尾八載、 白漢 洨長所信, 幾可傾家。 尚 1 有不 W. Ili 1,1 詢 獄 閣上 能 矣 知 知 有較古爲易、 致者 此 今不信其所信, 1. 興 難之説也 貧窶 14 所新得者耶? 近日 何書? 棩 適 尚自 閑 其若之何? 居 钳 稱家 亦有 值 全想 新得何籍?有如去年 侃居此 深 人間秘 暇希 較占 念平 徒執木版傳刻之篆書、 全慰 以告閣下 又見陳簠齋尺牘: 爲雅者 生雖好 岸 每月 籍 小 承 數行, 差有 惠 無 許 1 假 借 必爲之 井 所餘、益 11 所得 觀 EU 劉 以 慰 氏 法 Ilij 淹污 懷想 於數  $\sim$ 其所收古 EII 11 以 係氏 歎 地 以爲足 購 不以 11 H 存 F. 任 H

#### V

此

敬叫

侍

個

the Hį Yi 嫥 治 ıtı il 所 採 iit 粗單 經部 其於 諸 絲 近始 開 篇 方知 端門 受命 墒 11 IIJ 微: 毖

探金 所未 即 倘於此追索變易之情, 緯 頌侍 圖 觀 石之書, 書, 安! 不 無所 同 冀獲壤 非難, ... 説 爰本此 流 此 之助 是 以正謬悠之説, 平生 意 近世 所 未 更治古文。 | 洹上發 研 州 實所 得 徒 願也 古龜 夫洨長之書, 以 心 閒 人生飄忽, 慮 断缺之餘, 簡 豈.非 無故 亦有 得之, 成業實難 要籍? 壞實 棗 誠 木傳 Щ 惜搜尋. 慶 期 與閣 刻, 也! 未 蓋 因 下共勉之也。手此 此 已失 偏 #: 真 難 人 以 料 術, 是用勤 詳 有

#### 又

子幹、 養疴, 疾首 府收藏之富, 寄廡, 繆繾綣,爲不可弭忘也。 ! 行 慎之、 閒讀 然兄以老親幼 叫 實蒙 道兄姻家 舊籍 惜目前通假書籍之無人也! 奭公諸. 剪紙招魂之恩; 侍右: 黄墨 人, 子 精謹 每見侃 閉関 去歲遭值兵戎、 即今板蕩未寧、 危城, 無改 孤姪望 輒 詢兄動 疇昔耳。 一門 憂恐纏 復受涸 侃羈 人 定, 知念因 故園 心 情危 意甚 泊京 **秦**棘 四旬 魚 馬戒 殷勤 及。 華 响 沫 乃 我曹亦拂亂常性, 手此, 劣能 想任 之惠 解 偶 自活, 過廠 廬奉母, 正使語言偶失輕重, 不足致譏。 敬頌上 每懷此 肆, 客臘 侍 忽見 粗保 誼 遺棄碩交。 康 病, 海 奇 Ψ. 鐫 安 書, 在 ! 刻 幾至損 又 膺。不但數 此間名士若 不 至今思之, 年 禁 聯想及於尊 現 載談經 弟則全 惟 森 疢如 杜 玉 門

#### 又

歲月如流,

新年又過 八日 雨 窗 孤坐, 念所業不 知何日 可成? 殊自 惘惘 1 世 亂 如 麻, 而吾與兄

獨 邀天恩先澤,

得以安心誦肄、 豈可易得?然兄積書連屋,

此宜互相督過者也

尠繙尋之功; 弟妄念紛紜,無貫徹之望

持去,

前路遥遠,我勞如何乎?《集韵》粗己畢功, 不審再能檢出否?極所企待也

中誓不出户、兄如相思、

惟有枉過耳

 $\Rightarrow$ 爾雅

匡名》、 勞校頗嫌淩踤, 頗需《係氏孟子音義》、

然亦不得不過録一

番

此月

《宋氏國語補音》,兄前已

此上好移仁兄親家足下。

侃頓首

常人每自尊大、至於吾輩、見事略多、 輒自謂比之古人,曾無其足垢之一屑

七八

#### 與 劉静晦書

故, 也 未卜 也。 精力,爲不可及也。 入侃 不暇憂及腐腸, 何 耘心先生近日興 行 七月十 時? 可遭際若是, 所批 兄淵 1/4 H, 《 郝疏本 》内, 默精 侃頓首静晦吾友足下: 勤 俟再校 下顧諸兒, 聞之良爲嗟歎!所願其太夫人康健, 居 何以? 别來數 居鄉抑 過後, 已費兩載之力 載, 不免平恒之恨 居城 學業不知增益幾所? 定當加封穩妥還 耶? 書問稀闊、 因此 侃於吾鄉諸老董極不忘先生耳 前假兄過録勞舁卿手批 曷云不懷! 昨奉手箋, 1: 想及兄全部逐騰, 侃雖日 其先業及藏書獲保, 此種書寧可乾没、 事 丹鉛 《爾雅匡名 密如蟻陣, 柢以爲求食之資, 如觀光采 還書 凝, 斯則 四海皆秋,悲哉蕭瑟 。懿耳 》, 業已摘 細若蚊脚, 非所論於此 與兄把握 侃沉 殊 此 其 飲 自

種 精 如

玉體

共勵歲寒

幸甚,

幸甚!侃白疏

### 與潘婿書

二日 苦於 41 而 作 見 ıńı, 襲善 無  $\Rightarrow$ 儉 德 辟 + 暇 遂立 賢甥足下: Hi. 今以 經 一誓止 人 難 地 條例告足下, 已耳 酒; 名 頃 韵 今則 編 以子衿叟達轉得。 幸則爲伏生、 ×. 健 或 啗 希代成之 能 泛及 古 置 先秦 申公, fi. 因此發理舊書、 升之飯 ---渚 H 書 不幸則爲束哲、 **尤妙**; 迪 韵 時 事如 **>**  $\equiv$ 温燥 日 取 此 松  $\Rightarrow$ 舉經, 玉篇 史星籍业於、 劉炫、 我革 所宜遵守, 廣韵類編 乂畢二禮 斯我輩之結局 異文止於・ ≥, 廑 全. 有二 前 用 也 旬 言, 偶 司 依集韵 偶欲 馬 因 噦逆. 日 氏 辦三書 體 編之; 見幾 例 淡 以

之理, 典說 H 文 見經典外本字. 讀 宋 **尤爲切擊**、 元明學案一 用便尋檢、 34 然此皆遺日之事、 卷 竊 外此自定期限以成一 願與足下共勉之 對 於生 1 行 事 賢於博奕而己 何時 悔齐多矣、 丰 中水. 11 11 何術 經字考正》 以慰寂寞?此問 若夫養心制行, 以 晚益 載月下 、 田田田工 :日 尚 近好 不能 非問 知 道於宋明先儒不可 外舅侃言 也 Ŧ. 汝止之書、 言修 光锐文字、句 近 H 身

文章不必苦學,

多見

多聞

收心近裏,

見的始言、

則自

然

1.

妙矣

## 與姪燿先書

樂事 盧、 惘也! 耶? 未足 燿 姓 健民 與比 閲 五月 吴檢齊 五日 誇言究何益乎? 姪  $\Rightarrow$ 在廬 經籍舊音辨證 Ш 化 去, 如精 我  $\forall$ 昨始得 神尚 紕繆孔多, 好 知 μſ 我 此 即 所 ţį. λ 省來, 發 可痛 止者 ! 四 人 雖無學校、 十三事 間世究何 事慰心? 吾父子朝夕講 彼乃云: 虚齋獨 畢、 肄 坐, 顧、孫、 **提非** 钳

#### 又

此書以諭 乃吾壽官 姪 不肯深思, 曾佑, 閲之: 家 我生平困阨, 业 王夫人旅厝蕭 語 以 復 地 抑 帥 我於他 朝之鹵 襲姓, 莽, 日 寺, 百不足言, 慎勿問 犯尊凌上, 亦已十年, 致百世之乖離 人骨肉 違背 松楸, 卜葬之期, 欺死脅生, 妄談禍 故急草此 動 福。 經年載 縱地氣靈秀, 必在今歲 書, 我中秋前後, 淚隨筆隕 所冀百年既 倘有不肖子 亦豈能激 必當抽暇 盡 姓, 歸骨依 福 於 欲侵 歸。 天乎? 親 此 誠恐愚人 望即持 **坐域** 邊 街 鳳

是既

形,

堆

作

#

## 詩

鈔 一〇一七首

五言古詩

上留田行 有序

作。

慎乎? 民困益深。夫宗國旣已沈淪,民生又復憔悴,是二痛也!馳説者方以救亡爲言,不亦 相與擁護戎羯, 東游日本, 余年十四, 自遭名捕, 所見譁時流宕之士, 初或昌言衛族, 及榮觀在前, 又不能始終固執, 始讀黃書,由是以得春秋之大義,以爲中夏雖衰, 假藉新法以爲螽於國。十稔以還,政令益繁,民生益敝,謀士益衆, 頗思括囊, 一念同倫日在水火,終不能噤而不言, 不遽 剁絶, 因以幽憂之餘, 猶賴斯

爲此曲。不敢比於國史之哀傷,亦度幾昔賢好吟梁父之意云爾。

八四

神 伊 鬱懷先民 歇靈緒, 宣. 尼歎 道 黔首空悲敬。 被, 先民骨已槁, 春秋終獲麟。 悲欲 董道 傷肺肝、 終 鈞 無歸 天奏 廣 慨然求息肩 齊州 競蜵 金策 螗 畀疆 篝火出叢祠, 載鬼. 秦 占在睽 唐虞盡 大澤揭長竿 汛掃, 仁義將安 傾 鼠 亦已衆、 魚爛豈有心?擇陰 陳?九 寧念然人飢 夷曠 來 儀 黄

## 向島觀櫻花

聊

自完

宋銒信奇人、

鬼战華山冠!

欲與 春 輕 徘 風 被 何 廣 燈繁花杳冥、 陡 復直蠻 花開 霞漾 波縈回 丹 黄 映 陽 豊間 輝 俄 媚此 頃 歡. 都 人來 能增 羈思哀 仙 人 既 夷猶 故宇多芳草、 修路 清 氛 埃 何 心棲蓬萊 客心畏纁黄

## 效庾子山詠懷 九首

奇氣 誠難 徐衍 舒 空負石、 神浮 iI. 鮑焦方棄疏 海 ŀ, 何必 [11] 鬱鬱悲世 所 如 理 票 豐 就應達 鷽鳩終 控 地 鳳皇猶在笯 微 生會 ti

譙 讓 沅 何深 生廣武歎、 惟聞 准 葛侯梁父吟 南國 尚 留雞犬音 不 覩 斯 入州 馬知 賢者心 九域 方魚 、爛、百 4: 選 陸沈 猿 111 假 問 服

縱 横素不 削 文采世 方疏 歧 途尋本末、 空宇懷玄虚 本门 111 林客 來從 化 茅心 所

懔

移 橘 性未殊。 夙心終已矣, 但 一恐歲 华 徂

陸 機志 解 累 買誼 思遺 形。 積慘苟未舒, 玄言非 至情 恒幹 既牽繫、 遐想終空冥 鮮卉當 春茂

枯 條 直 秋零。 仙 夫不可 接, 何 術 希長 生?

獨 往 維爲 運 斤悲臣質, 心 去去 輟絃想知音 勿復言, 涕 淚沾 斯人既零落, 衣襟 奇情空爾深 拳蘿 眷浚谷, 採薇陟高岑 古 意亡已久:

宿願不復申

行歌向江海、

含意别交親

舉

觞振

高

眄

ti.

拙

撫 劍 懷 此 售 思 悟彼 當年游俠人 自然數, 苦心 何用 \_\_\_ 朝時運 陳 乖

日窮途土,

伊尹耕莘野, **甘章釣弋陽** 名實本不虧, 出處 何 無 常 救 患亦 己尠、 榮觀 淘未忘 棲嚴寧

緤組 寧岳臧 游心在寂寞, 散髮 堪 倘佯

新 情 非故情 悄悄 沈 飲似 發悲 韜 生事 思 精 **佯**狂 非 俱消歇, 遅遅步前 畏 售歡難 患。 庭 緒風薄 未 合并 識人民 帷 非 動 居 狐 月當階 然 क्त 朝 變 明 露卜 奇勳 刎 葉 響 鐘 細 鼎, 星黎 星 流 螢焰 曈 塗 清 炭 短 ìI. 夜若 外 何 K 蕭 條,

徒 深 微管数。 我本蒿萊人、 11 能知 理 亂

江行 :贈宋生 癸丑二月

春

風

動

波濤

復此

仙

一舟會。

高

~冀州,

逸氣臨江介 伊昔 時未康, 與 f 俱顛 沛 海 相 聚

亮爲貴 有非常志, 綢繆歷年歲 庻 拯 揭 斯民害 來鄂渚游, 嗟余遘幽 圍城瞻 曼, 壯 概。 消 兵禍既 遥從所 届 潛 銷, 雖慚日月光, 君名亦光大。 肯爲 中國猶分崩, 户 祝代 緬懷莊惠交, 忘言 荃宰責誰貸?聞

## 臨江王節士歌

江節士多苦辛, 秋風 悲故國、 舊恩終已矣!長劍枉隨身。 可憐處處皆秋色 所思在何許? 遠望淚如雨 此意不可陳, 客子常畏人。

脇

## 感遇 六首

室何由安! 秋 風 動高木 豈敢辭艱危?憂疑誠有焉 日夕空 Ш 寒 微生值 晚 節, 悟彼採苓人, 忽覺 悲 無 端 惻然傷心肝 處困 貴能 通胡 爲獨摧殘? 九域 方顛

高 樓接浮雲, 存身豈不難? 上有嬋娟子 宛轉供驅使 華色兼妙才、 自謂 鳴筝 111: 無比 聲音感人耳 盛 年不自惜, 不惜歌者勞, 淪落問其理 们 求聞者喜 失身入豪家, £

閉 好 置玉 復幾時, 房裏 終爲人所鄙 揃袂彈

不成, 能爲 倚柱笑 惜 战舞陽顺 遂貽勾踐誚 大俠濟蒸黎, 私恩非所報 燕客皆庸 流

荆

卿

#

徒 工白衣吊 夕登貨出 **悲歌痛** 遥望烈士 不選 墳 **男氣曾** 寒風 非撓 摇蔓草, 自惜一身亡、 碧血汙 游 莫禦强 魂 捐 秦界 生豈不勇, 蕭條 iE 千載、 命 非良 易水 人一死激 風術 萌

4 懷諒苦辛 天下乃神器、爲者實收之。 徒增誇夫譽, 何救 國 如何當路子、 滋香? 短 畫蹈 終日信其私 危機、 所喪皆 名利亦已微、 材民 重華不可遇, 咎悔將馬辭?愚侮召 悲思將 誰陳 技亂

漆 室知 其幾 未治见殊怪, 遇雨須何 時

燔 城 将 牂 肼 ¥ 情点 : 無脫首, 持此牖蒸民, 周道無再隆。 芬芳播 **造敢辭況瘁**? 無窮, 碩果幸! 所嗟 不 食 滅 III IXI 時至斯爲功 恭承聖師訓、懷古甘長終 長夜何漫漫?静俟羲和 先民固有作.

## 病 中讀王輔嗣《易略例》有作

游信不 迫 过 曼煎 過度鄭賢 貞 武 觀 M **计**陰 彭殤豈相懸?外物固難 2 貞 荀 可留 樂道 有宗主、 要道 可忘年 庶能 通 變 · 無拘牽 研 伊 心、 人 悲來 聖 積善宜 打姿, 象類 思復 無愆 陽 既以昭, 妙齡潭太玄 抑 慮觀 自愧寡昧資, 情偽 iú 徒 神 篇 紛然 解會衆理、 立志苦不堅 惜哉 何爲絶韋 始庶才, 晚學迷徑路, 編?兼 降年劣顏淵 Y 費 馬 窮居

天

#### 雜 詩 首

m 4 出修門 裴回 望郢都。 夕 陽在柳谷、 流光照我据 去留各有心、馬與常人俱?星迷固已久、

我 亦 頹然愚 寂寞謝聲華, 執古以自娱。 至人 重存生, 吾其愛微驅?

秋草鬱 寒緑, 耐此 白 露 被 豈敢惜憔悴, 曾及敷與 、時。 榮華 夙所輕, 彫落復何 辭? 春桃發穠彩,

## 效古詩 四首

霜菊有逸姿

本自

不相見、

肼

爲相笑嗤

15 在 上浮雲端。 秋風 起關 塞 歸 來寧 征. 有 人常苦寒 時, 妾心常自持 豈敢惜離別?所悲會合難。 願得雙飛 鴻 明 我長相 蕙草非不榮, 歲晚憂摧 思 感君 i 結髪 恩, 殘。思君 白 頭 終 在 不 何許? 疑。

愛不爲薄。努力事榮名,勿負平生約。 李都尉《從軍》

相

古

别

遠道送行

裴回

對尊

酌

浮雲暮南

征,

鄉思不

可託

如彼辭

根蓬,

隨風互零落。

夙

昔

同

綢

繆

階

棄置 輕納制 焉 能説 圓扇 舊好 皎潔 不如新,君情 如明月 長斷絶 常得親 压手, 班婕 好 摇 ~ 詠扇 動 祛炎熱。 微物 春明 思 雖勞不肯歇 源 風 下玉

清 廣 殿 無 肆 塵 K 席, 四 座 聽 澄觴邀嘉 高 談 析理 窟 若有神, 和風散蘭芷, 陋 質 承 逍遥及良辰。 明 運, 私 願 終 緑竹映清 依 仁。 池, 嘉 會 朱華 不 可 一發沼 常 作濱 。 惟 煩 德 慮此焉息 庶 有 鄰

魏文帝《游宴》

勝

#### 1 月十五 夜泳懷

貊 即 不 H 堪 可 行 居 憤 役 Jil. 独 馬能共浮 幾 梁鴻 時 良宵月初 適吴會, 沈? 對 登岳 滿 酒未終觴. 發泉 脇 樓 中 望 涕 江南 錘 1 /点 mi. 後 T. 衣 Æ 林 軍府 里未言遠 慷 慨 院有南音 草 木俱雕落、 余本 江. 黄 海土 塵蔽 人眼,何 瓢 摇多苦心 心之旃裘.

胡

#### 朔 風 篇

虬 例 信 媙 成 原 獨 和柔 此 長 空中 我 燕 嘯 欲 矌 歌 然非 豈聞 免 樓 繼 存 西上昆 胡 施 иĤ 我儔 魯陽 丹壁 惜無 聽者许 人, 命丘 動光采, 4 長棘 能令傾 夏數千年, 四序 H 鈎 楹 頭 義留 改凉 桷皆 朔 há 崩壞蓋 温 雕鎪 風 há 微生 何 揚 足 非春復 沙 論 遭害 塵 有 1 视 曲 (H 氣 非秋 上路 爲 狂 间 泉衆 虚室 横 堂 何 漂 11 IL 所 面 Ш 州 曼 嗜 萍 藉 ful 深响, 隘以 浮 城 芝駕 門 升 湫 坐: 維 皇 虎豹: iL 漢皆横 冀瑶 能 人 心有 收 的数 象, 變化 流 H 修蛇出 爲 化 之幽 嗟 胡 爾 神 通 想 <u>ان</u> 鬼齊謀猶 Ħ 戚施者, 怪 牛。 哉 無角仍成 蛟 梁鴻 螭 發言

'AL

黄

與

#### 遠曲

春 洲 蘋葉齊, 朔野冰花積 望斷 兩嬌魂, 愁多夢何益! **村似陌頭** 塵, 妄似 Ш 頭 石? 薄命 復同

誰

絆白 辛苦馬 駒 馳 能 借。 白痛 蓬巒深復深, 朱顔槁 擣藥和丹砂, 不死誓相尋。紅桑遍滄海, 長生信爲實 莫向重泉問苦輪。 天意報冤禽。 昨 百年未畢須相保 日都梁香、 今日卷施

#### 吉日

诗 准 從御道驅?置酒 行樂、 六旬上戊子, 母乃非丈夫 陽春皆大酺 E 路堂, 破彼十家產、盡此一夕娱, 奉公悉奔題 宫門結華鬘、 忽聞萬歲聲, 權火照通衢。彩旗從風颺,有若雌霓舒、 戒之慎勿言 似出 衛上 廬 恐爲他人狙 夥頤涉沈沈、 客言亦非誣。 祕機安四

#### 紀游

**嗟彈指間** 校 鄉 亦相逐 雨 過 亭沼 坐受華 瞑色 上深林. 清 鬘福 荷 衣送餘 歸去卧空齋, 馥。 尚見横波川 微詞 未 μij 蝶夢徐徐續 通 華燈出遠闡 相將度 離曲 高城 漏何 幽 花媚 促 遠 風 薄酒吹易醒, 映 此鬟雲緑 麗想堅難伏 步屧過回

#### 清晨篇

未許 一處屋 清晨步林樾、 通 與我期何許, 初 日光未融 郊原空翠中。 綃衣感微涼, 新掃 遠山眉, 淅淅花前風?雲外出朱樓, 臉色芙蓉紅 共上七香車, 高柳窺簾攏 绣鞅何瓏璁 銀 屏 昨 夜夢, 蒼

苔封御路

青

2曲當崇

墉

澹澹昆明湖,

蟾鏡凝

秋容

波底金碧光,

樓殿明重重,

危亭出林杪,

四望

树 皆 司 泉 一葱籠 握 意密詞 J. 相將拾級來, 爲 難工 别 戚戚真無悰 殘 陽助 積葉迷前蹤 凄戀. /± 命 薄暝生層 嘉會 汝難常, 辰安在? 峰 哀哉如轉蓬! 遠堞動悲笳, 到此心憧憧。下有燕池水, 莫歌黄生 催去何 曲 恩恩 此 恨何時終! 上有蒼蒼穹, 步幾裴回,此 一會難再 細語答

有贈 四首

騰 駕 擬偕 昨 夢清漢陰、 逝 今戾松江漢 不見同心侣 **悵然懷信誓** 零淚猶着襟 餘芳或留袂。佳人如召予,

微波度通解 通 辭奈愁結. 生事 良妻切 思秉抱柱心, 無慚磐石節、 桑葚畿行爽、 谷風知俗缺。 荃芳亮可 懷

蘭

茂固

.所擷

偕逝既無期:

羈旅多愁思

方陳蔡邕賦、

猶想楊方詩

暮怨已紆阻,

朝望仍然疑。飛鳥儻遺音、

寫誠具兹篇 擷 蘭曼棄捐 咫尺 隔山川 去矣赤縣外 因之溟海邊. 之子渺難即,聚首待何年? 玉音如不遐

夜坐作示張生用陶詩韵

久病悟生理, 遂能忘戚欣 所嗟七尺躬, 無以殊常人 盛强不努力、晚蓋將何因?夕陽自徘徊,

鄰

肼

臺亦以 朝觀 暮 可化 慨 我終 無 聞 哲子 信 良材、 [#] 學誠殷勤 鄙生何 足 師 宜 與先 1:

#### 古風

效大

拘

墟

自失東海

以 hi 博山鑪 藻當朝陽 州 嚴 -: ['i **青火從煙** 芳風 仞 左右至 松栝交青蒼 颰 煩暑復何有?蚊蠅行白藏 披拂我衣裳 樵牧 迹久絶、 沾襟袖間, 異人蒔 奇香 殊物不易至、念之增慨 **雰穢皆銷亡** 禹 碑不 能 名 採之在筠籃, 比 慷 擬非都 貢之在玉堂 梁 舒葉灌靈

## 亡室生日設祭作

这 人然淚 燭 翻 光寒不舒, i E 死别三改火, 窮廬迫昏暮 孤棺 滯權厝 之子久歸泉, 平生辛苦 兹辰 心 溯初度。酒肴陳儿筵、兒女伸思慕 已矣更誰 語 結髮爲弟兄、 食質 誰云情 # 所 悪 叫 賤

子好遠 咎災, 懼 4: 前 [事] 後隨趣 聚 鋒 安居 游, 銷縱橫 僦 步 鬼能 舍東 春華競馳驚 時 Wi 13 身兼父母: 房 亦復羨朝露 肺疾一侵纏, 車來喜迎晤 共處曾幾何, 無恃猶堪怙 回視諸 倉卒行冥路 提挈三男兒、長女知 憂患相撑拄 貌 狐 餘年自 偶然得歡趣 谷惜 勞生本同夢, 故山遠辭別, 纏綿爲草孺 禮數 稚子忽夭殤、 恨子獨先寤 償君 黽勉勞、 蓬梗從遭遇 少壯跌岩 腸斷 111 情多反 坐醫誤 地我 人 旅食向 H 年來變沒雕 1香嵐 側 所餘 144 危國 都 兩孩提 海命, 恒曼 姥 多

戀 新 E 抑 物故 既 初心 庶幾爲子 骨 肉 寒盟嗟失據。 漸 訴 凋 零 **凄**風 悽 飄 酸 靈臺常薄責, 帳帷 Ĥ <u>H</u> 遺貌 攬鏡 坐相顧 尤悔筆難具 觀鬢毛、 何 能擊缶歌,悲懷宜 幾時誰以素?書卷紛陳 取醉託醇醪, 何嘗解愁苦?前月得鄉 赋 前 霜夜誠蕭 神 昏 條, 失 章句 裴回 候香炷 此 心終 兄子

擬 古 三首

所 恨 瓢 曄 一零早! 曄 林 間 橘 離 離 刺 内 東 朱 Ħ [0] 秋 繁、 緑葉陵 冬好 嘉 味 允 Ìj 圓 111 米 H 遠 道 57. 無 桃 李花、

零落將 H 如何 † 嚴 畔 松 裊裊松間 蘿 攀附 E. 青害、 自爲 [11] 根 柯 下視蓬與高, 品下 良殊科 秋 風 4 1

反袂抒吾哀 麒 麟 出 大野、 將爲王 者來。 銀商 果何人? 非時信 爲災 九域相 百年 人類 化狼豺 何 時 親休 明

答 汪 生

羞作隨陽 山豈不深, 惟 孤燈照空壁 無 以 弭 憂患。 明 月侵 人 幽幔 靈化 豺 虎, 仿佛觀故交, 天 地 失清 安 盤桓至夜半 頑 鈍 慚 兔狡, hi. 抒书 涕 W. 4: 寝 一、衣魚爛 111 勞禍 願爲 福 小年 算 监 仲

九

iE 1E 术: 詎 翰 姚 禪, 毁 學任 叔 俊 其來, 非 好 慢 方十 得 不 暇 學真 115 風 默 乏術 默送長夜、 釣 榮官 遥遥望 П Tik 彼是 11 H 微驅有 聊 11: 時 須 銷 臾 玩 丹 心終占焕 樸 厚 守 師 法, 各属松 奇文

#### 落花

柏

操

肯部

章符

飲

腨 **策誰久存**? 能 廢髮 達人 悄 審物化、 對之發長數 落英 志士悲 辭故 條 時 寄形亦眇矣, 明朝不復鮮 遷 **豊緊戀榮華** 何用希大年? 反顧敷 變故 腴時 亦以 繁 淖約 瞽 何 史訝 便 娟 闕 苑枯 信 黔黎 已疾, 駭 額湍 此 理 諒 誠 知 難言 理有

萬恒

#### 燕臺詩

我正. 朝 太 行 圖 陽門 隈 亦沈 114 座且 從君 埋 樓觀高 勿喧. 索玉 哲哲 聽我 似 崔嵬! T. 陳燕臺 帶剱 載 泉雉鎖 JI. 利 di. 禄 計 II 途 云有燕昭王, N ij 別的 開 夾道 豐澤 愧非 惟 乳泉 青 枯 攀龍 愧 尊 氣勢 人 王孫始 郭 躡隔 誠 隗 魏 從 運 伽 招士用黄 章牒 南來 計口 官府無嫌猜 金 會 ili 臣 留 僚、 沙 付 網收 旬 月 輦 章材 騎 'nſ 何 邊 所 喧豗 歷殊 藏,承今已歇, 奇核 昔日 飛上 乾

ifi

71

秋

Hi

1:

竹苔

鳥

111

苑牆

過者因

徘

们

述

川相乘除,

布業

俱爲灰.

昨者明

成

祖

來從蔣

111

H 漸清 艺 July 大 11. 健埃 戎 師 構 M 紛 相 術信 1 崖 念之發長飲 它臨北邊、 课, 思尺不辨 演演 T 1: T: ny. 池 人 所恨多狼豺 45 强虜爲之摧 坏 法 言語已異 ijĬ. 官, 音若奔 漆 笳 城雖蕩蕩, 聲 吹 不如反故 雷 有 載夜過龍 冠服 餘 神州 包 復 蹙 殊战 告淪 Jiti 地何 庭 鐘遊 吳趨 陷 人恢? 尚 天聲震儿垓 不見彼都 無恙 良可懷 此地先蒿萊。 驅車舍此去, 金墉倏已 人 登岳隨 設險故無常. 形貌 言 頹 亦何很 游戲長 1自举山 梁鴻、 東 方帝 禍生 始 安街 吾今歌 北 所 土 降逮 亦有 出 難 朔 ħ. 順。 iE 清 風 胎 # 根 起 世 運 或 衰 沙 稱 誰 塞 康 忽喪牡 能 胡 回 强自 俗 拂 建 遂

面

泳 懷 1

憂思 心白煎廹 秋 氣喜感人 況乃遠行客 西風 拂 高樹 飛塵棲廣陌。 寒避有 餘聲 玄鳥辭故它, 沾襟 亦 何

Inj 惜爲 脾 埃? 抱柱 雖 E 信, 獨殞 良 堪 哀。 歡愉 故 難 常 H 容 4: 疑 猜

韓憑化

胡

蝶、

E

在占陵臺

精爽未銷亡.

秋至復歸來

不

見華

Ш

畿

漆棺

竟重

開

思

愛荷

不

徒 幽 婉 蘭 娩 在 都梁、 詩人 冰常 芳馨自然遠 棟 所 思 亦翩 採之未 盤懷, 反 作書. 叙别 蒇 月 離, 忽云 努力 晚 加 疇 昔春 答 飯 明思、 及 爾 [n]缱 総 愛 僧 朝 異

惠

何 暇 顧妻子 鳥從 10 不如飲濁醪、 14 爲 王母 窮年 使 亦云已 身獨 K 生 萬 歲安 (足喜 凄風 動 野 蒿 惻 怕 推 家 里。 形 神

九五

既

離

絶

人事

故難

常

少 年 負 奇 氣 萬里恣 遨遊 樓船 泛渝 海 回首 望 神 州 客行信 多感 況復當 清 秋 歸 米 向 故

途路亦已修。 窮鳥戢其翼, 悲鳴何所投 臨川 歎道 窮, 零淚緣 纓流

秦女攜 手仙 畫在合歡扇 神仙縱 虚 無 嘉姻實 堪羡 **贂鸞復吹簫** 飄搖何 婉幾

溽暑隨節謝, 向夕多涼飈 臨樓獨徘徊, 仰瞻北斗杓 年歲有推轉: 斑鬢忽已彭 不見庭中 樹

枝葉日夜 焦 離別竟何爲, 精神 自損消 恩情朝夕變

物累如可遗,

佳人安足眷

久久未合并?豈爲 猗 待階下蘭, 道里遥, 緑葉復紫蓝 遂隔所歡形 若非予美贈: 女爲悦己容, 何由充我 何必 庭?並根已得所、連理欲誰 獨 傾城 青松涉霜 雪 榮? 11] 以況 如何彼姝子, 松红

上顰其眉 素女鼓清瑟, 其音良獨悲 冷冷十五絃、 宫徵 门相 追 西風緣隙 來 **洲環動我帷** 1 1 有嬋

年華 百年而爲戌 既未移、 容色亦未衰 奈何 生 雜然變華 離 别 風。 憔悴 當 士女志 淫侈、 因誰 ? 鄭衛猶難同

夷俚集海埃,

惟有梅子真。

娟子,

獨坐

披髮見伊川、

市門 棲其躬 世路 縱 紛瀏 長生安有窮?

#### 感 興 七首

魏嗣殉 榮觀 一意関中 高黎遂真性 全生 TT 大祥, 擇日去登 幽憂豈余病?石泉聊整心, 是非 瓊華堪度命、厲志信絕人、

遐

行自

iE

奚用

悲貧競

蹈

徒

割

炙譏曼倩

遼 東有 鶴、自云丁令威。去家千餘年, 幻形 復來歸。 城郭雖云是, 人民今已非。下 士笑神 仙

薤 露 故易稀。 仰首 招羡門, 奮 翅起遠飛。 瀛 洲 采三 秀, 歲晏莫相 違

梧竹鬱青葱, 鳳皇巢其間 清風發都梁, 芳馨播一川。 靈妃翳翠旄, 扈從. 何 翩 翩 側 聽歌 九

招

磬管 俱瑲然, 一笑解 珠 み 珮, 相 携駕長烟。 宇軸信 修建、 暫去當千年。

朱顔 能久存。 桃李發東園 長生自有本, 媚此豐 陽辰 難喻 世 攀條見落蕊 間 人。 冉冉瞻桑榆, 始知非我春。 悵然欲何陳 萬物皆遷化、 誰爲金石身, 庶幾王子喬

鷽 鳩笑萬里 朝菌 晞 長生。 是 非 荷 不 齊, 欣 戚何 由 捐。 傾身營大藥, 性命有 自然 落葉俟秋零

桑條乃春鮮。 塗 血 在 東門, 臨觴感 歷 陽化 哀曲 爲 湖 攬鏡悲華 馬見淮 顛 南 Ę 舉 凌清 都 五 城 <del>+</del> = 樓, 乃 是神人居。宓妃與青琴,

萬 歲爲歡娱 寒旅 雁 來, 蒼龍 澤 伏衡蛇, 涸 摹 龍蟄 白虎吹笙竽。 **凄凄朔風** 縹縹 厲 冉冉微陽 天地間, À 豈若列 行子念故 仙曜? Щ 祠竈陋少君 獻賦思相如

逐物 老將及。 桂枝 聊 可 攀 形 泉庶能挹。 達人尚 蟬蜕 愚士 困 拘繁。 浮丘如見迎、 紛然百憂集。矜名道未宏, 塵勞自兹戢

#### 旅 懷 詩 十二首

墓 鳥鳴相過。 河 清 不可 俟, 白日 数且暮, 人 命詎 幾何? 岐 路 秋 何多? 風 吹 野 草, 繁華與我辭, 嚴 霜 悴叢 光景遂蹉跎。 柯。 罔 罔 出 門去, 行樂須及時, 蕭 條 向 Ш 阿。 毋 爲歎咨嗟 荆棘 蔽岡岑

:我訪 幽人, 拳權入 沐 谷 從風問 道真、將因繼 芳躅 彼姝密無言, 相諭在 心曲 長嘯 激 哀音

清風 振林 木 忽馬 恨神霄, 光景 作 離 置 棄 我 乃如 遺 高 蹈 謝 浮 俗

藩 篳繞貧居 萬艾何蕭蕭 中有 小鳥、 11 一言是 鹪 態 **技**體 前以隘 翻飛信逍遥,胡爲慕

鵑

鴻

矯 翼 凌雲霄 木堇榮 朝, 驚風 飛蛾不經宿 從上來, 離披 寓形在須臾、 失羽毛 11 余 生生生 免增 FI + 自足 何 時還舊巢? 辟穀水神 但 仙 令安 徒令自結束 一等常, 宣復傷飄 顧景情内

狐 毋 寧長局促 鳥棲林下 陽已西流, 既悟善生方、 行迷獨歸來、 悲風來廣野 漫漫送長夜 豈惜 我行歌且 遠塵俗? 謡 高歌 悄悄 飲醇 准 酒 知 者? 夜遊秉 太息亦何爲? 明燭

煩

免難

復寫

草星

燥滿天

di. FIE 隱隱市廛内, 久遨遊?乘撥陵滄波, 翩翩遊上傷 東方可小休 奇服煌 道旁, 幸免浮塵汀、 高 車 一馳九馗 不爲長人搜 談笑 何 歡 虚 響騰 齊 州 顧 我 本畸 人

山藏異書, 大道化 禮堂寫 勞狗 經訓 續 學聊亂 思 八去已退、 豈曰求聲 聞 千載誰能 斯文未遽亡. 隆汁 亦見 運 知 音 111 所 Á

學良無悶 大聲入里 耳 求 聽理 Ħ 蜂典供 難 既 懷應 灰燼 物 哲人 心 不敢 嗤 寓言 下士 刮 問 多 疑

借外

非

ti.

fis

胃

居覽羣

此反吾真, 思此令人歎 庶用 商風從 窮 天年。 西來 清氣除 煩 Fil. 迅步 H 郭門 行行 入深 Ш 14 肅 答萬 籟 長歌 和 流 泉 即

漂客從之度 四 方有聖人、 嗟我因 至德超星 風波、 未與 庶 斯人遇 無生患亦除、 久視將馬慕? 冥理 契 'n, 遂通天下故 還作海遊

Ĥф.

萬 里 鬱嵯 大 炎 鵬慕 洲 峨 噴朱火, 天池 騰 1 高 闐 靈海 形 風 向 顛 摇 南 洪 淚 波 方 下 烈 何 攙 偷拂 風 H 從閶 8 地紀, ? 闔 無 戢 靡 窮 散随 翼 īfij 凌 有 扶 座 桑 窮 座 所 陽 仙 人宅 鳥 歸 恭 同 落 何 許 科 羽 安事 萬品徒芸芸, 神 Ш 鬱蒼蒼 義與 和 金闕隱青雲 增冰 萬里夫如 聖九 何 有,

遠在 水 中央 鄉夕 遊紫 霞 凌晨 沐 朝陽 俯 視 謝 爲鳩 CO 首 招 續 皇

金東 形 作 誰 言行 軀 路 難, 乘煙 戲 肆 九垓, 志聊 自 萬 娱。 歲 爲 願 須臾。 得觀 之了 世 網豈 携 相製, 手 游 天衢 榮名安足圖 日 夕餐三秀

颜色長

敷

腴

歡愛無

盡期

雜興

岩中。 齊效 其遭擯斥, 智 弱 陳崇頌 亦 所以老聃言, 古 相 不勝 伯 **雖簡多俄空。** 仲 易代變 强 願學 察员 衆迷若長夢。 雖 小, 能敵 屈大夫, 浮屠道 衆? 廉 址 奈何舉 荷衣 行 無 羣鳥空善飛, 時, 輕 堪 重。 自供。 世人, 然指 狂 不 泉 3 林 知 \_\_\_ 妄逐 痛。 入帐 門 宗 折 夫 角 Ŧi. 自 方鳳 從祆 是非 乔 1/1 教來, 盐 膚敏皆裸將 效之亦何 蒼蠅 摇 動 附 瞿 曇被排 墨 用 驥 學方未 尾 , Ξi. 輔付 廟 何 能 被, 嘗 前 無動 不超縱 恭未必 辨 經 諸 無不 劉 誠、後侶理 倮蟲與凡 祭明 諷

## 秋日出郊書所見

寒衣適林 野, 始知 天 地 秋 高 柳 漸 欲黄, 鳴 蟬晚逾幽。 暫憩田家旁, 見 聞 亦已稠 農人荷鋤 歸,

政非, 愁。 落 充庶羞 弟二十餘, 與 村書背如流。 婦 悲風 耳不聞槍炮, 塵, 不若舊君優。 西疇: 牀下一 力能挾 天地徒悠悠 稚女自外來, 今夏 姤 錢, 身常隨馬 雨 兩 申舟。 或言敵國來, 水 事先早 好, 聘婦 牛。 畝當十年 村花插 在 綢 繆 婦言誠復佳、 西 鄰, 倍收。 滿 其氣吞齊州 頭 昨 白城中 貌良性 榖 瞑色下柴門, 價 温柔 来, 厨中酒新鍋 幸不低, 吾儕本細人, 浮言滿道周 昏期小陽月, 餘資置 我 亦難久留 徹膳味尚鮮,子能小飲不?稚子自外 安能爲國謀?所願常四樂, 粗 或 裘 云南 日吉 持 顧彼反自傷, 北争、 不 以奉老人, 須趣 家 豚 農牧之不猶 如 鵞足供客, 冀 寇仇 無皴 11. 瘃 或言執 無 髮 凍 疏 注: 够 小

#### 代薤露

宜与辨 富 11 生 多行淫、 淚 张 毅 頻 走懸薄. 泫! 用代薤 樂方不勞選。 豈無 露 歌, 同 病 席 熱不能 交 詞直意不淺 六博窮晨昏, 免 日 致 李斯西 通 顯 上書 後庭多婉變。 數月 過其門, 晚節憶黄犬 陰陽 丹旐自 乖錯, 古來求榮人, 偃 蹇 始知 111 亂易 身脆突 逃禍蓋、 進 身, 亦鮮 禍 福 患亦 俱祇生, 何 心談古來. 堪 難 公平 驟

#### 則 六首

地

游 有定 轍 唇景珠短 長 同 居 員 輿 此露彼甫霜。 H 夕 坐繪上, 颯然風 已涼 遐想 北 户 南

44 時 方 載 陽 春 秋 總 非 我 欣 城 宜 全忘 如 111 歎 摇 落、 52. 識 理之常

哉 與 亥步局 此 同 浮 不 沉 郷 有 T 定 梵土 理 世 傳 空 1 説 稍 名 重 殊 1 끟. 必 知 111 輕 界 西 風 柳 奈 輪成 1: 何 渾 舟 天 HÍ. 及 家 窮 Jt. 兹理 114 ii 汉 六 信 尚 理 木 寒 尚 明 智 遜 犸 11 彼 益 11 迷 枯 1X 道開 lik 地 鄒 思 fil 天 大 1 勛 幣 JL 水 州 違 H. 15 1.3 亦

#15 未 占

33 知!

狮 I'L

惨

ki:

说

榓

蚁

#### 新 聲

途 H 遐 潰 以 網 衆 艱, 難 理 收 會 及 有 身能 戊 有 形 達 智 此 元難 不?冀得 H. 室 驟 無形 求 銖 黍植 焉 離 木 易 搜 thi 勉强 中 11 本, 位 從 莊音 前 洪 荒 修 來 113 請絶 謬 悠 所 ALL 歷 近身遠 譣 幾 i į 萬 秋 安说 取 物 心 11 뉉 妣 漸 人 智多 進 1 稍 周 稍 11 窺 1. 網 所 待

之宜 害能 有 如 欷歔 大 4: 趙 火 万驅 簡 思人 []]] ti. 化 jei 兵 H 静 不 11 其言 觀 能 刚 化 逾 Ш 海 誠 曾不 連 復 師 今也 愚 []]] 以 億計 須. 通 人 化 臾 舟 Hi 111 停 禍 戰國 11: fili 時 长 1/1 fii 萬倍 爲 11] 量 墟 神 明] 馗 足 與 Mi 爲 脳 魚 1 斯 11: 11 K 城 知 爪 備 道 髮 111 遞 榀 此 新 陳 111 機 8 14 11 雅 日以 化 誅 1: H 内 先民 軀 4: 11 41 所 水 觀 未 敷 斯 睹 腴 111 利 胀

西重 周 出 成 鴻 答 痍 細 躭 斯 腰 酸 人 11] 殊 以 醯 以 嗜好 古 裹之如 概之。 視來今, 誰 能 束 辨 其 公毋 絲 4 iE. 味, 未 誠 争間 必 難 周 民 E 亦 知 誾 1 I 復 迷 有 互 ti. Jj 余 相 18 道 方 名異 嗤 獨 術 寒 遨嬉 有 食 今人皆髡 11 一般 魏 所資 今出 興 髮, 11 X 岸 JH 違 事 ti 1: ti 好 人 蠻 流 比 141 俚义 總斧 黄 人 其 1 村 僧 有 頓 ti. 取 季 小 北 舍 Ú 始 貉 持 纏 冰 風 足 爲 明 尚 麋 來 有 利 推 有 凝 蜀 鳥 移 鐵 人 樂, 如 略 樊 錐 7: 然活 嗜之

遠

哉蕞 醫術 未爲 爾 命者果 軀, 黄河 至 何物, 舉動多產掣! 胡爲 何時清, 四圍 有 憂患? 獨下 所遭值 姑妄歸之命, 資生 哀時 淚! 多所匱。 胡爲逢亂離?斯世多猜忮。胡爲獨厄窮?斯世多鴟義。胡爲有札瘥? 明知 不先復不後, 理非晳 豈無 聰明人, 生我於此際。 身世思兩濟 不蠻復不貉, 功業未及展, 生我於斯 地 夕陽

#### 南 望篇

西

逝。

即 周 夕 高 歎不食。 唱弊掌 恩 遊 陽未 論, 何時 何用假 淚沾軾 浮雲邈南征, 西匿 M 勁卒日或側。 斯世皆委靡, 或 仁義, 華戎自 强聒 難 所 H 願 楚失齊豈得?聞當遂入山, 1分副。 方棘, 雖 日夜不曾息。 珍玉躬, 不舍、 取舍本異心, 賴有此强直 展轉夜將半、 秦俗難遽平, 鼓缶 聽者稱罷極 及 我欲附之行, 日 誰 昃。 云同標幟?深知亞父憤, 奸回不敢言,飄然離危國。 夢稀阻 攻之恐遺力。 卻 老向滄江旁、 秦與潘 頭色 此訊恐未實。愛人本無己, 身微無羽翼 魏、 遂令妬者怨, **牢落** 雷聲出淵默 無人 聖遠益悲思, 國亂滅法則 撞斗氣填肌 有席未肯媛, 識 幽繁相凌逼 豈無 我爲斯世憂、 弛 擔疇 虛職。長詠扶風歌 濟時 角犀彼所 懷? 遠適烟瘴域 明夷入地中 先覺資玄德 無善 棄 誠知勞者 心所 頑囂彼所 書生 惻 心 供 發 H 獨

#### 劉 先生 輓 詩

陰 堂夢東 里, Ш 石折西州。 哲人一 萎喪, 區宇遂冥雾。 夫子挺異質、 運窮才則優 名都 富文藻

傷

古所 瘳 北 巡 華. 失 宗 面 初願 強 休 紹 知 儒 採 綿 獲敢不周 修 邦家欲淪 |協辰 審 慮 門 權 滅 圖喉。 興 鯫生亦倦遊 t 温顔論文史, 業, 法術空探搜 利 輕謗則 經術超 拜 推挹殊一 辭既 重, 桓歐 帝典 歉 高位禍之由 闕 齎入棺, 文獻兩悠悠。 恒儔 析 新 有 聞信翻疑猶 負 幽都居數年, 荷, ¥. 生狎風 堂構 萬恨詎易删, 增 波, 塗髹 何啻爲君留? 傷哉後死懷, 今兹正首丘。 時命 既 九京不可求 多池、 屬疾經歲 悲罷空綢繆! 夭枉良足哀, 濡 時, 足 撫躬若槁木、 非良謀 將護常思 肩 隨 今終 易 逡

泳懷

瀉

淚

因

江.

流

哭寢

禮

既

畢,

奉

j.

州

京大如 金 聲 Ifij 常 玉振 礪 聞 全 德人. ıļi 牌 雖復 何 隱 夏王 粃 糠鑄 赈 跡, 適越 堯舜 未解斯民 思 伯鸞, 依物 困 57. 爲 歌嶠 i: 周 服 懷 假 7 遁 晋 蝯 世 亮 狙 廢興 無 毁 悶 验 製固 曲 神 其分 人 州 昔 是非安足 未 菁華 康, 既 華 先 裔 竭 尚 紛 赛裳復奚吝 涿 打 Tr. 唱 高 à

贈潘生

流 乾 避 患向 何 補 海 谊 濱 尼 枯 思及門, 梅乏儔 侣 П 愚與 舊好 多魯 得 潘 生 精思更力學, 令我忘覊 旅、 其道必相輔 清談母 終 日 間 然 而 原 本 H 章, 及 隆古 君 子之所與 帥 説 (3) 11 深 周

壤

受誣 其師, 但 足欺 壟 瞽 嗟 余遘 幽 憂 識衰材 亦腐! 願子昭 鄙 忱 臨篇 貢高 矩

### 遺興 四首

不悟身爲椽 陽 藏 龍勿用, 所 居 宜 在淵 奈何 需 1. 沙, 翻受螻 蟻憐? 强 弱 各有時,巨細何算焉! 長松笑穠李.

富貧與貴賤、 其位 有 時 更 世有 真强 梁, 亦能保 弱然 傷战衆暴 寡 此陷 無由 Ψ. 公平 飲狂

尾生空爾信 交前 亦見欺 萬事 堪傷 心 不如生別離 民生 固有樂, 天命 蓋可 疑 穀異 死 則  $[\vec{n}]$ 

皎

日

以爲期

始

知

醉勝醒

生 死 夢 吾 魂通 生傾倒 者 獨有一 汪東 所異惟形骸, 心同事則同 七年共辰晏 別經春冬 再會恐未然

# 偕孫生三貝子園晚坐

蒼蒼想雲樹。 夕 陽 在 短 空園衆籟息、 籬, 遊 人皆已去 孤鶴警將露 愛此 湖 上亭, 1 居塵埃中, 久 坐迫矄 暮。 喜與水木遇。 天光 出 一荷底, 閒行倦即還, 時見 昏鴉度。西 載此蕭問 Ш 不可 趣

# 秋日諧孫、 曾二生自大通橋泛舟至二閘,

飲村肆, 看夕照, 向暝始歸, 留題 肆 壁

葭 長纜佐急絙。 戀西山 漕渠秋益清, 此景不可贈。吾儕江海人, 小橋俄當前 野航 可乘興 '湍鳴棹歌應, 蘆花無遠近, 遐想互能證 飛流墮窄揭, 鱗波且余媵 更待春水生, 驚瀑懸危 淺洲鳧個個 磴 買舟續前勝 覓坐看斜日, 矮田薑稜稜 村 醪初出甑 柁工資水利,

餘

# 至武昌寄北京大學文科諸生

黨不見遺, 南紀今爛尊 深淵 徒恐燕雀輩, 有 承命載欣奔。 瀾 追惟 龜 湖功, 嘉穗向故根。 早憐朔野寒、晚愛江鄉温 共信危能存 宿心既云慰, 離別誠獨難 雖幸楚風遠, 萬事何足論 思之尚消 談讌 且軫念, 猶憐秦俗昏, 魂 馳車 武陽外, 況乃託弟昆。 微驅感萍蓬, 日夕歸修門。江漢自安流 久要貴不忘, 累歲懷蘭蓀 薄終

## 春暮獨居言懷

義

正敦。

昂首譏翔鶤

春事已將闌、 愁心殊未殺。 兹鄉信荒僧、 俗士日相穢。蝸廬處卑濕、不受陽和賚 晨曦久不出,

情究不 暮霧常蒙蔽。 充疇類! п] 生來足艱辛, 孤 願馬 日視蠅頭書, 能遂。 死去填榛薈。 废持冥往 點鬼亦以憊 心 多言復奚爲? 腦 專 匈 存微 心伴童稚, 概 深憂原自察。 豈畏宵鐘長? 俄復厭囂 遺 長嘯《扶風歌》 祇恐瓶 漸欲 杉敗 去煩喧 鳴 夕陽任 呼 永 蟣與身, 與倉燈對。忘 西邁 萬古

# 六月二十日又將遷夏口將發作

收果, 老 遂塗炭 此豈偶然?遺教所燾幔。 弱 隨奔 碩果必不食, 謂人宜相親, 臨事仍嗟歎! 財微思獨據, 鼠 門下數高 勉旃濟危難 胡爲脊脊亂?謂人皆相棄, 流離及我輩, 生, 官少思先宦。 人靈賦美德, 服勞迄 有天不敢怨 無 帑充思敵國. 倦。 即此深可見 烈日運行裝, 忍死不肯叛。 IF. 言告我友、 名大思孤擅。 因 歎元二災, 夜息猶未飯 民彝本未泯, 古道存 如風相完 初非陽九患 徒增此 綫 扇 激者罪難追。我躬 發, 心赧, 清晨就神占、 如水 或 未祝君 亂 相 汗漫 競爲 水 惡, 顔 造因 我 慢 斯 民 刺 致 Ĥ

#### 雜 首

彖

執 節 固 女蘿何褒裹, 百有常 君 身上 松柏生崇尚 青雲, 萬 歲何 **因緣得同** 詎 央 體, 安 身委塵埃, 歡悦誠難忘。 還在深根旁 常恐寒風 修短 至, 弱身付嚴 11 有 命, 霜 何 能 相依雖不久, 咎穹蒼

等 R 辰 1: TH. 11: 视 游 爾 岩 相 朝 期 任 霞 何 桃 許 李非 哎 其侣 任. 1: 官旁 保 或在 盛 年 歡 漆之滸 [0] 13 見時 有 愁苦 舞 婆娑, 莫嫌 11 別 作 肺 肖 淚 加 縋 Hj 常恐華色衰,

#### 偶成

惛惛對簡 111 理豊 篇 有宗? 音生 亦有 衆説良紛然 涯, 此疲不 形骸該 可宣 前存 願得 欲辨多 AL. 長草 拘奉 醉三百 41 物 年 更 夥 镇 雜識 自相 賢

鬱鬱送

11

# 閔亂憂生次汪逸感懷韵

膽 11,1 致 Æ. 知 見 位, 身受 嵇阮 吠思 流 胜 或 心 學 剐 光 誦 時當無妄九。 未知 4 狗 勿 感 未必各媒酒 擠 輕 心懷篇 排, 11 歌詩 元二災, 論復 徯子 傷 。 高 擊虞劉炫輩, li 微軀 罹 相 朝朝來, 呼 韵 横流欲到前, 人偶。不知 不先 以 得 缶 度否? 復 廷凉當北 不後 愛 飢 死占 危城 君 洞 水魚, 魦 濟湖追援手 坐玉 脱 亦思 牖 所 喉 有 貌 漏 H di 笑我 平. 括 卿 昫 114 ľi 類 真實意 业 枚銜 関 神 朋 保身遺 棘 器 [11] 反 夷 11 傾摇 曠林日 良蝴枝菀 隗 譽件 海復 勞心 老 殊頃 漫 弱 此禍 尋戈, 柳 切 村 中 久。 扶將, 腸 []] 聯魁首? 蒿目 景物最 遷 竞 爲 旧 徙煩帝后 難 恢 拔甫 水輿 嚴令禁奔走 娱人,酒 祀交, H 坐令壯 豈徒然, 所 秀 # 無 漿況處右 變叟 養 尉 救 H 薦 動 時 行 聊 宜 杰, 爲 曼 或 朓

## 汪逸再次前韵見和, 復成一首 奉酬

厚, 徘徊, 疵界自 靈明信多負 吾能受。 冧 物到 舌在 弱 愧 心亂波 雞 植畏險 舊鄉 雖 狗 足欣, 偃仰 亮可 巇, 流 明 惟君卓爾才, 九。 思醇 知樗 懷, 杜户 又苦營甑 況今訛言 酒 散 牢愁能 資 憚水 那憂歌滿地, 偶。 妄與 有 缶 畔香? 惑祈 深, 勞同 君 伊人介性同, 吾牖 恐懼豈無有言 先 驢負 後 澆風散淳樸, 徒羨觴在 板, 俱期 德庶肩: 久久 讒怯 飽 藜藿 F. 追思幽都 箕 竟欲離 隨 成朋友 張口 青冥何 浩蕩, 莫 居 便悲蒲 亂, ¥ 貧 自慰 院 絶 所 談無近 戰掉歷時久 尤 用 不狂 华 柳 何 醉 難 方, 後空昂首 還 忠信長在 事, 高世逾三后 獨立, 復 冀兒 心田 老幼 躬, 曹, 去 狂 幸無 稂 慮 盧敖 迁 或爲天所右。 莠 111 遊太 風 疏 災, 名理 學道偏苦遲, 走 等 清, 至道 造物意誠 M 衆所 以 叟 此 嗤, 微 金 H

#### 聞 兵興感憤 治作, 仍用汪逸 韵

石有

時銷

丹心宜不朽

見 侈 不 逐 知 緣 小 裁 狮 人 專 狗 仍 域 妣 吁嗟 柄 叙 貪 谷 不 敗 濁 酒 夫, 蓋 鞭長 亦 死權惟恐後 偶 **豈及腹**? 專已 必失人, 柯失還攘手。 衆人苦焚和, 等分敵 嗟余值 與友。 盈 廷 ~愁執 夷羿 崩 頹 竟 咎 111 遭点, 暇 機 畏尾 械 彎 14 首 弧 亦 精 空 竉 图i 翻 拯固道情, 后 笑漢 榫 Fi 欲 叟 亂 深熱

宋, 汰

厚。 臂躬受。 華域安鼇負 此 懷, 無生詠 定能 魯戈擬獨揮, **苕華** 濟陽 從此協填篪 九。 大耋思鼓缶 紀綱若 虞泉無墜 1獲存、 蚩出 誠易牖 否?大武在戢兵,正邦當獲醜 誰能代蒸人, 紛 憂 亦 **行看歌杕杜**, 何 有 啓 11 從實 呼天口? 鼎 不待零蒲柳。 淪, 誰能把擾鋤 災患歷 鯨 鯢 時 **整鎧竟何施?** 久 封 築, 盡去傷苗莠? 巨 一憝互 黎庶息奔走。 |動争 信須天人右 神鄉 薦 免龍戰 瘥 何 困 人同 惇 禹

#### 擬古 歌 辭 贈吴生 三首

功

在庇民,

能纂

即不朽。

見 恤 作不 恤 乎! 語 秋秋平 呼俳 ! II, 宜 所 樂而 俳作 反 憂, 起, 無 愁而 24 4 敬止 有愁。 人 邇忽而遠猶 無爪牙, 恃有智耳。 吾子之傷。 既生 (南蒯鄉 華夏, 人言 幸免像 鄙

思

則

有陵,

幸知書

史。

試效榮期,

能令公喜。

(《俳

歌

\* )> )

永 身以 名德及時豐。 離 胸 盡 H 孝, 没 不 利民 周 必長戚 生爲四海貴, 西 73 城城? 月出 爲 忠。 丹淵 願 功業雖 中。 殁爲百世崇。 大明有代謝, 不 就, 文章 誰能棄人事, 獨可宗。 萬物疇 富貴 爲雄? **眼勉從喬松**? 雖無 造化賦 時 天爵 我形,靈智降 籍《 誰 以自 能絶倫黨, 封。 我 遁世 躬。 復反 不見知, 庶將借 顓 頭風? 光景, 謹

#### 雜 二首

何

君

樂融

融

負

新非

吾賤,

緤

組非

吾隆

阮

採薪

ti

歌

朔 方苦寒早, 況乃值 周年。 枯籜布庭除, 秋華不復妍。 之子遠行役, 經時阻 Ш JI 離索 非情歎,

亦不受棄捐 增冰蒙朔野 人事本難量, 時節迫周 宿 星。 願恐易 微陽無暄氣, 愆。 期子属功名, 空館有餘清。 賤妾何足憐?蓬飛 緑醑暫斟 酌 朱火坐晶瑩。歌聲出金石, 既已矣, 蘿附 殊 徒 然

**咏懷** 十一首

結終難平。

人生何足實?七尺幸百齡。

胡爲辨真俗。

恐此未忘形。

榮 瘁隨玄宰。 青 青松柏姿, 凌霜未嘗改。 願爲蔦與蘿, 附生至千載。 桃李豈不妍?過時多所悔。豈敢驕春 陽?

京城何廣廣,

抑爲名勢場。

游子拙世用,

終年思故鄉。故鄉遠且艱,

不在限津梁。松楸在

近何許?

望心茫茫

恨酒 不濃, 凡楚各存亡,達人不欲問。 斬醉難 無悶。 詩人歌《黍離 ₩, 事去徒悲憤。 吾嘗好 《唐風  $\approx$ 山樞有餘韵。 但

佳人在天末, 思之不可見, 恨之彼不知, 頌之非所羨。 貽之有字書, 托之雙飛燕。行矣各努力,

臨 書淚如 年 霰 壯年苦 羈旅 游好在詩書, 不足數。 高歌乏儔侣 炳 燭 窺 陳篇

蕃疑 復誰語 弱 值 孤貧、 所得 西 日照空尊,

娟娟天

上月,

灼灼

庭前華。

月

亦有時缺,

華殘增感嗟。

奈何

彼姝子,

今朝在

天涯。覽此

更無言

聊 復寄 疏麻。

成 虧自 1有分, 况乃國興亡。 五胡亂中國, 終亦歸淪喪。 河竭淚難益, 杞憂信荒唐。左衽 非所安,

不見 元亦何傷

延 賓酌瑶 流水自東流, 亦有西流者。 神仙縱妄說, 百年必非假。 我不餐芝苓, 但願懷得寫。秉燭夜行游

何 心膝上琴。

明鏡不疲照,

應物無滯心。

萬變何足道,

吾心焉得侵!酌以一斗酒,

陶以百首吟。醉歌亦堪樂,

寒冬夜太長, 獨眠苦易醒。 静味不易諳, 年來已細領。 空庭響枯葉, 幽燈漾微影。遠鐘來枕旁,

寄懷諒難遂。投筆待晨曦

爛 戀清宵水 數句聊自娱, 言多殊乏味。 醉眠自可欣, 此外亦何覬?良知阻天末,

郵 書到門未? 獨酌謡

獨

酌

謡,

謡 Ħ. 酌。

尊中酒不空,

即 是神

.仙藥。

晴 晝度高冠山作, 用王 十朋一覽亭韵

4 生愛看山, 登踐每不敢。 偶然 陟巉崖, 慄若臨坎 容。近來 羈思繁, 彌覺幽興 淡。籬門對南湖

無心 11 天宜曠望, 原慘。 玩 黄塵蔽中原, 苔。 緬古生凄感。 豈知 林 壑勝, 瞻眺翻增憾。 雄城稱敵萬, 終於歸遐攬, 郊壘日益多, 運去供吞咯。 南紀壯北 已破城中瞻 Щ 飛樓屢化 設險固師 灰, 方當関 坎。 題咏空盈 層城 劬勞, 赧 槧。 丹霞, 未遐誇游覽 晴清魚鳥樂, 環 陂族 青 划 #

# 迎新婦者有感而作

反合 泛兩 貴賤 遲 疑。 浮萍, 同堪 衰女未必慧,慧女未必衰。紫玉愛韓童, 當合而終離。 譏。 糾纏 一旦爲 世皆信禄命, 到 fr. 机婴。 壟, 世縱勤劬, 並槨還同碑。 懦者安定分,茹蓼以爲飴。 亦或擇門楣。 内顧恒悲欷。 **豈無素心人,相望若天涯。** 媒妁口如簧, 寧非一貴姬?敬通納悍婦, 鴛鴦不獨宿, 明者怯世教, 嫫母成西施。 合昏尚知時。 不得御輪還, 獨處常嗟咨。抵死信禮防,不敢 雖愛國 任氏固已卑。娶妻乏情 高貴, 人生乃如此, 仍爲 反受興公欺。泛 世 俗嗤。 何以 當離 爲蒸 丽

#### 秋懷

落落 歸 耕 愧老農, 倚市 稗販 買山笑充隱, 求官愁小傷。 幽多誠 難 忘 棄置 亦所 願 疏 疏 風 際

霜前 蔓 節序 有慘 舒, 形骸異羸 健 將入寥天一, 先泯歷物萬 夙因 一倘未 銷 隨 流復奚怨。 跛

亂

晚 已疲, 屐須 靈驚嗟爛遠。 夕陽薄西山, 功業不遑建 寧畏長宵 惟宜縱耳目, 曼。 且欲加餐飯、 深居愛問静,

宴息

### 和 擬李陵詩 六首

從

着

親

蠟

持

觴

還

自勸

盡此

有涯 生,

西 風 吹浮雲, 蒼鷹不 得住。 問子之何鄉?欲寄一言去。 天地. 何修遼, 山川復深尚。 羽毛日推 頹

將 無零落懼?謝子將遠飛, 蟋蟀應秋吟, 思婦中夜起。 有言勿空付。 星河猶 可見。 焉得 君行幾萬里。 如 雙鸞, 共飲 昨者 丹 Ш 理 路 寒衣, 欲寄無行李。壯夫遠行

諒不念妻子。 春華 日夜零。 秋機 不堪 理。 豈伊 獨 自傷? 念 君 何 時 已 !

誓言 同衰老。 絲竹有新聲, 君已 振六 難以寫懷抱。 翮, 何由 憶疇 日暮浮雲飛, 早 因 之思遠道。 良會不可常, 玄髮久已皓。 念昔游處 時,

班 爲 長鞅掌。 明 月照空 帷, 帷寒月彌朗。 餘光更照君, T. 里同懷想。 秋風吹遠道, 征途多館怳 願 君早 還

指 日誓写着? 送子上宫旁, 期子 妹之鄉。 日晏君不來, 採 麥徒旁皇。 人壽詎幾何?歡樂不 可忘! 安得 抱 柱信,

人生孰爲貴? 所貴足胸懷。 高視升紫庭, 乘龍叩天階 左携佳麗手, 共 E 軒 轅 4 四 溟若杯水,

泰山 化塵埃。 今日樂相樂, 千秋萬歲期

### 秋熱復甚, 樓坐遺懷

火 旻依然高, 毒意誰辨?下 三伏 得快雨, 民空嗷嗷。 **廛**閈多瘠奶, 暑氣暫藏 白露會須零, 重以 逃, 初秋 田禾焦。 發北 臨樓貼斗杓。 風, 試詢馮相 夜坐 氏 思禱袍, 所説令心忉。 陰陽既 乖錯, 羲輪見黑子, 凉燠 均煩 八表同炎敬。亭 勞。金商不當節,

候固無心, 亦徒悍。 哀音轉零亂。 蟋蟀秋夜鳴,令人腸欲斷。 置身戧金盆 聞者空增歎。 主客罷燕談, 呼燈笑兒女, 例供養豢。 悄然 命柔翰。 風詩戒無荒, 何如牀下隱, 籬落尋無憚。 會合不可常, 歲華寧可玩?悲思果何爲?切切長宵半。東壁與 常作幽人伴。 **鬮**争豈不勇?微軀何足算。 任力自終窮, 感兹驚物换。 良夜不輕負, 白露下空階, 來日有何難?寫君入 凉 颸拂疏幔。 西堂 尚氣 應

古風 贈吴生 付與知音按。

青田 有一 鶴, 高唳 發奇音。 忽然訪孤鴻, 暫止楚江潯。 鴻鶴雖異地、相償無二心。 鶴飛更何向?

鴻病日益深。 毛須愛惜, 羅罻勿相侵。 疾鴻語飛鶴、 若念孤鴻病, 爲我姑滯淫。 還來江上林。 天氣漸嚴凝, 霜霰方自今。 山川 自紆曲, 雲水自蕭森。

羽

### 感遇

午蜂趁殘梅。 春氣及衆彙, 蕭然送長日, 孤吟悶空齋。 抑鬱多所懷。 陽 和 酣暢, **懿親疇能忘?幽獨自堪哀**。 枯卉滋新荄。 静理已有會, 息陰向寥寂, 對物成徘徊 處化煩安排。晨禽弄叢樹,

陋巷

蜂房各啓窗,雁户俱接宇。萬聲雜啼噱,

百族溷勤窳

蚊蠅已相狎,

燕雀還見侮。入夜厭歌呼,

然悟盈虧,

悲愉何爲哉?

當晝 在環堵, 罷得微吟, 困炎暑。 問字冀侯芭, 人多能偶語。 下戲隔鄰兒, 泉糧慰桑季。 身世甚飄蓬, 妍妝當牖女。 明明睹日月, 邦家任離黍。 羈懷日凌悴, **鬱鬱愁霖雨**。 老弱果安全, 旅病躬撑拒。 且爲尺蠖藏, 禄命隨齟齬。 未敢怨顛連, 漫羨冥鴻翥。 夢鄉托 華胥, 尚幸逃 吞咀。 來日未 書城 酒

## 連句呈章先生

미

知,

今兹遽如許。

窮冬霆亦收,亢旱龍亦隱。 聖德有時衰,侃世亂今方蠢。 夫子昔匡時東諸華幸無 坛。殊勳竟不報、

容

泯, 侃奇策嗟仍 東 常聞當夏 蘊 暴, 删定阨窮餘, 桑榆 彌易 忍 東歐烝出芝菌。 黄 綺終逃秦, 豈惟飽邦民, 傶 嬴宗久顛實。 侃 百世知繩準。 所期餐紫芝,修齡恕堪引。 周鼎與 (康壺, 貴 賤未 更希强

著書,

真宗示關尹。

侃

### 月廿四 游 雞 鳴寺登豁蒙樓, 日偕旭初 挈弟四 久坐成咏 見念祥

竟蒙瞀 興諒 冷風 由 拂 建康古名都, 羔褎。 吾儕志寥廓, 張狄安能又?追維陸沈始, 開軒俯北 江山 湖 信雄秀。況當春物妍, 偶來送清晝。 倒影 涵 鍾 長 岫。 此責誰敢宥?蒼生遂拘攣, 懷雷次宗, 美柳. 甫規 適與 高風 学, 良朋遘。 如 11 可 原 就 信步陟精廬, 已摛繡。 日任蛙蟆鬭 故相名斯樓, 牽裳有孩幼。初煊尚 憂端紛未理, 篇榜 黟 非 舊 餘寒, 伊人

廢

# 月廿八日謁孝陵作

州復昏墊, 增 路 晴 無馳寫 光照 流 書帷, 績誰纂綴?侵堧彼何人?堯跖豈同例? **- 一 葱 識** 北阜在簷際。 陵山, 頹墉 頓起尋山 想 前 制 情, 追 懷 良辰不煩筮。 E 彼 功, 仰瞻翠微高、 光靈 和風 如 未 拂衣衿, 逝 **着松鬱相楠** 惟 傷 細草承車 淪化 萌、莫覩休 轉。徐行出 陳 詞, 明 111 開開 皇鑒 神

與汪生及從子焯登燕子磯作

曼 翔 乾棟折、 燕非斯容 危 機 拢奔流, 天斬 時清 難爲 維費 氣增江介雄。 功。 舶 春 心 世亂阻艨 誠易傷, 登崖 艟 縱退矚、 高望眷彌重 廢興信代有, 身若憑虚空。 楚山 夷險理 既 昔人 綿 貌 淮 通。 誇石頭, 吴甸仍 荷非 1 命 題品殊未 世才, 葱 意隨昃景馳, 疇 L 能 兹 掃氛家 Ш 洵 虎 日送 踞 所

攝山紀游詩 十首

高東。

方期

游汗漫,

相與

招鴻蒙

欲洗摩土 111 桃明 夕赐, 翠屏當我前, 輕軺過村隖。 攀陟不足苦。 重嶺藏招提, 况得將家來,更有良朋伍。 靈境未易睹 水懷 公高栖 Щ 中富水石、 捨宅事已古 世上多豺虎 雖 慚 幽貞 遐

心亦

此

馬契,

送老甘林养

昏鴉邀我來,

共**聽香林鼓**, 樓霞山

驛

象偏苔崖, 與 Ų. 傘山 肖其名, 真 供養亦已汰。 停開 亭幢似 明 居士 車蓋 桃萼點華鬘, 皎皎緇 我從葩瑵 塵外。 松濤和清籟。 間, 眇然 仰觀天晻靄。 精 廬, 徘徊香門前 久矣同 繁英級金華, 植霞充结传 蟬蜕。 水願辭塵埃。 浮屠 置不 貧 樓 (霞寺 此 宅尚 竟欲乘雲 煩行。 寫

\_\_ -t:

名 E 隨 風飄 家 佛 事, 徒 令海 壯 西 觀 客 逾 南 贊飲不 朝 峨 · 軟驕 峨窣 堵波, 何獨 千載 明 元 琳, 峙 煙 霄 F. 象 當 存 一時諸 Щ 椒 巧 Ļ 瞻 拜 變相 渾 忘 疲 窮 墓 描 凉 月升 藝 能 松 絶 標。 薪 鉄,

舍 利 春 月己 」娱人, 況在深山 裏 圓 光出 東山, 法界净氛泽。 杖策遂躋 攀, 良游未 可時 îi 登 冠

畏晨 鐘鳴 繞 fi. H 便令清 k 哺 景駛 作 鸞 音, K 'nĹ 寥天 峰 送 神 理 芬 馨 發草 樹, 111 溜 清 入耳 沖襟得 勝緣. 此 遇平 生 旧

朝 暾 入深樹 攬衣 収 呼 係 哲登雲峰 ŀ. 瞰 渝 江 流 中 道 傷 故 靈骨 瘞 Ш 幽 折 麻

聊

展

拜,

尚 他 陟其 憶平 衡山 生不? 巔 有 禹 快哉豁 碑, 無生亦無滅, 未知 雙眸 誰 ! 所 鍕 造? Ш 白雲去夷猶 如 襲繆欺 部 製 方來 萬 物 前 成 行 剪 經則另 陋儒滋足 蝣 舉 媢 觴 1. 步 勸青天。 欲 惟有天開巖 九 留 樂死復何求?自宗仰上人塔登 巍 峨 鑱削自玄昊 真宰之所存. 茅宫, 蒼然居 Ł. 頭 頂 僶

慰孤 抱 諦觀昔人 書、 半掩豐草枝 空山水潺湲, 高冥日町 暤 古今歸一眴、 怊 恨焉 能

道!天

開嚴

稍足

#: 年 俗 説 誦 III. 離點 深 HE ... 奶 蒙象 意已憤遠餡 教 ij 久 13 雖 脱 Z 謡 鄉 染 涿 Ι, 思名 發苦 1 提 心 [1] 掩 验 確 生爲豺虎 失其 險 棄 寄言 死 乃託巖隒 彼黨人, 11] i 以 息 毒 波 類

儉 新尚柯胜

11 罅徐徐 17 爐 変 뱃 11 所 業 H 慢 獨恨 潜 虫山 # 水 近 淮 版 1 及兹得 敢們 檻泉 何 須 見空外 飲 iff HIJ 即 暾 此 登心 沈 华 魂 祖 其 珍 底 珠 泉 奇 詭 難 11. 論 蠙珠何 f'j

幸未全機減 11 碑 出 重 學, 象法 王記嗟 超斯冰、 久缺。 毫芒示真決 唐宗擘窠出, 不但 液長書, 何人妄鐫鐭。東海 收拾存埻臬。 有雙鸞、 Ш 靈長護持, 題名留嵽 嵲 毋令閟巖穴。二 苔蘚 雖 編 璘,

老十恐 111 難偏 本無情, 昨 來逢嘉月, 會心皆足戀。 宵景彌堪忭。 矧伊林壑美,古來集琴彦。磵户尠蟃驚,原野從 龍戰。九州 今晨歎 有渰, 氣候曛朝變。 後來知如 何? 臨 豈不廣? 發 懷 深

1. Î 111 連句 塍

徐也名

陰 遷變 **売柯今不繕** 件 州 3 廢 旗 憑中 東 狐 狸嘬達官, 豈可 徧 游 園池致朝彦。 客 工略名, 遂來萌 廢興 理所有, 隸 羨。 侃 兹山 愚者懷深睠。 本培塿, 侃 適與 # 宙日 鍾阜面。 崩 頹 飛蓋昔成 丘陵 更

ME Ħ 流鶯 聲 猶能肖遺囀 東

偕汪生自鼓樓岡步上翠微亭阯, 降觀石頭城作

卉皆芬馨 樹波 贵忘梅, 柳華始欲舞 飲酒畏促齡。 桃萼未盡零。 寄情巖 壑間 苕遥陟絶陘, 冀 台衛生經。 詰詘升危亭。 邦中富登眺, 石頭有 何事之林坰? 遺 迹, 設險非 矧 常形。 伊植清燕 長

H

江自浩羔, 鍾阜還 一葱青。 遠樹 暖 平陸 頹陽 照前汀 撫化彌凄惻, 傷時亦零丁。 惟應賞心客, 可 用

陆

性

靈

獨登 豁蒙 樓, 位諸 游 客賦詩、 照相

九日 見 邀與 會, 分得 泛字作 釅 梵间 111

來 冀 4 可 荒 聆清梵。 刺 且復持 無心值草 id. 賢, #1: 人歎摩 多謝愛能氾。 爵 今我幸 萬神 無欠。 寄 水, 銷憂端藉斯 聚散均芝芝 寧問柏舟 愧 無明 珠投, 洲 ? 亦未 勞按 劒 歸

空愛佳辰

名

П

月去如

帆

霜花早未繁,

感深酒難職

桑泊雖清

泚,將涸那堪

泛?

雞籠

抗

高

閣

王 申 Ė. 已什 刹海 楔集 作

草礫 失其 111 林艿尚交映 偶應合, ıĘ 寒 TE H. 感彼 宜 喜附名姓 觞酌 春 娭, 北湖 行蕭詩, 暫銷病 陽 漸 清 舒 願弘 核除心, 織以 洲 泉天 水和 11 拉 西 件: 11 14 亡遠, 轉 學 詠 長使風 浴 明 浄 弊 基賢志 籠採, 11 勝 廊定 氣晚 1 11 ·辰 H 柳 枢 刨 盍夠良 美 歡易并。 泉堰 晝煊桃 11: [1] 慶 int. 此都本京 端 裕靚 間 遺文淚 居或藩魏, 뵨, 日余類海 以堪进! 冠蓋 鳥 謀 昔 野 爲 神州忽波蕩, 亦存 盛 鐘鼓豈辭聽?山 城 鄭 闕 雖 É 就 民物 慚

### 夜登廬山

山君怒。 休始得上, 蹶愁餘 向 晚達潯陽, 憂慄纏我心, 仆。 不遑計里步。 靡靡歷陂陀、 殘日下高樹、山靈雖好客, 無復尋幽趣 汗晞無以繼,誰敢更回顧。 漸漸升雲霧。 嘗觀第伯記, 朏月出天半, 卜夜非常故。 天門亦宵度。 荒谷啼怪禽, 畧能辨蒼素。 馳車抵北麓, 今日聡其言. 深菁繁螢聚。 危牆 興輪夙已具。 阻 我前, 所得惟驚怖。 既虞暴客侵, 有梯卻無路。三 筍將好安便, 告傳好 又畏

蓮谷曉望

游

人

**興途勿輕** 

赴

洲溆 姑何時來? 布河漢 宵棲絶壁下, 如 雲氣聯地 舟欲檥岸。 凌曉得殊觀。 維, 佛祠象 柁樓, 間 光赫 朝暾出 天半。 高塔作橋幹 咸池、 上下 五色相絢粲 倘易所 2 物色窮儀圖, 正色互 霞光盪金輪, 難 判。 無言獨嗟歎! 須臾氛埃寒, 繆繞久不散 幽賞今始逢, 轉覺天地换。 彭蠡倒作天, 清暉 大

天橋

萃朝

旦。

大林日 亭午, 炎威且復驕。 不見林下僧, 獨值嚴邊樵。 導我 行幽澗 云可瞻天橋。草 深氣自 凉

化

地底遥 1 無風亦飘摇。 善推 护 相望不 盈咫, 百堵高翹翹。 寒泉流石間, 欲度無龍蹻。 況此東水深, 暫漱忘煩敵。不浴早無垢,何用褫紒繑? 倘逢伯昏來, **垢沫相諠囂** 庶用神理超。 散若盤傾珠, 聚如風 突兀雙石根, 曳綃。 勢欲干青霄。 墜反寂然, 始知

### 佛手巖避雨

似兜維手, 抱酌無尊罍 危嚴關深實, 撫我如嬰孩。 是時日甫冥, 側徑陵古苔。 怖鴿尚得息, 倏忽生雲雷。 洞門抗高閣, 驚憚何有哉? 空閱激狂飈 中見堂堭開, 心地許重修, 幽壑閟陰霾。 何必軒與楹,夏屋羨其恢。清泉瀝石罅, 永願依經 見聞注一 墓 境, 萬念芟根荄。

### **咏**廬山景 物有 贈

**雄既堪結**, 隱隱前山鐘。 蜿蜿巌腹路, 芝術尤易供。 萬緣交耳 族族澗底峰。 Ħ, 何當擊之子, 孤念澄心胸。 **烰烰升甗雲**, 來往駕鸞龍 清真但自 汲汲赴壑震。涓涓一 領 幻譎難爲容。 滴泉, 埤滩三尺松。娥娥上弦月, 久病物役紛, 早衰道意濃。

薜

### 幽澗

41 爐 幽澗旁, 澗泉潤叢薄。 緑蘿卻炎曦, 四面皆蒙絡 琴筝寫崖響、 **茵席飄餘**萼 寧羡飛行仙,

再經大林望天橋

驚起濯羽禽。 摹山忽然住, 險徑不知極, 附壁何岑崟 佳游難續尋。 斜日眴紅采, 徘徊將暝暮, 澄潭涵影深。 愁對薜蘿陰。 苔斑織錦石,

松風奏琴音

幽風時一

飛,

與焯話故山景物連句 四首

,所以十八**等,**我工具,我是有一个人,有几个人,我们就是一个人,我们的最小增(悉心閣),我们就有一个人,我们就有一个人,我们就是这个人,我们就是这个人,我们就是这个人,我们就是这个人,我们就是这个人

精舍在澗曲、晝長恒掩關。侃

息

心終

杖策

在

诚 幾番 蘄 松柏望蒼蒼, 水卅六灣, 遠夢墮樵徑。 陟嶺心已快。侃 **基山相照映。**掉 侃(蔡家庵 丙舍日 此峰更葱蘢, 夕來, 意行辨溝澮 適與吾廬並。侃 焯 髫年 夢尚存, 遠樹帶餘暉, 將老痛 初宵送深磬。焯 行 邁。侃

桑 梓恭, H 湖啓澄陂, 甘棠知勿敗 烏石壯層阜。侃 悼 (佛指嶺) 中有我所懷, 何止愛林藪 冢樹日蒙戎, 虚出先 人 手。悼

者書.

與爾娱顏首。侃

(鳥石山

\_ = =

何當此

匪唯

行路難

奈何! 人比去年新。 君不見梁間燕,秋來夜夜聞長歎。繡户金堂異昔時,兩地分飛君不見。請君莫問去年人,今年 羅帷深夜延明月, 衹惜流光不照君。 行路難, 難更歌, 年年秋色還相似, 人事無常可

行路難 又二首

車大馬黃 金鞍。聲名既起意氣好,遇我曾非疇昔顏。便欲當途策高足, 金尊置酒爲君歡, 請君聽我歌路難。 楊花漫漫渡江飛。江頭絲管娱春日,焉能知我心中悲?去年辛苦與君别, 人生盛衰在俄頃,逞志究欲須當年。 何爲坐愁復行歎 昨逢舊人過都市, 高

眼今年又 三月。早知麟閣未成名,莫令化作空城血。東家少婦鬱金堂, 二千石,歸來鞍馬何煌煌。 漢陽三月春未歸, 春深日日理明妝。

夫婿新爲

### 初 春得 平君島上見寄詩,感念今昔, 因成長歌一首, 還寄

曾云行遠宣高文,「篇名報張吾軍。老師爲事誠殷勤,二汪劉胡俱策助, 微点 是知大道忌陰謀 路 家遠遊避官 存來純旅 東洲 翻嫌九鼎 北 钱 人度卿 君乘帆傳經 版材 影平 胡 IJ 年受經 ¥. in 革命奇功運而往, 無人問 卻 余 再至傷重足, 1 媒 輕, 絶似 係黄翫歲衆争怪, 望師門負恩義。 11 東 故十愁崩離 海 沅湘 臨河數 投鞭似惜一江窄。瞻言之子有良謀, 翻然折節攻詩書,曩日陰符在 此 濱 彈丸飛來誰所仇?長弘碧血三年留。 日納館唯 撫今懷古纏深恨! 款言但感榮枯速。大索驚傳逐客書, 自 鳴犢。 南都枚卜得民主, 慚後覺依天民。 中原豪士何紛藹、 **消**武 嗟君南北徒鞅掌。 君當出走防株連、 鎮南一 頃之湖口 古時 衄連三: 忽聞 興南風 載酒有侯鋪 剥復之交巨儒出、 北地移文風讓王。 島 敗 t 自傷亡命如當年。 冥鴻各免罝羅害。僦屋皆依新小 新舊相鏖禍有胎, 尺書來 行策 都言張楚失兵機, 樓船漂梯下吴凇。 與君 鲰生一誤在論都。 微驅苦受饑寒累, 章君籌邊羞碌碌,直言招過身將辱。 伸紙低吟 同志兼同師、 欲持漢道 乘時攫柄誰家客?漳濱決起來燕陌 凱歸競唱南 弩末猶存國民黨 淚頻抆! 唯将一語慰君意、脈下今有 白門收骨哭新鬼、 誰信衰周待天壞, 清 胡 空貽長策制中夏、 訓身戏 征 傾蓋已恨相逢遲。 塵, 1 曲 同時我草驅胡檄、 態 111 哲人防患亦多疏, 貴陽平 紛紛月 幕儒爲 估名咸 末生智計冠同儔 柑 未陳 戲 丹穴熏君得老 我聞聲鼓動 素 入同盟會。 、輕俠, 不敢彎弓 枉將小 斌玞 鴻妻賢 竟能 棄 亦 技 μŢ 運 北 損

重 百 年身。 朔方今歲解 凍 早, 東 風 轉 眼千花新 麒麟表在 酒 可 貰, 卓氏豈怨相如 貧 花前 對 酌 有好

旬

即

付

郵筒酬故人。

# 題戴子高詩後

爲知己, 君此詩淚滲紙! 長 康之癡長卿慢,古蓋有之今不見。 謫麟靈鬼疑相即 曲居然見古心 男兒無成頭皓白, 我聞 鄭 康成 何似 瑯 琊爲 死入輔嗣室。 廿五騷經思美人,續以歡聞子夜變。 情 死? 遺事傳聞感慟深, 彼以後生詆前賢 把君詩卷一沈 我情私 孤燈熒熒雪拂几, 淑非真 吟。 DC o 九原儻許 虚幌摇 讀

#### 偶 成

摇

夜氣凄,

非偶。 佳 蒼生好亂終自殘, 兵戒 好還 戎首將受咎, 發難微功何足 魚腹書成 狃 大楚興, 神州紛亂且十年, 夥涉爲王 亦非久。 楚中士女日顛連。 坐令天下骨成丘 不須共效窮途哭, 秦法 近雖苛恐

#### 遭 興

請

語當

時首

事賢

蘇生西入秦 所說不見用 歸來發憤讀陰符, 口舌終爲當世重。 從約成時返故鄉, 腰間六印自

智計 树 yu] 煌 唯貴足 誰言及 治産 身後。 方知二頃少 鸱梟攫腐枉相驚、 歲寒松柏更青青 感恩裁用百金賞 世間事事堪長歎、 桃李當春 從來高位難長久、危機一 亦哲榮 斗 酒花前獨自傾 雞雅桔梗時 爲 帝, 發殊而走。空將車 **腺**楯 敢塗死殉 名 裂紿仇人,

偃鼠飲

雅 興

莫因 里行 FI 14 一髮羞明 柳纸 懸圃多栽 昆 命 鏡 ili 不死藥, 日暮江頭自惜春, 上有三青鳥。 君王何事羨長生。人生哀樂原無定,合意同 飛去飛來不計年, 飛花卻似舊時人。 E 母依然顔色好。 應憐人事年年 心不相 改, 自從黃竹罷歌聲,八駿虚爲萬 不及春光歲 並 且將美酒買芳年、 成就新

行路難

塵起 千金利器常隨身, 邪不爲利, 繁弱不足彎, 青煙 探丸報仇亦常事,快意何言行路難。横行側視誰家子?揮鞭燕市黄 颺仇人死 六合恢恢羿彀中,椎埋擊刺盡英雄。不須更著《養生論》

行 路 難 贈 康君 明

朝好

去

事猿公

趙壹當年賦窮鳥, 男兒有時亦潦倒。 疾邪憤俗復何爲?堂下伊嚘空自悲!西來不得見皇甫, 徒

與閽人争是非。稽康立議薄湯武,竪子紛紛何足數?晋文枉自號奸雄,誤信狂生是卧龍。 論就何補 春風明月酒家樓,二八吳娃妙解謳 徒令百世思清風 吾生落落不得意, 痛飲居然至夜半, 頑疏自古招人忌。玩世無妨效 期君不至使心愁! 滑稽, 失時 《養生》 且復羞

### 行路難

蓬累。

酒盡歌闌無復陳, 南薊 成常事,終羨共和是美名。 北三千里。十城 蕩蕩九城空, 長安城頭落日黃,高樹葉盡天欲霜。此時孤雁更難去,使我登樓懷故鄉,故鄉只隔吳江水,江 猿鳴鬼嘯殊愁人! 游氛蔽天關塞黑, 大軍過後生荆杞。 易京留滯歸不得。誰令虎豹守天闇?坐見豺狼滿中國。 慟哭秋原 一片聲,誰人不起亂離情?已知殺掠

# 書七月廿七夕事

有奇聲能嚇我 老人手顫今尚爾, 光摇摇,我步中庭行躑躅。 室小不能寬一畝,方夏苦熱秋先寒。全家得庇出望外,豈知異患來相干。夜凉飯罷當空坐, 兒童亦知辨炮聲, 稚子濕疾殤彌年。 去年象魏見兵纏, 便恐飛丸自天墮。 即今訛言猶未息, 炮擊南池火接天。 老人 縱得名酒難酣眠。心知危邦不可入,其奈飢 倚杖向天祝、兒童驚懼掩面哭。 吾廬墮彈以十數,皮肉未損墻已穿 秋星照庭 忽

争, 淅颼 火從中然。 以澤 | 颼林 際風 量尸 神州萬里皆榛莽、 猶未足。 淒淒切 大地真. 切 床前 蟲。 豈能歸去耕山田?兒童汝毋掩面哭,生居中夏寧非福?不見西方方戰 如羿彀中、 槍聲不起兒亦睡, 殺機遍 布毋 輕觸 老子獨對書燈紅 寄生且 作若. 晨鐘 F. 鳩, 動喜欲踊 未死還須議 饘粥 昨晚無端 淅

長歌

受驚恐

苦熏君 舜擅行 敢放。 預水未若滄浪清。 湯 武醜 Ŧ. 搜呼天天不聞 智巧都從世 洗耳空爲世上名。 變生, 我謂 朝觀 何必城拘與株守 h 死占所 駒王仁義竟何爲?欲與周室分蒼生。 羡 今且與子歌緹羣。 周公之服可衣狙 + 日瞳 方山之冠可 瞳 東海上, 人情狙詐無不有, 賜狗。 后羿彎弓不 人言丹穴

鈔票歌

實 木爲吏, 紙 參連 ൬ 徒以 已矣 印書失所始, 積威恐民耳。 暴 君 汗 史弊萬 鹿皮爲幣著漢史。 或言商賈 端 惟 有 貪利便, 兹事首 唐來乃有飛錢名, 屈 卷握萬金行萬里。 指 以 應 爲 宋稱交子或會子。 馬 黑 或言泉府通 爲 青 雖日 有無,將以輕重平儉侈 亂 名 明禁金銀用實鈔, 質 相 擬 畫地 爲牢 其

價日 實 如 永傾 不爲貧 錢神 持 絀民 綱紀 址 左 域中戈矛 汝 居 契責 勿喜, 爾來亂 賈 日 鹽米 貧, 負 匪 貨, 相 信 幾輩 簇 政 匪 安得 思 起 實 刻 勦 匪 富 民 期 地實 轉饟 絶誰 人出 不從 取 夷 償 他他? 忽然空 競向 賂 祭 景 爾? 徒 師 不 徙。 數大 鄰 以 國 但令貪婪 瑟 萬 世 呼 法 如 無真 庚癸。 敬骨 彼 11 勇 金徒 飽 府 髓 七 竭 渡東, 用 重然諾, 有紙 澤 横 鈔 若流水。 III 征苛飲古所無, 渔 岩顧窮閻 尺壁 不 魚已勞, 然四國 姦回! 言 有餓死。 無讕 同 裔然大國 扺 H 掌陳 十而 "火 抵。 税五猶 秘 , 但 亦知 许 瓦 使 計, 頳 執 石南金與人一 尾。碩 未止。 赫 政暫恣睢 遂以空券欺 蹄 非三幣, 鼠 自從 詩 時毀! 成 莫問 間 賊 念憔悴 所 里。 臣 買 覬 貴 法 神 信 鈔

#### 雜 興

斯

民

名勢問, 75 义恐 遭凌 <del>발</del> 不 躡。 能勝 能 勺 日以 基 求 愚, 海 心 帖 鬭 勇不 無 静 時 尋太無 休, 能 勝羣 簡 坐令精 常 怯。 得 强變 被 侣 褐懷 獨 疲 玉韜其 薾。 步 醉鄉 X 何所 光 Ш 畏 懾 與 尚須濟之以 樵 燈 拾 前 伍, 繁 兢業。 慮如 入市 畏 循 環 與販 振轡 明 夫接。 長驅 朝霜鬢又須鏽 人 所 何 悪 況 遨游

### 蜖

人生 切莫逢羈貧, 所 居 乃 與 誾 溷 鄰 南 風 排 牆 送暑 至 中 挾異 (臭兼汙 塵 首 娜 萬 數 尤 可 厭, 蚊

息怒嗔 會待 蝱 雖 凉 小 腿拂 能 誰令卜 欺 人 秋 足 居與彼 PH H 彼雖 壞 親? 有 衣 香膚 翼不復振、 彼之來擾亦有 m , It 疲 我乃安坐 思 因 夜野 正苦 思是 舒眉 響 飢 水沈 渴 H 侵 其身。 龍 懸斗帳舖霜筠、 腦 復 何有? 我寡彼衆驅難頻,即能盡殲 蒲葵 起視招摇將指 摩 尾不足珍 申 惘 亦不仁 然獨坐

### 送駱生

猶勞 浴 聲動 俗 燒詩書、吾心何 遡與子論交始 随聲 点 奇字問 洞 病 能 市 红 未能 秋 品 横徘 楊雄、 波 ha 枕 11 | 軟輕 [] 道在 鄉 **黃廣初** 夜起 講堂肆版三十人, 史 草玄作賦皆倦矣! 1115 傷不 無人、 上库二 H. 有客京華憶鄉里、 吾以 嗟余專固守前説、 歲 貴賤是非焉足紀?折楊皇華方 如 我於衆 湘中近世 瞥 田巴高 腦行 使换 山識 拱 號文林, 頭 避角連, 抱殘守缺聊自 fi f 要我贈 後稱 外上 歸採芳香襲蘭 狀貌 以言, 此口 温 得職, 54 攜 訝枯 .... 温兼 杜 來 寧敢抗顏爲子師、特因 括 無 肅肅 莫問 開 芷 落 幅宣 理。 出 我 儕輩, 引 望表已可 城 商與 唯 亦楚人歸 紙 應攜 世事 宛 流 酒中 如 徴 知其 H 不 悠悠那 荆高 得 壁沈 九流 裏 一飯較年齒 泥库 方秋 百家皆掃 時論 可論?姑 H 送歸 以歌 漸浴 逐

### 泳史

漢家十世

情

願了

此然

風

歲

寒

常世

横

流

尚

1115

脏

此後相

思在

何處、

兼育

露白水中

池

丁陽 九 元後 Hi 品 老婦 新都己自 號黃皇, 玉 蟹何能長在手 ? 休 將短祚弔 琨.

代還存文 赤伏符, 巨君枉是隨威斗 B 空向 官中 行 漢臘 淮 言高 橗 有神 義? 平陂往復誠難剂, 白髮門樞 亦何有? 之 叔終

# 汪生生日作歌爲壽.

仞 H 無偶 瓊枝九霄鳳 王子緱山吹玉 江上同 陸機辭賦未堪誇、 聲轉门 笙. 游 有時騎鶴人間行, 春風 吹動金尊酒 逸少風流何足重!漫向詞場課後先, 容顏美好世所罕, 二月新花初在手。 始知上士宜長生 醉歌 輸君逸氣與華年。 曲共歡然,歲歲祝君千萬壽。 汪生仙才應靈夢, 吴中獨步 萬

### 寄某生

竹 患, 籙多傳人 糾 怨青后 總紛放樂今夕、 婦規今無倫 地名 迁生習常多所 歡喜誰能嗔? 防隔內外譏强秦。 浮屠無遮備四衆, 近世男女常相親 極說陰陽本師法: 怪 坐中編袂交暴巾 人生 憂慮間疾疾, 僻處傳言恒失真 即令民志太否隔、卦氣俱泰宜熙春。粉栩婆娑宛丘下,蔓草蒙密東門闡 何來博士稱精神言 帝典 周 喜君久作槐 姑謀安樂忘悲辛。 南 亦腐語, 北州拘盧有樂土、 市客 煩言雖嘖那足聽,不騫太古超皇民 何止論語堪燒薪。嘗聞道官分兩部、 萬流 我聞如是姑相詢 仰鏡化時雨, 花樹四合舖重萬。 青衿佻達古有泳, 者天下將平均。 天號戲忘 肇 有嫁娶 黄書紫 似

### 雜興

茫然 那及歡娱在盛年? 我我 通 靈感物今誰見?合意同 漢皋臺、 君不見尾生抱 經傳標 靈異 柱心空側, 心古浪傳 江水長流 仙迹空, 韓憑化 環個入懷終易失 徒聞 蝶 情難測 鄭客傳 不如泯絕哀樂與異 名字。 芬芳消歇已堪憐。 喬木陰森古道邊, 同 縱教事 持杯細玩殘陽色 明妝 實垂枯 簡

遷移。長雨凄風,益增煩懣遣以一詩久居低閒,將徙爽塏,會城中篡嚴,不許

灌 書入 力命 醫無十全多天札, H 理 不愁寫入村夫圖 維 **簽遭蟬魚** 乘流過坎行止殊, 歟? 終覺御寇言亦謣 域内戈矛衆如 漫言細故不足較, 咸 有六盛招痛猪 選因檢曆知端午, 端屋町畦相 簇 仲任異 訛 計田 與無 書遍剽擊 身世坎坷還 至無 膠舟莫咎陽侯浪, 從 我生萬事多组鋙、 且掃華户 趣 篤信 相 41 如 天命 懸菖蒲。 思先去作民 亦知得問要謀 小駉難責軒 何其愚! 紙髮片 欲怒不可空嗟叶 望 我今正 轅車 樂 雨不 幸免波迸宜 得素, 言示弟子,境由人造非憑處 其奈疢疾連憂虞。 試將近事充證左, 安居。 # 脱粟菌豐值 買筒糉泥 權收綻几支破 飢鼠 沾 偶然静 移家不 思 新

### 聽鐘鳴

詞, 宵萬籟皆堪聽、 冠送 豪士, 空閨少婦啼成血、 聽 鐘 鳴, 青樓 鐘 聽到鐘 絲管辭殊色 鳴禁城北。 遠道覊人鬢比 鳴最引愁! 霜寒笳咽夜難晨、 鐘聲 絲 鳴 斷 人腸、 每逢秋夜心如 愁人聽此觸悽惻!游子戀故鄉, 未若此時情 擣 関 默 暗别潛離少 見 遺 聽鐘鳴。 期 臣思故國 人 間 歷九秋, 天上誓言 易水衣

秋

### 悲落葉

許? 還應落、 深院沈沈響飛 悲 落葉、 落向荒塗倍可憐! 葉落下空階 雨 葉落向誰邊?平原漠漠幂寒烟 勸君 葉落不須掃, 遥碪共蕭瑟, 遠箔復裴回 枯葉根邊坐圍繞 征人思婦愁何限?絕塞重韓 燭 光 明 滅酒半醒、蛩語斷續鴻初來 人生有時葉不如、念此綿綿至天曉 路幾下? 葉飛 葉落在何 無力

# 冬日過積水潭感事有作

絶聖 與智吾何憂, 迁儒創論令人愁、 人生孑然在字内、 形苦局促齡非修 **聖賢庸** 衆同一 量 狷

葛天無懷俱 H 狂 已久, 恣肆 比 此 天遊。 次寂寞, 迷難 醒 禍首燧 非吾 祇須沈醉爲身謀 人逮 若 佛言舍 殿 周, 身 以教束人名相訄。 北風 能 救 吹湖 世, 水 111 凛冽 自垢 濁 申 徒 冤魄 身夷 負 猶 石徐 散誰能收言 行死、 叔世 人 许 萬 肤 11 國家成敗豈敢料, 生 江海無清流! 死,處死已拙生胡優? 老言民迷 惟有

椒

四月一 日故韓 國 漢城 見七 日並

出

如

連

珠,

感賦

長

句。

己未

醑

酬

冥幽

歸來細

讀

《養生主》,

至

理

如解

庖丁

4

典午將没 乃釋冰, **熹暑熱長鬱蒸**。 義 和 孑立不 妃俊 三作 朋 誰所稱?一 死 草木枯 非小 今如 勿矜! 懲。 死民豈勝?九旬 鸤鳩下高僧 字十子 齊東夜 何薨薨?浴之甘泉泉沸 見 又 才如燈, 戢影 如 璇璣連玉繩, 因 苗 谷瓜 4 興 Fij. H 旋 遇 强 騰, 不 陽之氣焉 足 窮 憑。 東 后 顧若 起 鳥 與 п] 牌, 華 尾 恒? 毘逋 H 彎 可 四 弧 7 **洵咎徵,雙雙俱至黑帝崩** 剡 國 汽汽如捕 迭出 見之怨且 照灼 蠅 憎, 相駕陵、 十獲九 哲假夾

算 於

#### 七 日謡

庾

遺

以

贈

H.

嗟

H

分汝

黑風 吹 海 沙, 七 H 此 時 H 光音且 欲焚,寧有 俗序 與 兜率? 11 間國土 作危 脆, 凡 楚存 T 焉足述?

佛 無如 何况鬼神, 吁嗟 時 H 何由 没?

### 日中篇

漢殿 陽諸 狗 呼暴亦可 脚朕。 唐陵付榛莽。 姬楚實 H 中則 坎。 侯景雖同 盡, 昃, 4 懷王入秦亦堪愍。 李交相嫉, 月盈則食, 的 昔年顰蹙向南荒, 更悲魏客誚蛙鴝 脰 鳥, 接踵竄南畿。 勿爲快心之談, 翅拂朱雀還興吴。國家成敗既恒有, 金寶釐來置阿房,終懷荆壁降道旁。 此日南荒成樂土。吁嗟乎, 章惇工報怨, 須防捫舌不得。將師焚郤宛, 晚受雷人欺。 地 豐其屋,剥其廬, 氣轉移君信否? 於人既如 虜馬飲江猖獗甚, 旋作 此 掩謗資。田蚡搆實嬰, 彼此相 長安帝 在國 里今何許? 亦有之。 詡何其愚! 蒙孫竟成

漢

婦兄王邕居鄂園中, 夜聞曳履聲, 以語侃, 爲詩記之

吴客未須咍蜀客,

不好寂 燈 Ш 夜静青 阿披荔問宜笑, 荒園 熒熒。 臨路門常扃, 客稀予以無人名。 陽舒陰慘皆恒情。 虚堂梵誦 慰我枯槁何庸驚。 清入耳, **豈獨深山隱鬼魅?亦有奇鬼**闚 或恐竊聽來妖 請君試續 叢樹停風叫孤鳥、 九歌響, 精 持燈 重寫蕭蕭風木聲 高明。 遍覓那 深苔兼露流殘螢。 可見 視人罔極 乃知 不 此 如 鬼,當書百輩呈殊形 相 吾兄居此百. 由 1 生。 無畏, 八心好喧

近日 購米以 一斗 爲齊, 猶虞匱乏。 因憶十餘 年.

能 先 繼 母 猶 在 則質亡妻嫁 時, 值六月米荒 衣以濟之。 恒兼 今雖 旬 貧, 吸 粥, 尚 猶不 未 前

至

是也。 火矣。 病狀 追念, 先母棄養已一星終, 悲愴不勝, 亡妻之没, 因成七言八韻 亦五改

前種樹早成 追憶偕妻養母時, 圍。 可憐報德嗟何及, 家無儋石更逢饑。 莫歎傭書禄 難忘季夏三旬粥, 大微。 索飯兒癡看冷電, 尚仰閨中幾襲衣。 拔釵婦去對空韓。 天外飄蓬仍未定, 朱儒飽死

聽鄰女彈琴歌, 飢騙不自欲。 戲綵久無萊氏樂, 外生李炎有此題, 拾金真畏樂羊譏。 嫌

惟餘一

事誇疇井,

白

板門前債主稀

墳

還堪笑,

靖

節

其未得修辭之理, 戲拈十句示之

燈 無 光人欲倦。 妙唱驚聞阿得脂, 日聽琴聲出深院。 此聲即是數開變。 未必琴中 便有 遠鐘將動琴未停、 心 翻勞聽者生飲 不覺空房淚如霰! 秋雨蕭蕭夜淋幔,

羡,

霧鬢雲鬢殊未見,

### 田 生以所畫山水六幅 屬 題

望 試寫滄州殘粉本, 乃識子, 肅 肅何芊芊? 古今畫手真無數, 意氣似儻仍奇權 嵐光欲 張我素壁東西偏 **協寫非**道 姓字强半隨寒煙。 靈臺妙契動 染, 惟有意解無言詮。 不防陵谷一 真 宰 拈毫拂紙畫同耳, 人力盡屏其天全。 時變, 空令衆史笑旁薄, 卧游尚可終殘年 畫外有景原難傳 癡顧迂倪作朋 不遺象 友,寧與俗匠駢腰肩。 罔求幽玄。 遥岑日落草樹密, 我不識

畫 遠

### 觀織 布機作

紺 非 虚 並 云, 作 洪 毋 爐 不實遠 乃 火盛中黑熏, 勤 物 丁男侲子 師遠 釜氣欲 鋍不使噴, 人 來踆 百工既來國不貧, 踆, 月之計得 大力出虚運旋輪、 漢陰不必修渾沌, 六旬 吉 **貝之華信** 橐籥往還衆妙門。 可珍, 巧藝還須採馬釣 朝採 水懿筐夕 抽絲曳緒何紛紜, 通 津 衣履天下 紡

### 答張生

漢陰 馳道平 如 觗 阛 間連延接蠻邸 遊 俠之 雄 H 逐馳、 Ti 場往往 傾 廛 里 揮 袖飄 塵十 丈高 辦

詩盈 知 兹事今時益 下 有 篋 隱 君子。 以此窮年樂難 寂寥, 光 華夏正 廬 近 擬 क्त 亦 聲 煩振 胡爲 偶然, 起 縱使諠 舸 江 渡 山自 秋 譁 江 可 不 助 訪 X 耳 詞 我蓬蒿論文史。 賦 終 人 朝 物真看 自 作 採 拔泥 投詩 真. 遊 学 不辭 經 相假 時 拏舟報謁莫嫌遲, 不倒 借、愧謝不遑詞信美 迎人 屣 積 待檢圖 書滿屋

# 列宿歌壽陳生兩尊人

經辨坊里

泉自頤養 何煩胃脯 何足道? 觴請爲疏首尾 陳 生信厚 致連騎, 且喜蓋屋能 笑指高門客 如麟 當時處蹇待 昂中蓄積 角 容身。 世 駟 謂 興 其亨, 已不訾。 北門憂貧室人謫, 元宗由積學。 義光柳 升斗養親 谷 更課諸郎理 嫻 豈知根 輝 朗 甘自 惟 氏本盤 佔軍, 公伉 菲 歲始星 魔安 牛衣同 深 鳳嘴煎膠奇始知 П 淑景 1. 辟 燠 雙桐垂房遠枝擢 彼 和 寧借豚蹄 何人?高門有女來採蘋 張筵上 一壽奏 祝滿 階庭蘭樹參差長, 笙歌 篝,心恬婁空. 存心仁孝寧不偉, 治謀 燕翼 空桁 無頗 丹井神 知 虚盎 僻 鬼 THE

# 辛酉清明雨中遺興

極,

殷

**軫連綿吉事多。** 

快晴多日 闕 佳 遊 雨 灑良辰不散愁。 紀生 年 愧弧矢, 十春 魂夢傍松 楸 治 生 無術匏 間

字叢 奉 拂 疑道 轉修 輕 雷 U 别 惟 麗 咏 進 Ĥ 推 頭 槃 母 膳 聊將 ti 簡 it 身謀 歲時節物堪沈醉, 子侄賓從盡好仇 預計來朝

# 五月五日作 編者案: 一九二一年農縣五月五日王古

吁 過兵, 嗟乎 人 ! 所憂此 好 生, 華 山之冠空自 世無寧歲! 胡 爲 發殺 高 機 郤 天下安 顧街 天好 衢 生 瓣 + 九空, 朩 胡爲 μJ 冀 降 令節良辰總虚置 大 戻? 生 斯 或 +: 爲 此 暗霧愁雲欲壓 民 無 可 如 城 何 旧 此 流 淚! 中 冤氣兼兵氣 舉 家 十口三

### 武昌亂

誇 知 何 雄 专: it 富 逃存 日 之名 誰 咀 識 雖 剥 追懷 屬 林 以 楚 磨 膚 牙吮 苦 楚爲客兮疇爲 血. 更迎寇盗爲 時 主?城中民多兵 渠率 言之告為貯 欄王占元之流 编者案:指北洋等 亦多、 III. 呼江 調品 漢 民 頌 稱 如羊兮兵如 居 南 綱 然 出 肝 1. 腑 載 虎! 顛 議 連 我 亦主 郎 非 樂士、 幾 草一 遣 11: 義 偶緣 跛牂 兒 外貌 其 不

佑 他 非 黔 首惡 類 足 數 4 妖氛起伏莽 庶 市 連 綿 來北 此際城 客 11 只恐此 無數 兵 邦是 齊魯 盡傅 M 翼 民 雖 加 易 長 距 懾 固 彈 有 丸 心 蝱飛穿屋脊, 殲 逐 前 规 宜. 天 ΠŢ 固 取 無情 誰 不能 知 天心 雨

火熱長 或恩撫! 街不計家, 沐猴之誚君無慚, 財帑空空婦遭侮 今日 非猴 天明 直 2 物各 是 鼠 歸營 長吏叩 門來煦嫗 吁嗟吾人本易欺, 不論威

# 舟中望廬山作歌

雨 物 浮南 豈得. 澤 少, 大 北 如 艑 坐何 布 Щ 適 育? 水 在 事 不 江 ? 得仍 湖 上霄禹 不 間 潺 如倦鳥猶知還 跡 迎人五 湲。 尚存 便應直 否? 老猶 造漢陽 欲往披視愁叢菅。 蒼 長江際天湧浪白, 顏 頂, 峰 巒雲氣忽不辨, 置 身萬 石梁掛樹 仞 落日墮地烝霞殷 排天關 但 或可 見金 摹山 覩, 黛 比 相 此皆丘 腰脚且 回 環 雄心猛氣付長嘯, 垤, 蘄 健 宜 年 齊攀。 不 柳 到 獨 景未 秀淮 唯 憂今歲 千念連 西山

#### 羖 牛 嶺 行

苦容夷 本作 封 霧 刊 幂 高 旅煩 育? 僧 1: 難 11 神禹, 望 Ш 舍 不 靈訝見海人來, 叫 峻 今日腥羶聚胡賈 親 臨排 品題 空五 廬阜語最真, 子長久去太白隕, 落落千古無遊人。 緯 明 猿鳥驚疑虎豹哀 縣 百年邊圉隳藩蔽, 流 屬 地 長 河瀉 蟻穴縈 紆成聚落, 連岷 祇有和戎爲上計。 綴 霍控 iT. 湖 蜂房重複肖樓臺。荒萊不惜成 靈境深 通都 盡已置 幽林 藏 帝 所 峭 藩街, 壁 都 俗 名 時 駕, Ш 行 甌 何 雲

四

111

#

興

衰

會

叫

齊

惟

脱, 有 匡君 自槃散, 浸淫疽 蝕 無人遏 天階已絕誰 坐看 能躋 弁服 徧 崖 間, 時 有禽言來木末 仙宫佛寺委蒿藜、

### 行路難

乾候、 狎 日雲泥昔斷金 請學公係避故人 春 塘 頓覺戈矛起前 水藻初生時, 北斗 後 南箕名字美、 翠葉鱗鱗共摇漾 但 聞朱穆絶伯宗, 谷風陰雨 心知 贵見 怨何深。 彼此例 顔 竣傾向 無根 君不見同 柳 東 心友 風一起還怊悵! 打 路難、 歃 此意難重 血指天盟 人生離合不從 陳 H 首? Ш 頭 麋 朝失意爲 鹿 心 如 堪

### 清明

事 遊 難 已惜無人 期, 泊 何 濺淚花邊悲豈遣!舊坠松栝隔雲山! 共 心 度 佳 幾家亭館變悽涼, 節, 小院 晴 光午 垬 tt 載風 悦 塵長頂 偶因 鋒鍉縱橫且未問 檢 洞 杯 識 H 清明 Н 西脆 祇 流水 恐多憂難 坐羨巢林江上 遠 索居那畏青 祓 潔 此 燕,六洲破後尚知還 都 春晚 花 事 舊 寄愁天上 時 衆 清

### 無爲篇

盎有 陳糧 几有 書 寢有縹衾食有蔬 寒有羊裘暑有練, **衡門不** 開髮不梳 瓶花不 斷草不除, 或

適林 焉 如 :野臨川! ? 保 身明 渠, 哲 固 或 研 非 易, 丹黄注蟲魚。 儉 德辟 難 冷朋歲 寧踟 蹰? 時送尊酒, 有問 莫當 稚子昕夕 大醉後, 牽 無 爲 衣裾 何 異 。平生作計未到此,與世 我 生初

競走將

# 靈谷寺牡丹歌

日 實髻華鬘堪芳歸, 深色花, 藍風起法 曉偏明。 數 年 「幢摧 扶持端藉空王力。 不 到 幽芳空谷曾無恨, 鐘 已奪靈場爲下里, 山 下, 金裙玉 原 氏 佩辭空費。 今年節 阡 萬里重陰卻有情。 成 Щ 已赭 候苦常寒, 尚餘異卉在 蚤共優曇現化城, 載 酒 香臺 無數芳菲冒 誰 能 高花開晚猶先落, 酹 蔣 老僧護 陵? 應以浮雲觀 雨看 借涕垂臆 看花 偶爲 猶 富 記 葉底深藏幾紅萼。 貴。 嬉情成散策, 尋 蘭若 忍使殊姿委榛棘。 羅薦熏香夜亦清, 末 刼 忽逢絶艷一 將 不妨春 臨 佛 留 亦 緹帷 得 哀, 色倍還 叢 頀

嫩蕊商量能間作。 蓬鬢棲遲白下門, 有花無與共芳尊。 佩壺且取連相一作 醉, 緑樹鵑啼 欲斷 魂

## 題《歸潛志》

騗 嗚 貢入華堂不自知, 呼 ! 南園 記, 甘露 遠逃災害誠無術。 碑。 凡人爲之不足貴, 田家鼓缶響嗚嗚 文士可貴不當爲。 發洩胸懷豈一塗? 文章畢竟是 何物? 自衒自謀皆 牙象 未 角 可 犀 翠如 何

妨 知己屬妻孥

四月二日玄武湖集分韵得柳字賦長句 戊辰

it **綹**?已循側徑遶 節 畫船, 仍當吟折柳 鈔書漸欲 胝生手, 輕颸駘盪逾醇酒。 圓洲 西山 朝來有爽氣 論事漸疑箝在口、 更歷清渠陟長阜 嵐影汀痕通上下, 北郭 雨餘 檀欒修竹隱叢柯、 惟應假日戒賓朋,相與尋盟適林藪 净浮垢 橋烏水鳥交先後 白紵初裁夏轉清,朱櫻未盡春依舊 **潋**憑半湖對虛牖 - 青蛉掠被空一樓, 翠藻繁燒知幾 蘭亭往事又旬月, 風光雖是過秉蘭、 野 艇安便 月 惠

帶人來成 九友原註"是日新町壁舒愁敢問天, 移床就蔭如旋斗。 長煙遠樹引凭欄, 斜日悲泉 催 鼓缶 X

有同心齊結撰、 韵逢獨用無争 髄 莫嫌蚓竅互賡酬。 寧畏狙丘多譙詬 遲歸祇恐露沾衣, 飽食毋 曼

星去留

四月七日社集, 約用咸韵連句爲長律,

余不能就 別爲七言自啁

沮意更凡, 況逢險的口欲緘 强用粗經薦雙號, 適使白 玉蒙微粒 搜書那覺漏遺箭 换

詩興

既

散堆 山川 欲 韵 持 有 邊起 懼 怯 類 膽抗 風 矧 摇 操句 麗谯然 强 縿 伴 棘 思泉 兼 鼓報 先 長攙 憂步伐成 乙夜 1,1 iki. 天 機 11 AHI 輕 駿 11 億 利 11 亦 紛 欲 馳 11: 激 沉 11 清制 14 深杉 跨 湯 機 谷 格律 如一截 13: 惨山 塘 119 ili 要 逢 課 於 雨散 徑 虚 精 路 責 嚴 屢絶 fi. 有豈容易? 松节 愁 尤 憚 嶃 Bil 陳 1.] 帽 F 就 縱 率揚孤 144 布 1] 老宿 乾 以 洒 水 沿 加L 1116 能 11) 未 督 鑑 閉 解 御 佳 覓句 HIL 來爲監 誰 11 漢果 空卷

# 四月十四日與諸生遊龍樹院觀先

公牓書、

分韵

賦

詩

得

也

字

Į-

1

**选**室

ri

师

空

119

服

媲 H 灣 依 鶴 依 我 如 照 萬 闌 威 岩 竹 里 法 棱 Ĥ 不 14 限 用 村: 戌 繁 化炫 被髮 Mi J. Íİ 危 晴 那 中 知者 登 11 朓 須芳 足 寡: 酸 辛 樹 載 娱 醪 或有 初 觸 夏 \$ 蕳 悲 古 懷 奇 入 倍 臺 懸牓 難 寫 君 吾 帯 家 如 歸 途 書 今亦 愴怳 瞻慕 蕭 對 雕 見 胞 沙 偶 [11] 涕 伙 風 排 聯 饋 潟 袂 (m) [in] 能 T. 林 布 秋 圳 北 ţ:ţi 11 翰 斜

# 沙湖泳示姪焯

斷 應 rhi 存 排 風 臊 滿 腥 野 不 小 X 舟摇 城 兀任 與 爾 遲緩 忽 得 之林 鷗閒 圳 魚静 沙 俱 湖 無 雖 態 小 摩 荷 不 錢隨處着三五 到 天 光 潭 影 娱 意中 人情 便有笑 就 1 1 菜 柳 明 湿 fi. 邨 H 宝似絮 yf, 隔

四五.

一四六

凶荒碩鼠苦未已, 低度水, 遥山如黛全開屏。 觸耳何處非愁聲!天恩祖德厚汝我,亂世猶得全其生。蘇勞解悶況有此, 叢祠隱隱村樹密, 午煊路寂無人行。 稍留幽輿縱還棹, 斜日晃眼增吾醒, 每值休沐

俯觀萬物真浮萍!

毋他營。我歌汝醉良不惡,

### 五言律詩

### 寄宜昌

凉風吹白露,故國已秋深。每念空房冷, 難爲天末心!長江連遠海, 落日隔層陰。若問相思意

君聽別雁音。

在河南寄劉生 七首

此别非常别,臨分淚泗流!望君歸故國,

孤我向中州。

冰雪經春解,

川塗入眼修、隨珠與和璧,

到此總輕投

請召未歸魂 我有無窮恨, 難爲摯友言, 何當通夢寐, 試與訴煩冤!白日青春急。 荒齊客思繁。 幽都非 可託,

と見及目で、最低自住する「

空憐命似絲!

危根誠自怵, 愚意頗難移。 口辯翻成吃, 途窮解學癡。 百年長夢夢, 五夜遞遲遲。不謂身如寄,

四七

大地 地累囚 令適誇秦璧, 衣冠假沐猴 未曾充隱士、 還復愧庸流 鳳狂歌歇, 草龍舊讖休。嗟余懷耿介、

哀響度春天 絶學真無累, 多文亦自煎 可能遺外患 長此困殘篇 半解猶 矜衒, 千言肯棄捐 不如題媳好

彼美彈清瑟, 含情可具陳 本來宜善感, 何止解傷春! 芳婉三生願, 蕭寒兩地人 華年 從損 林.

此 慎 莫笑頹 意總如 燈焰昏宵館、 胞 唐。 關心夜漸長 無誰間夢囈、 有想度蒼茫 萬事催年鬢、 孤吟仰屋梁 憑君 知此意,

身似 辭柯 葉 飄零任 疾風 心如 深井水、 長久照華容。 涕淚春將盡, 웲 河夢不通。 流 波應解意

感遇

三首

更莫羨朝東 未治幽憂病 還嗟行路難, 梁園春事寂 孤客淚欄干! 燈暗宵多感, 城空夏轉寒。年芳已衰歇

哀思付柔翰 登樓望故鄉, 天末斷人腸 游子身無翼, 慈親鬢已霜 窮通原有定、 生義竟相妨 薇蕨空山 好,

歸 心此際長

秋 雨夜瀟瀟, 愁人祇獨謡 故鄉千里遠, 别館一燈摇

老幼隨提挈、

江關感寂寥

賈生空惜誓,

猶有亂離情

無計託回騰

江上晚潮生,

樓頭落日明

秋來羈思重,

歲暮壯懷驚

中國衰何甚?斯民患未平。飛鴻天外去

掃葉樓

又趁暮笳還。

居然逃劫火, 還得對青山。

成毁知何世?榮枯閱此間。

煙遠湖光定,

林深鳥語閑。 勞生暫休息。

遺興

行吟祇自憐!斜陽思故國, 流水送華年。 文采知相累, 風塵愧獨全。屈平枯槁極,

空賦遠游篇。

此地飄蓬久、

四九

# 春夜張園梅花

爲别梅花久, 悠然動客思。 獨來當此夕, 寒意在高枝。 心遠遺塵累, 情芳任後時,天涯尚飄泊,

岑寂衹君知。

# 偕汪劉二君游愛儷園 十首

未厭往來煩 爲訪名僧去, 同過愛儷園。 池臺分地闊、 鐘磬絶塵喧。 看竹寧無主, 聞香尚有言。從今邀勝侣,

山回望始舒。亂花依細草、嘉木蔭清渠。閣静宜招燕、

橋低可數魚

衹

疑城市内

别有野人居

徑曲尋纔入,

名花來絶國, 舒采獨嬋娟。 人去春猶在, 香空態自妍。 維摩徒示疾。 迦葉已通禪。 莫歎西方遠

移根是夙緣。 曲榭層層轉, 環洲面面通。 竹深迷暗碧, 花謝見殘紅。 飄泊知何許?留連竟未窮。 祇應辭世事,

清福可相 池 館無同勢, 同 軒亭有定名 登樓瞻野色, 引水聽潮聲。 勝地藏人境、 佳游却世情 多慚奉尊酒,

**五**〇

未飲已先酲

石密通雲氣, 亭虚接水光 緑陰堪蓋屋, 翠篠自成牆。 頗羨幽居美, 能消夏日 K 因君 借 高 枕,

暫 得夢義皇。

板屋倭奴製, 移來作近游。 淳風存海國, 舊事說瀛洲 樹色纔窺牖, 山光盡入樓 何須憶 陳迹,

此可 林囿緣黃浦, 淹留 羣胡禁客來。 有時思眺望, 無處覓池臺。 得地成詩句、 逢君倒酒杯。 自慚非謝客

林際梵聲静, 龍邊佛火青。 高僧宜駐錫, 倦客好聞經。 滄海觀難盡, 塵塗意未冥。諸天花雨歇, 蓮社

亦追陪。

即

迷夢 幾時醒? 策杖宜常到, 當關莫見呵。 清遊他日再, 幽意此間多。 亂世虞罝網, 空山負薜蘿。林泉原自好,

不奈旅愁何!

送劉生喪歸 三首

神 H 秋 易西 風 江上急, 生死忽分攜。 時命原相謬, 彭殤豈可齊。 高堂慈母在, 異地旅魂悽。此去煙波遠、

傷

亂 世同爲客, 深交幸有君。 鶯花春念國, 風雨夜論文。 形影差堪喻, 幽明倏已分。淒涼鄰笛響

此後不堪聞!

絶國告相見 論交復數年 飄零猶與其 死去忍相捐 避患真徒爾,招魂倍惘然 楚江無限路.

洒淚送歸船

天津

天晴雪滿池

夜静風摇屋,

地應當北落、

花解發南枝

高冠與長

佩

滄酒晨難醉,胡笳晚更吹

笑殺朔方兒

暗樓

暗樓延晚景、

密院待長更

夢好何時就,

書多即

夜成

爐温侵翠被,燈澹隔雲屏

苦羡凌霜鹤:

雙眠卻到明

小 嵗

愁多偏值節. 歲晚定解家

燕歌書夜莲

漢臘問閻守、

小歲團欒處

益尊祠灶酒·幾樹傍窗花

露索

露索有從官

法比秋茶衆,

人疑夏罟寬。

塗膏雞釁首,

擇肉虎加冠。

徒欲朱丹轂,

寧愁赤黑丸。朝來延百士,

除日

未厭覊心起, 徒看歲律馳。

應是遠歸時。

札莫踟蹰。

西極三青鳥,

東方比目魚。

登樓唯有淚,

置驛不傳書。

望書

凍雀飛何往?低巢擇未安。

屢移徐穉榻,

悔戴酈生冠。

莫笑陪臺賤

寧知

移榻

朔風吹户急,

寒日下樓遲。

玄圃愁移橘、

青山憶採芝。江鄉春好處,

口噤難銜汝,

心驚或棄余。敢勞端綺贈,

一飽難。占書常炳燭・

五三

空館夜尤寒。

無題

横目未須讐。 已見鈞天醉,

寧聞社鬼謀?朝朝驚變告,處處畏横搜。

令定褒移木,

刑嚴戮竊鈎。但教圖錄在,

紀行

漏促疑無夜, 霜濃正及晨。

傳車緣使發,

**蹕**路見軍陳。

職賤唯搖硯。愁多類轉輪!猶瞻前代物,

龍虎飾馮茵。原註:清孝欽后德宗自

曉起

曉色緣窗暗,

愁絶失巢禽!

寒聲隔巷沈。人情思候雪,天意惜重陰。酒豈銷覊恨?書難寄遠心。空庭見枯樹,

五四

#### 爲有

爲有相留意, 裴回不自支。 鳳簫臨夜按, **貍製冒寒披**。 燈颭帷猶卷、冰堅觀豈知?瑶臺回首處、

長是負佳期。

鳥

止屋莫徘徊。

啼豈過吴苑、

飛還集漢臺。

白門楊葉滿,

秦氏桔花開。

后羿真堪畏,

燕丹亦可哀。中原方苦亂,

庭中步月

何用獨傳傳!

燭短吟初穩,

庭空影亦單。

朱門還見月,

素幌自生寒。

春到防愁長,

宵長覺夢難。平生疏放意,

旅意

朔野驚春早,

江鄉惜使遲。 朝躭思曠酒, 暮諷景純詩。 遠道身無翼, 華年鬢欲絲。平生多畏慄、

五五

晚坐成詠

吟成恨有餘

空齋人語寂。

獨坐意何如? 枉費三千贖,

猶乘第四車。

文章供僕役,

衣食仰詩書。一

曲思歸引,

遺僕

遣汝更何適?依余亦自親。 有生同見役, 受辱總緣貧。

此日留餘意,

他年是故人。鉗奴哀季布,

猶美賃傭身。

牀前梅花二盆, 色兼赤白, 華燈照映,

發豔傳芬。 觸憶嘉名, 因成二首

檀匣朝争豔; 蘭爐夕罷熏。 暖寒唯自覺, 朱粉倩誰分?婺女窺銀漢, 瑶姬弄彩雲。深窗兼密帳,

動静定相聞。

瓊樹移栽近, 瑶臺屬望初。 白犀宜鏤帖, 赤鳳且銜書。 但使瑰姿在、寧嫌芳夢疏?綺衾春夜暖

一五六

附録遥心見寄梅花 二一首

風雪空山獨耐寒,卻將明月到回欄。

神清愛伴華亭鶴,

香遠疑同楚澤蘭。

好借酒尊酬寂寞,

更

窗翠使訊平安。 翠禽宿處苔枝穩, 誰見黃昏縞袂單?

長此伴松筠

垂幕香仍動,

臨窗影最真。

東風留後約,

明月記前身

已擅孤山勝、

曾爲逸士鄰。歲寒盟故在,

一省

點書

簡尋難見 蟲書校已疲 水精圍玳瑁, 石漆注琉璃

枕蒩真徒爾、飛騰豈在斯?空齋罕人事,

聊用慰幽羈

土地

盤暗油 仍碧, 爐殘焰轉青 回腸輪轉地, 薄鬢鏡窺星 布算推鐘律 研朱點水經 幽居春物少,

無事感點零

罷游

巽地無春物, 閑行引客愁。 枯株仍夾道, 宿雪尚緣溝 彙筆虚西笑: 懸鞍悔北游。江鄉信佳麗

五七

臨望少高樓

治行

先自向南陔

旅恨隨時釋,

家書即日裁

春蕪迎路長,

社燕送人來。酒應逡巡釀,花須次第開。今宵有佳夢,

歸舟

又作梁謡去, 難爲羿彀游。

到墅便忘憂

贈景君

京塵沾客袖,

海日映歸舟。

故國春常在、新詩韵益遒。北堂萱草茂,

憔悴燕京客, 吾尤愛景差

斜陽哀故國,

流水惜年華!舊事難重道,

新詩好見誇

塵勞俱未盡

對爾一長嗟!

無題

二首

酒薄寒猶在,

樓高夜易長

卷簾聽斷漏,

展帳惜餘香。

已辦千行淚、空回九曲腸!盧家相近處、

一五八

七十二鴛鴦

**駿鸞**不用招

簾疏通佩響, 窗近見燈飄 密意知難達, 羈魂恐易銷。

掩屏山悄悄,

移燭影摇摇、苦羡秦臺客、

重賦得楊花

二首

銜去幾時歸?

已逐東風遠,

還來曲陌飛。

相逢當此日、

所惜是斜暉

迢遞隨征騎,

冥濛撲客衣。多情雙燕子,

尚有纏綿意, 停杯爲爾歌。 不堪春事

盡

更遣别愁多。

舊夢留芳徑,華年付逝波。

萍根儻相見,

漂泊又如何?

二首

饒與往來人 風定車帷妥, 波平槳力匀。 秋千緑楊下, 祓禊玉河濱。 燕老鍋花倦, 鷗朋 暖絮頻 芳年兼勝引

珍重斷腸天! 柳帶從誰結?花簪解自妍。 游蜂趁晴日, 啼鳥 吊流年!緑酎隨時貰, 青蛾取 次憐 春 歸如羽

it,

六〇

# 八月八日偕孫、曾二生由法源寺至崇效寺求觀紅杏青松卷子

首

不得 遂出廣安門, 至天寧寺坐塔下, 良久始歸 四

疏 鐘鎮日閑 清秋高興發 資福連崇效、 相約叩禪關 空城足梵宫 畫圖 零落後、 寺古留殘碣, 姓氏渺冥中 松高礙遠山。 昔人嗟已去,遺躅倩誰攀?不盡成虧事: 竹下鑴詩句, 花前倒酒筒 并隨塵 劫改、

漫 部薊丘高 未覺闡閣遠 何辭跋涉勞 招邀車接穀、 歸去酒盆槽 塔影依殘照, 松風響暮濤。都令人徑絕,

難

問

祝雞翁

豐碑纸甋畔、 披誦識由來 紫磨浮圖像 琉璃舍利杯。 近誇資福寺, 遠睨妙高臺、一 覕千秋去,

孤罢日往回

#### 薊 北

薊北秋何早? 江南客未歸 游氛朝蔽路, 落葉夕飄帷。 城闕惟笳語、 **柧棱任燕飛。憑闌堪寄興,** 

容易即 斜暉

# 傷某君 二首

猶深共郡情 武昌 昔發難, 馳檄盡知名 軒軽文游智, 縱橫主父精 門高憐鬼瞰、 權重識生輕 今日歌蒿里,

世 年傷逝淚、 曾爲宋生抛 判害悲斯世, 榮枯愍舊交! 覆車憐爾繼、 陳事任人嘲 欲奏箜篌引

西風動白茅。

# 病中讀鮑明遠松柏篇

松柏何曾壽?人偏計短修。 有爲皆必毁, 無物可常留 鑑井寧非執?乘風亦暫游。惟餘廢念在、

終古不能瘳!

戯題《文心雕龍札記》尾

何嘗珍敝帚、 聊用飼蟫魚 唇勝王生狗, 休嘲孫尉豬 文章供覆醬, 時世值燒書。水杜田巴口,

曾逢鷂子敷

#### 燕薊

燕薊堯封地, 千年雜虜塵。 巷真無行首, 音盡變吹臂。 化俗推移疾、 華戎捽鬬頻。九共遺誥在,

#### 風

展誦

傷神!

送寒來紙帳,傳響過銅鋪。 林木何曾静, 波濤最可虞 玄靈方得佑, 屏翳敢行誅。不盡爰居苦,

### 喜吴生至

南

征羡鷓鴣

索處真無樂, 求朋亦大難。遠人須得伴,躭寂豈忘歡?喜汝能相訪,嗟余欲自殘!黃塵紛在眼,

# 且覓幾朝安。

塵事,未能就,今補成二首,分寄越蜀孫、曾二生先後歸里,行時俱要贈詩。牽於

寒雪薊門深, 懷人正獨吟。 不堪衰晚節, 更觸別離心。 生事從誰計?高文憶共尋。江波通上下,

# 宜爲洗煩襟

頻歲京華客, 曾無憔悴歎 友朋相慰藉, 骨肉且團欒。 生死分離數, 九月肺疾 亡原註:舍姪以 悲愉迭代繁

濁膠燈火下、夜永意難寛

# 立秋日雨霽作

門前長碧苔 深居方苦熱, 風 雨帶秋來 稍覺歌懷勝、 還欣酒量開 簾櫳明落照, 城郭浄浮埃 便欲經行去,

### 示念田

癖豈逢人譽?才應類我愚 未妨牛舐犢、難擬鳳將雛 辛苦傳楹意, 淒涼夢墓圖 夢謁母墳圖、余有記原註: 昔曼殊爲余繪

# 對兒歌小宛,不覺涕沾襦

中

秋夜獨坐

節物欣秋半, 臨樓望碧雲 晴光宵接書, 痛飲午連曛 桂影知誰惜?梧聲不可聞。祇應虚室内,

#### 一六三

静坐數簾紋。

# 秋晚感懷示吴生

寂, 君能載酒游。 秋陰將暮景,慘淡到危樓。 旅雁應求侣, 寒花似欲愁。良緣前日斷, 薄技一生休一莫歎玄亭

### 寶公塔院

三界無安處, 師寧戀一墳?谷陵凡幾改,王賊不須分。潄玉泉聲静, 篩金竹影紛。坐來諸相滅,

#### 春深

fii]

地著悲欣?

春深還卧疾, 撫化益心傷! 舊縣悲荆杞, 微生逐稻粱 翻飛嫌絮弱、施晚惜殘陽。 欣威俱難遣,

### 下關旅舍

空煩論達莊。

津頭舟未到。 旅舍尚金陵。 星帶盧龍樹、 波摇江浦燈。 燕猶衝户網、蚊亦避壺冰。何處過飛雨?

高樓絶鬱烝。

梁山

茫然接暮愁!

天門開決蕩,

江水去悠悠。

牛首同標闕,

蛾眉獨映流。

浪花分兩岸.

松色落扁舟。前路煙濤遠

江晚

泝流蕃舶迅,

吴甸自難窮。

誰信三江險,

長教四裔通?山明疏雨後,

日隱亂峯中。

薄暮愁何極,

蒼波更向東

過采石

應與古人期

巳失屏藩險,

空留賞詠資。

殘霞仍眩目,

新月正如眉。

温嶠朱衣夢,

桓公白紵詞。即今憂樂意

濯足

濯足喜清瀬、

收輪愛晚廳。

棲止滄浪曲。

歌吟漁父詞

楚竹供釣竿,

酃渌盈酒瓻 小甗烝香杭,

六五

懷陳君

莫惜嗣音勤。

世亂彌思舊,

交親尚有君。 功名如脱屣,

意氣本凌雲。擬泛松江棹,長懷栗里芬。別來無恙否?

游仙

試作游仙語,

君無問是非。

居應厭浮垢,

娶必偶靈妃。計頃耕芝草,論銖著羽衣。故鄉華表在,

千歲肯來歸?

漫成

空有嫉邪詩。 毛羽摧頹日,

形骸擯落時。

蟄蟲方墐户,

凍雀且求枝。淚共堅冰合,

心隨急影馳。平生趙元叔,

五月二十日與妻子泛舟北湖

爲愛北湖好,輕艖追暮涼。

洲回收野色, 波定合嵐光。 斜日明殊點, 微風度遠芳 妻孥同勝賞,

君曹豈足哀!

死生同大化,

何用戀遺骸?智欲欺千載,

愚終盗一坏。

琢銘猶妄語、

暴骨爲豐財

慨想驪山事,

# 二月二十三日偕友詣棲霞

沈沈向晚鐘。 狂塵無處避,結侣入雲峯 古寺依然在, 徵君不可逢 殘陽照壞塔, 深路暖羣松。一 坐消千感,

# 己巳除夕對酒贈石禪, 用後山贈少章韵

佳節賴君同。 曆改俗仍在, 時移願亦空。 孤懷千載上, 百感一宵中, 酒自盈尊禄, 爐還照室紅。祭詩循故事,

### 辛未七夕

節候吾猶記,兹宵感亦多。

閒亭凛風露, 積水動星河。 塵世離堪惜, 天人巧易訛。秋懷隨歲變,

無夢託雲波

# 梅花村弔杜茶村墓

常過西倉巷、難尋飢鳳軒、 論詩選杜派 埋骨亦梅村 總帳 凄凉極、 丹心老死存 只今游蕙路

# 不得平州消息

塵霧更蒙昏

平灤猶力戰: 邊報恐非真 **雪已寒南國,天應関北人 窮山號凍雀、曠野走驚磨 諸夏方顛蹇** 

征夫倍苦辛

#### 劉生假明邢玠事立論,署曰痛語, 稱有心人, 以數册見治。 因 贈 ľ

南 上烽煙息,窮邊草木春。 **暫逢無事日、**欣 對有心人 痛論愚誰聽言高言請莫陳 平 生 [+. |成]

分

寥落倍相親

六八

### 癸酉元日

又逐歲華新。 鄒大令誰紀?吾猶念此辰。 辛盤先供祖,綵樹佇迎春。 邊塞通 爟火, 關河有凍人。舊愁渾未釋,

### 集陶詩

開春 理常業, 時還讀我書。 虚室絶 塵想, 春醪解飢劬 士長獨醉,不樂復何如? 雖無紀曆誌,

頗回故人車。

# 擬陸龜蒙夏日閒居四聲詩 四首

捎簾垂楊低, 窺窗遥山平。 沿階苔痕多, 環陂荷香清。 叢篁螢流光, 繁枝蟬休聲。涼宵支胡牀,

短艇檥遠嶼。 佳游偕兒行, 小飲與友語。 高歌能延風, 静坐好解暑 南華兼沖虚

亹亹可累舉。

危筇登前峰,

絃琴娱吾情。

藏楹多奇書, **諷誦近粗徧**。 清言銷幽憂, 妙義破陋見。 艱難祈時康, 棄置任性便。誠欣深居安,

漫誚下隸賤!

欲吸乏玉液。 時時思書訛,

日日鑷髪白。

臨風懷佳人,

觸熱怯惡客。

科頭遺綸巾,

赤足踏革舄。惟愁尊罍空,

七〇

誰信

行卻曲幾曾休?獨憐江上春如許, 誰信迂生有遠憂?飄零還自念神州。 落日清笳動客愁 七哀每下傷時淚,

五噫終成避地游。

短翼差池難再整,

孤

雨夜無慘同容子和遺山鬱鬱韵

病眼昏昏嫩暫開, 江關歲晚無消息, 紛然時事益堪哀!青山故國歸何計?錦瑟華年感易摧!燈焰直同人意冷,雨 腸斷南云雁未回!

聲偏送客愁來。

秦網猶懸世路艱,

驛亭分手慘離顔!蘆中伍員稱窮士.

送平君

**廡下梁鴻去故山**。

售日

燕歌虚慷慨, 今

七一七

宵隴水各潺湲。與君敢作無期别,珍重藏名泲岱間

三難相同數莫違,芒芒神器竟誰歸?已持鶴髓教和種, 詠史 更覓牛 整與箸衣。禦敵奇方憑鳥翼,

寫意

天新制冠麟韋。漸臺百尺人難到,斗柄隨身計恐非。

玉微辭豈畏讒?蘋葉柳花江水遠,空勞倚檻計歸帆。 東風催客换春衫, 愁共青蕪不可芟!案户燕睇羅幕卷, 負冰魚躍錦書縅。 楊朱岐路偏工哭,

宋

祭

(4) 一家黄树在江水道,空学俗栖言。

詠史

年應待魏黄初。 E 衛循環太乙居, 御燈午夜良辛苦,憑几還宜陷鰒魚 人心天命竟何 如?國中已見燒牛戰, 塞上無聞縛馬書。 立時好祠秦白帝。

改

無題二

春晚垂楊映畫樓,

玉人微撥鈿箜篌。 摘花插鬢翻嫌媚, 染黛添眉未解愁。 斜照空虚臨院静,

殘

七二

#### 香 1臭繞入 韓 \* 幾 獨向雕欄 望, 祇恨重簾 不上 鈎

銷 新 成 仙 人昨晚 踏 月鞋 下瑶臺 照徑 松明歸去後, 廣厦笙歌綉 職魂 幄 開 循逐彩 隔座族光難 鶯來 暫接、 背燈香頸竟空回

螺鈿雅稱盤

云

鳳

#### 别 意 二首

牆仍是隔銀河。 折柳 江頭悵若何? 黄姑此夜無窮恨, 畫燒西去思風波 莫怪芙蓉濺淚多 聲别語纏 綿 意, 半 闕新詞婉 轉歌 青雀 幾時 傳 玉 案

因共影最相思。 珍重芳馨絶世姿, 樓陰會 有流波去, 游蜂舞蝶枉相疑。 好倩殘 紅與 春歸故國蛾眉怨, 、寄詞

寒盡空山翠袖遲

草

號忘

憂能續命

樹

?

紅

#### 寓 意 三首

蓬 島 烟霞隔 幾重? 西飛 青雀信誰 通。 自從鸞 鏡 分 攜 後 長 在. 蛾眉 悵 望 4 瓊 だい 無 徵 人 易老 玉

環有 願誓難空。 可憐吹管秦臺客, 春盡相 思一 倍濃

紙勝回文。 重城望 未分, 堪嗟 髮服迷蹤後, 瑶姬一去更爲 環佩清聲再不聞 云。 羅疏 更倩微燈照, 香重虚勞碎麝 焚 折斷鸞釵銷

戲鳳

迢遞

别恨

收

七四

合歡被掩爛

斑淚,

四

角 **船安宛轉詞**。 閒堦苔冷緑痕移, 還恐柔腸輕 長遺金蘭憶別離。 斷卻 留將 寸貯相思。 正是堂深簾密處, 可堪春盡日斜時。

#### 無題

送絃聲夜已闌。 佳 人十五字金蘭, 莫怪劉郎倍惆悵, 曾向瓊筵子細 銅荷蠟淚幾時乾 看。 化綬自憐輸 赤鳳, 傳書何事待青鸞?燈摇簾影人 初

去,

風

感事

# 仍遣范雎生, 隴上陳王早 輟耕, 淮知丹穴熏君日, 窮塗法主又藏名 白首歸來事竟成。 訛言競説黄天立, 結黨曾爲白馬盟。 海外尚傳孫泰在,

厠

## 癸丑除日

朝 萬户换新年。 去國 逃虚歲又遷,側身天地意茫然,何曾精衛真銜石, 清尊且 爲梅花 醉, 客裏相逢絶可憐 任義和快着鞭。 永夜孤燈尋舊夢,

明

## 得滬瀆書

緣桃李憶松筠。 與物 推移任此身,笑將素髮鬭花新。欄前獨送崔隤日, 爾來贈答形兼影, 和以天倪賴有神。 窗隙聊觀擾攘塵。

頗怪鷓鴣留杜宇,

莫

#### 感事

痊酒滿鐺。 何曾赤舌解燒城, 自笑散材如社櫟, 莫訝驪駒早發聲。 累人嗅葉作狂酲。 好遯應須憶君子, 長貧良不愧儒生。 陳篇暫展賓盈坐,

美

#### 無題

幸會華筵宴甫終,

班雕欲去更匆匆。

連天芳草迷歸夢,

拂地垂楊任曉風。

車轂竟隨腸

共轉,

酒

疢新

槽還與淚爭紅。不須苦作箜篌引,回首燕臺恨未窮!

#### 何處

何處悲笳接暮秋?數杯濁酒引離憂:飄飄槁葉因風起, 澹澹斜陽爲客留。 冠蓋幾人馳四術?江

一七五

湖無地繁扁舟。 逃堯自有當時意,誰向箕山問許由?

# 亂後始至南京作 癸丑

江入夜送潮聲。 征轂纔停意已驚, 紛紛成敗何須數, 疏燈斷拆石頭城。 獨爲遺民訴 道旁一望皆荒土、 不平! 亂後重來似隔生。 劫火經秋留燒迹,

寒

# 下關旅舍贈汪生

雨將愁緩緩增。 西望楚天成一歎, 全家蓬轉過金陵,候館蕭然感不勝! 製裳繭足愧無能 喪亂應無斯世酷, 阨窮猶有故人吟!寒風振葉紛紛下,

暮

# 月夜獨坐沔然有作

窺疏幌似相親。 青天浩蕩憑誰問?漏斷鐘鳴 馆神

病裏情懷夢裏身,欲尋歡樂已無因。

流光着意催

夜鹭,

明月何

心照恨人

鵲繞空枝難 自主,

螢

#### 無題

露瓦燈簾望未明。 回欄倚徧憤難平!原知楚佩非真意, 空遺秦簫作怨聲。 小閣烏龍偏有福, 神

仙青雀竟無情!可憐漏斷香殘後、綉被歸眠夢不成

# 六月二十四日依韵作 二首

頭 明月豈能規?微波欲托知無路,空記金蘭舊日詩 燈晦 香殘有所思, 蓋纏難斷是情癡 尾生抱柱心良苦, 徐甲成灰事太奇 懷 裏 輕 烟 如 可 接,

得團欒失此生。 移山 衛木州 欲假天池量恨意, 無成, 擘石研丹鎮有情。 獨嫌潮汐不常盈 日日愁心嗔薄酒、 宵宵清淚怯孤檠!卻將辛苦思前

事

縱

扇

### 寓意

本是瑶臺絶世姿, 吹笙定有神仙侣, 何年淪謫到岩扉?偷桃閬苑曾三度, 欲贈琛縭願恐違 種柳 江潭又十圍。 札私書通密 意, 半

幽篁滿院似蕭湘, 萬里蓬山數仞牆 杜若芳洲思下女, 惠肴瑶席禮東皇 資來珍髢何 曾達?

魂 出蛾眉莫自揚 無力自支持。 六曲欄干 倚遍時 多情卻讓魇中鏡, 宋玉平生唯有恨,賦成神女更回腸 思君何異想瓊枝 日日相看 鬢易絲! 哀音别鶴傳新 曲 私纖牽牛憶古詩 信誓誰知 成惝

恍,

夢

畫

### 初入都

罪須從異日看。酒罷登樓一惆悵, 依然繁盛舊長安,五噫誰同梁伯鸞?樂府猶聞歌玉樹, 西山斜照近欄干。

仙人已見泣銅盤

興亡自是諸君責,

功

晏起還思覆酒缸,醉來能使百憂降。香殘斷縷猶縈鼎, 晏起

驚楓葉下吴江。秋懷旅病俱難遺、 攬鏡愁看淚一雙!

日落餘光卻映窗。

最惜蘭芳凋楚澤,又

杪秋寓意

居然一世比孤蓬,

冷猶吟待蟄蟲。 也識浮生無住着, 早宜稽首禮真空

**憊矣匡牀數暮鐘。華髪飄蕭秋色裏、** 

故山重豐夕陽中

風狂自振先枯葉,

霜

夜讀吴駿公集有感而作

草間偷活語堪哀,

點級興亡要此才。

祇爲餘生 攖世變,

卻將故國作詩材。

江南橘樹 逾淮去,

霸

七八

上銅 仙别漢來 **必秀黍離難寫恨,** 但應讚佛妙高臺

### 七月一日作 二首

巨壑移舟夜覺輕, 奪門前例使人驚 便從有鬲追臣靡, 漫效平陵立子嬰。 熏穴辛勤終有主,

棋反覆太無名。孝經請爲臨河誦 冠冕誰令等弁髦,讒人徼幸使君勞。 ,萬一南風變死聲 堯心豈必貪黄屋?

商野猶煩舉白旄。

凡楚存亡同有

恭

觸

置

蠻争競一何豪?勝朝讓德標彤史, 今日顛危爲爾曹

登普濟寺樓題壁

情得喪醉能同。 蕭寺荒陂接故宫,亂蟬殘日復西風。垂陰高柳緣堤緑, 弄影叢荷映渚紅。

景氣淒暄閑易辨,

物

複室椒泥被壁香,

蚖膏照灼鬱金牀。

漫調仙露餐瓊蕊,

且合神丹戲紫房。

虯箭未移人 凸倦,

鳳

複室 鷓鴣啼罷西涯老, 今古銷沉向此中!

笙罷試夜初長。 投籤莫破秦宫夢 賴有珠簾隔 曉霜

# 十一月十七日即事

Ш 義士 又 漫餐薇 見 河邊 段歷飛,神州神器竟誰歸?升壇尚自勞 華胥夢破殘生在, 獨向斜陽淚滿衣 讓 奉使應須遺五威。

南國后皇空樹橋、

西

# 四首

禹舜後人知 九 陌 狂 塵拂 憑誰 彩旗, 爲報靈修道, 受圖 應及奉 郊 可惜斜陽迫崦嵫 時。 宫鄰 金虎 ! 쓹 1 數? 荆棘 銅駝 更有思 曠 111 黄農今 日 見, #

閏位艱辛歷四年, 豈知舟 靫 時遷。 漫言騎虎難爲勢,

赤縣舊山 滄海 匆匆又起塵, 川。 生逢 堯舜吾何恨, 九金神 鼎 付何人? 愧乏陳崇頌德篇! 魚書往日空張楚, 真悔 鶉首今兹已賜秦 投龜枉詢天。 世 建國 裏華 黄 骨非 孫新 故域、 桥 數

神

州

壇

前 黔首是新民 螪 蚌争持漢與清, 申徒徐衍從君笑, 徒將水火困 4: 障 >> ! 塞狂 涮賴 孤身轉徙慚 此 身 移 橘, 同好凋殘感散萍 **儲藉南音思故土**,

將

客淚

灑新亭!

何當洗盡昂藏氣

飲狂

泉不

用

醒

漫

服

驟雨上寒始識秋,虚房人等一燈幽。更長萬念難安怙, 夢短單衾且滯留。 寫恨竟無騎省句: 爲

身深愧步兵謀! 茫茫來日愁無限, 暫醉安能百事休?

秋味居然一夕經 孤燈颭颭雨冥冥。西風鳴鳥原多恨,

落葉哀蟬豈可聽?每撿衣裳悲節序,

沿

因純素憶娉婷。空財寂寞羅裀冷, 不待凝思淚已零!

正月十六夜作

放常虞外物侵。 街 頭更漏細沈沈, 獨有瓶梅香不減,對燈無語伴微吟。 月上高樓夜已深。散後笙歌猶在耳, 客中時序每關心。 亂離倍覺春光好,

疏

前隊

血難盟社鬼心。前隊陳云應更惡,試將行事卜氛浸

始覺神州應陸沈!竟是繩樞多遠志,

不徒漆室有悲吟!魚書總副皇天意,

豨

一夫虎視萬人疳,

八

#### 有感

符翻欲致楊雄。 誰遺齊州革朔風?横流奠後昧神功 幽都咫尺師門遠, 賦罷招魂望未窮! 猶疑阿閣非巢鳳, 忽報黄山有墮龍

# 對小象成詠

舞秦臺鏡取痕 幽窗誰與共朝昏?賴有春風畫裏存。 一寸明珠雙白壁, 贈來曾未抵殊恩 無語定知還結恨, 相看唯恐是離魂。 鴻驚洛浦波留影,

鷥

### 重有感

教楚厲咏離騷。 罘網彌天竟莫逃, 驚聞畫地已成牢。 橐資無路慚恩義. 白日風霾虎豹嗥 北方自古人爲醢, 中國于今法似毛。 豈有巫陽詢掌夢?空

#### 重見

樓

前一

夕繫金羈, 蓬轉萍飄兩不知。 江介鼓聲驚遠夢, 瀛壖燈火接佳期 慚 無畫舸迎桃葉, 喜

反鼎豈聞封樂毅?獻

**赵香爐過柳枝。尋徧嬌魂心甫定,莫令鴻燕又差池** 

曉鐘

犀初劈語從容。殊鄉己訝回腸易,夾轂如何狹路逢? 卧單衾聽曉鐘,城南昨夜記芳蹤。樓頭列苣來時滿, 簾底飛霜去後濃。

桂燼乍温香杳藹,

瓠

李義山

制詩誰及玉谿生。獨運深思寫至情。 自有微辭同宋玉,

何曾艷體比飛卿?華年錦瑟供長恨,

别

寫意

夢裏

江南尚宛然,

人歸欲與燕争先。荒凉北土根難託,

容易東風茂又遷。

流水多情懷舊浦,

斜

淚青袍負盛名!最悔讀書求甲乙,空勞從事亞夫營。

陽無力駐殘年。 覊愁春恨相兼至,豈待花邊與酒邊?

送鮑氏姊南歸

尋常離別已沾巾,

况送連枝倍愴神!遠道青山非故國,高堂白髪是衰親!浣衣君愛循陔日,

八三

簪

一八四

筆無慚負米身。豫計帷車到門後,舉家還就訊羈人。

喜得書

猶勞錦字訊平安、竟使羈懷一夕寬 莫訝回腸如轉殼, 須知片札抵神丹。 書稀更覺羣疑集,

别

久深憂再見難。自就銅爐融硯凍,報章成後不知寒.

丹砂 - 裏原注: 函中附

無題

綃着淚已成冰! 小幌垂垂游一燈, 可憐曉夢鐘摧破、 危梯曲曲達三層。 空道魂銷實未曾 會因難得兼计苦, 情到能深雜愛憎!沈水添爐微有焰,

輕

城上

勞張毅敬廝徒。京華留滯春空度,悔向關門早棄繻!落日危樓凭。隅,家山縹渺入桑榆。邊鴻過後還睇燕,

浪遣子去工笔札,終

腐鼠銜米更嚇雞。

故將

尉山頭望不還。 **璽**書 西去罷 征蠻, 淫頂瞿唐來日路, 加膝投淵反復間 觸舟未抵世途艱。 曾把一麾安益部, 浪隨萬國會塗山。

君王地上侵何急?廷

馬合

疴非欲就猪肝。藜羹芋飯儒生事,夏屋徘徊憶考槃。 懸薄歸來鋏罷彈。 緑輔日旰未傳餐。 陳遵醉後占書速, 方朔飢時射覆難。

咨事翻疑爲羊肉,

養

清宫

木門清曉鎖倉琅, 誰向深宫間故王。元裔幾時歸漠北?虞賓今日比山陽。

空持虎旅吞華域,

謄

旗點苑牆。遺讖最思黄檗語,青猿相遇判興亡。

有龍

無題

遠夢無成信到遲, 朝吟暮望費相思。 空房寒入燈先覺,高閣風來酒不知。 書短定應憐碎錦, 淚

八五

長還得擬連絲!滄溟南接松江水,歸及湔裙莫後期。

#### 曲榭

雲曾不度牆東。 曲 榭回廊也邐通, 猶憐蘭室香巢在, 短椷初就意無窮。 雙燕歸來拂 落梅點額資朝雪, 綺櫳 垂柳扶腰藉晚風。 唤月只應來海底,行

#### 除書

漢缿筩疏。 擁節專城氣有餘,仍聞天帝降除書。威名此日同冠虎, 海濱下濕天如晦, 白日驚傳過鬼車。 朋黨何人擬貫魚?始信周陽茵伏貴,

終

### 寫意

嫌廣

北寒梅獨戀枝。未必年芳竟堪恨, 連朝晴色滿前墀, 春入朱門客始知。 沾襟自是有情癡! 夢裏猶應懷故國, 歸來已恐誤佳期。 江南芳草常盈

路,塞

### 寓樓獨酌

不辨花光與日光, 朝來并力作年芳。 鶯喉自爲東風利, 蝶羽還因落蕊香。 美景佳辰終棄置,人

情天意兩蒼茫 離 心祇向江南路、 百 尺游絲未算長

### 歳晚遺興

池行看鬭蟆蛙。 廢曆何妨節序佳, 何人攜酒來蓬户?正有閑愁那 只 嫌時 事與懷乖。 亂中 用排。 簫鼓無歡意, 貧裏整鹽是異溪。 世

網馬

能掛龍虎?春

# 丁巳除夕和遺山除夕韵

下里歌。 藍尾飲 無何, 瓠落生涯吾已定, 四 載京城憶 那應逐 澗 阿。 春早 歲怨蹉跎! 花將思共發, 身羸愁與病俱多! 梟盧 争競中 ·宵博,

簫

#### 高騁

鼓喧

闐 杯傾

茅 無地 高騁雲車載霓旌, 學躬 耕。 誰能 力總扶桑轡, 欲尋韓衆問長生。 露凛霜嚴獨愴神 行廉豈藉蘭湯潔? 世濁何妨瓦釜鳴。 頌橋有時愁徙植,

誅

### 無題

流水年華未可追,

落花心緒更難知。

羅屏人静春寒後,

錦瑟聲殘燭灺時。 幽淚盈襟空斷續, 八七 修

**眉入鏡尚參差。不須鳳紙傳消息,** 蘭徑如今已誤期。

### 天津旅舍作

笑能令宿憾消。明日征輪無限意, 庭柯受雨轉蕭蕭,漸覺孤懷不自聊。客舍殘燈伴佳夢,高樓清管送良宵。 燕臺北去斷蓬飄。 重逢始識華年迅,

無題

二首

將微命殉深情。莫嫌人事多圓缺, 幽幌秋寒夢未成, 凄然夜籟起愁聲!候蛩有恨知誰訴?斷雁傷離解自鳴。 君看姮娥萬古明。 愧以虚言酬摯意,

誓

偶

思前事已侵尋。 **折碎明珠玳瑁簪,九天難與證初心。山南已結繁欽恨,** 神仙豈是無靈藥?其奈波濤比舊深。 溝上猶勞卓女吟。 預計他生終惝怳

和人有掉 三首

黑亂絲繁斷容腸, 高臺春去恨茫茫!鶯歌似記難忘曲, 花落猶疑未斂粧。 寫淚玉盤空寄意,

ハハ

**情麇葉尚留香。天涯若有紅心草,應爲相思滿路旁。** 

誰教踐妈姤年芳、人去章臺骨尚香。妙曲由來推審姐,

奇緣從此失王昌。

鶯歌子夜堪添

恨

蝶

裁綃寫影商肥

痩,

剪

紙招 宫城總斷腸! 魂問 觸膠 **冯是非。** 難續片紅飛, 据盡玄霜仙分斷。 桃李凋零詞客老, 春去燕臺客夢稀。 少英何 香銘草罷淚沾衣! 勸酒流鶯寒食了, 事誤裴郎 照花紅燭賞心違。

無題 三首

從古怨楊柱。 抽 蓝春蠶欲 香雜信是尋常事, ik 絲, 档 懷 今日更 難持。 無那 他生是見時。 抵 間 地 1 tit 雑 恨, 可待 盤中 與 寄詩。 楚澤 何人搴

·漢抵紅牆 閱苕杜若俱零落,不用乘風向楚湘。 審粉雌絃枉斷腸,遠情無夜不飛楊。 冤禽有願填滄海,

瑶象何緣

謁上皇?儘許青

陵棲

粉

蜨,

浪

華草

章

漫想青禽與錦

字,

K

1: 掩手 閉殿庫 香羅 春已違, 浮生離合皆如 缆 腰 逐 夢, 日换 新園。 可要鄉 納 暮寒小院花仍斂 悔 昔 1 細雨 幽窗燭自輝

晚歸

教

將

銀

皇

展路疏燈帶遠星、 孤游行迹太零丁!新梅入手堪三嗅, 的景傷情怕再門 酒味

八九

總從臐後美,

養

絲難向客中青。 空齊今夜寒尤甚, 歸去權門早自局

偶成

殘香地酒醒時。 身似冥鴻任所之,心如槁木欲無思。養生須學嵇康嬾, 更將何物銷真感, **牀畔棱伽共楚辭**。 涉世從嘲阮藉癡。 日落花飛人去後,

燈

戊午清明後三日, 三十三初度 二首

皇以嘉名肇錫余,驚心三紀送諸居。 請費屈子離騷賦, 漫信虚中禄命書。 視原 命: 云合三奇四格局。 有始余生,先人使人 有

家大海泛浮萍。 難支天壞後, 毀齒超庭受 一經, 無爲轉憶我生初。 商歌 廿年孤露歎零丁。 室 知何用, 清明已灑思親淚, 幸遇名醪不擬醒 安仁頭鬢先斑白, 此 日思親 子政書篇未殺青。 痛 有餘

故國虞淵觀落日,

全

力

苦热坐连晓

燈影輪聲暝達晨、

家家都 有逐凉人。 繁星照地風隨馬、密樹成幃草作茵 到處勝游交履 舄, 接

九〇

天寶氣識金銀。 蚁雷 散後朝 暾 出 愁絶低着 卧 一病身。

#### 扇底

量纔 定復曹騰 扇 底脂光 欲泛 雕欄西 繒 畔 牀邊汗暈乍沾籐。 驕陽飲, 未遺柔腰獨自憑。 焚香 小鼎招雙燕, 雪藕清泉避衆蠅。笑語微闻仍寂靜,商

### 雨後曉坐

湖巨瓠信沈浮。 驟雨輸涼已似秋, 何當便挈伊人去, 换衣清曉坐高樓。 抓笛吟詩共一 柳絲榆葉添新韵, 舟。 **芸態煙光豁困眸**。 淮海微禽知變化,

江

### 秋望 四首

西風 日暮動江波, 楚客登臨意若何?水接滄溟秋色遠, 天開平野夕陽多。 孤帆自掛 還鄉 思,

笛空吹出塞歌。 鴻雁不 來菰米老, 迢迢書札阻雲羅。

江上危樓倚落暉,

誰云望遠可當歸?清波屢濺三年淚,

白露還催九月衣。

燕去空堂猶戀舊,

鷗

横

九一

九二

來野 岸欲忘機。 横流 滿 地 吾將 老, 擬 向 衰翁 間 釣 磯

尼避 隱脈 地且無車。 名都百 頻年 萬家 最感楽枯 繁絃促管夜尤譁 速, 撫己懷人一歎嗟! 涼 風深院格 桐 樹 明月荒洲蘆荻花 庾信臨江猶 有宅,

不妨黄屋擁榮名

土崩瓦解嗟

何

及,

弱

Ŧ.

吐 强吞勢已成。 苕華 一賦罷羨 極目 無生 神州煙霧 誰遺蛙 裏, 蟆日 中宵很蠶最光明 \$V1 争? 但 使窮屬 安性命,

香冢

瑟怨華年! 葉梢梢夕照邊, 天荒地變情 何人於此葬嬋 恭 娟?韓 香銷 憑死 然! 後爲胡蝶, 望帝歸來化杜鵑。 終古佳城藏碧血 當

晚 歸 约 玉蝀 橋

時

錦

無

讃

惘

蘆

思無恙燕仍飛 員 殿 崔嵬接翠微, 千秋興 長橋延望久忘 廢應難計, 何用表 歸。 御 回弔落暉! 池新漲明人服,

苑路輕壓拂客衣。

**罣麗頻來魚靡樂,** 

罘

藩街

潘

街

向晚静

無喧, 異 味來嘗出炙燔 漫訝晏嬰游狗 國 也同 衛轍 好夷言。 頻 傾苦酒瓷 缸凸,

厚

藉生魚懈葉片。 衹有倭娘差可意。 配顏淺笑意娟娟

檢舊札感題 一百

燕臺有容惜餘春, 獨對遺篇更愴仰!舊事空留斷腸句, 此生長作負心人!鵑啼苦處芳菲歇,

萬一年尼容嚴悔 不解桃骨化香磨

夢醒

窗寫影夜凄凉。 時涕波新 肺疾纏綿只白傷 泉瓷路近顷相待, 知無扁鵲贈奇方。 不用神龍斯景光 織成具錦心徒苦,

詠罷瓊枝意争忘。

珠斛量愁春浩蕩,

燈

蝶

茂晚

林江上起愁心 歲晚瑶華闕好音, 衆芳總爲暗鵙歇, 幽篁獨處少人尋。 啼到霜晨響亦沈 回風往日陳辭苦, 暮雨朝雲托意深。 桂樹山中懷舊隱,

楓

梅花詩 四首

殘鐘薄雪共銷魂,

倚竹人歸自掩門。

此夜翠尊空對影,

他時紙帳與留痕。

愁添隴上三聲淚,

九三

九四

隔 江 南 十畝村! 太息 何 郎今老去, 春 風詞 筆 向 誰 論

未 讓秋 華獨傲 霜 自 將孤影鑑寒塘。 客 中花發堪 垂 淚 夢 裹春來易斷腸

情 須嫁汝南王。 暗香空傍鷫鸘 惟 衣, 憐昨 病酒 夜虚 帷月, 文園 售 不及西 好 非。 湖照 斷 角 舉 荒城人去久, 觴 殘燈 深館夢來稀。

恨隨流

水常

東逝

心

流

遠信好

憑 江

Ł 使,

有

逐 孤蓬更北飛。 燕塞吴波何限 路 \_--枝相 寄 漫 相 違

波和夢送華 淡 月清笳信 年。 **廋詞寫出** 可憐, 離魂 知誰寄? 此 夜欲 應在 成 煙。 孤 山淺 難同 活邊 古渡迎桃葉, 漫 向 東風學柳 綿 長笛 當筵傳别恨

讀 司 馬相 如傳

應 解慕閒 居。 武 皇 最是憐才主 臨死空求一 卷書

財

論罷

荆軻

賦

子虚,

爲人何似

藺相如。

弄琴惆悵

因 魔户,

貰酒

歸來卻賣車。

好色未

須辭

痼

疾,

饒

楊花

食 飛 去恨 何 # 難明 殘春愛化萍? 斜陽 曲 相逢萬 陌 堪回首 屬 他生。 莫怪斑雕不肯 便教拂鬢曾無意, 行。 豈必沾泥始有情。

紫燕銜來香故在, 青

感遇

飛水逝送殘春。 襟 F. 啼 痕袖 畔 此情何計堪排遺?衹合今生作恨 塵, 幾番離合總無因。 難忘尚 人! 有辭中誓, 易散翻疑夢裏身, 漏斷香銷愁永夜,

花

秋海棠

陽 無恙雁飛遲。 深院 秋寒力不支, 紅顏損盡華年晏, 高樓. 人去恨誰知?羅衣已换餘香減, 祇恐重來未 可期! 蠟苣初殘别淚滋! 明月有情蛩語咽,

斜

寓興

卻下重:

簾對

燈,

凄陰

樓外復層層。

明

知遠望終無益,

漫道幽盟遂可憑。

薄醉暫時還易醒,

暮

寒何處最難勝?添香暝誦楞嚴罷,妄念猶存斷未能。

高丘

高丘迢遞隔行雲,

擁楫空勞越鄂君。

雌蝶棲香惟弄影,

孤鸞對鏡自成文。

三重阿閣因

風度,

+

一九五

九六

欄干倚日曛。 獨有張衡愁最甚, 東西南北渺離分。

無題

將殘 夢引相思。 牆東依舊忽忽去, 風露清寒竟不知

複帳流蘇四角垂,香銷人静酒醒時。 釵茸拂枕蘭膏散,

燈焰回衾玉漏遲。好向層波通密意,

漫

立秋七夕

集高梧又報秋,

隔牽牛。雲袍珠淚添多少,露盡香殘獨自愁!

簾前新月正如鈎。 深思未忍拋納扇,

舊俗還聞結彩樓。

枉向素琴彈

別鶴,

虚

無題

K 池竹淚成斑。 風露清寒姑射山、 玉函靈篆經時鎖,青鳥高飛意自閉 真仙原不憶人間 寄情惟籍琴三量,

延命終須藥九還。

贈以隋珠光可鑑,

種

**罡風吹夢到瑶池**, 早識仙家好别離。 縱有珠襦并甲 帳, 應求璧月與瓊枝。

織成貝錦心徒苦, 分

得金釵誓不移。清水黄塵彈指事,靈修浩蕩竟誰知?

鬘休愛七重天。 合罷神丹戲紫煙, 明知小别亦千年。 故都芳草今何似? 策馬升皇 朕情鬱結將誰語?人世浮游祇自憐! 一惘然!

圓鏡好修三五月,

華

戲贈康君

絃遠道惜調琴! 又有 流風起北岑, 多情肯説相思誤、 佳人應解憶繁欽。 鳳紙收藏直到今。 紙知蘭 露長 如眼, 誰信桃瓤别有心。 破匣清光愁對鏡,

危

蝶

還得傍花心。 孤客愁聞子夜吟, 阿嬌衣借鶯黄染, 畫樓高處繡簾深 豈要輕塗漢殿金 也知皓露終難避、 更恐芳塵不易尋。 風急未妨隨柳絮,

夜

歸夜

妍

纔見春來已自傷. 尊前贏得九回腸。 细筝漫作當時曲, 羅帨還留昨夜香。 客裏年光空愛惜, 愁

一九七

中魂夢尚飄揚。 前溪舞罷虚惆悵, 獨掩重關聽漏長。

#### 桃花

殘猶得背燈窺。 瑶池仙苑經年别, 争信芳心不自 持。

獨

向空園折一枝,

繁華未肯後春期。

流波欲寫娟娟影,

斜日還添艷點姿。

舞倦惟應臨鏡笑,

妝

#### 無題

波 任撼菱枝。 燈映疏簾散雨絲,酒寒衣薄得歸遲。 可憐宋 玉愁難减。 虚向高唐寄夢思! 綵絃送意知何處?繡被焚香耐此時。 春色已應藏柳葉,

風

能繡被爲熏香? 嬌樹晶盤卻罷妝, 靡蕪只作秋蘭伴, 北方靈氣屬 仙郎。 此際佳人正滿堂。 關山一笛梅花落, 風雨空城蕙葉芳。 始信瓊枝堪療疾

可

海上青鍾去幾時?人間無路寄愁思! 無題 二首 可憐遠道空相憶, 正有離懷各自知。 南國春歸情化絮,

北

岑日暮淚如絲!神方駐景從君乞, 悔 向高樓再拜辭 !

華 年如水恨 如烟, 佳期渾未定, 度思君 惘然! 明鏡 紅箋 虚懸三五月,

**鬘**雲應隔幾重天

玉牀石闕還相似,

渴

鳳 鰥

魚總可

憐

!

蘭徑

媿將密

意訴

# 中秋見月蝕感賦

蟆枉把玉盤侵。 誰 識 姮 娥此 遥憐翠袖西樓畔, 夜心?空階徙 倚復沈吟!每逢佳 露冷風寒定不禁 節偏 爲客, 但有圓時豈惜陰。 蚌蛤 已看 珠魄滿,

蝦

無題

後星 芯 河隔露盤。 珠仙客罷驂鸞, 通籍自知無宿分, 瓊葉裁眉玉作冠。 百和花兼香氣遠, 衹應長向綺筵看 五枝燈映夜光寒。 來時雲彩隨霞帔、

去

# 五月十一夜紀事

璧月流光廣座開 排雲真復見銀臺。 瓊漿一例酬佳客, 畫扇何曾滯上才?醉後層波隨酒泛,

九九九

散

時輕轂逐燈回。狂夫衹有東方朔,也許窺簾漢殿來。

### 感李夫人事

壇應愧白茅人。 死生總負傾城意, 燭影遥帷望未真,招魂如此最傷神!桂枝秋氣銷何速;落葉哀蟬恨正新!續命可無仙掌露, 淚洒荒埏不忍陳!

築

#### 寄意

江燕飛回語亂離,旅人何事亦含悲?高樓祇在浮雲外, 岐路還當落日時。 每向酒杯添別淚,

偶

分心緒付游絲。從來無限傷春意,併入今年恐不支。

#### 夜歸

齋佳夢總依稀。繁欽最有連絲淚, 好借殘燈辨徑歸, 不辭清露潤羅衣 回望高城獨自揮! 孤游惘惘知 無待, 幽意綿綿信己非 密帳橫波虚想像,

空

### 無題

誰教湘竹淚成斑?恨滿朝嵐暮靄間 織得鮫絲空作帨, 鑄來金块不爲環。 玄霜自是仙家藥、

明

鏡難留夢裏顔。蘭芷蕭疏風露重,陳辭須向九嶷山

### 惜别暗記

凰遥應送和聲。枳籬開處通西曲,那有車將窈窕迎。檢曆逢張事不成,採藍難得一繪盈。行雲半出千重峽,

遮霧全須幾扇屏。

孔雀孤飛傷勁翮,

雌

每向樓邊送落暉、又逢陌上點征衣。滄波有盡春無盡,三賦楊花

無題

來禪榻欲忘機。年華占斷知何益?一

世從風萬里飛

滑霜濃欲去難。腸斷三更書石闕,負情第一是儂歡。移燈小曲夜欄干,憑仗犀心爲避寒。錦被文鴛和孔雀,

玉樓孤鳳愛離鶯。

鳥棲月皎相留切,

馬

採若

採若芳洲獨自歸, 滿堂人散憶荷衣。誰能彈日齊夷羿、 便擬乘雲覓宓妃。 翠帳層波光可接,

化作浮萍還戀舊,叫

燕子獨歸人未歸

0

瓊

筵六博坐成圍。此情回首年華晏,欲賦同心事已非

### 閑情 四首

嚼蕊調絲帶恨聽, 惟餘紈素徽容在, 應將不嫁惜娉婷。徒勞王令歌桃葉, 臠秋眸爲客青 未許麻姑降蔡經。 雌鳳雄龍殊類

牛凝 女隔河星。 誤人西曲 六萌車, 閑殺清明陌上花, 難遺郎身如蝶羽, 豈知臣里即天涯。

北岑日暮繁欽淚,

喬

獨

騃

下浸豆自手挂著,些人可引真人主。 只可发用之反绝,可木春深漢女家。 鶗鴂易鳴芳易歇,緑窗珍重好年華。

立空聞北地佳。 六張 五角 事難諧, 金屋可成珠可覓, 楚水何因鎮入淮。 同心還要鳳凰釵 只有歡聞子 夜變 更無人犯太常齋。 三年總負東鄰笑

中 桃梗信漂流, 越網千絲那易求, 朝來怕向汀洲見, 江妃雙佩總輕投 卅六鴛鴦早白頭 驚鴻北渚真翩若, **駿馬城南好載不?泥裏柳綿多滯** 着

溝

#### 無題

謳 山木悵難聞。 幽意芳菲比麝熏, 深心應共身長在, 醉情歷亂過濃醇。 只恐悲泉日易曛 客中瓊佩投神滸, 夢裏羅衣化彩雲 楚路皋蘭搴未暇,

越

此 事 能成 賴 蹇修 更勞 江 £. 木 蘭 舟 桃 花仍 遜 前 年 順 連蕊雙 開 此 夕 頭 H 喜 弘 新 得 不

煩酃 渌更澆愁 因緣遲 速關 天定, 轉笑懷 春 不待 秋

疑 從百 真 教 П 福 分屬 訕 凝頑, 事對君 不畏回風阻 先懺悔, 海山。 從前怨曲總宜 阪外茹蘆空 删 自遠,

溪邊黄葛

竟能還

桑

11

喜

勝

Ti.

李

因迂折見情深。 女牀有樹隱雙鸞, 多謝娉婷善 前旬 斗帳香微漏 累人腸斷是沈吟。 樣看牛女, 未殘。 但覺佳期不似今。 深夜燈花知喜慶, 只知鄭客懷 珠 佩 難學長康咒 連宵烽火送平安 棘針 竟得 避兵從此堪偕隱 團 欒 知 命 水,

蠲

轉

忿 由 來是合歡 炷盟 香 心 E 熱, 定教一 11 不能寒

雜 感 四 首

見出多門。 中原 萬里香, 棟傾舟 蒼生辛苦 覆關天意, 向 誰 獨立風 論? 塵枉斷 愁霖 没 魂! 地 黿 鼍 喜 壞 氣 衝 誉 虎 豹 奔 執 法 끍. 能 誅 比

屋

收

?

權仍

柳

H

出 西向是長安, 天帝除 書日日看。 建節專征皆上 將, 計金小傷亦 高官 直 教 狐 鼠 成 雜虎

.. = 0 =

盡

鸇勝鳳 黨。 粉飾 升平君莫笑, 古來原有沐猴冠

道鷹 子錢稱貸竭 軍需, 豈料窮閻 更困痛。 直指猶持沈命法。 監軍都佩避兵符。

遺 狐 弭亂誰聞肉食謀, 鳴拓遠圖。 今古魯陽争戰地, 幽都一望爲君愁。 揮戈還恐日長徂。 真疑舉國皆朋黨 直與齊民作寇讎、 間左幾人逃桎梏

空將豨突摧强虜,

坐

域

ः ्र

### 宫渠敗蓮

中

何日静戈矛?

地維絶後身仍死,

枉羡共工據冀州

朱欄干外御渠前, 秋意殷殷付渚蓮。 自有殘香供客燕, 漫持新恨與哀蟬 採荷舟去將風夜, 飲

人來欲暮天。 千遍徘徊君不見, 古壇深柏共凄然!

無賴

芽

生何計釋千疑。 無賴游空百丈絲, 香囊約指從君索, 牽花繁柳太支離。 叩叩拳拳祇自知。 風幡不起仁心動, 井水無波客意廢。 宿世有緣留

> 枕, 壯

晚香玉詩

直類公孫在郾城 更如秦女下瑶京。 芳馨本合儕住卉, 秘記真應補 小名 腰鼓舌簧稱 絶技,

**僮趙女遜新聲。憑君試唱歡聞變,坐上何人不愴情!** 

### 寄人詩

皮几隱藥鱸旁。傳聞莊蝶多奇夢,欲信巵言恐渺茫。 迅羽駒馳豈足方?一春愁緒未銷亡!繁花縱好何關事?

美酒

彌醇祇斷腸

!

金字經拋書閣畔,

鳥

### 寓意 二首

心留物衹頹唐。 漢女清歌到桂堂, 誰知綺席千條燭, 歸舟頻想翠旗光。 猶遜蒲龕半炷 路遥寧止重城隔, 香 河廣難憑一 章航。 作計尋歡終扞 格,

卧真牽白袷衣。 小樓終日對花飛,祇覺春林盡馥菲, 交臂流光已相失, 何勞遲暮始知非。 薄醉未成人已去, 殘陽欲斂燕仍歸。 勝游空想青骢 馬,

悵

無

#### 正謂

正謂疾憂初得閒,

誰知苦樂定相償。落山風大方名蠱, 近死心灰莫復陽。蓬轉萍飄隨大化, 蟬

今鶯昨送流光。 年來空見難遮斷, 便欲捐生付法王。

聞道

從牀第寄纏綿。 忘情太上真堪法, 莫藉鍾情效晋賢

聞道乘危更着鞭,旁觀應爲淚潸然!黄衫空弔繁花減,錦瑟難教别夢圓。

椒堂

骨消餘瘁不辭。 久信蘭香愛張碩, 雲駢己駕漫遲疑

重題晚香玉詩

幕明燈歸未歸。惟聞窈窕住西曲, 北方一人才獨立, 陽春三月花亂飛 空有魂夢隨南威! 試詢江上浣紗女,

漫成

急景窮陰自可悲, 愁心病態益淒其。 明珠玳瑁俱當毁, 皦日黄河兩莫追。 已分死生長契闊,

衹

二 〇 六

椒堂荃壁訂佳期,蕙帶荷衣慰我思。損疾遄來方有喜, 革言三就又何之?瓊枝見後飢能療, 玉.

何以漢浦投珠妃?畫梁清聲繞復繞, 編

儘有琴尊酬寂寞、

漫

憐終始太參差。南山萬竹難書悔,付與高旻大塊知。

寱語

蓉木末意徒勤。惟應夢想青溪妹,何處迎來白石君? 琬琰苕華此後分,秦臺簫罷悵西曛!依松蘿蔦知無日, 在筍魴鰥羨若雲。 採若芳洲 人自去,搴

井里

外寒蓬尚獨飛。秦俗未平身漸老,窮途懷古淚空揮! 求生亂世意多違,避患深山計又非。 井里連年驚寇至, 板輿何處奉親歸?祠前故栗休輕折, 天

南還道中經洹上村有作

推非運惜顛連。汝南它日修家史,公路猶應遜此賢。

洹上村臨大道邊,漳濱雲物正凄然!金椎入地應無用,

總帳飄臺轉可憐!巽位有心成禪授,

樂

海上雜題 四首

海市蛟螭吐氣新, 名都士女鬭陽春。吟詩也擬消長日,開卷真思問古人。 四望交疏通霧雨,

### 二〇八

隅 區 脱閉煙塵。年光已付閑蜂蝶,對酒逢花莫愴神。

細雨 如愁緩緩來, 清樽向晚不曾開 嘶騘隔巷障泥 去, 擫管高堂簇苣回。

家畫地起樓臺。 海堧掌火春如許, 數口羈貧豈足哀?

永

巷微風兼酒氣

通衢明月助

燈光

連交合勢揮鞭

客,

强笑真嚬挾瑟倡。

盡破愁城來樂

土

衹

幾處流

人成

聚落,

Ŧ

疑舊縣遜他鄉。 杯裏莫分清 濁酒 迂生久結飄摇恨, 篋中休 覓短 長書。 偶預歡游也欲狂 朗吟下里黄荂 曲,

閒約西陵油壁車。

捐國真.

如游

建德,

馳

心妄欲到華胥。 雖為 小蝶皆吾侣, 暫得嘉辰樂有餘

#### 謝問

深慚辨豹齪。 初見説堪 承問, 遲暮子雲耽寂寞, 漢史驚聞可注 謝君載酒到玄亭。 經。 難決路童争曉 H, H. 魳 È 簿對靈星。 祭 魚已愧輸 獱 獺

獲

### 庚申元日作

鼠

虞

寐難忘在澗心 元辰清曉雪仍深, 最惜寒梅猶未蕾 坐盼陽和變積陰。 此時尊酒對誰斟 自笑拙爲 宜蹭蹬, 何勞佳節警侵尋。

新歸且識還鄉樂,

獨

### 送觶伯

觶伯張姓, 奉節人,居武昌、學高等師範三年。今得文憑而去。

亂無營爲養親。 累 年始見性情真、握手江干惜此辰。小學家風記張竦、故鄉人物愛唐甄。 我念外家須戀蜀,他年相就瀼西濱 才高肯斂能安己,

111

### 寄經宣

經宣許姓,梁山人。頗諳小學,文詞亦能爲。 四年前寓書、 請余爲師、歲時通問,

意氣殷勤, 至今未相見也

穽宜防漫説瓜。 神交數載會猶赊, 意氣相同便相愛, 每對西曛憶宕巴。已愧景真追叔夜, 幾多價面等天涯 難同楊子誨侯芭。 江湖可泛休掊瓠, 機

題張丞相丈與黃再同書牘册子

才比江陵學茂先、 獨從訖錄苦支天。即今索靖書藏帶, 在昔王詢筆似椽。 字到通神非勉强, 語

關鑒古亦精妍。碎金難向東山覓,不過西州也慨然!

### 日雜詠 四首

春

時 呼酒代狂泉。人間何 北裏絃繁火照筵, 長衢輪滿埃連天。趨時主父縱橫術, 世春非我, 每對芳妍只慨然! 稱意張華輕薄篇。 盡日閉門游太古,

退羊裘未離身。世事成虧君莫問,吾儕原是葛天民。

江泉蘋芷麗新春,

朔野風沙惱旅人。緑螘熟時呼好伴,

紙鳶墮去問比鄰。

社過燕壘紛在眼,

寒

有

散還愁畫轂分。 城南樓觀接浮雲, 獨有憑欄明日意, 縞袂綦巾樂我云。 佩壺來此對斜曛 看遍俳諧兼角觝, 歌殘捉搦復歡聞。 夜長只怨華燈少,

山眉黛羨相如。 暫欲持齊宜止酒, 破愁正有高歌在, 未能倚市 且傭書。 君若齊心試和余 蛙聲入耳成新樂, **藝簡**填 胸覺古虚。 静室琴音思叔夜

遠

場

三月十二日, 隨幼五至其家小坐, 同飲漢上, 罷歸, 卻寄

縹醑] 開歲正應數此游,殘春孤艇寫雕憂。 酒銷愁!平生微尚姑宣説, 最愛它囂與 悲愉 (魏牟 本與人間共, 貧賤原非我輩羞。 詠到白華詩補闕,

傾

### 貽劉生

劉公祭社令名存,廉吏無金遺子孫。已見二難繩乃祖, 更欣一旦及吾門。 機雲並譽標前史, 孔

李通家逮後昆。羸病侵尋荒學久,愧無妙義共譚論。

### 黄鶴山

中 -五月落梅哀。 黄鶴何年復卻回, 雖無好句賡崔李, 飛樓今日早成灰!長江畢竟東流去, 到此登臨亦快哉! 嗣客曾經幾輩來?洲上三春芳草緑,

笛

# 六月初三夕作 二首

既無名志不堅。蛇鬭鄭門君莫問, **戰聲隱隱度江天,周呼何來警客眠**。 但求黔首免戈鋋。 伏甲豈虞機事泄, 折衝翻逐廟謀全。 將能輕死身難貴,

藥黄金兩未成。 燈微香静近三更, 賸有扁軀隨梗泛. 入户涼風爲解酲。 更垂衰淚聽鐘鳴! 頓悟華年非舊日, 偶因閒夜溯平生。 貞松白水空相誓,

大

兵

# 國學巵林付刊感題 二首

新舊本來無定相,是非何用苦相争?要從言象荃蹄 外, 盡泯吾人正負名。 惠子多方成駁道, 田

巴高拱謝洪聲。誰能悟徹寰中理,一任天鈞運兩行。

説誰防蟻潰堤?百慮殊途特相齒,何妨東向不知西。 梧臺燕石裹重綈,敝帚千金理亦齊。道術終爲天下裂,

民情本自古來迷。

妄心各類蠅鑽紙

曲

### 題舊稿

簡名留定幾年?從此懺除猶未晚, 鵑啼蛩唧任其天,有意驚人轉足憐!忘相忘言慚我拙 一燈明處禮金仙 心聲心畫情誰宣? 華胥夢到知無 H,

盐

#### 詠史

年彤管費重編。 絳帳傳聞會列仙, 河洲窈窕風詩首, 青衿從此樂 羣賢。 馬融閣下承惇史, 譜入鱣堂太古弦 伏女帷中授逸篇。 今日黄書勞並課,

他

### 苦蚊作

物營 生亦可憐!業力不忘吁足畏, 困 來便欲據梧眠, 忽有蚊蟲過我前。羸露本難供一 形無巨細願 同捐 頓, 喧囂未遺入初禪。 亡身求飽寧非拙,

害

九日偕婦弟王邦銓各攜兒女游洪山

標千古峙崇崗。 漫採茱萸作 沾衣酪 佩囊,徒驚節序又重陽。 酊俱無謂, H. 放孤吟到上方。 聊因談讌忘多病, 更喜登臨近故鄉 陳迹十年成隔 111

高

獨居感事 二首

寒惟 待鶴 疏雨聲中早閉門, 能言 朔風暫息悲笳起, 生涯時事兩休論, 獨無枯琴憶故園 窗邊黄葉催覊恨, 屏上青山寫夢痕。 酌酒似聞龍可勸,

忍

譙

周謀國是奇才 禁闥倉琅久不開, 御街卻有銅駝在 胡僧無計問殘灰。 未到荆榛且 河邊段攤衝天去, 莫哀 野外蜚鴻蔽地來。 巢父讓王非實事,

### 感事 三

日落空城寒意侵,閉門久已廢登臨。蒼生萬態淆歌哭, 瀛海千年異淺深。 夢入華胥非樂土, 詩

と1見漏号を具、長方に皮を生斧。、引号手具成梁父自悲吟!狂泉味美何妨飲,祇恐難違獨醒心。

憂深谷變高陵。閬風只在横流外,清思篇終欲上騰。 漫向陳編弔廢興,眼前成毀感難勝。人間萬事俱零落,

世界微塵孰愛憎?絕訝驚風吹白日,

早

瓶凍遥知海水寒

盡喜胡桐來大夏.

漫

教魯酒誤邯鄲。披艱掃穢吾何冀?所冀巖阿詠考槃。 繋國包桑計必安,私憂一室信無端。山傾每有霜鐘應,

辛酉生日述懷

好

春

猛

雨狂風

裏,

生日

清明上巳間

辛欲吹齏懲往事。

酉宜飲酒發新顏。

四方弧射追皇覽、

1.

載蓬飛憶故山 老母康强兒黠慧,閒愁縱有也宜删

上巳日,本計出游,會戚家有喪事,兼以

寒,而祓禊遂廢。對燈成一律自遣

游既無心豈擇期?良辰自與俗相宜 已教積雨 過寒食, 枉對孤繁酌一巵 春半春深情漸進, 人

歌人哭事多歧。唯應静展王珣帖,原注:近日不畏愁霖没峴池。

#### 坐上

愁奇氣酒能銷。 坐上琴絲只自嬌, 嘶驄歸去孤檠好, 總無方法駐良宵。 長與羈人伴寂寥。 隔年曾聽朱樓雨, 垂老微憎玉頰潮。 早辨閒

情兆共减,

未

贈吴生

樓常有晚風清。 軍亂通都夜夢驚, 扁舟若具須相待。 播遷猶幸得全生。窮途自致非人咎, 久慕鴟夷變姓名。 遠道來看見子情。

陋巷莫愁炎暑逼,

小

還寓作

**督門生檢查書。炎暑如斯渾欲忘,曾從委巷寄蘧廬。** 寝兵救鬭願終虚,養母全生樂有餘。莫怨十年三避地,

二/五應欣屢徙復還居。笑看孺子捎蛛網,閒

### 留吴生

烽告急鳥宵驚。黄塵滿眼行車絶, 何止安寧慕友生, 特緣危難見交情。 君縱思歸也漫行。 玄亭已載侯鋪酒 玉貌來同魯仲城。 深樹追涼蚊晝出,

遠

### 寄懷孫生

得逃烽鍉籍三靈, 還向蘧廬抱一經。 劉炫猶難免飢餓, 宋鈃空自羨安寧。 知君西望裁詩苦,

篇寄余、辭甚辛酸!原注:孫生近有西望 悔我南歸作計輕 相望天涯享黄髪, 莫辭彼此各沈吟!

### 壬戌除夕

營歲月白安便 令節人閒 我未 私心但祝衰親健、 開 對燈展卷更無眠 長此羈棲亦晏然, 清風入室爐增炭, 積雪融幣砌響泉。 經亂街衢何寂歷?

寡

### 春感

黯黯頹陽湛湛江, 春愁暫起便難降、 蜂綠獲蜜須求侣, 燕已集林尚欲雙。 病裏獨親燒藥電

閑

中頻啓看山窗。 半年止酒真無俚、 擬外形骸近酒缸。

有赋

千萬半雙兩丈尺重,凡十九字,頃見徐書受教經堂談藪 閨情, 限溪西雞齊啼爲韵,中用一二三四五六七八九十百 載

其自作及諸和作, 絶無工者, 戲爲改之, 示介臣外生

重雲水四邊齊 **丈紅薔蔭碧溪,柳絲千尺六闌西。二情難學雙巢燕,** 十中七八成虚象, 贏得三春兩淚啼! 半枕常憎五 夜雞 九日身心同夢杳,

萬

尚之又有同前韵, 用江流有聲, 斷岸千尺, 山高月小、水

落石出十六字, 詠秋閨詩, 兹放其體, 賦得江村晚眺

月初同小樹齊。 秋水落霞兼竹石, 出門看到與禽啼

滄江流急合清溪,

乍有漁

聲斷浦西。

蓼岸千眠藏立鷺,

茅簷咫尺對棲雞。

遥山漸與高空澹,

新

月初六夕作。 明日爲亡室生日

別已無期夢轉疏, 匡牀一念自縈紆。 蒙鳩掛葦身難恃, 蟋蟀鳴堂歲易除。 蕭寺孤棺歸計滯, 他

生比翼誓言虚。唯將癡念憐兒女!鰥緒盈懷不用書

## 上已與人游洪山

厨 佳饌出逡巡。 試 向郊原賞此辰, 晚歸莫患城闡 地偏仍有禊游人。卿曹即是留連物, 下, 正要殘陽照靴 茵。 野外原多浩蕩春。 佛壁前題存駁

僧

心事 二首

時詞客惜斜暉。萍浮南北吾良憊, 誰信烝人發殺機?棟傾舟覆欲何依。 獨立蒼茫淚滿衣! 觸蠻勝負無優劣, 凡楚存忘有是非 經亂衰親添白髪,

哀

判 參辰帝不臧。 十年害氣滿神鄉,禍亂 亦有登樓王粲恨, 相尋一 國狂。栲漆櫄樗盡相類, 河清無日意旁皇。 沙蟲猿鶴總堪傷!運逢水火民何罪?星

平言 二首

山翠茂陵眉。寄情有地吾將老,筆舌悝圖總不辭。 卻曲迷陽失所之,懷賢欽聖復淒其!抄書漸欲成書篇。 嗜酒何嘗咒酒巵?天半鶯音蘇嶺嘯

檻

前

二毛此歲漸如星, 千簡 何年竟殺青?萬事當前同觀雀, 兩豪侍側等螟蛉。 養生閒集諸丹要, 棄

日新箋 十博 郷 寄語 魯連黄鷂子, 非唯杜口亦忘形。

一月十五日病不能出, 簡 王生

園疏柳早鳴禽 春半年除惜已深, 惟應坐盼侯芭至, 那堪葉裹復關心。風光荏苒棖懷抱, 寂寞玄亭酒共斟

節候依違付枕衾

南陌淺蕪遲試馬

小

憶曼殊

禪多在酒杯中。 常憶彌天一曼公 阿難道力終堅定、未覺摩登梵咒功。 小詩清絶畫尤工,早梅飛瀑師齊己、 遠诸寒汀效惠崇 豎義偶超經卷外,

逃

夜檢篋理文書, 因憶往藏金約指一雙, 如皦 H, 曰長無相忘, 刻鑄極精。 三年來以人事拂心, 並有文字, 一日有

未嘗御手, 不知何時失去, 遍尋不得, 悵然成詩

愁已刈尚留苗 葉落 鐘鳴 夜漸遥, 從來盟首多虛語, 檢書稍欲慰蕭寥。 鐵券煌煌只釀嘲。 人天有願俱難遺, 金石無情亦易銷。 舊物久亡能繪

狀,

閒

### 卧病簡王雍

篇齊物遺蕭晨。 陋室荒園好結鄰, 如兄已是超塵外,憔悴應憐倚樹身。 朝朝走覓不辭類。 江城秋早增羸疾, 人世途窮念懿親。 萬里涼風吹永夜,

酬容子

夜偏長亦易晨。階級可輕門户重,相期彼此愛閒身。

嗟君清句孰爲鄰?發響凄然感我頻!故里田園勞夢憶,

早年兄弟見情親。

澄河縱遠非無日,

愁

**壬寅歲來武昌時,父友李護督停棺長春觀。侃從** 

李氏兄弟,常宿是間。今十餘歲矣。秋日來游

故處,猶能指記。外生李炎有作,遂次其韵。

古屋塵凝感昔游, 寒郊此日又逢秋。 孤蓬自轉閒身在, 上藥無靈術士愁。 尚想姻朋殊貴賤, 久

將生死等休浮。道旁琢石成華表,遼海人歸亦白頭。

### 秋興

**髪還緣卧病生。聞道鄰園正培菊,早謀佳釀待花傾。** 西風晝夜入樓清, 暫廢披吟自適情。 盡拓窗帷看樹色, 少留燈焰聽蟲聲。 青山不任移文銷,

白

去年以閏月廿三來武昌,今一春矣,感賦

對青山有好詩。落日闌干仍北望,長謡登岳憶年時。飄蓬原未定還期,江上誅茅又一朞。微奉極知猶忝幸,

全家且喜免分離。

鄉看秋草無歸路,

門

**尾山本女宗 - 落日陽日の北宮 - 長龍登日似名** 

狂風

條廛里閉門中。 已識南風遜北風,揚沙三日萬方同。早寒便欲行冬令, 焚雞礫狗俱無益, 且匿深帷學宋聾 晚穫還應棄歲功。 畏佳山林吹籲後,

蕭

### 汝

自斷微驅漫問天,强隨鶊蟀送流年。恨多少視宵長短,人合離殊月缺圓。水爲情深才似淚, 蘭

非香重不成煙。累生癡業平生事, 只對殘燈一惘然!

静夜

知無語狀秋情。 落葉紛然拂瓦鳴, 樓居萬態原蕭索, 琉璃石漆自熒熒。寒衾殊負傾罍意, 静夜靈臺倍易攖。

僻巷猶來擊柝聲。

長冀有憑推昔識,

深

阿閣

阿閣雲高護綺疏,

但聞雷響學鸞車

紫房人戲招威鳳

白石郎來從巨魚。

幾許歡悰辛苦後,

番聚合别離初。 蛛巢蝙拂傷懷地, 憶舊相尋衹望舒

晏起作

追補晨書須暝寫,

勞酬酢獨絃彈。 閒居曆日真無用, 室悠游歲月寬。

常將午饍作朝飡。

孤眠便似参初定,

晏起應知獲暫安。

好易性情寒食散,

不

搘枕

**搘枕凝思到四更** 萬聲俱寂騰蚊聲。 屏間人醒看燈睡, 窗外風淒助兩成。 檢曆不疑秋欲半,

剬

詩惟慮夜將明。 鄰雞也似知人意, 故向門宵緩緩鳴

感事

頭辛苦各東西 無復清塵憶濁泥, 滄波豈是湔愁物? 竟看野鶩勝家雞。 中有鮫人夜夜啼。 巫臣果肯逃奔晋, 大叔何妨誘寘犁。

總角笑言空晏旦,

白

腸新爲 連日秋晴接重九 一人寬。急尋下澤遨游去, 九日吴生至 登臨無侣亦無歡。 斜照滄茫共倚欄 晨灣 鵲噪知君至,

陋巷駒維以我安。

江色遠連三楚壯

酒

寓樓獨坐言懷

生何計釋千疑?香囊約指從君索, 無賴游空百丈絲,牽花繁柳太支離。風幡不起仁心動,

叩叩拳拳衹自知!

食 以鮑魚詩

歸來彈鋏腹長枵,賴有嘉魚且估庖。

豈畏陸生譏啗茹,

幾同夢得憚題糕。

河豚縱美猶藏毒,

海

井水無波客意癡。 宿世有緣留一枕, 此

鰒雖鮮未厭饕。 不是實公工吐水, 罟師焉得餉吾曹?

### 贈田生

日繁蟬警夕陽。 田 郎器宇信堂堂, 我有良規期子佩, 不遺私懷慮面墻。豪逸是家生有種, 從來淬礪出干將。 遨游及暇樂無方!春風駿馬馳修路, 秋

病瘧, 檢近世方書, 乃知皆蚊所爲也, 戲書一首

患真宜縛葦熏。杜困三年蘇不受,此中邪正恐輕分。 惠施空有五車文, 智巧終須困一蚊。 豈有帝苗翻作鬼?始知禹鼎未圖君。 朘生已歎侵膚切, 防

元日小坐抱膝亭成詠

春襟 醉裏斜陽不堪問, 城畔危亭况獨來。 江海餘生原澹蕩,

正恐鬱難開,

歲時佳節轉徘徊。

臨風

亦有憑軒恨,

隔

浦空思攬筆才。 浩歌初發意先催!

正月初二夜坐作

空宇寥寥更少鄰, 孤吟漸欲接青春。 寸心未肯欺明發, 世何由免旅貧。 獨寐愁懷長有信,

久

離消息定難真。寒燈不解無聊意,映得瓶花瘦類人。

# 初春四日引兒女挈酒果久坐洪山

思悲笳動晚天。處世貞孤甘物論,此游汝輩共前緣。春晴人意自欣然,且與兒曹覓所便。出郭見郊彌

爽朗

佩壺得

地即留

連。

最宜遠

水明殘

照,

略

厭

# 戲爲變體詩賦得雞籠山九日會

共上雞籠作重 九, 北湖 南埭水悠悠。 金陵王氣有時 收, 繡口人才不用搜。 風裏黄花堪送酒 霜

前白

一雁漫

傳愁

斜陽腸斷依衰柳

歸

向誰家

醉

玉

鉤?

# 戊辰春日後湖菱洲人家即事

中漁釣 叢樹陰陰水擁洲,蘆苗深處出羣鷗。當門山是忘形客, 事偏 稠 身經治亂無心叟, 看到曾玄未 白 頭 **遶屋花供卒歲謀**。 城上鼓笳聲自急,

湖

### 己巳除日

盤聊 供一家嬉。 匝月凝冰涸硯池, 桃弧葦絞曾無益, 今晨微暖到梅枝。漸看兵甲盈天地, 風土須教孺子知 何用璇璣正歲時。 臘鼓最憐千户寂, 春

三五

# 戊辰閏二月十三日,寒食前一日也。約旭

初等凡九人泛舟玄武湖看桃花作 二首

篠青蕪野 色匀 莫惜捧甖成酩酊, 今朝縱意遇劉倫。

湖波山氣接城闡,

四并何期集此辰。巧閏花朝作寒食,

喜携稚子伴嘉賓。

崇桃積李天容絢,

緑

浄洗水精成妙域,

密

豐潤門頭上畫船, 蔣陵湖畔屢洄沿。 高樓正出萬花上。 美景猶當二月前。

排火齊照諸天。 纁黄歸路休怊悵, 己與朱櫻訂後緣。

## 寄懷林君瀋陽

安何得滯遼東?平生操異交仍密, 蹤迹差池似燕鴻,虚襟商畧幾時同?鶯花送酒情無待, 每對松筠輒憶公。 山澤回車路易窮。 威輦 豈嫌居洛下,

幼

### 靈谷寺

踏遍金陵寺寺苔, 更尋靈谷小徘徊。 深松半作龍飛去 斜日惟聞鳥語哀。 廢殿歷年層甓在

異

花先候數叢開。 苾錫頭白傷 祆亂, 曾見焚林劫火來

擬傅青主金陵不懷古

能山勢比盧龍 北阜頻聞鬼受封。 黄旗紫氣功安在? 南塘且喜盗皆容 明鏡冰花讖 石雖無耻叨三品, É

[X]

闕既難成借兩峰

堪笑湖名同燕雀.

пΓ

約汪生諸人上巳日泛湖

虞寧畏貶陽城 多病彌懷解禊情, 惟應振策囂塵外, 流鶴尤願集羣英。 蓮萼洲前共濯纓 佳辰 興會蘭亭遠, 元巳風光穀雨清 夏統豈妨歌小海?挚

湖神祠壁間一詩曰: 落 盡 櫻 花 燕 子 來 , 水亭掃盡戰時埃

山花 風 雲西北争王氣, 山鳥傍强臺。 未隨許掾朝金闕、 賓主東南迓 一上才 先逐征蓬賦七哀! 湖柳湖 煙非弱水,

後署環天, 和許苓公。吟翫良久、 遂和之

誰向湖亭得句來。墨痕猶未罩輕埃 銷魂 晋苑無情水, 傷亂秦川貴胄才。

曝藥如聞吟小海,

弓空記畏軒臺。鶯花煙柳年年在,若比青蕪意未哀

禮宗仰上人塔在棲霞寺後山

落彩苔岩忽數春, 頹陽隨塔共嶙峋。 前生捨宅稱居士, 勝業傳經是應真。 經,師所校刻。原注:頻伽精含藏 滬瀆花

飛空着袂,原注:予嘗訪師于上海猜 攝山泉咽獨沾巾!迷途苦海知何限?卻羨吾師見法身。

# 三月九日復同陸生及子姪泛湖,至後洲買櫻桃

縷霏微静繞甍。 小門北出即船浜,落日微風水一泓。移棹有時妨翠荇, **愜意幽尋殊未極,忽聞同泰暮鐘鏗** 滿籠無意得朱櫻。 嵐光澹沱低連樹,

煙

# 三月望有作,時去立夏僅二日矣

**卜居江國暫安便,不負芳菲是此年**。 郭外山供排日訪, 花間月見四回圓。 風開苦楝留春在, 雨

洗朱櫻接夏妍。何許令人小怊悵,夕陽明處聽啼鵑

庚午五月癸卯, 偕潘君叔侄, 挈仲子田

游善慶寺。久坐掃葉樓,漫書長句

妨花鳥見留連。巾車將去休嫌晚、假日銷憂足喟然。

高閣憑城草際天,三山雲外最清妍。

斜陽正欲依欄角,

平野全教落几前。

賴有觀臺供嘯詠,

不

秋曉簡汪君

瓜同恐墮秦阬。喜君苑秘多于 白袷禁寒候又更, 蕭晨隱几意難 我 可有 4 靈符解辟兵? 極知江國 Ш 川好 無奈鄉心日夜生。 廢醴獨愁鉗楚市

説

苦雨示潘生

衣取次欲升堂。 雲外 鍾山與我忘,簽聲入夜鎮淋浪。 燈雙鏡觀心了, 未覺愁霖困子桑 已知 米價毋煩問, 且喜兵塵暫不揚 紈扇即今還在笥,

三九

苔

### 寄某君

山雲氣益冥濛。殘生憂國殊堪笑。 愁聽哀鳴集澤鴻, 又驚豺虎遍遼東。薦紳都有妻孥念, 君正居幽我轉蓬! 鑄鼎難銘魍魎衷。 滄海波濤真震盪.

鍾

位置雲林東澗間,

陸沈避世老猶頑。谷陵恨爲常娥減,

香火情終古佛關

得句渾如風過水、

看

花只道日依山。 春來樊子偏歸去,辜負燕池草色閑

## 春盡日作, 時聞倭警己三日矣

壑難求歲月閒 去日游踪休更覓。 恐教衰淚灑棒昔

茶蘼謝後意闌珊、

怕見春歸只掩關

已乏長戈回

白日

漫勞濁酒駐朱顏

風塵頓覺鶯花慘、

### 日寄童生

年虚抱濟時心。 此歲秋懷倍不禁, 想君與我同寥寂, 佳辰黄菊未 須簪。 各對空庭倚樹吟! 雲山北望皆愁色, 鴻雁南來無好音 匹士敢言 匡國分,

早

殺 節凋年慘慘過, 唯將涕淚對關河! 滄溟鰲抃移山疾, 武庫 魚飛棄甲多。 國盡狂應及我, 慧

兒 相貴且由 他。 賢愚此日同蒿里, 只恐無人作輓歌

弧張孤説 事何如?載鬼仍驚滿一 車。 北鬥挹漿空有象, 東郊種樹尚

存書。

失巢佇弔依林燕、

聚

**糁先憐**在沼 魚。 煦煦之仁愚矣原注:遼民頗感 病肺愁時逢止酒、 那 能 因夢 到 華胥?

曆盡兩非悲, 祇恨支天力已微!眇眇一身仍 有累, 恢恢六合竟無歸 歷艱 卻信 知人易 訪

舊還憐識我稀。 惟幸妻孥差解事. **晨征夕宿總相依** 

途窮

辛未除夕,

和蘇子瞻除夕野宿常州城外詩

二首

拙 星星陸展鬚。 休 愁國運與 年徂,櫪驥婧思致遠途 獨有春雷堪起蟄, 願隨萬彙共昭蘇。 療疾若能先蓄艾 避兵何用

更求符

心長種種

盧蒲

影发,

計。

壬申元 日示温 氏妹

同

産惟存我二人, 亂中投止益 **血情親**。 關河迸散魂方定. 天地回游歲又新 羽 檄漫傳千 里信, 桃

### 遣悶

寒魯酒暫情親。 北地無春亦有春. **畫閑偶想郊游樂**, 柳條經社一番新。 不奈長衢又起塵 燕歸舊宅偏先我,花發空城定憶人。 激氣秦筝翻悒快,

袪

壬申生日,適逢寒食,感懷, 示及門諸子

值佳辰鬢易星。且喜諸君憐我老,暫銷憂患共研經。 今年生日逢寒食,晨坐思親涕自零。 報德敢將門律墜, 懷歸惟冀世途寧。 未須名酒心先醉、

數

# 壬申上巳, 什刹海禊集

樓仍見夕陽低。 浄業湖邊柳始梯, 主賓萍 合還雲散, 太行晴色映 闌西 頭白城烏瞑自啼 客中 節序過寒食 亂後園林憶舊題。 朔野正憐春物少,

份

# 四月十三夕中央公園作

粉栩婆娑又一時,廟屏變置耐人思。 緑陰未滿春仍在, 紅蕊將殘客始知 側徑荒苔迷履蹟, U

溝流水憶心期。亂來游興真蕭索,偶得憑欄醉不支。

### 胠篋

盧 夢裏去吳宫。 發 冢 争如胠箧 惟應 Ι, 滿 臚傳 岸 留 金 猶 狄 見 大儒風 會 有 摩 抄 己從甄 兩 秃 翁。 井搜神璽, 更入陽關取實弓。 天智焚餘歸牧室,

湛

## 清明後一日出游

桃 初放 猶 懶 有餘 窺人。 寒不 礙春, 清 明雖過 暫 逢 重三在, 晴 日 即 好 佳 向 辰 郊 原 Ш 索醉 11 幸是無今昔, 頻 魚鳥何曾解 È. 賓? **隄柳未齊思拂** 

馬,野

## 上巳日不出

漸 覺 人 間 春 可 哀, 獨 居 深念罷登臺 紙鳶風裏游 聰出, 豪原 注 賽者數百人, H 觀者十萬人。 賽紙薦於雨花 玄武湖邊畫鷁

開 楔於湖神廟未往、南國鶯花增靡原注: 有人約修,南國鶯花增靡 麗 朔方笳 鼓 助推 颓 無情合是秦淮水, 仍爲羣賢泛酒杯

### 三四四

## 九江舟次曉霽望廬山

古碑留絶巘間。 江鄉已報水齊簷, 多謝山靈仍憶舊, 乍喜雲開黛映簾。 爲搴岫幌許相貼。 老日尋幽無濟勝、 俗情避暑反趨炎。 異方花放深 崖裏,

上

過安慶望迎江寺塔懷舊游

髮重過世未澄。 獨倚柁樓追舊蹟, 轉蓬無定恨填膺

皖城孤塔勢嶙峋,十九年前記一

登。江水茫茫趨大壑,

天風浩浩拂高層。

青山長往言難踐,

華

歷馬當小孤漸見廬山

淺高原出遠煙。少壯經過凡幾度, 修艎直過馬當前, 天净遥贴五老顛。 閒中始見好山川 浪合江湖清濁水, 風分吴楚往來船 小孤别隐迎斜日,

敷

女兒城

相曳上連尚, 壘石當塗似女牆 出霧川原紛漠漠,

領興

遠情便欲馳江表, 高

陵雲松栝鬱蒼蒼。

步尤思陟漢陽。我有人間佳偶在,蕙幃無意訪闑香。

## 豁蒙樓偶成

高 閣殘陽似舊凭, 芳洲緑樹是新增。 人家 一水分歌哭, 世界微塵泯愛憎! 作客轉憐巢幕燕,

忘

名寧忌點衣蠅。藏湍隱霧非難事,失笑鍾山且未能

**『鵑啼血閟深冤,歸燕操泥戀舊痕。敢謂邦人無父母,章君以白門感事詩見示,用元韵和** 

獨看黨局付兒孫。

橘中觀奕身何

託?藕

蜀

孔逃兵術漫論!知有泝江相續恨,青蕪已滿兩東門。

### 又報

波滄海起 又報匈奴有嫚書, 神魚 樓船失計資徐市, 横行樊噲定何如? 北門已訝闖飛牡, 追咎秦人恨有餘 南國空言巷出車。 擇蔭窮山馳急鹿、

跳

雨中簡汪生諸人

霖

雨真能困子桑,新哀未得等彭殤。 繞庭敗葉增宵寂, 堆案殘書减晝長。 同好總爲憂患侣, 窮

= = **T**.

鱗 須覓响濡方。 莫嫌酒戒頻頻破, 欲趁凋十共舉觴

# 十月二十七日雨中馬生見過

詩 近欲泯甘辛。 暮 雨 聲中來故人, 喜君曹務仍稀 卻緣別久見情親。 歲寒松柏欣俱健, 簡 滯義時時得所 詢 溟竭鵬魚歎共屯! 讀易漸能知損益,

綸

### 清 明日行鍾山下, 自孝陵至蔣廟, 還泛後湖作 79 首

兔 窟龍盤竟未分, 丹崖碧嶺似遭焚, 六朝王氣餘春 草, 片殘山對暮雲! 石表巍我何 代冢?  $\pm$ 

衣 靈爽 舊時君 桃花無數啼鵑血, 漠漠川原日白 曛!

擬上春臺眺遠方, 游氛慘霧總茫茫!青松隴樹濃 勝雨 白石 嚴扉澹似霜 澤畔 蒲充兵上 箭 ir.

骨成 干 竹 透羽林槍。祇餘野哭聲凄絶,對此佳辰倍斷腸! 神自可 白楊風度紙錢灰,舊節人家上冢回。 哀! 卻喜村醪未高價,不辭冬釀爲 壞道已侵吴帝墓; 君 開 平蕪尚繞誌公臺 黄旗應 連還 同盡,

青

空

睇燕憶罘思 養游 船 向 辰良景美難兼得, 水湄?微波風動緑參差 載恨歸來怨日遲! 居人未忍忘寒食, 湖水猶能似舊時 北郭飢鳥爭 腐肉,

林

誰

汪生言昔稱蒲柳先零,實不盡然。冬日偶行土橋

東,見垂楊數樹,亭亭猶昔。感其言成一詩

用羸形致大年。應是南宫移植好,託根休養白門前。

楓

丹菊

皜

映

霜天,

最喜垂楊

佛晚煙

翠色尚存宜有燕,

清陰未徙已無蟬。

獨留老眼看斜

日

政

惠殤 二首

雞 籠 山下石橋 西 舉 室歡娛變慘凄! 垂老日先傷 短折, 無 情 天亦解 悲 啼 ! 夕忽雨、次日乃大雷雨,原注:數月不雨、惠殤之 金

為肅 葆刑 猶 在 古陌荒塗事 己迷。 拚得微驅從 爾去, 不教鬼伯 懾嫛婗

環

即 致亡。 在 母先憐畏死喪, 弱 女慰情空昔詠, 華屬於醫院。八月四日生惠。原注:去年七月十八日長子念 殘生遺恨少良方。 未孩卻已歷冰霜。 4 宵啼笑聲俱寂, 掣之赴瀋陽 重九 只賸 抓 舟車屢徙偏 燈照 病牀 無患, 樂 八餌微

### 惠冢

疏

細 雨瀟瀟叢冢間, 暮寒雖勁不知還。 高冥大塊誠何意? 斷碣新阡若是斑。 誰料 幽明分跬步, 卻

憐人鬼共塵寰!賃廬路近非無謂,日日銷魂對此山!

## 改葬念惠於小倉山

返鄉園定幾時?痛絶小倉山畔路, 黄爐一閉竟何知, 改葬高原意更癡 蕭晨寒雨益凄其! **壙闔真無重見面**, 碣成不忍再錯辭。 恩深父子還今日,

魄

# 二日雨中省惠冢於隨園

籠暮 色到窮塵。 不見嬌嬰倏浹旬、 情知顧戀終無補, 改攢高阜又三是 欲去荒埏尚馆神! 韶顏争遣泥汙盡、 老淚翻勞雨和勾 風送寒聲歸收葉、

天

化四重质 十分外别的现在分词 计可控制

# 己巳九日偕石禪步尋太子西池口占贈之 用後山韻

危時覺恨加。 相邀荒徑眺餘霞、 歸去幽齋遺涼夕、 幾樹衰楊正宿鴉 書燈清映小窗紗 客好便思尊有酒, 秋遲微惜菊無花 能追迅景欣詩在,

卻顧

### 寒雨

寒雨 燈前擁敝表 尊聊與慰沈浮 金聲環堵誰能聽?玉貌危城豈有求?齊物論成忘得喪,

絶

夜作

寒城久雨轉凄涼, 賴得清尊共夜長 少 日 春秋猶未畢, 夢 時堯桀尚難忘 遠書飄泊從鴻 雁

汪生爲其慈母高孺人六十生日稱壽, 風

室蕭條有鷫鸘

借問燈光何所喜?

獨臨槁簡吐光芒

詩

薄媚欽内教敦!我與郎君約 相過, 養堂自合跪持尊

遠同

絡秀芘高門,

每詠鵙鳩見

母

恩

緩帶當年欣有子,

含飴今日慶多係

境難倍覺慈親苦,

俗

春晚漫成

内兵塵未息機 委心隨物悔難追, 鉛槧勤劬應有補, 那有陽戈挽落暉? 不將素抱畏羣非 轍鮒鼓腮愁待向 **笯鸞鎩翮夢圖飛** 人間春色還娱我,

域

牡亡

牡亡誰爲守闊門:激矢蚊飛晝亦昏。 差與深仇同日月, 不妨孤注擲乾坤。 狐裘謀國三公関, 鼠

二三九

穴容身四海奔。太息神州傾覆後,猶持黨局付兒孫。

### 書憤

時碣石抵窮邊。 受生何苦依兹土, 慟哭秋風忽一年,誰令遼海陷腥羶?力微難挽沈淵日, 欲向蒲龕問宿緣! 劫盡真逢倚杵天。 此夜蒼濤掀大地,今

### 不寐

道方知出處難。 羸軀秋半早驚寒, 四海一身相繫屬, 擁被無眠燭焰闌。近户蛩聲悽自語, 祇愁疲繭未能安。 堆牀蝨札懶誰看。

觀人已感榮枯速,

學

#### 夕

鳴叢社竹竿多。遺黎太息今餘幾?猶聽荒原薤露歌! 夕南風激海波,驚鳧失侣欲如何?補天我自須媧石, 揮日誰能借魯戈?鶴返空城華表少。

狐

## 讀清史國初三本紀

翩翩槁葉振輕颸, 歷歷殘杆救劫棋。 和戰無常看我誤, 興亡有定付天知。 旄頭占敵光難滅, 笞

口防民勢易欺。腸斷明清交運事,一編幾處淚痕滋!

## 清明前二日作

尊有味對公榮。 物變閒觀意已平, 劇憐江燕來時晚, 不妨 風雨送清 辛苦操泥趁未晴。 明。 遠山暗澹猶窺户, 細草芋綿忽過城。 萬事無心詢伯始,

# 李生和詩, 疊前韵酬之

故里荆榛尚未平, 飄蓬十載怕清明。 青山最好懷蘄柳, 山見水經注 蕲柳 華髮相逢在冶城。 各守殘篇酬

舊德, 俱全亂世謝浮榮。 蔣陵北去梅村路, 載酒澆花約放晴。 太平門外梅花村原注:杜茶村葬在

## 清明感事 二首

江上風花未减春, 樂陽羽檄乍驚人。 氣衰且欲師蛙怒, 境蹙空言待蠖伸。 拔宅升天疑有術, 乘

四四

桴浮海恐無津。 傾觴野哭知誰聽,只恨征夫獨匪民。

蕊狂蜂作計深。

飘零歲月去侵尋, 白日遺憂唯故紙, 正爲崎嶇憶故林。 苕華讀罷益沾衿! 芳草自然堪下淚, 游絲何事苦繁心! 操泥歸燕營巢拙,

弄

# 題友人某君所著辛亥札記

廟羣隨鼠盗倉。 義和鞭日自息忙, 贏得 編相斫史, 柳谷何煩向暝光?黏户桃符空變换, 也供削槁付綈囊。 登筵舞袖轉郎當。 識家各放雞爭代,

辭

## 三月十九日弔明思宗

走秦闗又此時。 運 丁百六苦支持, 想像壽皇亭下路, 終見頹陽下崦嵫。 棠梨花落雨如絲! 敗諱言和存國體、 亡能身殉繫民思 鵑啼 蜀道仍前日,

鹿

### 謁 杜茶村墓

東 風香草孝陵隈, 人指遺民土 抔。 飢鳳豈忘阿閣竹?飛鴞應避墓門梅 氣張荆楚情 仍潔,

詩

續 苕華意倍哀! 願誦清芬因共國原注 悼傷之情、與凡有異王逸九思序言與屈原同 土 横流又到此身來

讀史至靖康之事感而有作

倭亦知之。我知之、 天心人意兩茫茫, 乞靈六甲皆兒戲, 時勢何 兵、今之將皆郭京。賣國三川足貨郎。原注:今之兵皆神賣國三川足貨郎。 期似靖康! 城閉言開終不聽, 師全地 政皆王時雍。. 喪倍堪傷。 猶幸東南能退保, 之曲、歐陽珣知之、原注:不戰而割地、 主 和 今人亦 他日取 無

用責汪黄 結雷陳亦可訝也。原注:汪黄二姓長

九月十八日寄懷遼海舊好

送濤 還渤海東。 天涯 長别 又秋風 深信 相思終有益 寒雁 雖 來短 札空 夸蛾猶解助愚公。 舊約忍抛魂夢外,

**璁姿愁對畫圖** 

中 !

心依

斗掛危樓北,

H

見林君詠蚊詩和之

乍離汙淖便拚飛, 聲縱成雷體自微。 病客仰梁相倡答, 老儒呻畢互嘲誹。 月明 羅幌人無睡,

四三

秋

四四四

入金堂燕獨歸。太息生靈膏血盡,霜來仍望授寒衣!

送陳君

江烏榜慘離魂!惟期養性深山裏,坐看秋林葉反根。 遲暮飄蓬念舊恩,横流卻幸故人存。十年相望凋雙鬢,千里能來慶一尊。鍾阜青松留勝引,滄

乙亥九日

來朔雁轉瞀瞀。神方莫救羣生厄,繫背萸囊空自勞。 秋氣侵懷興不豪,兹辰更欲卻登高。應將叢菊沾雙淚,漫藉清尊慰二毛。西下陽烏偏灼灼,南

無題

二首

秋風日夕起, 海上客衣單。 卻恐深閨裏, 羅帷不耐寒。

桂樹滿山幽, 王孫尚遠游。 天涯多景物, 不似故園秋。

棘裏駝初醒,城邊鶴又歸。至今松柏路, 還有五雲飛。

筆

二首

百戰騙胡虜,君真一代豪!秦淮嗚咽水,

長是怨南朝。

孝陵

二首

簪來隨侍史,投去取侯封。天下兵方動,

誰能畏筆鋒?

四五

彩毫含雅意,彤管有光輝。好入江郎夢, 春來詠落暉。

夜意

廉密難藏霧,

車輕不碾塵。 重門蓮漏永,被冷醉歸人。

寓目 二首

蒼蒼萬歲山, 神武門前路, 上有帝之魄, 荷花漸欲稀, 唯有守宫卒, 日暮賣蓮歸。

山亭已欲荒, 誰復辨華貊?

相知祇孔融。 終勞賦鸚鵡, 莫賦叩頭蟲。

有叩頭蟲賦。

氣比横秋鶚,

身重荆山玉,

心求合浦珠。

已拌金作屋,

何不號羅約?

羅紨

禰正平

二首

二四六

魏武真人杰,銅臺草已平。漁陽聞疊鼓,豈是昔年身?

# 題曼殊所藏小像 二首

薄命疑緣淺,癡懷逐想飛。蓬萊青鳥斷,何處是重帷?夢隔神山外,魂銷斷札中,沉香朝夕拜,他世好相逢。

### 無題 五首

化作嬌鶯去,難銜已落花。東風如有意,吹汝近窗紗。密苣空房裏,心灰淚轉多!浮煙雖散盡,猶得傍銅荷。秦鏡復秦簫,鸞孤鳳不佻。相憐轉相避,那覺是無聊?

擬折章臺柳,猶懷楚澤蘭。燈窗今夜意,去住總難安。桃梗溝中泛,楊花水面飛。浮沉雖異勢,漂泊兩無歸。

## 對朝雪 四首

忽對燕臺雪,翻思江上梅。誰能將一樹,移向雪中開?

昨夜朱樓别, 白日光常曀, 但覺添羈緒, 黄霾望未分。 今朝皓雪霏。 何曾爲早春。 單衾何足戀? 應知圓蓋意, 歸期渾未定, 持此淨祆氛。 底事冒寒歸? 枉解阻行人。

紙鳶 四首

休忘 牽絲已累身。 舉恩。 п 頭謝萍梗, 高下總無根。

忽上青雲去,

惜爾多牽戀, 罡風天外有, 東風如此大, 升時即慮沈。 卻比下方寒。 慎莫更驕人。

絶句

飄飄辭樹葉, 雲路雖遼闊 裁竹方安骨,

去住不關心。 長繩續已難。

哀蟬將落葉, 無處不心傷! 何用嗟遲暮, 人間亦夕陽。

六首

六畏

勿復用劍斫,

聽其集于此。

白黑最易分,

以爲爾。 蠅

變亂徒

二四八

名藏諸侯策, 呼燈尋毒蝎。 云是南方生。 汝尾非美形, 自從燕丹來, 汝亦 奈何此卷髮?

賦北 征。

成雷已可驚, 窗紙夜深鳴,

齧囘不齧蹠, 汝跳寧不高?汝逃寧不疾?終然飼鴟鵂, 嗜好猶夫人。 何况噆膚苦。

我懒畏湯沐, 皇天於汝厚,

足以庇汝身。

蝨 蚊 蠆 蜚

生人以飼汝。

負此便巧質。

疲於講授戲占

講授真何樂?勤劬只自嗟!不思皇侃唾, 徒想鎮心瓜。

大林餘板屋,不見晋時杉。

苦節名僧去,

靈文閣玉函。

秀色靄雲峰。 斜日下高閣, 寒聲入暝鐘。

北山餘霽雪,

游廬山作

二首

水 碧不生浪, 魚藻皆游空。 千林没潭底, 孤舟行鏡 中。

祓禊曲 二首

官 美景值良辰, 柳三眠後、 芳年 臨風學舞 復 好 腰 春 無 今 人 朝 八相愛惜 流 水 ŀ. 不用 定 有采蓮人。 ᇑ 嬌嬈

佹 詩 六首

謝臺與 金匱出 天連, 高 廟 應讖 此中 块 有 避債 哀章 白 置 雉久 酒爲樂方, 不來, **基臣稱** 誰能 路越裳? 萬 成

汝若苦 如何 作鳳 ----飢時, 凰飛, 尺棰, 帝子汝肉糜 義真猶 义已取其半。 未 服

寒夜吟 四 首

阜 蛙

ПЦ

不辨官與私

昔日雙鴻鶴 公孫已聞道、

共戲清

江

曲

化

不嫌十二短。

夷羿工

操弧, 井底,

從禽若不足

**押日下** 

九鳥

隨君

有寒浞。

解枝葉、 窗 燧 聲聲待 葉飛 曉禽 如 时 寒風翻 空房寂. 淅淅 無人, 遠漏轉沈沈 獨與 寒燈語

片片

北

風

摇

破

老 至 寧解下? 愁多卻憶歡。 也 知同 盍 旦, 夜夜怨祈寒!

抛

書嗟

已倦

啼

夢

倩誰

唐?

仍 豁蒙樓小坐得句 寒被, 猶明. 未滅 燈

欲暖

遥 Щ | 瞑逾 翠, 高閣静 仍暍 柳外堞參差, 荷 隙湖 明. 滅

江 南 曲 七首

魚戲 蓮葉 江 南 何田 蓮葉間, 可采蓮, 田? 訝歡初了 上下 艇子 右 皆碧色。 不見。 城 路 緑水 江 晚 ,映紅光, 鷓鴣還, 歡言似 殘陽 感送人去。 儂 面

鸕鶿雖 雖異 機水驚游 珠宫游? 较獪, 鱗, 雅愛 潛藏 還 入蒲 那 荷 根 爲 可 得? 去 蓋

蓮

葉東,

殘陽

落

汀外。 宿露

檢雙聲疊韵詩竟日 東 凍 融 雄 風 中。 葱蘢 戲爲純疊 穹 窿空, 韵詩 叢葵同 首 豐

戌

瞳

曨

紅

烘

魚 魚 魚

蓮葉南,

炎曦 曉風

欲亭

午。

莫畏

鳴柳

歇

浦

蓮葉西,

翻

魚 戲 戲 戲 戲

蓮葉北,

薰風漾微漣

三三還兩

兩 來,

不 釣

避采 腀

蓮 前

向晚

向晚無言自掩關, 空林寒鳥亦飛還。 多情誰似西頹日, 尚作餘霞映遠山。

八月十二日傍晚由斜橋過盧灣有作

二首

蕭條已似晚秋天。 層陰散後西風急, 獨對斜陽 一悵然!

秋深始覺羅衫薄,

卻憶經年白袷衣。

幾樹垂楊尚有蟬,

煙下平蕪葉自飛,車聲官道晚來稀。

七月二十二夕秦淮河泛舟 二首

殘月微燈夜泛舟, 兩岸疏燈散浪紋, 秦淮景物最堪愁!而今莫問南朝事, 隔船絲管尚紛紛。 秦淮本是無情水, 玉樹遺聲更不聞。 劫後西風正一秋。

## 半山寺 二首

尚 豈要胡僧 書風雅號能文, 話 劫 灰, 眼前 結宇崖幽迹尚存。 殿宇已蒿萊。 世尊 斜日空城秋色裏, 枉說慈悲法, 令人長憶謝公墩。 割腦剜身總可哀!

## 夜坐成五絶句 五首

豈 蕭瑟蘭成擬 春蕪漸滿兩東門, 阮籍窮途有詠懷, 微詞託意有清音, 有微詞託 問天, 蹇修? 風雨 閒居還賦小園篇。 苦躭虚想瘳幽憂。 去國哀時結淚痕。 偷生濁世最堪哀。 高樓感不禁。 會得遠游無限意, 巵言妙得莊生恉, 卻爲傷春憐杜牧, 長松横石饒真興, 景純自覺區 中狹, 俗眼 枉説: 不須宋 人 千古詩人祇此才。 間 誰 譏 仙 識此 評轉可憐。 玉解招魂。 才不易求。 情深?

張園觀賽夜歸 三首

清露依微燈漸 稀, 輕風習習動 羅衣。 香車 過處名姝笑, 知是張園趁賽歸

二五四

窄 襦甲帳夜沈沈, 袖長裙時世妝, 照徑歸來畏露侵。 當爐壓酒勸君嘗。 終遜文簫緣力厚, 流波善睞寧 無意, 彩鷺一去更難尋。 艷絶應憐白石郎。

仲蘧亡後十餘日夜坐悲傷雜成 四首

曾和紅蓮宛轉詞余書爲題群,仲蓮引爲知音。飄零心事有君知。 夜雨微燈暗不明,鄰簫空作斷腸聲。 可憐爲客還傷逝, 豈獨悲秋始有情! 而今獨自傷摇落, 賦就招魂祇費辭。

秋雨瀟瀟葉亂飛, 殘燈深夜照車歸。 誰知一樣斜橋路, 獨自經過淚滿衣!原注:永寓含在斜橋南,仲

北會館,更在余含南。歸。仲蓮既殁,停棺於湖

苦向天涯憶舊鄉, 楚歌長是怨迷陽。 羈魂倘入修門去, 滿目衰蕪總可傷

十二月十四至天津, 居沽上一樓。 壁間有華亭女子王蕙紉所

戎幕棲遲杜牧之, 題詩十首,辭意淒絶,墨色猶新, 愁來長詠杜秋詩。 美人紅淚才人筆, 因書二絶於其左 飄泊情懷世豈知?

### 附 王 蕙 紉詩 十首

翠花 身似 城 春 重 生 擬 飄 北 晚 爐 11 泊 來 上 從 将 清笳 含涕 辛 漂 江 歇 香 天 13 绍 萍 苦 南 後 事 帽 涯 閨 别 未 花 對 鎮 託 犯 祇 别慈幛, 送 發時, 曉 白 嚴 白 IL 有 殘 哀 珍, 寒, 鄉 根 燈, 風 傷, 弦 茫 夢果萱 每添 寒到 豈知 歳 燈 登 日 又 茫前 晚 樓 後 日 隨 尊 辭 長 螺黛畫新眉。 高 何 征 悼 處望 路 樓 旦 前 根 途 報 道 当 落風 第 淚 去 似 \_\_ 堪 路 幾 長 惘 斷 家鄉? 獨 論? 長。 塵! 層? 蓬。 揮。 安。 然 ! 春 1 当 笑 不 省 白 即 欲 ;I 至 人厮 他 是 誠 南 恨 年 裝變箋寫衷 今宛轉風塵裏, 市 願 柔 嬌 蓟 江 4I 隨 養 井 顏 北 軀 養 州 前 原 多薄 三千 屠 無 深 白 社 非 沽 司 羽 閨 燕 ¥, 里, 翼, 偶 馬, 命, 曲 裹, 街 插 减 淚 也 那 不 縱 怕 泥 盡紅 能 勝 花 擲 教 持 寸 識 還 彈 淪 金 明 M \*I 隨 人 得上高堂 筝 顏 化 錢 落 間 鏡 河 雁 侍 醉 有誰 8 向 不 硯 行 \_ 市 姿 自 池 美 斷 南 路 烽? 19 容。 冰! 人。 腸 飛。 難 九 ! 0 ?

!

#### 孤 雁

遠

行

何

惜

羽

E

歲

晚

離

草響自哀。

枉

解

銜

蘆逃畢弋,

可

應

113

爲

稻

梁來?

### 園月

# 羈心初發已難堪,爐冷裘輕夢不酣。卻訝空園今夜月,依然流影照江南!

### 繁燈

莫持孤目比繁燈, 悲管朱門有幾層? 行到廻廊聽更漏, 霜花凝作一裘冰。

### 穆天子傳

**黄竹歌成成恨已深,祇宫徒進祭公箴。盛姬殁後驊騮反,無復君王醉飽心。** 

### 塘上行

連響陳王詠轉蓬, 傷離遭忌本相同。 洛中虚遺幽房掩,不佩明璫出魏宫。

### 洛神賦

東路言歸造感甄,寓辭惝恍反疑真。 洛靈縱有驚鴻影, **豈是君王夢裏人!** 

### 二五六

### 夢中

夢中 何日不重幃, 醒後依然對落暉。 春至儻容身化蝶, 銜花忍向别枝飛?

### 無題

敢爲瑶臺棄 宓妃, 遠行回首惜芳菲。 汀洲又報生蘭葉, 千里江南一騎歸。

## 讀揚雄傳 二首

老向承明校祕文, 無妄逢占道尚存, 誰知獄吏比儒尊?可憐鉅鹿侯鋪子, 誤將奇字授劉棻。 美新獻後終黄馘, 空抱玄文説感恩。 至竟崇儒是巨君。

## 感事 二首

披髮呼天事有無?墨家明鬼竟難誣。 秦中杜主歸來後, 終遺宣王畏大夫。

刺客傳名賴馬遷, 桓桓荆聶去千年。堪嗟幾輩供鷹犬,莫把凶人擬往賢。

蜂

夕陽

高閣蕭條愛夕陽,

照衣猶肯送餘光。

晚坐

銜花何惜逆尖風, 應爲巢成感落紅。 莫更輕身棲冶蝶, 芳心猶在蜜房中。

綺疏更在桑榆外, 不隔浮雲已渺茫。

忽憶廢書相對處, 當時曾不解淒涼。

薄帷誰與駐微陽?檢罷芸編自换香。

今日妝臺親作記, 愧將石燕對瓊敷。

赫蹄裁出教臨書,

化度殘銘入手初。

題書

三五八

鐘聲漸遠雨 聲長, 窗下清聲爲曉光。 莫嘆朝朝啄蟲蟻, 可 知饑鳳亦餐蝗。

陳孔璋

河朔 鷹揚舊上賓, 徒工書記意誰親? 可憐檄愈頭風後, 更有家丘解倩人。

游頤和園作 四首

細履平沙蓮瓣銷, 白鷺斜分一逕烟, 危亭高出女牆頭, 路近名園怕見 春, 野春平碧更嬋娟。 可憐油壁枉相邀。 草樹當春色自幽。 緑楊低迓往年 人。 不待 畫船空載人歸去, 緑楊枝上 祇憐一 經年人事改, 角西山 流鶯 影, 在, 回首殘陽獨惘然! 倚欄漫作古時愁。 寫入晴湖 猶似當時笑語嬌。 學翠顰。

景山即事

萬歲山前咽暮笳、 遊人到此欲興嗟! 東風吹長娑羅樹, 不省何年更著花

# 奉和叔海師北海荷花二首原韻 二首

遼后 妝樓 迹 巳 湮, 鏡波還照藕花新。 紅情緑意知何限, 愁趁西風遶水濱。

地安門外屢經過, 怊悵蓮塘漸種禾。 留得故宫花事在, 儘容詩老日來哦。

叔海師北海荷花原作 二首

附

瓊島瑶 臺 迹未湮, 藕花依舊色如 新。 誰言此日繁華盡?無數紅妝照 水濱。

朝局愈愈五代過, 芙蓉渾似故宫禾。 興亡滿眼無窮感, 值得詞人幾度哦。 此,輒有作。原注:季劑每過

## 除日 二首

薄暮通衢已斂塵, 扶桑總轡且留連, 坐送飛光一悵然!斗酒已銷經歲恨, 萬燈齊焰照遊人。空齋好作江鄉夢, 緑酎紅爐笑語親。 卻愁來日是明年。

### 薄陰

翠帷初卷綺窗深, 正爲微陽惜薄陰。 未必良辰竟無定, 排雲纔見九重心。

### 張子房

誰遺伊人感化工?韓彭幾輩嘆良弓。 棄人來訪赤松子, 上冢仍祠黄石公。

### 相如

相如逸氣欲凌雲,賦罷長門意轉紛。 寄語御溝嗚咽水, 可知消渴爲文君?

### 夜意

**紞鼓初傳歌管稀**, 風寒曾不度重幃。 幽齋卻許尋佳夢, 好趁疏燈取路歸。

### 燕

結侣安巢作計長,芹泥還似去年香。 五更何處聞微嘆?應在盧家玳瑁梁。

### 晚歸

冒冷奔馳豈有因, 幽都何日遇陽春?微雲殘雪宮城路, 過盡羣鴉不見人。

二首

青陵臺與華山畿, 有感

血滲枯心尚感恩,

當時信誓竟何曾。

紅顔變後光陰改,

枉向鮫絲覓淚痕!

猶勝緣盡各分飛。

更莫將心憐薤露,

到死纏綿世所稀

寒梅

獨將深恨向天涯, 坐對春光感歲華。 惟有寒梅猶解意, 枝頭留得舊年花。

夜意

漏緩燈稀惜去留,

因君貰得一宵愁!他時追憶應惆悵,

莫將寒雪試幽姿,

祇恐東風失後期。

若使春光真有意,

放晴先照未開枝。

梅二首

小騎衝寒别玉樓。

三

傳聞姑射 隔瑶臺, 清曉重門次第開。 自是塵心銷未盡, 鶯車昨夜雪中來。

### 正月半

地近漁陽試鼓時, 禰生千載尚堪思。 才名卻有奸雄惜, 單絞岑牟也不辭,

## 漫成 二首

下士平生意未多, 立身安得擬巢由, 風塵日日念煙蘿。 親老家貧亦足羞。 未達堯心翻洗耳, 高堂健飯兒勤讀, 便掩衡門發浩歌。 問君何處覓清流?

### 吴聲

莫嫌吴語近妖浮,中土遺言賴此留。 晋宋州番南徙後, 夷音翻欲偏神州。

## 暮寒吟歸舍

城圉殘雪市樓燈,向夕寒多去欲凌。 卻恐重帷未深下, 有人分 淚化壺冰!

無題

兩地幽單限 一城,

畏寒簡出是無情。

雪殘月滿燈多夜,

依舊空衾數漏聲。

郭景純

景純頹索有由來,

幽思游仙意并哀。未解簡文稱許掾,

空將玄語助詩材。

愁共春風莫争長, 青蕪今已遍江鄉。

猶憐深夜有晴光,

殘雪殘梅北地香。

絶句

雪後梅

雪裏常憂玉骨寒,晴初又惜暗香殘。何當移入窗前幅, 客裏還能子細看。

匹士初無四海名,

遨遊亂世日憂生。

南山蕨大江流美,

好向東南就顧榮。

讀晋書

二首

二六四

剪燈削札復封函, 吏舍喧呼夢不酣。 擬向城西營一窟, 布衣葦席伴羅含。

夢後作 二首

北來無計戀雲英, 莫嘆高丘似夢中, 旅恨填胸夢不成。 巫雲楚雨意能通。 誰分夢中猶間阻, 可憐 别温幃後, 長向寒衾待曉鐘。 起來垂淚到平明。

赴天津道 二

漫把遥情與落暉, **憾**外斜陽意自閒, 自將清淚浣征衣。 征車遥指暮雲間。 驛亭枉是沾襟地, 東風無意還堪恨, 緑遍平蕪客未歸! 誰見勞人獨往還?

燈

獨對明燈到夜分, 官書堆案愧能文。 新來影瘦知多少?不改清光只愛君。

微雨

潤襪侵衣細欲無, 黄昏歸路旅懷孤。 游氛北地高如許,不爲征人一灑途。

### 有感

舊義雖高不救貧,

莫將紱冕到文身。

阮公醉後能爲記,

**豈獨楊雄解美新**?

朔風中夜接遲明,虚室燈摇客意驚。 風 枉自搴帷復排户, 時能作幾多聲?

### 閒行 二首

偶因休沐得閒行, 陌草初芽柳未陰,江南此日已春深。 永巷風傳度曲聲。 獨有參軍高士遠, 閒行只是添怊悵, **豈待風光感客心?** 伏川回首不勝情。

### 鶴

别華亭首重回,

朔風寒處口難開。

軒墀何用舒神彩, 可要羊公贊賞來?

### 鄭君

日西罷寫禮堂書, 載病終勞詣本初。 紱冕泥塗身共辱, 鳳兮歌就意何如?

### 舊夢

舊夢青谿已隔年, 遠游今日復幽燕。 殊鄉春物俱堪悵, 猶覺江頭勝海邊。

### 大陵操

大陵城畔夜聞歌, 終遺靈修見黛娥。 莫爲苕顔傷薄命, 人間幽夢阻山河。

### 故山

遠行亦似爲饑驅, 忽向江頭忽海隅。 若使故山松菊在,不從猗頓訪陶朱。

### 絶句

## 柳映孤城海接天,江南一 望轉茫然。 春心豈待傷千里, 眼底風光已可憐!

# 偶聽北方俚曲歸至曲中訪一敘 五首

此 漫 燕歌遠别送長 哀樂中年感易 柘枝白苧總蕭 疑 情 欲寄 妝飾 損天 寄 何鄉? 深, 更, 真 條, 舞法 爲汝權宜一 暫教歌舞遺愁心。 利屣長衣 朔管吟寒向 淪亡意未消 亦稱身。 斷腸。 月 明 奪 漫信 酒 未能免俗君休笑、 --醒語 得胭 事北 北 窮 音 脂畫雙頻 來宜記取 歸去早, 都 慷 慨, 對 何妨 飽 Ш 燈仍 水何如絲竹音? 看 般 燕 坊 能 撥未灰 趙 曲 作 齲 有 斷 佳 纖 腸 聲! 人。 腰

# 燕京秋日雜詩 十首

未妨 烈皇 卻 御 敗 太液 倚 河 柳 仙 流 華 衰 誰能問劫 高 無盡 水 屋 層 去棄蒼生, 自潺 作 11 尺 14 п 憐 灰? 樓, 泼, E. 朝市。 瓊華 黄 玉 殘陽還解戀平臺。 竟遣天驕據帝京。 殿 塵 秋風 島 白 雖遷冢社 日 畔晚愁天 去不還。 薊門 留 秋 漫結官 胡笳纔 莫嫌 皇孫 三百年間人事改. 日暮人歸壇 無恙 -嬪無限恨 沼 歇 燕歌起 倉 無 樹 琅 情 静 閉 水, 啼鴉猶. 危亭依然 争信 不 題 曾洗金元舊恨 紅曾不 見 官 南 一帶古. X 舊 車 職官 不 到 又幾 解 人 時 間 愁 來。 愁 城 年。

薊門亦 歌罷 怕讀 M 燕年少氣猶豪, 蘭 Ш 松行 有 成枯樹辭, 好秋光, 路難 蕭條 祇少 飄零如此 銀彈雕弓七寶刀。 落日冷長安。 青山似故鄉 欲何之? 孤遊岑寂原無恨, 西風忽送蕭蕭葉, 日暮名園遊騎鬧、 日晚市樓燈火上, 恨乏良朋共歲寒。 卻來高閣對 正是寒窗 問誰攜酒 中荆 酒 殘 醒

陽

高? 時

### 太社

松 檜 森森太 社壇, 都人士女競遊 觀。 休將 戦栗論 周 制 祇作清揚蔓草

偶 成 四首

也作 勁旅. 洒 南 朔 壚 如棋布 傾城 何由判醜好? 風過雜羶鄉, 例看, 域中, 中州傖父亦翩翩。 淳酪新桐麥耐凉 塵多不漬類邊丹。 南人應愧北人雄。 薤白 誰言 黄流滌蕩胡兵蹂, 褒衣厚履都人服, 葱青齊入饌, 北地佳人少, 造就 肯將魚稻羨江鄉? 盡買 令我神遊廿載前 胭脂染玉顔 幽燕尚武 風

### 朝 暉

昨夜驚飆 接 薄帷, 今晨喜得見 朝暉。 人心卻是 比春 心定, 多事殘 梅隔院 飛

### 絶句

舊夢松江有釣輪, 無端謀食向天津。 春光如此不歸去, 政恐江花解笑人。

再感事 二首

沈璧如何遺鎬池?祖龍應悔未前知。 天道神明豈可寃, 誰從尹墨問真原?請看太守鮮于冀, 祗憐載鮑沙丘日, 意態難同遶柱時。 白日偏能奏鬼言。

還沾上樓 二首

開窗猶見寺門桓, 沽水回流尚繞欄, 來時曾此卸征鞍。 昨日今朝判慘歡。 豈知兩月朱門客, 始解次公譏傳舍, 人生何苦羨高官! 也當邯鄲 一夢看!

漫成

收將萬態入時心, 獨自沈思獨自吟。 欲與蒼生報消息, 神州處處隔層陰。

### 過茶山 二首

莫疑溟漲是康莊 樓船乘興復南還, 屢犯風波意已傷 駭浪危檣蒼莽間。 猶覺邛來非絶險, 誰分春江花月夜, 可憐天性愧王 聽風聽雨過茶山

三首

風露 凄凄百卉殘, 獨處空山漫自嗟, 任是凋零骨自清, 豈容蕭艾借嘉名? 幽芳合作梅花伴, 遥心幽意度年華。 天涯獨客憶幽蘭。 世間不少閒桃李, 楚人最解憐香草, 露冷風寒過一生。 纔遇東風便 卷離騷 幾度看

作花

無題 六首

春蠶絲向老時多。 軟語纔通酒欲銷。 不 一樣梧桐枝上雨, 知絮亂花 飛後, 聽來渾不似前宵。 種閒 情更若何?

易卦偏從未濟終,

晚花遲卉態尤工。

黄昏拜罷西樓月,

更待空庭半夜風

已識華年付

:逝波,

銀缸不動夜迢迢,

Ł

二七二

才思玲瓏未便奇, 不能解脱合纏綿, 燈殘香燼一凝思。 誰肯終依繡佛前。今世姻緣吾已曉, 縱教愛我心如石, 争奈相逢鬢已絲! 他生還住戲忘天。

代贈 二首

詠詩人去玉臺空,

枉遣脂痕落簡中。

從此丹鉛直須廢,

任從螙蝕與塵蒙。

**晨曦含意照羅紨**, 雲窗燈影夜深移, 婉轉誰憐夫婿殊?不用城南採桑去, 羅幕風輕釧響遲。 殘菊已枯梅未蕾, 恐令五馬久踟躕。 誰憐芳意互參差?

舟中聞汪生念洛神賦

莫怪陳思賦洛神, 魏宫原有爱才人。 明璫 獻應怊悵, 夢裏君王不得親

晚歸

簾卷朱樓向晚天, 斑雕鈿轂去紛然。 莫嫌暝色籠垂柳, 此種風神最可憐!

水仙

海上春來不改寒, 新梅未發老梅殘。 水仙自是幽人伴, 秀色亭亭耐久看。

## 紀遊 四首

垂楊門外日初曛, 含睇波光蔭桂旗, 正有琛縭託蹇修, 沈水香爐好共熏。 靈風微度小桃枝。 春風吹夢到層樓。 密 意竟能消 旅恨, 珠簾不卷斜陽晚, 金蘭綽約文窗裏, 天涯何幸得逢君! 自襞紅箋寫暮愁。 曲簫聲出院遲。

### 閒行

雷響回塘走鈿車,

石州唱罷意何如? 年華未晏佳期在,

多謝青鍾數寄書。

春光又向客邊來, 盡日閒行未忍 回。 頭上繁花筵畔酒, 羈懷何事不常開?

### 寒郊

清夜笙歌不散愁, 飄燈歸去意悠悠。 寒郊誰解憐岑寂, 鸞鳳雙棲在畫樓。

# 丁巳杪秋追憶乙卯晦宿天津旅舍

當時暫别是三秋,此夜相思隔十洲。須信人生終有别,詩録示。曾生因題其後 十首

不如蒿里任遨遊

不 能哀豔不雄奇, 種勞人寫恨 詩。 酒盡燈殘那須說? 君看吾鬢 已成絲。

記向 賦 不能長聚便長乖, 罷 高 瓊 唐賦 樓弄玉 洛 笙 神 詞 惟 秋 有長乖 家託 風 明月慰 意本非 最 可懷。 人 真。 情 君看 逝水 即 今雨 阮籍 東流 滴空階夜, 能沈飲 何日返? 斜陽西 清思依 猶 學哀 然說美-下幾 絃 一兩聲。 時 人。 回?

三十 老去心 心似 4 生徒 風 游 美 華 情百 人楚臣賦 空百丈絲、 侣半銷沈, 年隙驷過 |不宜 何止 落葉殘鐘帝子哀。 强思舊事以爲嬉。 偶然着地復繁枝。 雄心麗想兩蹉跎 佳人闕 好音。 後此一 詩爲傷離有真 不堪樂畢哀相繼, 春風送汝歸何處? 杯濁酒雙螯蟹 燈仍禮 感, 佛, 蘸 醉 文能寫恨是奇才。 不須苦話別離心! 後聊 淚重題數首 任繁花侵碧漪。 爲子夜歌。 詩。

### 紀 遊

細 追涼 草 樹 M 底漏 林 曲 將稀 沼 邊, 露 舊 曾來處 氣 輕籠白苧衣。 意淒 然 殘 華 燈 月也憐佳 漸 少遊 會少, 人散, 穿林 幾 點疏 照 路送 螢 過 車 白 歸

### 漫成 三首

照徑 松明 夜 已闌, 瓊臺豈畏雪 霜 寒。 清揚蔓草 人間 有, 争信文簫遇彩

閒情檢逸語 浮雲如帳月如鈎, 虚誣, 此夜相逢南陌頭。 夢境仙緣事有無。 祇有玉谿能體物, 試作質言君莫訝, 昨宵一石醉淳于。 舞如意接鈿箜篌。

有感 二首

絶訝横波忽漫 作賦芝田只費才, 青, 道殊年往意先灰。 始知需緩誤娉婷。 唯餘一片精誠在, 衣香過盡人無語, 静俟斯靈夢裏來。 痴望欄邊耿耿心!

初秋夜坐

虚幌摇摇月半明, 南譙疏鼓送殘更。 高梧葉下蟬休早, 從此秋懷不易平。

十一月十七日即 事

坐看赤縣付 浮沈, 天意無憑衆口瘖。 欲爲蒼生揮涕淚, 可憐客病已先深。

蟬

斜陽身世已淒然, 幾樹疏梧動晚煙。 漫把秋心向人訴, 斷腸風露自年年。

蛙鼓 新 添耳欲聾, 更無人解辨私公。 憐君苦共蝦蟆鬭 世 泥餐水宿中。

### 感 八首

幾日愁霖送早寒,

濁醪難遺客懷寬。

鐘鳴落葉傷心曲,

到燈殘不忍看!

天水違行訟必凶, 卻曲迷陽失所歸, 誰信陶潛是隱淪? 蕭蕭短鬢怯西風, 楚騷讀罷更挑燈, 淅淅寒風滑滑泥, 狂名出輩儕, 閔亂憂生壯志空。 蘭薰漆割自爲災。 古今師法鮮兼通。 荆軻一詠見天真。 歸來往往傍雞樓。 哀郢篇成恨豈勝! 且乘風雨掩荒扉。 青燈一 幸免長饑已逾分、 東方饑死侏儒飽 何妨子判傳論語、 尼山竟爲東陵屈, 種桑未採山河改、 次有韓 非是才士, 焰如相伴, 文史三冬豈算才? 篤信訛文十八宗。 莫向蒙莊辨是非。 聊傍東軒作醉人。 獨攄孤憤寫亡徵。 不須憔悴悔 坐待城烏夜半啼。 雕 蟲。

### 書 憤

誰令蠻觸日相争?應怪蚩尤作五兵。 諸將未須誇斬獲, 蟲沙猿鶴盡蒼生。

## 讀荀爽傳

中歲藏名向漢濱, 晚來濡跡亦何因?申屠不屈成康隱, 祇合慈明作輔臣。

納麓賓門世共知, 讀堯典 元辰讓德恐虛詞。 陶唐胤子分明在, 凄絶韶成舞鳳時!

畏死求榮操已污, 蜂腰雅譽稱情無?君看天目閒居日, 尚擁軒皇俯仰圖

周弘讓

翠柏寒松話寂寥,不共黄塵付瘞薤,

且留深壑友莓苔。

般不許雪霜凋。

泰山部屢從君擬,人間豈少隋和貴,

傲骨天生敢自驕!

畫史何曾點染來?

題畫石詩

二首

## 君雜興 四首

和

康

**墾脂** 滄海 不須 艵 顔 畔首笑君勞, 戰 東門本易尋, 薄恕已難 化學長生, Ŧ 漢王 儘有 雲母 勝固欣然敗 微明 何事枉甘心? 靈符好關兵 隔座 亦 豪 看 枉遺 傳聞皮幣如今盡 鑄 好 鼎 勸 田 荆 麻姑搔背癢、 横安 山仙 海 去早, 島 龍髯 莫鍊 種桑 11 鄉 丹砂 歸去海波 墮太無情! 死 等鴻 且鍊 寛 金

漫成 六首

文章 作奏誠宜去葛 江 憂生 悼世 寓 詠 山雲物古 H 終須本 1曾無得 何苦較崇卑。 感無端 |今同 性: 句 龔 情 心 篇什原宜當 矯情獨造亦 比 蘭菊英藝各 奚囊何用苦搜尋? 擬雕鏽 年 刻 楮費經營 術 史看 無功 **世**窮 一時 上採風 要識 杜 汨没真情擬 候人破斧沿前製 韓 年 胸 同有文章在、 兩句詩情窘, 情宜 騷下謡諺, 直舉 風 雅 可憐餘了 未解 只惜 後 果能真擊盡吾 始識文章有至公 人 何 南山 流泉是妙 子羡那 必怯争 遜 北 師 鋒? 鄲 音 征

雑興

八月江南尚苧衣,朔方寒早草先腓 涼暄偶爲

Ш

111

異

何

用

路

風苦憶

歸

二七八

府空傳行路難, 北遊翻欲隘人寰。 梯航萬里尋常事, 漫作張騫鑿空看

## 十月廿七日作

帥 友扶風井大春、 五經原白遜紛綸 懷中刺字皆磨滅, 多病何曾欲傲人。

# 始達武昌即事言懷 六首

菽水 隴漢逡巡馬 朔野頓年作旅人, 篝 回首風塵合息機, + 火 叢祠楚始張, 載飄蓬始得歸、 深慚義養人, 季長, 關河轉徙累衰親 晚塗 眼前 遠游何事久忘歸?歸來百計 屢勞皂炭浣黃塵 八年歲月去堂堂 折節 百態 與 亦堪傷! 懷 違 **君看繞指** 歸 搣 故鄉 晨餐馨潔 車 顛 多少傷心 如 劉 蹶 箭 君 柔何甚? 過 推鄉味, 皆須後, 休 鄍 問 地, 防 猶是當 從此 到眼 且向秋 且夢人間建 試問當年丁令威 江 南陔有 Щ Ш 時 看落 盘 百 德鄉 好 煉 可 暉。 鋼 親

真 疑 此 士 闞 如虓, 搏獸 應須遣詣敖。 猶覺中行非大勇, 劣能 左執太 行猱

漢

口見豢獅人,

口含牛肉茹

狮

吻中,爲之毛戴。

戲詠

四首

二八

異 獸言閩隸縱能通, 獸 遥從碎葉來, 終慮猜心未易同。 闢邪鑿齒尚非儕。 饒伊猛過毛蟲長, 萬一東虞櫳柙破, 長教角脈笑黄公。 遇鉏商便可哀!

感事 四首

哮

聲直欲挾雷風,

徒搏人須困圈中。

觀者如牆都辟易,

豈知宣武有王戎? 版·

8、初不驚怖。 原注:子田方,

八

厄運真 投戈散地豈無争? 分曹鬭勝勢仍齊, 土崩麻亂海羣飛, 愁萬國魚, 意氣難 志惛何煩更用兵。 秦 棲身寧得乏牛 越誰能較瘠肥? 捐是禍梯。 車? 爲義無名謀 關河累歲扶衰幼, 已見蛙蟆排密陣, 羽芥距金休互翻, 利拙, 漫將優劣較軻牼。 難 欄邊別有擅 更憂蛇犬合重圍。 效湘景賦 **場難**。 卜居。

己未正月廿四日, 自沙灘移居吉安所夾道。 賦詩 四首

**隘巷常回長者車**, 蝸舍蚊巢足自容, 讀書寧意得 精 廬? 閉門聊欲效山家。 陋 **豈需横石與長松?** 室能容樂只 Ħ, 新來病肺宜疏酒, 數間瓦屋今猶昔, 寫入 畫圖 應可哂, 預惜中庭縹杏花。 祗愧東頭陸士 村夫今日又移

霞外依稀辨舊山, 出林倦鳥久思還。 五年京國 三移宅, 何似幽居日月閑。

### 讀詩偶占

成均詩教首周南, 冠冕諸華國十三。 不待予朝攜典籍, 高文早已耀江潭。

## 讀陳子昂詩

篇修竹冀知音, 才士求名有苦心。 太息奇文贈行路, 先輸百萬購胡琴。

## 江漲 二首

大浸稽天萬衆難, 黄鶴磯頭水打城, 誰能赤手障狂瀾?磯頭目送浮泡去, 田禾盡没歲災成。 洪流雖悍原無我, 只作當前勢位看。 絶勝今時意氣兵。

## 讀史 七首

始禍三年罰未平, 邯鄲歸貢本無名。 晋陽叛後朝歌叛, 獨遣荀寅受惡聲。

倒受干戈計已愚, 况聞董卓出羌胡。 横刀徑去嗟何益, 獨扶宏義勉迎鸞。 召寇由來是本初。

濔年獨擁八州資,過墓雄心羨可兒。太息深源自昌獗,武昌傳檄討劉刁,王馬同朝世論呶。滿腹精神愛錢鳳,南宮起殿號楊安,採梠披荆困百官。此日曹瞞真得計,

東來猶及未南郊。

誰料英雄起草間 香火難盟賀六渾, 彌年獨擁 八州資 韓陵圓陣策奇勳 先將片語誤桓玄 過墓雄心羨可兒 太息深源自昌獗, 百端變態誰能保? 龍行畢竟工乘運, 知是蛟龍莫借雲。 遲到南郊二十年。 進謀無處覓彪之。

### 鬘雲

顧菟殷勤託夜光, 神龍勞碌送斜陽。 人間百歲猶無樂, 争羨鬘雲晷刻長。

早秋

重 露高枝蟬欲休, 夜遊 **涼風深院燕還留**。 清砧漸起初遥夜, 依舊空牀敵素秋。

**浥庭楸涼氣新** 偃師幻戲正紛陳。 休燈雖好還堪恨, 不見埃光眇視人。

露

八

# 劉生避暑匡廬賦寄

曾經江路見廬山, 心在香爐石井間。 先邁輸君 愧吴猛, **儻逢甘露願來頒** 

夥涉爲王信可驚, 絶句 夥涉 誰知富貴出傭耕?故交不得蒙恩澤, 正坐逢人發故情

## 七月十五日

鵲語無憑集 晚枝,

山眉有恨瞰空韓。

不知秋意添多少,

但覺新來屢换衣

法供盂蘭飾几筵, 楚鄉舊俗至今傳。 孤兒淚盡松楸遠, 愧向經龕禮目連!

### 絶句

窗畔高觀似案平, 嵐光還共篆煙清。 晚天雲樹都宜畫, 惟有秋心畫不成

### 影戲

轉鏡高樓夜放明, 蛇人紙上换殊形。 便須長作無遽會, 幻到犁靬也漫驚。

校試糊名事若何?貲郎任子竟同科。 糊名 君看和仲慚方叔, 猶覺前賢直到多。

初秋江上北風號, 柁樓欣看浪頭高。

狂風

飛瓦排牆 耳欲 糟。忽憶少年浮海日,柁樓欣1

送燕

秋到人間萬事非, 將去武昌題行可研 杏梁燕子又將歸。 雙雙俱至雙雙去, 絶勝摧頹孔雀飛。

南來七載廑交君,

又作征蓬慘欲分。

此研好爲吾輩讖,

相從終得似龍雲。

## 題駱君詩集 二首

梓裏詩人首夏林, 舊家華屋已傾頹, **賸遺鄉人説異才**。 白茅遺韻最愔愔。 遺稿不隨蟫螽盡, 此才若得臻黄髮, 詩魂何必泣泉臺! 便覺前賢有嗣音。

偶感

民力凋殘碩鼠多, 哀鴻滿野欲如何? 輿人盡解均貧富, **豈獨青神王小波**?

題汪君山水直幅 二首

横石長松興最 十載飄然别舊山, 真, 青松白道夢魂間。 山林何處託微身?懸知妙手通靈契, 今看素壁張新懷, 貌我聊爲畫裏人。 恍到蘄河第幾灣。

定鏡誰知更失真, 西施對此合含顰。 縱横畢竟空移貌, 應愧秦臺照膽人。

坳突鏡

二八五

## 題飛燕外傳

縱令飛燕今猶在, 也似瑶池皓首仙 頗怪世人虚好色, 賦詩苦贊古嬋娟

丙辰春遊江亭,禱於叢祠,得讖曰: 瑶臺應有再來

期,珠箔輕明拂玉墀。

莫向尊前奏花落,

殘花猶

發萬年枝。意甚喜之。今日偶檢得,不勝凄感

雲飛雨散兩無期,天路悠遐未有墀。花落重開知妄語、 空將白髮對餘枝!

雨中遺悶 二首

寥落何堪更值春, 夜雨空庭静檢書、 孤檠細雨一傷神 莊騷辛苦兩成虚 惟應十卷韓非子、 不須苦悶吟梁父, 柱地支天大有人! 獨向蟬編 啓余

曉晴

昨

夜

春寒到被池, 深帷乍捲見晴曦。 佳辰省識 今朝是, 此意流鶯卻早知

仲 夏 雜 題 六首

鄰舍榴花尚未丹, 空庭寒雨夜淋浪 樓前翠柳始齊欄 衣潤薰爐苦費香。 曉起隔鄰聞賣機, 閒居曆日原無用, 始知時節近端陽 只作殘春早夏看

早晚寒多憚换衣 **蟲魚箋註爛丹黃** 中二寸魚 不勞彈鋏 自笑先生爲底忙? 晝長對客意尤違。 自歌吁。 何似 濁醪 貍奴 亦是吾家客, 巾車郊外去, 厚被真吾友 白雲緑野共徜徉 爲語來人漫 喜與先生共餕餘

印扉

稽古勤

劬只自

憐

聊將鉛槧送華年

新陰

H

膳盤

知新温 故門人事, 此際邠卿擬 息肩

屋 角新陰幾日添, 障風蔽景策勛兼。 近來躭酒臨書少, **闇檻光昏也不嫌** 

### 樊若水

真見長繩度大江, 居然小惡覆宗邦。 才逢衰世堪爲害, 寧似窮儒老一窗。

# 過望山門有感 四首

樂國何方逃碩鼠?中庭是處見懸貆。 熏鼠誰 知便潰神, 城内蜩螗不可聞, 時來取次求高位, 兵敗倉皇覓去舟。 决瘤何意更災身。 山頭檀聚本難分。 迎來送往吾民倦, 老奴萬死非逾分, 蒼生忿欲誰能洗, 積得黄金堪送老、 真悔人皇浪設官。 莫以顛連獨咎君。 最痛炎蒸轉闖人。 不應仍作廐前駒。

## 題陳君詩集

慷慨悲初節, 越石艱難泳夕陽。 篇什流傳生氣在, 不煩蚓竅苦論量。

### 身閒

蒲

Щ

荒園草長擁柴關, 小閣嵐清映牖間。 何事今朝風物好?舉觴自慰是身閒。

## 抱膝亭口占

依舊危亭瞰楚天, 祇嫌城郭異當年。 江山無恙人無恙、 十載歸來亦暢然。

過馬家巷舊居

邦家蕩析恨無窮, 豈但微驅逐轉蓬?未免浮圖桑下戀**,** 馬家巷外夕陽中。

嘲螽魚

春盡日掃葉樓小坐

畢世書叢豈足賢?欺人只是解鑽研。

總饒三食神仙字,

著作何曾見一篇?

同向高樓送好春,山長水遠一沾巾。江南枉是離愁地,

只有斜陽解戀人。

秦淮旅夜題長恨歌傳後

太真已化馬嵬塵,七夕盟言空自新。 腸斷景陽宫井水, 不辭亡國爲佳人。

### 寒食

榆柳當春火正然, 何曾匝地盡藏煙?子綏最有焚骸痛, 黍飯空邀異代憐!

莫愁湖廔題壁 戊辰閏月八日

湖山合是美人鄉, 徐王將略白騫騰,

休問襄陽與洛陽

蘭室重帷輝似昔, 整頓乾坤都已了, 河山暗與風光改,

> 來依少婦共龕燈 休訝横塘屬莫愁

定應牆外着王昌

儒術臨戌卻數曾

虎踞龍盤氣早收,

南朝亦自號神州。

神策門晚歸

最喜歸車載夕陽 城外青山道旁柳, 日來應覺送迎忙

兼旬真不負春光,

鍾山平處是東田,

東田

歸路詩情落照前 愧乏玄暉才子筆, 難吟遠樹與生煙

九〇

### 石頭歸路

春無日不遨遊, 歷遍鍾山復石頭。花鳥雲山俱有意,忍因才退廢吟謳!

十餘日前,

土橋東見海棠兩株盛開,

重來零落已盡,

感賦

好花須是偶然逢, 豔絶天人夕照中。 今日珍珠河畔路, 更無繁萼倚微風

鍾山

鍾山如笑闞城閩, 嵐氣清鮮入望真。 更有東風能薄相, 亂吹香絮引遊人。

櫻桃

匀圓萬顆似玭珠,三島曾經鳳啄無?空道櫻桃一籃子, 思明終覺太豪麤。

舊京宫闕尚嵯峨, 抵正陽門口號 豈道新邦恨正多?學弊政乖人紀壞, 不知青史對誰苛?

### 對雨

小雨何能悶損人,荒園得雨始疑春。 鍾山晏起如驕我, 忽敞雲關一欠伸。

# 十二月十五夕觀月蝕

桂輪圓處忽無顔,爲有妖蟆置吻間。 安得並將天瞽卻, 免他垂淚看河山!

### 越謳

**蘕平妖鳥漫啁嘐,雪竇誰知隱一巢?我笑此邦工作巧,** 山川還用錦來包。

## 題所藏書目簿上

稚圭應記爲傭日,昭裔難忘發憤時。十載僅收三萬卷,何年方免借書癡?

## 雪後作 二首

春寒閉户少遊情, 新柳偏能引意行。 忽遇杏花謀一醉, 夢回飛雪灑窗聲。

南土仍看朔氣來,杏花能與雪争開。 **禊遊莫詡春衣好,且擁熏爐進一杯。** 

# 偶翻王介甫詩題金山一首,戲和

桑麻直接水中坻,那有陰靈與護持?介甫未知陵谷變, 且須探問釣魚師。

將營一宅書示兒子 二首

早歲曾懷濟物心, 政自低頭就短轅,何曾有意慕華軒?山崩川竭應無日, 中年折節入書林。 晚來忽有求田意, 愁絶蘭成賦小園! 會遺元龍笑不禁!

#### 月費

月費千金養一官,貪惏未必救飢寒?成陰鶴蓋通衢畔,只當流民一例看。

春盡日作 二首

朱明已至緑陰稠, 始向郊垌補楔遊。 喜見危紅藏葉底, 有花仍可説春留。

芍藥荼蘼漸次稀、 餘寒直欲伴春歸。 漫嗟今歲佳遊少, 免爲醇醪數典衣。

靈谷寺看牡丹 補作

閉門祗爲怯春寒, 花語驚傳過牡丹。不分年芳付啼鸠, 强攜巵酒一盤桓。

食有皮羊肉

且置駝蹄與豹胎, 羊膚柔膬亦羹材。不因江左多羅綺, 那得珍肴入饌來?

戲詠 二首

七月七日風霆甚異,夜星不見,

銀灣相望幾由 今日天人事事殊, 延, 星河佳會有仍無。風雷驚散填橋鵲, 小别寧須閱一年, 應遺飛廉來速駕, 漸帷如在頓丘邊。 屋角空留結網蛛。

江上望鍾山

爲貪廬阜别鍾山, 江上回看杳靄間。 日日書帷對嵐色, 争如天際認煙餐。

二九四

# 過采石感樊若水事 二首

不 求才科目儘堪傷, 辭故國化榛菅, 祗恨隋家作法凉。 第何難視等閒。 今古叛亡知幾輩?合從破鏡祭橋 釣艇浮江載奇策, 霸朝運已盡舟梁。 Щ

渡甘棠湖

尋陽真隱憶劉陶, 蓮谷月下有懷 別有山人索價高。 猶喜使君遺愛在, 甘棠湖上度輕舠。

凉蟾斜出彩雲間、長嘯臨臺獨夜閒。此際江城宜追暑、 倚帷人定憶廬山。

聞舟人測水,其聲凄引,因成二十八字

江水千尋與萬尋,倚欄東眺一沈吟 欲知離思增多少?試聽舟人測淺深。

### 江上作

江頭樹色明殘照, 洲上蘋香度晚風。 煙水迷茫何處宿?鄉心羈恨與誰同?

#### 黄巖

郤倚黄巖對瀑流, 雙泉相競下巖幽。 雲峯萬仞知誰到?定羨真靈挾兩虬。

#### 重見

松波燕雪隔精魂, 長感靈妃一笑恩。誰分秋江蓮斷後, 殷勤還數舊桃根。

病起檢曆日,始知今日已立夏矣。賦四絶句 四首

何况芳時尚浹旬。氣朔盈虚不須論,安排佳釀送良辰。起尋曆日約良知。花妍柳嚲春仍在,莫恨今番出餞遲!

**隨鐘未動且名春,獨卧空齋廢酒巵,** 

曾記留 去年今日燕池上, 春掃葉樓, 斜照徘徊看牡丹。 山長水遠動離愁。 羽迅流光蓬轉命, 即今高詠滄江畔, 江樓此際又憑欄 蓬髮飄蕭 不自羞。

泊塵畫玉蘭美人扇貽余,藏篋數年,甚爲

珍惜。頃聞其消渴死矣。展扇追憶平生,

感傷何已!弔以二詩,

即題扇

上

屋梁落月想君顔, 畫手 如君 复絶倫, 經歲鱗書絶往還。 緑窗鶯髮賴傳真。 玉蘭花 料得相如消渴後, 自年年 發, 猶能染黛寫 難覓東陽姓沈人。 眉山。

虎北 更爲强虜地, 三月三日陰寒不出, 憶去年此日南苑之遊, 燕南漸少故人書。 碧池紫陌 都依舊, 可有羣賢共祓除? 愴然有作 二首

朔方冰雪間風 塵, 江上 重三不當春。 祗有鍾山似眉黛, 雨中煙裹解含顰。

### 寄北中故人

窮陰 十日雨冥冥, 天外飛鴻去不停。 萬户蕭條人迹少,鍾山也遜舊時青。

### 書劉生扇 二首

與兄相見建康時, 滿地兵塵拂鬢絲。 卻憶海壖棲止日, 秋風黄葉好題詩。

世亂文人愛散官,

書生託足本無安。

聊將鍾阜朝嵐色,

送與先生進一餐。

戊辰春過蘇州

楊柳籠煙草勝茵,

金昌亭畔乍驚春。

不須更話山川好,

城郭如斯已醉人。

雜感

二首

閒庭積潦長蜎蠉, 化作飛蚊更可憐。 我羨蜘蛛坐收獲, 張羅屋角遇豐年。

七澤蒼茫衆化魚,親朋幾輩有安居?三旬溼寢偏頑健, 泥水藏身且讀書。

### 戲題計簿上

安得身如董仲舒, 不關家事但窺書。 二毛已見猶漂泊, 轉學治生計恐疏

## 八月十五夜月蝕

江國冥冥水接天、關山處處起烽煙。 秋光縱好知何益?明月多情不忍圓!

雞籠山晚坐

江上窮陰氣杳冥,晚來無語倚危亭。 寒林凋盡經霜葉, 卻愛鍾山不改青。

讀徐銘莊武帝碑

青骨成神語豈誣?至今遺廟在山隅。 不妨帝 號稱莊武, 死衛金陵亦丈夫。

廣坐

廣坐燈明户盡扃,

春分日作

分曹投箸不曾停。白牛盧雉何須辨?總入文公五木經。

祇恐餘寒佔卻春, **晨窗日眄柳條新**。 年華未晏遊情在, 油壁青驄正待人。

## 清昭西陵見發

國亡 萬事足欷歔,又報人間見玉魚。衹 有明陵松栝好, 前朝此事最堪書。

節候

江鄉稻熟蟹仍肥, 秋暖無煩詠授衣。 况有桃花映籬菊, 不妨節候偶乖違。

偶感寄題廬山 二首

誰信巢由解買山?匡君應爲破蒼顏。攢眉定有陶

廬阜今爲帝 下都,

此中仍着一潛夫。

少微最要羣陰護,漫遺吳人識謝敷。攢眉定有陶元亮,下潠東林任往還。

陰護,漫遺吳人識謝敷。

蕭瑟回風振晚林,

留連殘日下遥岑。

秋光如此彌堪戀,

無奈樓前又暝陰

晚成

#### 興 州

將逃師潰冀非真, 誰遺興州墮虜 塵? 月送塞鴻猶北 度, 始知微物勝於人。

### 古北口

石 西來盡舉烽, 惟憑虎北保堯封。 雄關又見成甌脱, 回首遼陽路萬重。

#### 湖 上作

碣

萬樹 櫻桃 開 已殘, 眼看杏萼不爲歡 今年自是遊 情減, 莫怪春風未解寒。

#### 雜 感 四首

不煩閨夢度黄龍, 乍喜朝光照敝裘, 勃碣 旋驚急雨破簷溝。 行看罷舉烽。 莫笑賈生談表餌, 消寒 只是須名酒, 空置將軍號渡遼。 還須魏絳備歌 不見花開省卻愁。 鐘。

春原胡騎態仍驕。

長江且可稱天塹,

花爲啼鵑慘淡紅。 漫道江南煙景好, 玉關一樣有春風

柳因藏燕低迷緑, 直北關山逐雪消,

詠二花 二首

邪馬臺邊佐久良, 放宜名從主人。 原注:中國本無此花, 自誇絶豔佔年芳。移來禹域知何等?合與煙支作雁行。後國慶

故書稷粟未差訛, 蘆穄何曾是木禾。 唤作國花渾不辨, 教人頓憶黍離歌。 高粱花属滿國花

癸酉五日題

卷離騷鑄偉辭,沈湘豈要國人知?空留角黍供狂啗,未覺蛟龍懼綵絲。

感宋史記龍昌期事 二首

異學 學海狂瀾挽不還, 争名各 1有師, 著書百卷布人間。 不妨彦博薦 昌 期 老逃兩觀猶營禄, 祗嫌永叔譏穿鑿, 也未虚、 應信周公是大姦。 心玩繋辭。

馬援

隴蜀紛紛得幾秋, 識真誰信自爲謀。 飛鳶浪泊平生願, 款段空憐馬少游!

11011

### 詠葉義問

休將壯語復山河, 到老偏教一枕戈。不解生兵是何物, 人才今日兔園多。

### 癸酉中秋雨

佳節愁霖宴賞稀, 神州一望盡煙霏。 料應玉斧渾無用, 不遺冰輪似舊輝。

# 鹽城趙生隱居太平門外贈以二詩 二首

歌歇重城月墜煙, 老鶴城頭説是非, 瓦盆一 啼鳥瞻屋也無歸。 醉且恬然。 燈前蟋蟀翻無語, 鍾山一角猶堪隱, 獨倚危樓送落暉。 萬壑松風正聒天。

### 觀打球作

争功未敢殲隨兕, 養氣誰知教闘鷄。惟有漆城差自詡,寇來倉卒不能躋。

九日攜五子慈飲内橋酒家

驚風飄日下西山, 九日清尊不負身, 妖星 蕭然攜幼步淮濱。 **堕地妖星色轉殷**。 豈有遺黎供血食?早傷豺虎遍人間! 與下隊 竹園椒塢偏 宜飲,

故園回首轉淒然!管寧清節猶遼海, 更擬飄蓬卅七年。

安、亦不過七十餘歲原注:余今年卅七,

更如幼

墜,

室,血食人間五千日。 元順帝時司天監言,天

身世崎嶇未息肩,

感遇

萬頃緑雲都散盡, 空教樂府詠田田。

鍾山

雨過轉蒼然,

北渚微風拂鏡天。

後湖

即事

二首

三〇四

何用東籬送酒人。

江上新傳戰鼓收, 湖山依舊足佳遊。誾閻歌舞知誰賽?白羽凌風憶蔣侯。

春感 二首

幾日 春寒 幾 日陰,緑楊庭院自深深。黄金鑄出相思句, 一曲新詞酒一巵,春風吹得鬢如絲。繁花若道能留客,須及斜陽未下時。 欲向何人宛轉吟?

無題

燈滿, 珠慚鄭客, 空羨白頭盟 影事更。 扇 薄防風 銀河斗柄横 孤鸞今罷舞, 持布感劉生。 弱, 羈思將何遺?中心未肯平。 簾 疏映日輕。 哀雁自于征。 松翠遮油壁。花濃繞鏡屏。調琴傷玉軫, 幽期人悄悄, 樓響心休怯, 攀條如有待, 密約意盈盈。 香殘意轉清。 臨水不無情。 隔箔頻驚影, 雲迷障袂態, 破夢恨金鷹。 淚重絲難貫, 緘書暗憶名。暫憑青鳥使,

雷送走車聲。 荏苒華年晚,

歸去華 凄凉 **妝慵**髻未成。懷

曉望成詠

魂因九逝銷。 樓高天已遠, 龍章安裸壤, 故國更迢遥。 鸞翮畏回殿。 暮節傷孤客, 曉霧迷山色, 羈心 積 朝。 春江接海潮。 謝郎徒賦 雪 異鄉愁按劍, 王子漫歌嶠。别豈千名

報金蘭信,

文窗整翠翹

歸路想鳴鐮。

#### 冬暖

方難紀攝提。 融風來北地, 鶴言愁積雪, **瘟火發南枝**。 狐渡阻流澌。 未覺年芳改, 鄒律寒真去,秦年暖固宜。 先驚節候移。 桐華傳漢史, 凍銷虯水咽, 梅實見燕垂。過豈緣司曆。 爐熱翠裘知。爲

煙草

語營巢燕,

文梁幸早窺。

酒共解重圍。 樗燭光初斂,蘭膏焰已微。聲停斑竹管,風送蔥香幃。稍逐青霞起, 不惜櫻脣綻, 偏愁霧唾霏。 他時和桂藝, 珍重寄靈妃。 還疑紫玉歸。爐應添五夜,

# 檢贈答詩,題一首更寄

語重總緣真。 遠望馳情急, 花月籠江甸, 孤游得句頻。 風 煙暗海濱。 佳期原易失, 寄時珠迸淚, 密意已難伸。 **啓處黛添顰**。 萱草離前 種 蝶舞仍移畫, 蘭華去後紉。辭繁猶恐盡 鶯歌欲達晨。 П

腸竟何益?於邑莫重陳!

三〇七

#### 盤香

鳳 燭半殘 宛 轉 時 應 何 似 幽夢從頻索 ? 煎 熬祇 自 中心 知。 焰微 最不移。 知漏 意同 細 香静 蕉葉捲, 度簾 痕逐 遲。 一桂輪虧。 頗訝 回 腸 數, 楚女堪長捧, 難將 瘦骨 荀君 支。 鴛幃 耐久思。 初掩 後 誰

### 送吴生還東陽

能持甲翦,

重

一疊贈 深閨?

亂 崩 轉 更無 嗟已决, 徙值 兵 窮途。 革何時定?吾寧戀故 枉存欣 戰鬭欲何須。 離黍心如噎, 爾 厚, 餞送悵余孤! 歎息黎元病, 苕華 都? 思轉 憑誰 炎暑宜 紆。 具舟楫, 希 鳴蜩 求 珍重, 碩 鼠 知隱葉, 與汝向江湖。 誅。 長 行莫滯 不妨瞻 歸雁 濡。 有昊, 解衡蘆。 道喪真忘世, 垂堂遵昔戒, 爲籲 燕啄争空夏, 無辜。 身危已愧儒。提攜愁盡室, 避地審良圖。 祇恐天難問, 鼇傾拆四隅。 黄髮期 還憂 分

#### 游 積水潭

同

享,

青松誓不

渝

早

秋倘

相

過

漫

借旅

程

迁。

物 風

義在

我

安辨菀與

枯

定波 春 繁紆 闌 散幽慮, 賞 (愜忘 挈侣 久 適城 痗 隅。 情慵得還途。 澄波匝高柳, 豈厭塵· 圓埒圍低蒲。 事勢? 但惜芳華祖。 神叢踞 陂陀, 欣戚亮無準, 飛觀臨閩闍。雲移日埃 恒充俄傾娱。 態 齊

江南好

斜陽裏,

瘦影待誰憐?人意已隨流水遠,

秋聲先伴暮蟬還,憔悴又今年!

江南好

歸思永,飄泊又經秋!遥望寒煙蕭瑟處, 滄波無際使人愁,

日暮獨登樓!

剛道晚晴天氣好,不堪滿目是殘陽!

斟白酒,燎沈香,

幾日愁霖嬾啓窗。

**擣練子** 

楊柳枝

春曉深宮乍起時,景陽 樓 畔 鬭腰支。如今已是清秋節, 獨向西風斂翠眉。

### 楊柳枝

悵望隋隄日晚時, 萬株垂柳尚如絲, 可憐秋色年年改, 帝子無愁竟未知!

### 楊柳枝

曾作飛花送客船, 江關秋盡轉凄然!柔絲更比春前短,枉把離人舊恨牽!

### 如夢令

**悵望雲輧歸路**, **鬢影環聲何處?翠幕自黄昏,不管燒殘香炷。人去,人去,恨久更難分付!** 

### 如夢令

夢到燈窗竹院, 意密翻令腸斷!舊恨已拼銷, 新恨從教宛轉。 難遺, 難遺, 晶枕啼痕猶泫!

### 遐方怨

燈焰颭, 簟文摇, 獨掩 虚房, 羅袂無聲魂暗銷!砌蟲孤咽恨迢迢, 高梧籠濕月,冷秋宵!

### 訴衷情

幽夢已醒慵更覓, 對殘燈。 相望處, 樓閣幾多層?危檻憶同凭。 銷凝, 如今還獨登。 夢無憑。

### 轉應曲

胡蝶, 胡蝶, 飛上羅裙雙帖。便教疊入空箱,差勝分飛斷腸! 腸斷, 腸斷, 忍向别枝重見。

### 天仙子

雨後桃花紅滿地, 春光濕盡飛難起。 小庭深院又斜陽, 鶯聲細, 扶殘醉, 花間自灑相思淚!

### 天仙子

衹有閒愁銷未盡、 春來屢寄天涯信。 垂陽緑遍不歸來, 空有恨!誰相問?花開又是清明近。

### 南歌子

青羽裁裙短,朱蠙綴履明, 長晝踏莎行。 此時剛一見, 已多情!

聊。

江城子

緑波惟解送歸橈,

路迢迢!恨迢迢!江上回頭,

相見歡

他鄉又是深秋,使人愁!蕭颯西風斜日獨登樓!家山好,

歸期渺,爲誰留?衹是年華心事兩悠

歸國謡

萬里滄溟歸不得, 秋來仍作天涯客!

思故國,

高樓此夜空相憶,一

聲笛,滿城但見秋煙碧。

燈青鬢青,愁醒夢醒,

無情有情,

親卿怨卿,

樓頭對數飄零!有簫聲笛聲。

醉太平

深宵醉倚雲屏。 聽

拚夢醒, 更無

無語暗魂銷。 細省相逢真似夢,

### 浣溪沙

鬘忉利也情癡!

一任花風颺鬢絲,

禪心定處自家知。

牀頭金字未須持。

萬一塵緣終不斷,他生休昧此生時,

華

玉樓春

眺, 陣西風無覓處。緑陰留與隔年人,莫爲婆娑傷歲暮! 落葉紛飛, 身世淒涼, 睹物彌歎

風流往事誰堪訴!悽

**愴江潭人已去,飄零不惜向天涯。衹有斜陽猶可語。** 

蕭蕭落葉還依樹,

斜 橋晚

### 玉樓春

前數日赴某比丘之約,行經通湘門,

獨步 ) 踟蹰, 返舍成玉樓春 翼

閒中偶與春相見,水次垂楊花外燕。 夕陽紅到可憐時,歸路無人愁緒亂! 倚窗卻展前頭卷,盡

日丹黄成慰薦,不須琢句苦傷春,門外青蕪生已遍!

踏莎行 和同叔

臺隱霧, 草緑通波, 青禽去後書難附。 花 紅映路, 獨居情緒總悽涼, 春前曾共徘徊去。 高樓夕照空庭雨! 傷心不見舊時人,

人間天上歸何處?

碧海生塵,

瑶

踏莎行

丁未秋日,閒居東京,眷懷故國,悵然賦此

山隱霧, 遠道秋還, 閒情渺渺從伊誤。 高樓客去, 斜陽卻照斷魂歸, 天涯夢覺渾無緒! 苔痕緑遍來時路 寒煙偏解趁西風, 絲絲散盡歸何處?

複堞藏雲,

遥

踏莎行 自題擊蔥詞,用碧山題草窗詞卷韵

懷抱,淒涼更與何人道?空教宋玉擅才華,風流卻向江南老!

彩

筆填詞,

玉簫倚調,

孤吟不恨知音少!祇憐頭鬢有新霜,夢迷故國連天草!

斜日心情,深秋

三四四

### 浣溪沙

偶憶年時心字衣,

彩雲曾向月中歸,重來門巷已全非!

鏡裏既無鸞共照,釵頭何用燕雙飛?高

樓不見見斜暉!

浣溪沙 戊午元日記游

静聽簫鼓送黄昏! 金碧檀欒映好春, 憑高不受九衢塵。 陽臺終日有行雲。 勝地獨遊空有恨! 芳辰陪飲更無人,

浣溪沙 四首春感

春到人間愁與俱, 殘梅謝了柳黄初。 詩懷今昔不相如。 羸病不禁三日醉,

亂離難得一家娱。

浮名嫩計總區 區!

輕將雙淚灑斜暉!

寥落新春白袷衣, 在家沈醉出忘歸, 感時傷命兩俱非! 金勒不來花正發, 玉璫難寄雁仍飛

三 五

此情分付醉時謳! 士女熙春足勝遊, 羸軀到處見春羞, 强因山色一登樓。 芳草自然堪下淚, 萱花何事可忘憂?

預愁明日酒瓶傾。 海思雲悲亦易平, 筐牀夜夜待鐘鳴, 鏡中容色未妨更。 遠信不從蒼雁索, 殘書難與白魚争,

菩薩蠻

旗亭唤酒過寒食, 香車幾日來芳陌, 樓外小桃紅, 玉樓簾幾重? 春來催餐白, 誰慰尊前客?

殘醉客愁濃, 落花深院中!

菩薩蠻

何事獨憑欄?無人知暮寒! 緑蕪一片傷心色,闌風伏雨花狼藉, 漸看樹陰圓。 沾泥香未乾。 细筝空掩抑, 歸去金堂側。

菩薩蠻

燈影欄干秋遠近,

淒簫細裊相思韵。 坐久夜逾清, 雲低壓雁聲。 愁醒嫌酒薄, 暗葉簾前落。

更莫下疏簾,簾中一樣寒!

### j

菩薩蠻

天仙不用常詞! 贊, 雲情雨意空相羨。 吹咽玉樓簫, 秋心一夜遥。 涼空星歷歷, 尋去無蹤跡。

幻想與奇情, 可憐虚此生!

菩薩蠻

塵涴斷襟香,花殘情更長! 千花萬蕊催春事, 高枝月照啼鵑淚。 夢醒亂紅飛?無端春又歸! 緑陰空滿路, 不是當時樹。

### 鷓鴣天

柔腸 爲愛斜陽獨上樓,新來人意冷於秋!西風吹送華年盡, 寸枉綢繆!不如併付秋江水,直向天涯盡處流! 不解離人此際愁! 緣斷續, 信沈浮。

### 鷓鴣天

水下天涯客去鄉, 此情畢竟數誰長?若教一去無還日,便是癡人亦斷腸! 魂渺渺,恨茫茫,

**羈懷歸夢兩淒涼!甫能懺得愁根斷,又向危欄倚夕陽!** 

### 鷓鴣天

推窗猶見月痕彎! 六曲圍燈照墮蟬, 迷魂招得天雞唱, **萸煙初燼夜將闌**。 卻怪羅衣耐曉寒! 如何瓊漏丁東響, 苦礙羅幃楚女眠 春夢窄, 畫樓寬

### 鷓鴣天

舊歡已墜不勝悲! 祗應窗外團欒月, 燈暗懸簾木葉飛,秋宵岑寂獨思維。 猶照 羈魂夢裏歸! 空教病骨傷幽素, 往淒涼竟爲誰? 添斷炷, 掩空韓。

### 鷓鴣天

新詩吟罷更無悰。 别意經年似舊濃, 挑燈鄭重裁箋寄, 夢回仍歎鳳幃空!不知別館三更月, 敘到歸期帶淚封! 今照高樓第幾重? 悲落葉。 聽西風,

### 清平樂

愁根難斷,舊好難重見。更有斜陽難繋轉,費盡幾多虛願! 不因別有痴情,那能縹 渺 空 靈?

清平樂

愁花恨葉, 秋盡成蕭瑟。 簾外清霜闌角月, 更有無邊淒切! 前身悔作春花, 年年飛向天涯。

化作秋花耐冷, 一般損盡年華!

清平樂

恰好羅屏人静, 煙輕月淺, 可能 不 放眉 晌綢繆? 痕展。 百尺樓窗燈近遠, 認取秋光一點。 憑欄遥意難收, 因風裊入高樓。

清平樂

綾窗讀曲,依約顰!

·蛾緑。

月射

疏梧風撼竹,

無奈秋宵人獨!

虚勞青鳥蓬山,

望中便是銀彎。

倚遍雲屏十二,天邊北斗回環。

臨江仙

柳外樓臺依約, 城頭燈火昏黄。 歸來閒館細思量。 魂銷鶑語輭!夢破蝶身颺。 芍藥闌空人去,

三九

**蘼蕪徑絶情長。重逢未省在何鄉,他年應記取,陳迹在篔簹。** 

### 臨江仙

見, 暮煙無限凄迷!簾間風細送寒遅。 征鴻過盡愁難寄, 寂寥樓外斜暉。 暗燈回照, 滿林黄葉自紛飛。 纔是夢來時。 聲清笛, 空使淚雙垂! 望斷層城人不

臨江仙 六月十八日度辭

錯盌, 板閣風凉無一事, 多情計掾堪貽。 不曾腸斷月英詩。 細吟花蕊新詞。 羅衫薄薄映冰肌。 任他平望水, 白照野鴛飛 桃應妝半面, 柳要學雙眉。

越布手巾金

### 臨江仙

鏡裏, 樓外輕雷驚倦夢, 黛痕如學眉尖 **脂茸濕柳欲齊簷** 水紋簟上涼添。 起來欄角御新練。 晚風吹不散, 妝襯 斷虹 彎蟾 還拂樹, 斜照正

一烘簾

隔岸煙巒來

### 臨江仙

欄外落花池上絮, 年年苦怨春風! 繁華如夢易成空。 斜陽情脈脈, 流水淚溶溶! 春自難留人

### 臨江仙

易達, 秋 愁心望裏頻加。 夢如煙吹不散, 翠帷還被曲屏遮。 絲絲裊川天涯。 玉簫淒咽是誰家?樓高人更迥, 遥憐深夜月, 猶自照庭花 燈影隔窗紗。 浪説柔情容

### 臨江仙

雙舞燕雕梁 夜波紅多淚, 如金閒夢隔金堂, 三秋庭緑迎霜。 猶憐明月好, 遠懷 無事不凄凉! 長為照流黄! 窗深聞 暗雨, 樓迥見斜陽。 卻想小姑居處,

信阻, 秋 料應一倍悲悽!飄零從此更無期。 盡空山 臨江仙 誰念我?對燈自寫新詞。 凄凉終是爲相思!一 聲孤雁過,

魂銷心未死,

難慰箇人痴!

寒雨入窗時。

漢浦經年音

秋深人意先慵!寒花一簇小牆東。 憐他憔悴日, 猶自學春紅!

煙鎖空庭苔滿院,

臨江仙

秋

海棠

曾記春殘花

臨江仙 秋柳

見處, 往日風流何處是?斷橋斜照寒煙。柔絲歷歷轉凄然!獨將摇落感, 勞伊苦致 纏綿。 如今憔悴有誰憐?西風偏有意, 吹恨上眉邊。 分付與哀蟬! 記得春閨相

臨江仙

那 應空説相思。 夜雨秋魂頻斷, 最憐幽夢覺來遲。 夕陽孤影空歸。恨深愁淺兩難知。小樓人静後, **殘燈留冷焰**。 還照淚雙垂! 疏幕月明時。 若道此情誰解?

蝶戀花

復暮, 憔悴自臨流水語, 欲爲人留, 可惜留難住。 浣了啼痕心更苦, 莫把年華, 流向天涯去。 人間那有重逢處。 往情深憐已誤, 天涯更有天涯路。

嗚

咽

如人朝

蝶戀花

霧隱文窗星隱樹,縹渺痴魂,記得當時路。夢裹年華容易度,

醒來纔是天初曙。 百計思量原

三三

已誤。 欲不思量, 卻又無情緒! 莫道此情無處訴, 有人更比 農辛苦!

蝶戀花

用聚?獨自凝思, **簟冷樓空風暗度。殘月淒涼,** 祇怪相逢誤。音信也多難訴處, 到曉穿疏幕。 若使嫦娥知别緒, 夢魂更是無憑據。 分光好照伊人去。 既解離多何

蝶戀花 中秋日卧病懷人不至

縹渺。 常恨秋多明月少, 期約雖佳, 變幻仍難保。坐掩雲窗燈悄悄, 幸得團欒, 卻被浮雲燒。 今夜清光應到曉, 任他簫鼓街頭鬧。 祇愁不向人間照。

目斷寒空心

蝶戀花 七月二十三夜紀夢

暗砌。 漏盡香沈, 夜秋寒人未寐, 帳掩簾垂地。 弄影疏螢, 相見依然如夢裏, 來照涓涓淚!萬種纏綿無好計, 可憐别去真容易!

高樓一

樣傷憔悴!

落葉驚風飄

蝶戀花

刻意悲秋原已誤。

臨水登山,

總是傷情處!彩筆空題腸斷句, 人間自有愁無數! 鶴怨猿啼朝

復暮。 卷新詞, 半得相思助。 客恨深時秋又去,羈魂覓遍天涯路!

### 山花子

兩難忘。 未到分攜已斷腸,多歡多怨是清狂。 已是清秋還寂寞,恨茫茫! 直到而今翻念舊,枉思量! 水盼蘭情何處覓?羅屏鏡檻

### 虞美人

前遊如夢誰能記?回首空流淚!朱顏那得似從前?惟有秋光依舊自年年! 天涯縱有知心侣,

虞美人 二月二十四日復偕旭初出 不解憐唧苦!夜長人静酒初醒,萬境蕭條何處訴深情?

太平門,繞隄至蓮萼洲

曾映雙鴛迹。 尋花細履湖堧路,紅亂芳洲樹。東風微起碧波間, 疏狂不減少年心,明日重來未到緑陰深。 不道監陽時候卻輕寒。 香臺千繞憑誰惜?

### 虞美人

魂銷夢冷心難定, 恰稱深秋病。 夜長人倦一 一燈青, 祗有瓶花和影伴伶俜。 多情留得微驅在,

三四四

憔悴原無悔!遥憐卿意比儂癡,千萬無聊不肯報卿知。

# 虞美人 辛亥九月作

何况曾相識?如今清淚枉成絲, 前遊幾日成秋夢, 贏得新愁重。獨攜短笛上空山, 無奈楚天秋色十分寒。 無情也應相憐惜

秋螢冷,苔階寂,畫扇輕羅無力。深樹月痕微,掩昭君怨昭君怨。如今清淚枉成絲,空説别時容易見時遲!

微,掩青扉。 草際暗蛩凄斷,夜静薄寒難散。寥

### 木蘭花

落更伶俜,夢初醒。

别品後雄心還自訴!天涯惟覺夕陽多, 平生好作悲秋句, 辛苦填詞嗟已誤! 此意茫茫成獨喻! 誰憐飄泊向江 関。 魂斷故園無覓處。 霜華鏡裏應無數,

### 木蘭花

多情衹是傷離別, 相見何因愁更切。 誰知情重即愁多, 若是無愁情亦絶。 開簾卻見團欒月,

三五

又恐冰輪還易缺!可憐圓缺似郎心,願得清光常皎潔!

### 月中行

客意飄煙。重城漏盡轉凄然,淚落五更前! **簷牙墮月照無眠,幽恨省他年!瀟湘衹在曲屏間,** 夢斷已涼天! 誰家倚閣吹横笛?聲未歇,

### 生查子

江上採珠還, 初見秋波瞥。 問得莫愁名, 便是愁時節! 默默又依依, 羅帶頻拈結。 無限此時

### 生查子

情,

後日和伊説

波, 辛苦誰能問? 江南秋夜寒, 夢遠闖山近。 潮水送愁來, 中有多情信。 相思怨已深, 相見還添恨!獨自履風

### 採桑子

無言自下香階去,

涼月徘徊,

花影微篩。

露浥蒼苔濕錦鞋。 含羞迎夜知誰俟?城漏頻催,網

户虚開, 只有疏螢相伴來。

採桑子

訂來期, 誰能零落隨風雨?分付游絲, 儂比啼鵑一倍癡!

**繁**上空枝,長作愁紅也不辭。

明知斷夢終難續,送得春歸,

强

採桑子

息誰傳?燈黯羅屏一惘然!

新詞寫遍蠶綿紙,

寄向誰邊?私恨縣縣,

人與秋蟲共不眠!

幽蘭泣露香猶在,

抛卻涼天,

消

採桑子

辛亥七夕

别休嗟!素女姮娥不及他。

星河誰送微雲度?望斷香車。

離思偏賒,

採桑子

雙璫尺素知何處?梁燕空還,

門掩重關,

鏡裹眉痕月一

彎。

三二七

良會堪誇, 小

珠佩輕摇帝子家。 青天碧落長相見,

有情何必長相聚? 紅淚欄干,

兩

採桑子

當時誰信相逢誤?贏得悽迷, 慧絶成癡, 訴與秋風總不知。 而今重訂他生約, 瘦骨成灰,

紅

浣溪沙 宿村店 淚長垂!未必心堅願總違!

荒驛鳴蛩伴客愁, 殘燈清簟一宵秋。 夢回疑在舊時樓! 簾動乍聞 金屈戍, 枕低遥見玉雕鎪。

當時未覺是綢繆。

浣溪沙

暗砌蛩休月色黄, 團林露漾浮光, 秋魂禁得幾分涼! 綺席凝塵人寂寂, 玉璫緘札恨茫茫!

重韓幽夢最無妨。

浣溪沙

六曲闌干繞閣深, 鑪香初燼幾沈吟。 樓高長得接秋陰。 四角盤周當日字, 枝釵寄此時心。

浣溪沙

高樓西畔又斜陽! 鳳紙殷勤索報章,

新來情緒那能詳?寒雲江月兩回腸!

心苦厭看團扇字,

晝長空費小鑪香。

浣溪沙

小閣蕭晨病不勝,

宵微雨嫩涼生。

那能還聽墜梧聲!

漫惹篆煙牽斷緒,

空翻蠹札問前情。

今生幽恨幾時平?

浣溪沙

煩伊低唱我吹簫。 長劍飄零緑鬢凋,

衹憐幽恨未全銷,

清狂那覺是無聊?

已自蕭條成獨往,

何妨相對共蕭條!

浣溪沙

夜秋風萬里寒, 所思遥在碧雲端, 不堪飄泊又摧殘!

簾密惟應星暗入, 樓空一任月低看。

三二九

生愁珠淚濕闌干!

浣溪沙

相思相怨總相關!

秋 盡王孫去未還,

靡蕪不耐暮山寒。 儂今欲採畏摧殘!

經歲遠書疑似裏,

宵幽夢有無間。

浣溪沙

月冷湘蘿秋恨生,

哀蟬落葉怕重聽!

浣溪沙

西風吹散舊時情。

人間何處問深盟?

獨向瓊臺棲甲帳,

曾無鈿合報傾城。

流水有情長向海,

又將離恨度今年!

西風吹夢總如煙。

絲魂銷盡在秋前!

誰信飄零是宿緣?蕭蕭客路夕陽天。

浣溪沙

幻出優曇頃刻花,

斷莖零葉委泥沙。

多情枉是損年華! 已分纏綿成結習, 好將憔悴作生涯。

三三〇

#### 眼兒媚

今生一誤爲知音, 空説結同心。 他生休誤, 情緣斷續, 還費沈吟! 行雲朝暮長相接, 猶自悵

眼兒媚 庚戌七夕

難尋。

自從别後,

纏綿憔悴,又到而今!

深盟!西風又起,秋河不動, 露寒香濕夜無聲, 細語禮雙星。 空照雲屏。 神仙 有分, 便教淪謫, 絶勝無情! 去年今夜無窮意,

眼兒媚 赞梅

誰慵?最憐遥夜,寒香飛盡,煙重庭空?

天教冰雪護姿容,

幽意冷邊濃。

孤芳無語,

自然高潔,

不愛春風。

眼兒媚

秋清人静掩孤幃, 蘿碧見依稀。 金環結願, 玉簫吹恨, 枉是分攜!

彎蛾月來相照,瘦影爲

曾與證

人間桑海須臾變,

遺恨更

= = = =

誰知?累他腸斷,霜寒早别,花好歸遲!

#### 唐多令

蘭, 初心總未寒。 高樹早涼還, 對西風遥計平安。未必重逢真絶望?只不是, 渠荷開又殘。幾分秋已是淒然!惟有夕陽紅可愛,人去後, 舊朱顏! 好憑欄。

楚澤憶幽

菩薩蠻

曲欄干外樓陰直, 垂楊低蘸清漪碧。 風輭夕陽天,花隨人上船。 畫燒忘近遠, 歸去清川晚。

窗迥不知層,依稀簾内燈。

菩薩蠻

春夢太悠揚、帷飄聞暗香。 苔痕緑入深深院,娟花影共斜陽轉。 風蝶自成雙, 飛來黏紙窗。

簾低常礙燕,

欄外游絲輭。

菩薩蠻

秋宵夜夜風和雨, **殘燈孤影添悲緒!何術懺深情?牀頭金字經。** 

飄零空賸我,病與秋俱可。

更莫羨生天,分離總可憐!

菩薩蠻

料得更傷心,魂飛關塞深!

**凄風吹葉蕭疏響,** 

獨眠人在高樓上。

簟冷意如冰,

摇摇秋夜燈。

曲屏何限恨?人遠瀟湘近。

菩薩蠻

宫門漢月隨人遠,

衰蘭浥露如波眼。

玉樹與瓊枝,

繁華殊昔時。

何事向瀟湘?龍沙非故鄉。

河瀆神

木葉下空山,

誰知人意闌珊?多愁偏是怯秋寒,

西風又入簾間。

斷雁不傳書

二字,

争識新來

情思?拼得兩行清淚, 爲伊終日憔悴!

太常引 自題小像

仙心俠意兩難平,

例化幽情。

塵海任飄零,

更休問他生此生!

濃香引夢,

寒花伴影,

到處

南飛憐渴雁, 新恨湘篁見。

三三四

總淒清!虛願慰伶俜,莫輕遣愁醒恨醒!

#### 太常引

不分明。更聽懊儂聲,好證取深情淺情!

紅樓燈影最亭亭,

樓外有繁星。 遥夢竟無成,

但自覺秋清夜清!

無端幻想,

無憑密意,

兩地

荷葉杯

癡願更纏綿,他生長住有情天,衹是暫無緣!

誰遣今生虚度,相誤!密意索誰知?從今多是斷腸時,

相見也無期。

不道華年損盡,

愁恨

荷葉杯

咫尺隔蓬山。最憐孤影逐燈遷,回首是簾間。

褰幌愁紅相映,明鏡。

人在畫樓深。

羅衣還被曉寒侵,將息更無心。

昨夜横波遥望。

惆悵!

浣溪沙

預擬良辰有勝遊, 風情争肯爲春羞?便無佳伴也登樓。 平旦行雲成好夢, 開春白日照離憂,

衹應名酒發清謳。

浣溪沙

起看斜月向簷傾。

萬感如潮不遽平,

挑燈倚壁待鷄鳴,

寒威破户恰三更。

浣溪沙

黄竹歌成尚有情, 瑶池誰見許飛瓊?筵前彷彿記幽盟。

青鳥信乖添别恨,

金釵恩重是前生,

憐君憔悴爲傾城!

浣溪沙

珠簾下後斷知聞。

舊夢高唐覓斷雲,

鏡中眉黛遠難分,

幽篁留 淚待湘君!

吳市蠖蛦難再贈,

海南玳瑁總輕焚,

浣溪沙

酒凍頗黎散綺筵,

燈光深夜比珠圓,

漫將餘響托雌絃。 舊夢緣屏香冉冉,

頗恨苦吟將睡擾, 尚謀沈醉與愁争,

三五五

新痕着袖淚涓涓。

今宵惆悵似當年!

#### 虞美人

眼見山川改。 斜陽冉冉空山冷,賸得凄凉影。哀鴻南去不堪聞, 憑誰呵壁問青天?更勸仙人留命待桑田。 腸斷蒼梧何止萬重雲! 如今好夢真難再,

#### 虞美人

惟有長相憶!秋殘夢覺一傷神,萬事蕭條有恨向誰陳? 征鴻自向瀟湘去,不爲愁人住。空山誰伴過黄昏?好就紫蘭香徑與招魂。

天長路遠無消息,

#### 虞美人

消受愁兼病!卻從何處着思量?祇恐他生緣會更荒唐 幾年離別他鄉見, 分外添淒戀!別來消息又茫然,

但有愁心寄向暮雲邊。

如今已分凄凉定,

#### 虞美人 聞雁

燈昏雨暗聞孤雁, 何事多清怨?人間離散最傷情, 此去天涯空作斷腸聲。

錦書經歲無端的,

#### 三三六

望斷南來翼。 誰知 樣惜分飛, 有意憐君還自不勝悲!

#### 虞美人

别恨傷鸞鳳。 **癡蠶作繭絲難絶,** 彩雲飛去更無踪, 香燼爐灰熱。 回首蓬山似隔幾多重! 如今相見已無緣, 翩 得 回追憶 悽然!

驚風

吹

散瓊樓夢,

#### 六幺令

燈照晚, 回頭淒黯, 畫樓人去, 定有淒清笛。 愧作飄零舊詞客! 誰報愁消息?平蕪遠黏天際,巧擬海波碧。 忍教岑寂, 遥想繁**櫻**水際,十里穠英坼。 春期損盡, 卻是而今最相憶! 恰正殘春近了,好夢無端的。別絃離席, 陌上傳語芳華, 更與何人摘?若待華

#### 六幺令 和清真 病

暗

籬邊客杳,應惜無人對叢菊。 塵初斂, 孤館嫌 秋 燠。 重陽竟無風 登高休望故國, 雨, 試把吳山 日落雲遮目。 沐。 還恨佳時病久, 怊悵老去難留, 負卻鄰酷熟。不 願服藍田玉。空道悲

三三七

須

逐

秋易解,卻唱思歸曲,良辰遥卜,明年須健,自起持尊向花囑

## 江神子

閒來偏引舊時愁!兩眉頭, 江 楓落葉送歸舟,擬淹留, 無限秋。 望蘋洲。無奈離煙恨水共東流!燈火孤城笳語咽、殘醉在、 斜日浮雲, 西北有高樓。 千頃滄波今夜夢, 蘆漵畔, 伴眠鷗 下簾鈎。

#### 江神子

案頭以瓶供黄梅, 幽蘭伴之,

水仙亦將花矣。晴日欣然爲賦

風! 幽 天涯消息任輕鴻, 香冷 鹽乍相逢, 小齋中, 寄無從, 書融融, 佩仍慵, 只祝韶華, 種清癯, 修潔最相同。 長駐漫成空。 試看凌波還可賦, 也算安排金屋裏, 休 懊惱, 和窈窕, 謝 助 東

## 滿江紅

春穠。

彩箑雲窗, 少年 事憑誰與說?又還是堆盤筒粽, 楚鄉時節。 桃印乍懸應辟惡,蘭湯浴罷渾忘熱。

未 但 回菰已老, 高歌一曲望湘 梅風纔 人 到 心悽切! 蒲堪 折 衹涼蟾 長 命縷, 縷似當時 曾爲結; 輕 柔腕, 情懷别! 真疑雪。 Ĥ 榴裙 題後,

信音都絶!

黍

夢

洞仙歌 古林寺

兩 南 三間, 朝空 寒雲落葉, 夢, 更檢點琴書, 殘照蒼茫, 認城西荒寺。 好成鄰 多少 里。 樓臺問誰記? 幾度徘徊到鐘起。 爲語此-歎焚林劫火, 中人, 畫裏生 遮日兵塵, 涯, 休 辜負山 渾未料, 林 城 江上青 市 試 結 Ш 日猶是。 個 茅廬

1. 木製製養 女月葵里

洞仙歌 重過神武門詠荷

妝 舞衣寒易落, 爲君留, 凌空萬葉, 怕一 紈扇秋多, 夜西風, 訝重來依舊。 看花人瘦! 何處哀絃又輕奏? 雨 破圓 痕翠瀾皺。 秘殿映深渠, 暗塵稀, 試檢啼珠, 恰 好羅襪徘 芳流 徊, 澹, 凝望杏, 題紅應負 魂黯江 妃 待 强整殘 去後

浣溪沙 社稷壇晚坐

社怕森森待晚青, 池蓮的的迓秋零, 亂蟬殘日更園情! 燕去有時還故殿, 鴉飛何意度嚴城, 送

浣溪沙 擬南唐中主

此情終擬付游絲!

斜日簾攏燕子

飛

雨晴風細落花遲,

晚來寒重怯單衣。

樓迥不妨芳草遠,

院深空任碧苔滋。

浣溪沙 春晚自貽

始知春晚勝春初。 鍾阜雙鬢畫怎如?當窗脉脉笑窺書, 緑陰紙閣一廛居。

臨砌愛看花結子,

卷簾喜見燕將雛,

浣溪沙

翠匼江樓四面天, 曲闌移影下湉漣, 更添眉色到窗前。

愁來人去各經年!

浣溪沙

窗暗時聞語細禽,

簾開暫得見秋陰,

檐花落盡晝愔愔。

撥賸鑪灰猶有熱,

衰柳正隨官路遠,冷楓遠迓夕陽鮮,

飄殘鄰笛不成音,

四〇

問題遂幹也無心。

剪歌子 游法净寺,從功德林還,舟經長春嶺作

他年天許作吳儂, 汀畔遊戲白,波心一寺紅。輕艘歸去溯尖風, 日擬拏舟來往蜀岡東。 如此川原未信畫能工。

**殘照彌堪戀,清游不易** 

#### 西江月

備。

都非。 憂國性能痛哭。 任從萬事與心違, 思鄉無計遄歸。 一眠不須辭費 一身多累遁難肥, 垂老堪傷瑣尾。 病裏醇醪乏味, 愁中好景

# 西江月 水仙

宵分**₹**一生原不識紅塵,寂寞從他笑哂。 漫笑著根無地,生憎弄蕊因春。 梅花已覺是高人,更比梅花清峻。 愁入瑶花歲晚,

寒生緹暮

#### 戀繡衾

仗醇醪沈醉未醒。 闌風長雨獨閉門, 訴不盡悲秋意,對深宵燈焰自熏。 理煙殘, 還校舊文。摩倦眼添閒悶, 下窗帷天氣近昏。 夢情先與羅鞇冷、

# 戀繡衾 春日經淮上感憶

紅樓絲管經巖停,黯垂楊,闑畔自清。夢不過横塘路,無線常

# 風入松 夜憩酒爐感舊

甚春來難寄燕翎。 綺情共年光换,

映清淮,

愁見鬢星!

送芳塵腸斷去萍!

桃根雙槳知何處?

難忘。 今宵槐徑好追涼, 人静酒壚旁。 十年幽夢隔扶桑, 銀闕路迷茫! 胡姬綽約知人意,向瓷缸頻注瓊漿。蠻語參軍尚憶, 釵頭雙燕飛何處?歎尊前幾换紅妝!歸路星河耿耿, 鞮 芬平子 添人

#### 風入松

無限思量!

前此際,正偕癡梅寄跡滬濱夷落中。歲月遷流,悲歡變七月十二日,病少間,攜筇出東郊展眺,忽億六年

頹陽將恨到孤城,官道少人行。 幻, 獨行荒徑, 追感華年! 衰柳寒蟬, 數絲病柳無生意, 似並助余淒抑也 更堪消幾度蟬聲! 疏草正和煙淡, 微雲欲與

111 T' 凝 華節 激最 堪 驚 依 售 歎 於伶俜! 綺 疏 此 H 如 天遠. 映 心頭歷 1 文編 秋 眼 無多 衰淚,

還途

脆與飛

岭!

風 入松

爛斑! 清霜 佳 夜菊花殘, 期 H П 盼 刀 **晨起怯衣單。** 環, 誰 與掃 眉 征 八鴻更向江 彎? 層隆 江 南路, 初散斜 萬 陽 里雲, 晚, 倚高樓空數欄干。 萬里闖山。 錦幄銀筝凄斷, 沈醉如 何 便 羅襟粉 醒?宵

來不覺秋

寒。

淚

調 歌 頭 五納 首凉達 曉始 眠 醒 後因 書所 得

水

朝 霞。 登 樓遺 暑氣遁 凉 夜, 何 往 月 照 萬 幽意浩 荷 花。 無 涼颸 涯 催睡未肯, 思芳草, 悲落 坐 到 葉 玉 繩 歎 斜。 **於浮槎。** 任 閒愁甚此 羅 幬 蚊 宿 都斷 要 一聽江城 客子乍還家 雞 唱 東向 但

華。

切

世

南 爲 形 何 ¥. 揭 勤 翠, 綵 佳 親蠟展, 俠在 便 縱令塵 織回文錦字, 塵 表 遠慮尚嫌 盈 范 相 望 甑 多。 渺 安穩過 煙 下漫停 波 前 有 年 梭 惜 尊佳釀。 往 蓮漏自 H 枌 未飲已宜 間 幽 栩 咽 諦, 1 歌。 足 無 良 婆娑。 表亦 夜又虚過 正使二豪侍側, 無 高 遮 堂 明 鏡 珍重 無過 螟蛉 長 照 蜾 E 嬴 顔 酡

寧問

若

見 子

月

願 吸

H

長萊

三四四

不言 回。 微 香 何 梁燕也驚 冉 冉, 起, 細 路 獨 花底共徘 行 來。 徊 柳下 輕 風 疏星入, 拂 養, 凉露 權 當 泫, 掛 冠 宿煙 釵。 開 況 有 姮 宵 娥 清 流 影, 思堪 賦 似 破 抒 幽 寫 人 岑 阮 生懷 寂 到 莫 曉

問蟬今鶯昨, 儘伴長松 横石 俗客漫相 猜。 有酒 Ħ. 棋 酌, 鋪簟近莓 苔

似 衆芳蕪。 西疇早穫, 俯仰終宇宙 三秀亦堪 閒便北窗 採, 不樂復何 議晏孰華予 高卧, 如? 緑樹繞 得知千載蠱 ? 丹廬 售 Ш 鄰好 好、 事, 未歸 不煩買, 況有古人 隱, 二仲 書。 欲維 須? 日 不恨蘭寂蕙替, 相 呼。 江湖 翻 戀魏 闕, 只恐化爲蕭 公子豈 艾, 非愚? 容易

何

對 人 妍。 故鄉 黄篾簟, 左 右清風 炎晝 至, 客思更 A. 生寒 條 然 當門 ! 片山 興 枝 色 事、窮通感、付 送緑到簾 蒼煙 前。 ! 只待驕陽 昨宵圓 月 西 已缺 斂 好 是餘 勸 子. 酲 惜 析 流 恭 年。 庭 種 卉

得 蘭苔 不 採, 採得芙蓉難寄, 此 意頗 堪 憐 ! 吟 能獨怊恨 翹首 碧雲間

#### 水 調 歌 頭 留 赤

緑陰 肥。 春 水客, 寒 鶑 燕亦怊 雨 苦 更祝春 悵 節 序 在 又 樹 Ŧ, 將 底 累拼 移。 能 北 有 盈卮? 幾 多花 春 解 天定從人欲, \$ 事, 應爲 已逐 我, h 騚 去遲 馳。 杜宇枉催 遲 落 盡 歸! 留得 穠 桃 姚 益 紅 幾 朵, 病 起 伴 獨 我照 來香 清 徑 漪 驚見 只

## 念 奴媽

要花能款

常

57

羡

酒

倚 樓 無語 ıE 西 風 凄緊, 頻吹衰草 明 月多 情仍 照 我, 分得 清光多少? 笛 裏殘 臀 欄邊墜葉

泣, 晌催人老!前塵如夢,舊愁終是難了! 空費淒涼懷抱。 悲久成癡, 别多轉怨, 已自羈旅無聊, 卻向阿 誰告?嚴城迢遞。 飄零有恨, 可堪消息仍杳! 況被柔情繞。 遥夜孤吟還暗

# 念奴嬌 月夜太平洋舟中

湧起波間月。 海天如鏡, 瓊田千頃, 暮煙施斷縷, 廣寒深浸宮闕。 隨風還滅。 遠舶微燈三四點, 遥指天際神州 念情凝望, 摇影纔明仍歇。 惟 有青餘髮。 列宿光沈, 宿燕眠鷗驚醒 潛虬睡穩,

憐我悲歌難徹!駕海樓船, 回思應是, 未抵舟如葉。 江潭春夜,此時知更澄潔

#### 浣溪沙

清波照影可憐紅! 悴葉驚秋不耐風, 飛來閒砌伴吟蛩, 蕭條身世最相同! 尚有芙蓉能耐冷, 幽情還向冷時濃,

#### 浣溪沙

蛾粉零星帖畫屏, 輕身滅影尚關情, 深宵意緒倩誰明? 翠幕生波衝 瑣户, 寒燈如水漾殘更

西風巧作斷腸聲!

浣溪沙

清曉妝成蠟燭啼, 傷心第一是潛離, 從今魂夢互難知。 豈有錯刀酬遠道? 更無青雀寄微詞,

不成相見枉相思!

浣溪沙

飄零猶幸有卿憐! 明月無情獨自圓, 羅窗流影照人眠, 卧看銀漢數秋天。 珍重微生酬摯意, 搜羅 幽恨付蠻箋,

可憐長是逐征蓬,今生無福再相逢!

别後淒涼惟自覺, 秋來蕭瑟與誰同?

追思前事竟冥濛!

辛苦留連總爲儂,

浣溪沙

減字木蘭花 山居秋夕

空山明月,

樹聲人影皆蕭瑟。此夕遥思,除是哀鴻不得知。 秋光千里,問誰唤得香魂起?十

三四六

欄干, 祇恐羅衣特地寒!

減字木蘭花

説相思, 兩地淒涼各自知!

虚房燈影,

落盡秋花人未醒。

不肯思量,

夢裏何緣亦斷腸!

風寒露冷,

此際夜長樓更迥。

空

減字木蘭花

意朦朧, 夢未成時已曉鐘。

低鬟一笑,

無限深情待相告。

婳眼斜明,

密帳香微燈焰青。

秋宵寒雨,

滴碎芭蕉妨細語。

兩

減字木蘭花

愛飄零, 寄情何處?落絮游絲春欲暮。 尚有殘紅苦待卿。

断夢無憑,

水去雲回恨不勝!

花影過明窗,香縷穿疏幕。 ト算子 庭院深深睡起時,

天涯人老, 寄語歸來須及早。 莫

三四七

人比東風弱。

柳絮倦難飛,

榆莢輕還落。

燕子

來語畫梁, 似訴 春躭擱

歸

念奴嬌

油; Ш 兜率, 算相逢較易, 勞生已了。 密怨潛離俱不誤, 誤在當初一笑。 花落經春,

角脂雙沈香。 只待心灰形槁。 誓言雖在。 幕裏微容, 冬雷夏雪難保! 扇頭詩句, 一任肺疾纏綿, 淚珠零亂,

, Eg

轉覺銷磨好。

萬種淒涼無可

萍

浮甚處?

見即添磷惱。 夙緣千劫, 懺情今日還早。

長亭怨慢

望欄外遠天衰草, 無限芳菲,一時銷歇。

人去樓空,乍逢歸燕對悲咽!昔年閒恨,

而今别, 癡

羞與暮雲親說。

愁多淚少,

又分與西

懷

更切!

風黄葉。

問斜陽底事悤悤?便了卻一天秋色。斷霞無奈多情, 大好秋光無人管,傷心時節。 凄絶!旅愁難訴處, 留照晚山明滅。

長亭怨慢

[n]

何許秋光看遍, 最愛無人, 夕陽庭院。 被酒登樓, 倚歌垂淚意何限!緑蕪將夕,

空凝眺長洲

三四八

吟件。 死。 慎莫久憑欄, 更不奈荏苒年華, 别恨恐寒煙搖散。 任黄葉西風催晚。 日遠, 但曠野蛩聲, 算舉 頭能望, 如答離人悲惋! 卻是故山尤遠。 還鄉夢短,

也休想天涯

長亭怨慢 連夕卧病書懷

漫覓少年心, 料平野秋光將遍,最怕登臨, 算總被驚飈吹散! 念遠, 獨局深院。 縱千程萬驛, 澹月窺簾, 未抵玉京尤遠,哀時鬢短,只一室商歌無伴! 早涼侵簟夢無限!昔曾行處,愁一例荒苑。

倩誰 問閱世銅仙 任塵劫悤悤頻换。 賸永夜挑燈, 還共鳴蛩悽惋!

渡江雲

暗痕新舊, 今欧郅寒花。堪悵是秋來還去,秋去向誰家? 燈 唇人伴影,倚風悴葉, 斷斷斜斜。 宵一度思量慣, 攜夢向天涯。 算衹應愁做年華。 夜長房静後,冷月移隂, 驚嗟!遥村雞唱,近榻蛩鳴, 天又曉, 悄悄度窗紗。 門前滿樹 降鴉。 助愁多難卸! 寒風漸緊, 珍簟角 想從

迷神引

烽火驚心江關暮, 舊國尚迷歸路。 空城澹日, 更遲遲度。 念漂浮黄塵裏, 恨誰訴?危堞悲笳,

好

Ш

隱 河 和 愁語 都非 故 嗚 ! 池 咽 神 分流 州 水。 浮雲黯, 斷 腸 否? 寒鴻去。 半壁 東南, 還對宵燈影, 此錯 何人鑄?一 淚如 雨 ! 荒原西風急, 枕華胥, 真 無據。 戰聲苦! 最憐回首,

#### 摸魚兒

去年六月三日, 風雨中獨上十刹海酒樓觀荷, 行柳緑添,

蕖紅濕, 景山 瓊島, 煙樹葱蘢。 今兹追憶, 始知 春物娱人,

故鄉無此也。

寓齋苦熱, 賦此追摹, 清景已逋, 遠懷彌軫

凌波去。 遽?水天試話年時事,目斷夕陽紅處。 IE. 江 .城火雲煊午,延凉仍少深樹。低簾短榻人初困, 蟬聲送暮。 看輦道人經, 山亭鴉集, 情漫訴, 瓊島隱深霧 便再到陂塘誰伴花間住?炎蒸最苦。 清夢湖堧風雨。 歡游地, 晌尋思已誤。 樓畔 路, 愛十頃田 想水佩風裳 輕 **斎歸** 田 計何 青葢

依然好在,

輸與舊鷗鷺

摸魚兒 長春觀 度 重午作, 用去年夏日憶十 刹 海舊游韵

號 去。 度凄凉此番重午, 雖晨似暮。 正萬户傷心, 巢禽歸已 迷樹。沈陰幾夕天如夢, 羣凶得意, 歌哭隔氛霧 鳴 鏑鷩飄愁雨。 牛車 計, 深悔因循自誤! 雲外 想火照 眠 薪肌 灼何 神鬼

悲

邊? 荒江 望無津濟, + П 飄蓬何處? 卿 漫訴, 卿試念遺黎甚日能安住?人生最苦。 縱蜷屬 專 樂,

摸魚兒 吊江户 櫻花 生涯散澹、

還羨渚邊鷺

天涯 路 恨 無端送春風 爲誰 獨苦?算紙 雨, 繁櫻零墜無數! 有啼鶯, 般廢絶, 辭枝還愛隨流水, 盡日繞空樹 片也 飄 零恨, 無尋處。 儘與 卿 仰卿 已誤, 對 訴。 願莫把韶光攜往 人間 誰 解愁

緒? 他生未定, 他鄉 iE 還恐化飛絮! 擬 長 相 聚。 不 奈子規能 炉。 卿識否? 卿别後緑陰千樹都無主。 傷 離 不 語。 知

甚

處重

逢?

摸魚兒 庚申七夕和 白石韵

陳瓜 頃?已諧 還 更整?雲鬟霧冷。 舊 歎新 處 來乍就 仙 侣偏多障, 作斷腸境! 閒 静, 算别緒經年, 嬾 餘巧世人猶請。 聞 螿 訴 梧井。 秋天一 佳期 離思迥, 夜, 偶向愁中 歡恨兩心領。 鎮獨步空庭冷落銀漢影! 覺, 從此又教愁永!傷 危簷角, 還指微波炯 幽歡自省。 去景, 問誰 炯。 訝十載前 料 楀 成何待俄 天孫 誓約 頭

#### 聲甘 州

翻

聽幽窗暗雨冷侵魂, 凄然感凉秋! 又昏燈籠影, 輕飆翦骨, 辭夢高樓。 正苦愁根不去, 争道怯

又教

留 擬 他生蓬山重見, 愁有 能 消 處, 殘 淚仍 奈紫氛高處不 流 卻 通舟 倩餘 絲相 ! 梁間 繞, 燕, 怕 斷 正雙棲處, 時 缥渺 料惹 去 一難收 凝 眸 愴滄 波寒汐, 湔 恨

#### 八 聲 甘 州 賦 得 紅 葉

城 誇?想官溝佳 霞。 仗霜紅掩映晚秋天, 妝點雲生處, 多少人家。 人題怨, 帶幾分寒信到天涯! 鮮妍勝凡葩。 莫便隨風 縱臨春瓊樹, 小池上, 狂舞,看衆芳已歇, 芳華緑 有芙蓉在, 葉, 難鬭 共殿 孤 盐 年 堪 豪 奢。 雗 嗟 淨洗 向 吳 連 ir. 初落?詩思與誰 Ш 夕靄, 湧

起

赤

#### 木 花慢

盆 蘭 晚 秋, 花幽 異, 容子四 兄見 而愛之,

此詞。 容子往在燕臺, 眷陳蘭香。 自經 喪 亂 久無消

因憐芳草,

復憶嘉名。

悱恻之

懷,

庶

斯能

重遇是何年?休把幽心展 憶湘皐舊佩, 漫回蕊, 盡 繞屏邊。 可知秋冷南天! 縱解玩孤 芳, 相 憐! 移根上國, 别淚涓 消。 消息誰 情未歇 傳?飄然! 態猶 妍! 杜蘭 香 歎羈泊 去, 間 天 涯, 玉郎

倡

條冶葉,

怎抵 嬋娟?

離

煙,

洗愁 痕淨,

伴

靡無堂下記前緣。

便擬

招魂緑

畹

小

歌

曲

游

仙

# **木蘭花慢** 雨中劉生從廬山見訪,喜賦

叢柱 下山雙展, 也將開。 詫 顛 風斷渡, 猶帶莓苔。 别後詩篇幾許, 誰 逐汝, 徘徊, 過江來?算卧雨相 詠招隱士, 煩君一一敲推。 誤佳遊鼙鼓動江隈! 如, 清才! 傷秋宋玉, 眼底誰儕? 松謖謖, 欲補前時俊約, 忽展愁懷。 幽齋, 絶氛埃。正乍别 明朝試訪琴臺 下塵凝榻, 匡廬, 況留人

鎖窗寒 讀水雲樓詞,有感鹿潭晚歲事,賦此吊之

好。 擬期梁誠操。問誰澆詞客斷墳?西風暗襲紅心草。怕幽蘭白雪微辭, 算窮途意緒, 蛾眉能慰, 逝水漂花, 浮雲蔽日,暮年江表。蓬窗倚處, 便應傾倒! 閒校, 蟬殘稿。 載得青琴偕老。 歎如此遭逢, 偶同襟抱! 後來賡續少。 想箜篌怨鴻自啼, 連枝漫誓, 章洲對說飄零 愧

#### 鎖窗寒

偶折花插供瓶中,初未悉其名。女

容謂是玉蘭,喜賦此調,即用文英韵

乍暖晴雲, 初銷瑞雪, 異花新見。 梅英漸少, 幽獨卻增煩惋! 報荒更園坼素葩, 腾瓶 位置愁心

五

東風

尚早,

漫

展。 歎江鄉來晚。 衹清芬待誰共憐? 喜嘉名肇錫, 儕蘭齊玉, 小歌芳畹。 雨 籠露 浥幽懷遠。更煩他玉佩凌波,共說華年怨! 凝盼,誰堪换?任翠翠紅紅,占香瓊苑。

齊天樂 庚申除夕

柑, 江寒雁寂, 爲 添尊俎。 盃藍尾無酬獻, 芳萼憑誰寄與?孤吟最苦。 短鬢如今, 蕭齊自嗟年暮。 祭詩徒有斷腸句。 任博塞酣歌, 綵勝宜春, 瓶梅輕放素腦, 桃符换臘, 世間兒女。 空惜流光如羽! 爆竹聲中, 暗香殘燭畔, 又驚良夜午。 相對無語, 歲晚書稀 西窗舊侣。 記親擘黄

掃花游 夜讀碧山賦秋聲詞,試步其韵

師 版送, É 取 深窗夢覺, 'n 何許? 更無人語。 正屋角風筝, 借一笛譜愁, 怕繞荒庭, 還倚疏 纔彈仍住。最傷寄旅。 墜葉紛紛似雨! 斷腸處, 樹。 頻歲歸計阻, 動天涯萬感,此情難賦。漫作寒螿,畢世凄凉 況獨聽鐘鳴, 想閨中夜碪尤苦! 倍添酸楚! 暗樓邃宇。 只秋

八六子

遠帆微,

暮隂千

里,

層層掩卻斜暉。 念浦外舟人泊處, 海邊潮信來時, 悵然意違。 前塵回首

棹去, 都 非, 鳞 皓月漢皐臺下, 鳞波腾 人歸。 閉荆 涼風石鏡亭隈。 扉, 譙門夜烏又飛 總未料江頭俊游驚散, 半宵烽燧, 數聲 笳鼓, 已教颭颭旗催

惜紅衣 寄友人 越中, 用白石韵

簾 外 燕歸 别 意 驚秋。 闕 江 W 離程計日, 消 息。 遺愁無力。 狂 塵 廣 陌 縱 配倚層樓, 有芳菲, 經寒易狼藉。 沈沈暮天碧! 行瑶苦恨, 瑶華歲晚,誰寄與殊方羈客?淒寂! 去國滯天北。 浪説海桑

難遇, 偏遺 身經歷。 但 Ŧī 立噫歌就. 空羨越中山色。

賀新涼 秋恨

鉛 休 中斜陽高樓外, 遠 皆 秋 色, 算長安更在浮雲北。 向 天 涯 蕭條 萬 感, 頓傷 誰念我, 羈客。 爲 正悽惻? 問新 來南 西風 飛 雁 暗送流年急, 應憶青 蕪舊 國。 歎金仙移盤未久, 旧 滿 眼滄桑難 識。 淚

思 猶 到 此 滴 恨無 漫道銅駝今方醒, 瑞 鶴 極! 仙 己未元 H 還見長眠荆 腌 出 觀城 棘 南高樓遊人 縱蟻夢枯槐何益? 化鶴幾時仍歸去,怕人民城郭都非昔

喜椒花堪頌, 辛盤 初薦。 藏鈎恨宵短。 聽隔鄰歡笑, 雛鶯新囀。 寒梅照淺, 記年

春旛迎夜翦。

三五 五

時分柑人遠。 問誰在 暮燈畔? 試春遊一樣無心, 又殊鄉 簫鼓,催歸不忍, 衹負畫輪羅憾。 空惜塵香尚淺。 腸斷 ! 曾梯分麝, 對曲屏春隔天涯, 高閣飛雲, 嵗華宜戀。 但應夢見。 街簾

#### 解語花

英吉利人哈葛德撰小説曰紅礁畫槳録。敘一女子情死事,

閩 縣林紓譯 以華言, 亦復委曲哀艷。 往在漢上,從秋華得是書,

重爲綴 美歸 裝。 夷 復哀同病, 常日近誦, 未嘗或離。 近以綫帙脱壞,

餒

書首

有解語

花一首,

未知誰作。

律韵皆有微誤。

因

調别製。 聊詠其事, 秋華見此, 當爲淒咽也

依

似與阿儂同命! 惋 晴 漪 空自憐填海冤禽, 漾碧, 嬌郎更病, 夜夕流紅, 此恨隨年永!溟漲愁瀾無定,送虚 算往事殷勤猶省! 摇散文鴛影。淚珠沾鏡芙蓉老,誰遺怨魂輕醒?鮫宫正冷, 招桂旗巖畔相逢, 舟何處, 終是凄凉境! 奇興難並。 碎萍漂梗,乘潮遠, 收情網斷珊

拜星月慢 新秋罷宴, 有懷故國

落冰絃纔度。 静 閣 收 暄 清尊催 悄聽商音, 醉 起循廊徐步。 柳角殘 陽 欲暮 又西風, 竹枕新 凉, 乍落關山 識微醺 樹。 情緒。 堪憐我, 正初 醒 醉後孤吟處!悵望綺户 試握 玲瓏 畫扇

文窗, 擬斷 腸 前 句。 念 幽閨漸 覺秋心苦, 潬 紅 淚付 與新鴻去。 怎奈向, 水盈盈, 隔天涯路!

## 月下笛

是 夜被 酒早 卧, 醒 後月色依 然。 下步 荒庭惟 殷遐 想。

城 頭 笳 吹適動, 倍助 凄懷! 歌此一 累 不覺衰淚之浥於也

愁明鏡千古!闖山 舞。 此 月多情, 把青扉閉了, 應 無限惟秋 如 珠簾垂下, 看月, 到 那人何處? 問離 夜色仍 恨 度。 羅雌 人間 最苦, 共否?! 無 據, 只 繞空枝, 除是, 長門賦。 斷 動 續譙城 鰥 歎四屋黄金, 緒 角 荒庭巡遍仍 似和悲語! 起塵 如許 難睡 .刀環望絶, 看 衰葉隨

照 衣

亂

#### 眺 月, 和 白 石

月下笛 八月十三夜館樓

今在何許? 但玉京信遠, 月影空寒, **磁聲笛韵俱淒絶**, 疏 瓊樓秋悄, 桐細響, 露 悵望天路! 濃如 問遥夜愁腸斷否? **雨**。 懶邊雁語, 延佇, 掩 怨憑欄舊人去。 無言處。 团 後, 更照人 有代説羈心, 虚幌 垂陽卻爲相思老, 倦夢 緑衣 鸚鵡。 難 度! 西 賸憔悴柔絲幾 風萬里,

故

縷。

鄉

# 霓裳中序第

西風到巷陌, 斷續蟬聲催暮色, 微凉怯添病力。 但深閉暗窗, 愁聽蕭索。 空園滴滴, 怕衆芳容

三五八

拂 易 管塵 狼藉 多 雕 梁燕 展卷箋蝕。 不應 怨别, 寄情無使覓, 與客伴 算 孤寂 斷 了人天信 愁極 息 ! 舊盟 鐘 唱矣, 難憶。 早羽 銅盤殘苣, 迅流 光過 淚共冷灰積 隙, 悲懷 何 計自

凄凉犯 乍秋己涼,樓坐成詠,和白石

並 芳零落 溥。 梧墜葉, 奈寒煙仍添暮色, 漫擬飄蓬, 微涼早, 等風定依然滯着。 遠覽更寥漠 先驚節候 蕭索。 報山 因 柳絲漸 念鄉 中俊侣, 南 短, 好, 待 蟬 九畹 吟漸 我踐舊約。 蘭滋 倦, 怕 憑欄 隱棲真樂! 角。 金 燕歸近矣, 麗又忠, 算 恐須臾衆 羅 幌羅 衣

西河 和清真韵

天涯 路, 惟 有 秋 塵 仍 起。 登高懷遠悄無言, 舟, 送愁流 水。 併添樓迥惜 斜陽, 欄干 西 畔 孤 倚 望渚 到

際, 此境何限悲思, 叢 蘆葦, **暝色蒼茫千里**。 儘西風 添杯吹水。 思回天地入扁 衹恐客懷難醉, 鷺盟應記。 感關河歲 晚, 憶歸頭白轉淒然, 飄零未定, 獨想人間無窮 寒煙波 E 空翠 \$

秋思耗 怨别和夢窗

清影孤

燈側, 但數花猶弄夜窗寒色。 沈醉乍醒, 似聞歌管, 追惜腸窄。 記催曲 瓊筵, 四絃曾爲

訴怨抑 料 繡帷 ! 對 嬾 卸 畫屏, 妝 飾 漫彈 山澹碧 湘 瑟 恨樗燭光殘, 銀河 遥望, 路 F. 濃月, 聰嘶去, 白 ıE. 竟遺斷魂今夜, 密合雙魚, 柱叢何計飛鳳 义成 从相憶! 翼 長夕,銅壺 念倦客, 細滴。 惟自

## 尉遲杯

識

怕

卧

疾荒郊,

重城

無信

寄

得

夢隔金堂户

北。

感念兵戈, 悲吟達曙, 九月十一夜, 飲席早歸, 今忽忽一歲矣。 獨 留寓 樓 憶去年 飄零如故, 此 夜, 時 與 事 兩 H 友 #, 人自 危城 懷舊 傷 逸出, 離, 和 維 清 舟江 真

此解

意清歌 有閒鷗自卧 滄江 妙舞。 路, 荒洲 記 何時更逢君水國, 任 舸夕儀依深樹。 人將伴 歸 去 歎身世 愁聞 戰伐聲悲, 如 今浪迹天 凄凉卻共語! 涯, 空憶危城何處?多情舊友, 祇空齋夜久焚香, 還追念扁舟葦渚相 夢來猶想吟侣 聚 往 曾逐我寒宵宿 日 心 情俱零节 落 前 難寄 浦

# 高陽臺 見御渠荷花感賦

夜驚秋! 翠葉耀煙, 最悤悤, 冰華冒 笛裏涼風 水, 清香仍滿宫溝 祕殿西頭 花 **宓妃何意凌波去**, 外律 徊、 素心人在瓊樓 賸雲裳玉佩, 綃衣不怕 付與 川陽 輕塵 流, 售 夢尊前 怕 陂 塘

三五九

斜陽還照汀洲。 鬧紅 舸年時侣, 料如今獨映箜篌 莫重來, 露冷空房, 粉怯珠愁!

#### 高陽臺

眼前勝景誰酬?鸞箋枉是憑青鳥, 誤佳遊。 比户 繁燈, 也無心, 深帷花燠,新春乍減鷮裘 朱幰銀鞍, 綺陌 東頭 歎紫姑空解藏鈎! 樂昌半鏡何時合? 能洗朝程, 只 應他 吟情 獨處姮娥, 算情緣未斷, 例悠悠。 江城簫鼓臨元夕, 永照雜 不負綢 愁! 繆 漫卜金錢, 掩 軍關久

# 高陽臺 立秋前一日作

舞 又西流。 衣褪後誰收? 蟬咽 高枝, 最関心, 井上雙桐, 蛩解深壁, 紅銷翠減俱難料, 西風 一葉先休。 又拂江樓。 只從今不上簾鈎。 雕 節物催人, 梁珍重多情燕, 任他, 空勞願夏悲秋 圓到涼蟾, 算歸期已近, 暫得淹留 揮戈投杖都虚 巧到 奉牛 語, 試問 看 渠蓮、 夕陽早

#### 高陽臺

晴日烘春, 光風 轉畫, 銅瓶殘萼猶妍。 未了 幽懷 暗中又换流年。 憑誰乞與江郎筆, 寫清愁三

等閒便到 百吳蹇。 榆錢 衹難禁, 人歸漫比春歸易, 聽 雨 樓隆、 數節 燈邊 謝啼鵑苦勸歸 天涯 鞭! 芳草知 最傷心. 何意? **基** 旅病而今、 情千里, 密約從前 依 舊羊綿 漂荡韶光,

高陽臺 晚經神武門詠荷

戀朱樓 天涯重伴媽柔 Ш 影明霞, 試邀他、 夭妝點水, 紅衣卻向秋前减, 瑶席乘凉 飛塵不蘸宫溝 珠佩臨流 算怨懷空付閒鷗 江南舊 維機歸遲、 賦 H 最銷 H 凌波空記前遊 旬 凝 + 對金環皓腕, 頃微漣、 西風 片清愁! 絲鮓輕舟 乍動靈妃笑, 小 别 設夢雲猶 横塘,

高陽臺 十二月廿九日作

夢來真欲爲雲 黛難分。 飄雪犀帷, 最憂他、 停寒鴛枕, 牽牛私纖推尋遍 繡被香篝, 幾家庭院黃昏 誰與 温 間何 存? 時 詠到歡聞 盼斷 村: 旗 回 獨陸驚 ? 衹 1 傳箋不 丁寧 鴻影 - 到朱門 堂下靡無、 算衆靈雜選、 启 長伴 樓 依 末解銷魂! 蘭芬 約疏燈外、 託罷微波 似 遠 山含

#### 高陽臺

上已日襖遊昆明湖、湖上桃花盡放,折取數

枝 以 歸, 供 諸 瓶 中,珍 惜甚至。 病中 每 聞 風 市

計 湖上花飄 零盡矣 爲之惘然! 因 赋 此

禁 苑春 深, 禊遊人去, 湘桃開徧 湖灣 蚪户 沈沈, 解 東風不 啟銅環

照西山

更何

人

淺拂

胭脂,

重倚欄干?

遼陽歸信

知難寄,

但拈花弄蕊,

時憶鄉園 人間!

L

是 [n]

飄

無情只有燕池水,

一鏡中仍

如何禁得輕寒! 銷魂莫向斜陽語, 怕羅衣容易瀾煸 只 憑他, 幾片愁紅, 流到

#### 高陽臺

難 雕輪。 描 此 曉枕鵑愁, 日傷 最嫌 神! 他, 花前 午窗蜂鬧, 架茶靡, 立盡斜陽影, 暄妍天氣撩人。 空爲 人新。 有啼鵑見我沾 詩腸琴思渾岑寂 立夏猶賒, ф ! 只 丁寧, 誰家已餞餘春?閒行自是心情嫩, 問何如今 年少黄衫, 金尊, 愛惜佳辰! 醉 倒芳芮? 强 拂吳箋 況相逢彩

## 高陽臺

夜空垂。 如 今蓮漏偏 纖 月 最 摇情, 遲 輸 他, 嘶 明河鑑影, 聽不向橫塘 螢照雲屏, 微涼暗透絲衣 去, 蚊傍 維韓。 問羈懷 更有誰 玉階攜手當時 虚籟將沈, 知? 度風蘿 車聲遠陌初歸。 事, 笛韵凄清, 甚流年易 9.换 高 巧共愁吹 樓紙在疏燈外, 佳會終稀 ! 倚徧 料繡簾徹 雕欄

有託, 借問秋情誰領略?暮雨寒蠻, 相伴成蕭索 漫借醇醪消寂寞、 沈腰潘鬢都非昨! 愁腸更比醒時惡。

好句悲秋皆

萬種無聊、 不但傷摇落 秋更凄清人更弱,

蝶戀花 將去揚州重至湖上作

未歇 杜牧三生,前事憑誰說?後日風帆天畔葉, 夢魂應踏揚州月

波上殘陽紅萬疊,

小得勾留,

不負清秋節。

紀重來情緒別,

蘆花替我頭如雪!

終古雷塘流

蝶戀花

氣通帷天向曙、 挑盡殘燈,

還用添愁句。

今夜夢魂何處去?江南即是天涯路

萬種幽懷誰

露

與訴?天上人間,一樣無憑據。 蝶戀花 但使他生花裏住, 飄零不悔從前誤!

笑燈前人影共,

瑟瑟輕寒,不度羅屏縫

斗帳初垂釵燕動、

直樓今夜棲鸞鳳

嘶

騎横塘斜

三六三

月送, 滿眼秋波, 慚愧酬恩重! 睡意低迷如酒中, 孤幃明日温殘夢。

蝶戀花

細 腕 花影侵窗凉月澹, 枕上凝思, 此夜情猶淺! 冰簟無眠, 兩意循環何日斷? 静看簾波展 烏血 秋眸 啼時城漏 臠難重見! 轉, 紅巾新淚宵來染。

條脱蠻絲纏

#### 卜算子 蘭

百草總芳馨、未抵秋蘭媚。 祇有湘靈共往來, 月照斑筠淚! 騷畹替移根, 相伴唯荃蕙。 畫裏風

子細看, 不礙孤 芳意

前

ト算子 柳

何處得秋多?江上垂絲柳。 挽得斜陽否? 乍見翻疑緑勝常, 誰信朝朝瘦?不肯逐浮萍, 柯葉堅相守。 守到清

秋倍惘然,

謁金門

涼蟾小, 露重庭空人悄 炷幽香燒未了, 愁多秋易曉! 夢裏絲魂空臭, 相見歡情偏少。

長

見争如長別好,人天雙縹渺!

#### 謁金門

歸不得, 玉樹歌闡雲黑。 唤作主人原是客, 青蕪迷舊國! 望斷高樓西北, 一片夕陽顔色。

鶗

無聲春事寂,鷓鴣飛又急

謁金門

鳩

闊天長惟夢覓, 歸 不得, 愁見天涯秋色。 夢猶無氣力! 落日青山非故 或, 遠遊情惻惻! 斷雁空傳音息, 别有傷心誰識?

地

菩薩蠻

鏡裏與花前, 越 羅裙窣金絲細, 嬌容誰可憐! 行纏輕約春趺膩 微步向珍叢, 花開四面紅 玉釵香露彈, 賢畔 珍珠顆。

菩薩蠻

梨花滿地堆香雪, 池光倒映玲瓏月。 斗帳繡鴛鴦, 寒衾宵自長。 鳥 啼天向曙, 獨擬靡蕪句。

三大五

鏡裏見眉山, 春人愁未闌!

菩薩蠻

春好不思家, 文窗鏡影春星漾, 他鄉無限花 殘燈微映輕羅帳 落月掛簾釘、 嬌郎侵曉行。 銅荷紅蠟淚,

遥夜鈿筝意

菩薩蠻

櫻花萬樹籠香霧, 好春合向蓬萊度 傍晚畫燒歸, 燈繁花亂飛。 金厄留客醉, 茜袖倭娘媚

醉後更凄迷, 休歌金縷衣

菩薩蠻

春好願留伊, 如今已是櫻花節,去年已與櫻花別。 他時休悔歸! 臨去戀春光, 回思還斷腸! 雌絃金雁柱,

花底聞微語。

高陽臺

殘雪梅銷, 新晴柳弱, 郊原復見初春。 海國歸鴻, 年年輕棄遊人。如今但怕啼鵑到,

勸人歸歸

何 义 無因。 時比似前新? 更消 他幾曲清歌, 嬌紅願共春常 幾度佳辰 聚, 奈東風不肯相親 層 樓定是憐芳草, 待春歸, 望迢迢遠道, 嬾 化飛綿, 費了眉顰。 擬化香塵 衹惜朱顔,

#### 高陽臺

綻桐 攜 細履 花。 深 平沙。 巷 陽簫, 問幾 流鶯勸 人 曲 連村社鼓, 水 浮觴, 酒休辭醉, 新 襖遊節物天涯。 水煎茶? 更徘徊淡日殘霞 韶光 南國旌旗, 在 處都堪 醉歸 來, 賞, 未妨春到人家。 插帽繁枝, 況紅樓翠幕 崇桃積李看 紫 任横斜。 陌 鈿 #1 難倦, 怎得 又輕颸 雙鴛

吹

相

#### 側犯

今宵向何 君漫去, 處? 濟雲夕照留 嚴城 人住 閉 早, 急取 南浦, 歸 時 更幾日潮痕上舟步。 路。 還念汝, 冒炎蒸, 鱗波縱勝子, 魂黯更無語 **嫩續湘繫句**。 淚浥危 津鼓, 日窮江 催

# 水龍吟 白蓮

樹畫

弦月昏黄,

數聲

漁櫓

鷁,

勸

萬花無此娉婷, 接興偶向孤 山見。 結璘 小謫, 飛瓊斬障, 瑶臺仙眷。 縞袂延涼, 珠璫弄水, 喪

中游衍。 更無人覺 便配 露 渡 顔 收卻 風 輭 柳外 鉛華 眠鴛 洗 盡, 葭 冰 饭内, 邊隱驚, 越清顯 來尋已晚。 容易玉 待今宵月下, 繩西 轉, 練單 動 微波 宿 機羅 處 輕 共嬋娟伴。 濺。飄然歸去,

#### 水龍吟 秋花

風 凝誰語?歎西風摇落, 霜 凄變, 御 溝空覓啼紅, 殘花落盡秋無主。 這般容易, 幽渚塵香, 争堪 問, 天涯吟望, 重逢處? 從難 哀鴻遍地, 據 辛苦啼蛩休訴, 算娉婷片影, 都成愁侣!故國斜陽, 何 待 人爲 招魂楚歌先誤。山川紆 向, 畫屏中取? 荒城斷角, 曲 銷

休 煙 小 仲 水龍吟 遊詞 歸來何許? 凝佇, 都散, 回溯文窗共倚, 秋 日 寒檢舊扇, 美人多感 應爲袖單 摇鞭路 怨懷化作, 風冷, 見仲藤所書瑞 花陰微步, 庸歌羞舞 還見戀影斜陽。 乍扇 平無煙斂 内朱户, 人與飛 端恐鏡中朱顏, 龍吟, 花去 遺 繋魂雲樹。 跳 师 紙墨猶新, 題記 擬 説幽 憑君試 日: 懷。 憔悴非故。 春山 右詞 問 斯 頻 低幂遥青。 人已逝。 寸腸自 年 意緒 首爲暖近作, 纖 斷 悲吟此曲, 腰瘦削, 最憐芳草,迷人舊處 難 當時怨語。 翦愁千縷,春夜永。 自經喪亂。 猶詠靡無句。 以當招 人事空 魂。

更闌

仍開

疏

雨,

天濃絮。

意

思講 形 於綺羅香澤, 命 表。 旣乖, 瑟, 昨見此作, 夙心終左, 海濱飄 未必遂爲大雅所譏 泊, 亦復擊節稱歎, 縱復微吟永歎 時感前 遊 也。 自惟 矜我愚情。 季剛先生天性耿介, 祇以自憐。 情懷不深, 不圖多感之景, 惟是勞苦之生, 材智庸下, 不受世羈, 執操浩蕩, 乃得同心之友 必須排遣之術。 投 莫以來, 見 棄知 歡 然以 相忘 託 想

瑣, 又何計焉。 壬子三月 劉瑗記

喜

愀然以悲,

固知

俗士譏評,必以吾兩人爲狂佚。

然深隱之懷。

旣經共喻,

世議

瑣

茫泉路! 紅樓幽夢, 最憐 匣裏孤絃, | 数西風 断腸詞句!寫向蠻箋, 夕, 賞音去後凄無語! 蘭摧 桂隕, 哀蟬 裊, 芸香未冷, 山陽怨笛, 天涯樹。 淚痕休益。 秋來思舊, 還憶花前同步,感年芳微吟白苦!青春别恨, 想英華靡絶, 深情待訴!人事蕭條, 楚歌重倚, 當招 故交零落, 鴻賦!

# 南浦 送張君之海濱

裹堪愁絶!不信斜暉留不住, 鹽車下,任驊騮踶趺。 南浦送行人, 算炎蒸似此, 燕歌遠别! 只要揮戈情切 居 人猶 熱 哀音未放先淒咽。 何 事向天涯, 嗟予獨抱幽憂, 一劍防身君莫誤, **準不變年少飄零前轍** 歎雄心猛氣. 更漫投人 都成 黄塵未 虚 明月 説 辛苦愛微 神 州

## 西平樂

晚經玉蝀橋,見團城以北,宫觀漸荒,岸

柳渚 河, 無復生意。 西風乍過, 觱篥吹愁!

和 夢窗 西湖先賢堂詞 韵, 以寫感今傷往之懷 因

林杪輕煙漾晚, 認舊枝。 花暗水, 故國 一類陽, 憑弔廢興, 夕西風, 疏燈數點, 壞官芳草, 銅盤再徙, 人事潛移。 波間替卻餘暉。 秋燕似客誰依? 笳咽嚴城, 空漫想樓延寶月, 滄海三塵, 樹老臺平, 還愛西山暮色, 橋壓金鼇, 賸有深苔碎蟀, 盡剗瓊華, 漏停高閣,何年翠輦重歸?看殿角孤雲覆苑, 蒼翠處, 孤蓬又逐沙飛。 散影入楊絲。 叢竹殘螢, 墜梧眢井,漂 猶伴驚鴉

楊柳枝

莫辭摇落伴寒鴉, 好向江潭送歲華。 應憶春前飛絮苦, 化萍何日到天涯?

憶王孫

高樓魂斷 五更前, 刻意傷春總可憐!已爲幽情損少年, 枉纏 綿, 羅帳燈昏倍惘然!

憶王孫

緑波江上送輕橈, 爲有歸期耐寂寥 風雨凄凄接永宵!一 燈摇, 别恨終難取次銷!

#### 憶王孫

爲誰容易損年華, 春盡高樓日又斜。 祇愛飄零不憶家, 在天涯、更有閒情詠落花!

憶王孫

寒城倒影入荒陂, 官路人稀鳥下枝, **畫角淒涼此際吹!客懷悲,掩卷重尋昨夜**卮。

如夢令

樓上春寒宵重, 如夢令 壓地重簾不動。 簾外有微風, 時向畫闡輕送。 如夢, 如夢, 燈暗繡幃低鳳!

已是地寬樓迥, 那更香殘被冷!夜坐久尋思, 歸夢遠書難定。 誰省?誰省?絡緯秋啼金井!

蝶戀花

流水潺潺無斷絶,流向天涯,何止千回折?不得長留甘永訣, 可憐緣盡空嗚咽! 舊恨茫茫何

三七一

處說?暫蝕仍圓,衹有多情月!擣麝成塵香未歇, **痪魂願作青陵蝶**。

蝶戀花 江寧作

似海, 玉樹歌殘明月在, 燕子歸來, 坊陌知何代?故國斜陽猶暖暖, 潮打空城,人事年年改。渡口桃根誰與載?秦淮流水空相待! 盧家少婦愁無奈!

繡户金堂春

蝶戀花

暗别, **露下空階寒漏咽,歷歷秋星,不及彎環月。分得清光仍皎潔,不辭孤影成淒切!** 萬事難忘, 此恨何時絶?遠夢無憑山萬疊, 連環已解愁香歇 長向秋來傷

蝶戀花

自悄, **剗地殘陽,不向枝頭好**。 夜繁紅飛盡了,化作香泥,不及青春草。獨向珍叢成静繞, 願祝明年人莫老, 花魂再倩巫陽召! 别情騰有儂能道。 鶯自長啼人

蝶戀花

日日春陰濃似酒, 不放花開, 何事催花瘦?翠幕沈沈香燼久, 此中更有人僝僽! 爲問閑愁仍

在否?解道無情, 争奈當初有。雙燕飛回人去後, 曲欄無限冥濛柳。

採桑子

初 休, 幽香静護清宵夢,夢覺高樓, 一夜芙蓉淚點稠! 月上簾鈎、 只有空牀敵素秋。關山此夜同寥寂,河漢西流,

採桑子

楊花嬾化浮萍去, 憑仗輕風, 吹墮簾櫳, 不逐芳流更向東。 那知人命如花薄, 春盡無悰, 有意

憐儂,欲訴奇愁近更慵!

採桑子

遥帷未必相憐惜, 空抱香心, 月暗煙深, **臠秋眸何處尋?别前心事誰能憶?** 自判繭襟, 又到

而今,佇苦停辛獨自吟!

一翦梅 水仙

瑶草端宜種玉田, 葉已娟娟, 花更僊僊。 斑斑錦石弄清漣, 塵隱都捐, 幽意誰憐? 伴我丹黄

三七三

曲几前, 影比梅妍, 香共芸鮮。清高纔稱百花先, 且度寒年, 同迓春天。

#### 菩薩蠻

文窗明月籠輕影, 羅幃不動秋宵永。 幽夢欲成雙, 枕邊聞暗香。 醒時還似睡, 側見横波媚

子夜又鳥啼, 攜將殘夢歸

浣溪沙

簾前鸚鵡證新盟。 狹路相逢倍感卿, 畫欄同倚夜三更, 卻嫌雙影月中明。 欲訴癡懷防薄怒, 偶聞微語已多情,

浣溪沙

不恨離人恨柳枝, 柳枝惟解送將歸。 年年客路淚沾衣! 春去愁心隨逝水,夢回幽意裊游絲,

此生多是别離時!

浣溪沙

兩地淒涼共一秋, 燕雲楚水各凝眸, 夕陽無恙照高樓。 雁足幾時來故國?蛾眉何事怨靈修,

三七四

朝朝添淚助江流!

浣溪沙

望赊翻覺是無情。

欲藉柔情度此生,

錦長書重語丁寧,

衹憐幽意總難明。

莫遣秋風悲畫扇,

空教深夜掩雲屏,

浣溪沙

佳期仍是夢中過。 **썣有微涼接簟波,** 羅屏無睡意如何?而今已自覺秋多。

最恨簾痕妨皓月, 長勞鏡影照明河,

解連環

月窺人,對衰翠怨紅,雁邊秋色。夢裛嬋娟,早魂嘶玉京天北。儘哀蟬韵咽,數和李孟符,用夢窗韵。孟符詞曰:萬愁紆結,漸黄昏盪暝,暮寒無極。正倚樓涼 總成追憶。年芳自憐浪擲。又霜前細菊,潘鬢添白。戀危欄一角斜陽,試西望

盡

墜歡

三七五

渺

故 Ш, 亂雲擬碧。 擬 於託微 波, 趁雙槳 滄江煙汐。 怕西風夜長露冷,甚時 寄

歸夢 傷 心 獨迷南北 暮陰猶結 抹遥 Ш 帶 衹佳人望切, 1: 疏樹斷 西樓眺遠 煙, 做成淒碧。 漢浦雁稀, 怨懷何極 感入蒼茫, 枉勞相憶。 算楚鄉還隔寒雲, 試付與空江潮汐。賸襟間淚珠漸冷, 年華正驚易擲。 更楓林露落, 怕蘭惠變衰,頓成秋色。 烏恨 歲晚關河, 問誰見得? 頭白!最

#### 壽樓春

去國已將一年, 故鄉秋色, 未知何似。登樓眺遠, 萬感填匈! 古人有言,悲歌當哭,

望遠當歸。無聊之極, 賴 有 此耳

秋在天涯。

怎奈鄉關千里,

人間 時還家?想故國衰蕪, 何世? 看微陽西斜, 海桑堪嗟!涼露下, 倚層樓醉起, 長亭舊柳、 滄波退, 惟有數行鴉。 澹一江凄凄蒹葭! 推蓬奮。 但遥想蒼茫, 斷雲猶遮。悲寄旅, 思年華, 驚塵沙。 聽寒風野哭, 招魂 路赊, 荒戍清 愁轉 加! 笳 問浪游何 换盡

#### 芳草渡

客意嫩, 漫盡日招邀, 舊時 遊侣。 甚曲房閒眺, 沈沈自掩秋雨。 誰解離 思苦? 聽纏綿低訴, 夢

鬢絲易碎、況宛轉天涯愁緒!雁陣没,但見狂蘆倦舞。 斷岸潮生, 一棹催去。 休顧,水程潮遠,霧靄煙橫迷去路!静追想,藏鴉暗柳, 重來認門

採桑子

上成秋, 青鸞漫報愁消息,儂已多愁,儂已多愁,分得愁多更不休! 暗雨微燈共一樓。 簾垂枕冷遥相憶, 心上成秋, 心

採桑子

竟飄零,便是飄零也感卿! 今生未必重相見, 遥計他生, 誰信他生?縹渺纏綿一種情! 當時留戀曾何濟?知有飄零, 畢

採桑子

西風一夜凋庭樹,燈照孤幃。 遠道魂歸,心未成灰骨已灰! 研丹擘石天難問,回首堪悲!奢

望全非,化作孤鸞鏡裏飛。

## 採桑子

自凄凉, 天涯不覺春將暮, 遠堞平湖映夕陽。 辜負年光,

無限思量,

縱不登臨也斷腸!

酒醒卻上高臺去,

滿月蒼茫,

獨

採桑子

馬嘶 陌上秋塵重, 行迹難尋, 不耐蕭森, 蟬帶斜陽過柳陰。 簾波微羨闌干曲, 慵説登臨,

淚

浥羅 襟! 昨夜孤幃有夢侵。

浣溪沙 二首同況夔生題朱淑貞小象

誰寫 春風入畫圖? 詞 仙玉貌費臨模, 而今還解 断腸無? 織錦回文原有恨, 行雲入夢竟成虚、

枉教交甫憶明珠。

閨秀工詞有幾人?當時漱玉信無倫, 清辭麗句好爲鄰。 泳絮才華輕謝女, 彈琴風調笑文君、

柳梢誰見月黄昏?

# 浣溪沙 頤和園

欄人去恨茫茫! 湖上遊仙迹未荒, 波瑶水浸回廊, 隔隄鷗背帶斜陽。 拂面不嫌垂柳弱, 湔裙疑 有落花香,

倚

**鳩天** 和淮

海

階下寒螿窗内聞, 燈花紅帶舊時痕。 佳人一去難重見, 夜夜相尋惟夢魂。 憔悴久, 嫩持尊,

誰憐孤館易黄昏?城頭露下人聲斷,落葉蕭蕭深擁門。

鷓鴣天

衣聲屐響有無中。 簾卷高樓曲未終, 夜來孤館魂空斷, 秋街露冷月如弓。 别夢何曾到繡櫳! 卻憐橋下無情水, 猶得依稀照玉容。 歸路遠,

起秋風,

菩薩蠻

繁霜故國烏頭白, 楓林月落關山黑。 金屋起秋塵, 思君惟舊人。 御溝流水咽, 腸斷東西别

三七九

翠輦絶經過,游魂深夜歌。

菩薩蠻

金銀樓閣排雲見,人間桑海須臾變。化鶴也思歸,

輸他丁令威。

霜華飛點鬢,

容易雄心盡。

不見去年人, 秋花空自新。

菩薩蠻

江楓紅冷秋垂盡,魚書遠寄天涯恨。 憔悴不關秋, 非秋還自愁! 危欄空倚遍, 此恨知誰見?

回首是長安!斜陽惟獨看。

減字木蘭花

**惜飛花,枝上明年再見他。** 人天如夢,良因須自今生種。 鈿合釵分,但肯纏綿好報恩! 多情薄命, 别來空向殘春病。 莫

減字木蘭花

壯心銷盡,

惟餘幽恨鑴方寸。 塵海漫漫,暫得相知是宿緣。 輕顰微歎, 當時知有無窮怨。

## 壽樓春

銷春來閒愁,倩爐邊舊侣,花下新謳。更愛松間油壁, 春日屢陪同社爲後湖之遊,詞事雲起。伯沆曉湘皆拈此調見示, 柳陰蘭舟。非故土, 聊復和之 何妨留,

笑半生渾

繁絲縈樹, 斷紅隨流。 鶯意嫩, 鍾山翠暖,連日幾番遊。 **鵑聲稠。近夕陽還凭西樓。** 空懷遠, 便籠燭歸遲,瓊筵更謀藏酒鈎。 增離憂,儘蕭條杜若,誰採芳洲?又見

如沙鷗。

但小渚漣湉,

六隗 向島 觀櫻

已難蹤跡。終不奈一片華燈照晚, 飛花仍急,向東風似泣。淚與芳流遠,還暗滴。 幾番追憶?斜陽染就嬌紅色,嫩蕊纔舒,殘英旋積。 對蠻花進酒, 又恰是殊鄉寒食。 萬枝岑寂。 願花散愁, 無聊處復待誰惜?算斷魂儘有相憐意, 回頭縱念孤客, 悵穠華易盡, 愁多花未識。 幽吟衹成悽惻!怕鶯癡蝶 落去無力。 問去年香夢, 緑波無 怨, 極。 共憑夜汐。 休更攀折。 賸 仙雲渺, 脂 零粉,

費

#### 慶宮春

樓接重陰,

窗鳴疏雨, 鄰簫又送愁聲。 花影留屏, 波痕縈幔, 蕭條庭户初扃。 鏡中臨晚,

三八一

颦眉停繡, 鬢傷離減青。 寒宵應怯孤燈。 黄昏遥雁, 飛向南塘, 夢來無定, 尺素無憑。 更魂隔垂簾幾層?當時何事, 無言暗憶娉婷。 迢遞青門, 空贈瓊漿, 惟見高城。纖指添爐 須怨雲英

浣溪沙 題憶雲詞

宛轉柔情絶妙詞, 華年銷盡鬢如絲, 淒涼惟有自家知。 欲遣勞生須有託, 爲秋士便宜悲。

憐君蕭瑟不同時。

浣溪沙 贊小象

倩影亭亭意態真, 世間何物比豐神?從知難得是佳人。 空谷紫莖香耐雨, 疏枝緑萼净無塵

不同羣豔鬥穠春。

浣溪沙 蕭寺夜作

殘燈清磬易回腸! 頂禮空王一瓣香, 死生流轉費推詳, 愛河覺路兩茫茫。

但得團圓甘墮落, 爲他懺悔更思量,

## 浣溪沙 贊梅

慰藉梅魂有暮寒, 翠苔深護小闌干, 劇憐幽獨待誰看? 不向春風求管領, 好和明月暫盤桓,

淒涼分定更無言。

浣溪沙 江干卻寄

江上回頭有暮霞, 生憐珠佩委塵沙, 個人瞬息即天涯。 萬里雲羅空有雁, 三春風絮本非花,

攤破採桑子 題舊藏時辰表中所嵌小象

憐儂未了更憐他!

誰能紹?種向都梁, 梅妝礬色無人學,只伴冰霜,合受淒涼,晚節還堪殿衆芳。也囉!真箇是意難忘。 恨滿瀟湘,好續離騷詠國香。也囉!真箇是意難忘! 蘭情蔥性

琐窗寒

醉起無聊,餘寒未息, 嬾窺朱户。 花飛 向晚, 更灑 一天靈雨。 想西城去年燕來, 對人也作纏綿

三八三

换

1 語 當時 奈水鄉久客, 鴛侣。 感飄零空數歲華, 難尋幽夢, 自憐 短歌怨曲還念否? 職旅 ! 春暮,閒行處, 算澆愁但 有松醪, 記茜袖瓊枚, 盡日開 個人十五。紅顔易老, 尊 俎

#### 蘭陵王

海波碧, 天遠垂 一空漾 色。 危欄 外, 仍見片帆, 載了斜陽 返鄉國。 簾前燕似 客, 還識,分飛可惜!

江關去。 應倩塞鴻, 來與羈人伴岑寂。 連宵夢難覓, 況雨上高樓, 風送涼汐。 孤燈孤影摇長夕!

寒煙裊娜秋無力。 將一枕清怨, 數年悲感, 似别恨繁繞, 哀音零亂付鄰笛 舊懷牽織。 悵然淚輕 滄溟迢遞, 滴! 倦望 眼。 追憶, 自歎息! 但悽惻 更獨倚浮雲、共羨歸翮

阮郎歸 代題閨稿

真珠 密字詠芙蓉、 簪花書體工。 還將女史媲飛龍, 八分師蔡邕。 賡楚賦, 續鄘風 ,新來貽管彤

**魯魚訂罷萬珠紅,粉香盈卷中。** 

#### 大

又碧梧凋, 西 風 晚, 秋滿江 頭城郭。 鳴蛩催織罷 遠磁聲飛度, 數重簾幕。 簟浥文波, 燈垂冷

環看 髮鑷 來紛 晦朔, 孤館偏嗟離索! 落 但長送流景填哀壑。 聽蕭瑟鐘鳴 雕梁 曲 紅襟燕, 雲海 悲思, 儘换替霜 報歸期 轉近, 前征雁,露下寒鹭, 都付回腸 素書須縛。歎天末凝情, 綿邈。 病懷倩誰遺着? 好年華暗中銷卻 夢中尋路,信音空託 料到傷秋客, 添蒜

浪淘沙慢

澹盈 爲説, 色。 睫。 憑一片雕心, 小庭静, 斷腸久從今休怨別! 歎夢裏難尋舊遊地, 風 欹細草, 飛度重煤。 露染 這宵怨卻恐相同, 徒令怨魂絶! 漏聲似竭,空照人幽恨, 殘 葉 荒壁蛩鳴乍歇, 淒切! 燭焰滅, 遥天雁 最憐路遠 鴉啼曉樹愁時節! 簷間斜月! 語 山豐。 IE. 咽。 又帳冷衣寒相思處, 待 猶記尊前哀弦裂, 獨閉窗儱 還 自怯 難忘意幾番 悄悄良夜 斂珠淚黯

#### 秋千索

更誰 庭空春小人閒後, 相就 瞑 幽 花 正驀地難忘時候。 徑 寒, 奈 並立東風意共癡, 幽花瘦! 悔未遺微辭逗。 苔痕歷歷還依舊 祇

六醜 Ξ 過 神 武 門 憶荷 花 有 作 孤影

向

人比

又金屬散晚, 訝一 頃紅香輕擲。 鏡空靚妝, 流光如迅翼, 覓夢無迹。 更過 疏疏雨, 權歌聲渺

三八五

墜旅魂江國 小風欹幀 嘶蟬初寂, 因追念十里横塘盪槳, 但官梧自碧 塵沙委佩留芳澤。 眼底雲波遠 燕繞 醉餐頹側。 池 亭, 無信 息 鷗翻 無聊意莫付涼汐。 燕臺倦倚吟客, 水陌。 飄零待誰 憐惜?縱鮫珠 **褒亂絲寸藕**情長在, 向殘霞悵望, 驛程何 泣 盘, 柳 何時 人 似 斷得? 荒渠暝 天 隔。

#### 夜半樂

吹簫去 酌 析鈴淒語 已是花稀, 春醪, 暗 丟 暗 漸散天半, 哈愁賦 素衾空疊, 乳鶯啼苦。問春色飄零向何處? 沈沈日夕, 歎楚峽迢遥更無路 香篝未暖, 寒意生庭户。 夜長和影相 想行雲朝暮自 偎, 漫獨 淚痕枕畔點點 亂愁千縷!念繡閣深盟竟誰 向 回廊, 有神仙侣。 流連私步。 ! 别鶴慵彈, 簾半卷,隱隱瞻鸞馭, 翠蘿升壁, 病鸞羞舞。 主 蒼苔掩徑 乍箭激 倦旅 露寒清影 酸 惟是悶

風, 樹頭

#### 蝶戀花

别 緒, 衹 育住春衣, 有朱顏留不住, 不伴春來, 指引歸來路。 有限年華 卻解隨春去。 誰與度?斜陽又向天涯暮 垂柳年年空作絮, 飄 ! 零不戀無情樹! 好倩游絲牽

#### 蝶戀花

擬伴嬌魂花裏住, 稽首 東皇, 莫放花飛去。 清曉開簾鶯亂 語, 穠香 夜歸 師何處? 重 到 尋芳前

日路, 點襪香泥, 撲袖濛濛絮 滿眼淒迷無限樹, 緑陰雖好知誰主?

蝶戀花

欄外斜陽春欲暮,寸寸游絲, **嬾繋柔情住。浪蕊浮萍成短聚,相思祇有沾泥絮。** 萬種癡懷誰

與訴?雙燕飛回, 不道新巢誤。 静壓重簾香不度,珍啼付與芳流去。

蝶戀花

又是斜陽催客去, 衰柳寒蕪, 細認同來處。 滿載秋情兼别緒, 無言自向天涯路。 不恨飄零無

與語, 祇怕多情, 更爲儂辛苦。 水遠山長從間阻, 人間遥作傷心侣

蝶戀花

芳草青青來去路,

玉勒雕鞍,

猶是前遊處。

望裏章臺還恐誤,

垂楊不是當時樹。

酒浣愁腸愁

不去,春夢迷離,化作漫天絮。 行到天涯春又暮, 爲儂辛苦遲回住

鷓鴣天

淡淡斜陽曳醉天, 綺樓絲管正清圓。 華燈翠箔邀聽住, 人語車聲隔巷喧。 春碗晚, 月嬋 娟,

三八七

蕭娘雙袖六朝煙。 微波小艇秦淮夜, 曲霖鈴憶去年。

鷓鴣天

燈前殘淚點離襟!祇愁秋盡歸無所, 蟋蟀空階帶冷吟, 微驅努力振微音。莫嫌淒切妨君寢, 簾外清霜每夜深! 聊語秋來一片心。 隨落葉、

偶寒砧

林葉將風入夜闌,流螢近扇復飛還。馬聲隔巷華燈散, 鷓鴣天 人影空房短燭閒

鷓鴣天

更無幽夢過屏山。

紅樓卅級知何處?只在煙淒月皎間

讀書搜句總無功。 紗厨竹枕桃枝簟, 略有凉壓便不同。

盡日紅雲灼碧空,護簾不覺好陰濃。柳絲裊裊高樓外,

雌鴣天

攬鏡猶欣鬢未華,不妨概落作生涯。 祭詩酒熟勞人喜, 壓歲錢多稚子譁。

添蜜苣,

照梅花、

無限恨,

倩誰寛?

揮箑倦, 劈瓜慵,

荷蓋亭亭夕照中。

## 泛清波摘偏

和 晏幾道韵, 用萬樹説, 分四段。 晏詞空把吴霜鬢華句, 無誤字。 詞譜於霜 下横

增一點字,不可從

草。 平野蒼蒼, 空倚孤篷未眠,淚凝清曉! 金樞影小, 羈恨更難禁受了!歲月悤悤, 緑綺光沈,江上繁舟詩意好。 俊游杳, 自别蘭情見期少。 珠佩舊日浪投, 夜涼人寂,縷縷輕颸送潮早。 瓊臺甚時重到?且向滄波叩楫, 綺懷渺,長路尚隨去萍, 清秋道, 明河耿耿 短鬢漸如衰 玉瓶堪

#### 三姝媚

倒。

楊竫方自宋埠來訪, 留宿。話十二年前之遊,達旦不寐。 感賦此曲

紅桑栽徧。夢境覭髳, 流光真易换,歎相逢先驚,鬢顔都變。 輕被瓊臺曉風吹散 海國前遊,賸鑄思詞句,對君重展。水弱蓬萊,應未信 春恨人間何限?縱解惜殘花,翠陰愁滿。璧月仍虧,

但舞容歌態. 賺人悽惋 嬾覓神方, 知此後情隨年遠。 算有銅盤蠟淚, 深宵共濺!

#### 六醜

歡悰未歇,奈霜痕苧髮。俊侣攜遊處,懷抱别。年芳又過鹍鴂。漸街塵倦步,露寒侵襪。銀花燼, 細車聲絶!不堪問玉殿秋期, 映五雲高揭。驕嘶實馬香韉熱。 正涼霞紺海,漏瑟轉西風微掣。小山桂叢,留人香半滅。卻值佳節。曼衍魚龍戲, 剩了舊官新月。 絡幕傳籤, 淞波 頭纈,迢迢蜃樓仙闕。聽嚴城 簫管,一 清商怨休唱白雪。 待夜闌更續傳柑夢, 紅華恨結! 霎吹徹 萬枝旛影,

#### 生查子

天, 目斷江頭樹! 行纏 約雪趺, 巧 作凌波步。 本爲覓郎來, 不道郎先去。 蘭红深夜花,

將別情難訴。

樓上曉寒

生查子

瓊漿解駐顔, 自向明星乞。 不待枕中方?已愈纏綿疾。 香殘尚 有痕, 絲斷難成匹。辛苦上邪

三九〇

生查子

總是宵來淚! 燈痕淡著花,霜氣寒侵被。

多病轉偷閒,

領畧相思味!

有情空寄書,書好才須費。密字似珍

珠,

小幌隱微燈,花瘦疑無影。

不知人意深,

但覺羅衣冷!

細細度春宵,

往事從頭省。幽夢苦難

成, 漏盡和愁醒!

生查子

Щ, 不用紅牆隔。

自結菖蒲花,

賸擘秋蓮菂。

相思君不知,

相見終何益!

怊悵紫鶯飛,

漫報愁消息。欄外是蓬

生查子

紅影上春衫, 花落東風急。

簾外是斜陽,

人傍斜陽立。

三九

春去不關情,但爲卿卿惜!啼損杜鵑

蝶戀花

辛苦恰如春後絮,化作浮萍,不悔飄零誤。百計留君君不住,人間那有重逢處?

玉白蘭芳誰

山花子

肯顧?一笑紅**樓,侵曉嘶驄**去。錦瑟年華容易度, 連環漫解愁無數!

纔有夢來還又斷,恨悠悠!

冷雨將寒度畫樓,殘燈無焰照新愁!銷盡羈魂人不覺,

是深秋。

半晌似聞孤雁語,

夜長風細響

簾鈎。

山花子

聲寒!爲有遥情倍惆悵,淚闌干!

**悴葉飄幃夢已殘,層陰祇戀小樓間。** 

縱使秋光無限好,

與誰看

前浦潮生帆影静,

長天風緊雁

山花子

林際疏梅谷底蘭,

多情長是耐清寒。

化作優曇何處覓?太無緣!綵縷那長能續命?瓊樓端合小

三九

游 仙。 蘿帶桂旗皆寂寞, 下空山

#### Ш 花子

琵琶。 夜 愁共柳綿飛欲盡, 東風放萬花、 曉 來人隔緑 向天涯! 窗紗 卻 怪春光太漂蕩, 到 農家 但 有香臺巢翡

翠,

曾無

茜

袖 拂

四 和香 移床 憶半 屏

淒涼影。 乍拂 凝塵 欲把禪機銷此病, 長簟冷, 夜向 空房 知 舊約、 永 無由 飲不能酣終易醒, 整 經歲 事 勞追省 深幕

燈明

鳳頸

照我

蘇幕遮

低翠袖。 燕歸 時, 帥 衹有眉峰 去 後, 薄薄 密鎖還依舊

紗窗

縷鑪

煙

透

翠幕

低垂

微 風

雨

添寒,

花與人俱

瘦!

蝉雲

展盡蕉心情未逗

树 新

地春 病酒

樣多愁否?

鬟,

南 樓令

湘

月照黄昏, 湘筠浥淚痕! 熱心香刻意招魂。 清漏漸移環佩查、 望銀漢, 有微雲

綵縷

織回

文 荒郊阻白鱗。 攬幽蘭猶賸清芬。 倘爲飄零憐渴雁, 漫長是, 断知聞

南鄉子 重贊小象

信離魂解見投。卻買沈香熏小象,綢繆,也算重逢在畫樓。見影已知愁,憔悴豐神鏡裏收。獨立雕欄應有恨,遲留,

祇恐羅衣不耐秋。

相對久凝眸,

翻

南鄉子

去華年更不還。 祇恐明年清鏡裏, 春雨一庭寒, 幾片嫣紅傍畫欄。 朱顔, 爲怕幽芳零落盡, 不似枝頭此日妍! 重看, 縱在枝頭也可憐!

人意太闌珊,春

清平樂

**畫簾垂地,一一娟花墜**。

細雨不禁蕭瑟意,

郤把碧苔輕洗。

暮寒庭院沈沈,

雁聲時度樓陰。

幽夢驀然驚醒,

香濃語膩,

略解悤悤意。

人静秋街風細細、

清平樂

怊悵兩人空醉。 滿堂燈影揺紅,回思卻是朦朧

三九四

#### 清平樂

贏得萬千辛苦,都緣一刹那時! 一枝片玉,相見清江曲。柳似垂鬏花似肉, 正是秦娥十六。 春來秋去相思, 人間天上無期。

清平樂 辛亥中秋山居憶舊

欲奏招魂楚些,空教恨滿衰蕪! 酒闌歌歇,已是無期别。今夜愁心何處説?一 樣清秋明月! 滄桑祇在須臾, 而今意冷人孤。

清平樂

儂比秋花命薄,誰憐獨自凄凉? 寸眉兩葉, 禁受愁千疊。 幽意纏綿 無處說, 但有魂銷心切! 更深月過回廊, 照見秋花斷腸。

#### 蘭陵王

遠煙直,

芳草連天自碧。 高樓外, 飛盡柳綿, 獨倚危欄望春色。 飘零念故國!還惜,風光伴客

三九六

思曲 春期 幽吟處, **碗晚情無極** 榭 斜 分付 照 片帆遥 斷愁, 料 隔帳聞 浦 應及游絲漾千尺! 空將離夢滯舊驛 雨, 背花摇笛。 芳華去無迹。 相思何限? 怕 回首 江北 恨漸永, 漫酒勸金巵, 悲惻 淚白滴! ! 寸懷積 絃怨瑶席。 向别館 年年羈旅過寒食。 傷酲、深院愁寂

# 西子妝 二月二十三日同社集北湖祠樓感賦

閒愁未斷。 比當時醉情終淺。 汀草緑齊, 凭曲欄, 井桃紅嫩, 共説尋春非晚。 殘陽看倦。 訝瘦楊如我, 倩誰慰天涯心眼?待重來, 難招鶯燕 偶來高閣認前題, 歎昔游歲華空换。 追歡宴, 又怕 卻恨 東風, 平蕪絮滿 攬起花 一片。酒痕惟解漬青衫、 滄波淚濺,算留得

#### 華胥引

定,任怨歌盈箧。 羈客天涯, 澄江 似練, 乍逢清景心怯。 明 秋遠瀟湘, 月 如煙, 岸楓墜葉。 素心空寄三疊 雙鬢飄 蕭,便重看鏡中休鑷。 夜宿孤篷, 叢蘆隱隱聞雁唼 古歡新 恨 獨 何時輕 有潭曲漁歌, 量細閱 ? 和櫓聲伊軋 荏 **苒歸期難** 

## 憶秦娥

春歸 了, 楊花飛 盡鶯兒老。 鶯兒老, 樓高 畫永, 簾低人悄 酢 蕪枉是王孫 草 天 涯望 一極愁難

到。 愁難到, 遥山暮靄, **瞑隄殘**照。

添字採桑子

誰憐?自惜流年,又是黄昏新月影, 斜陽祇向愁邊好, 催老啼鵑,烘遍飛綿,一 照嬋娟。 片緑陰遮不住,

小樓前。

回欄倚遍空惆悵,此意

情向愁時重,緣從想處深。 南歌子 幾年遥許是同心,

南歌子

侵。

新來消息更沈沈,

不信夢中啼笑也難尋。

何事一

回相見一沈吟?

帷薄防燈映,衣輕怯露

此生幽恨本無窮, 寶 匣 收殘黛, 羅衣褪舊紅。 分付深情流水共朝東! 幽花無語夕陽中,

引得春愁一片墮簾櫳。

同。

南歌子

襞錦 難成字,

拗蓮尚有絲。

遥情絶勝乍逢時,

衹是新來愁緒少人知。

鏡檻花頻落,珠簾燕暫 三九七

微意何曾達?離愁暗許

窺 無端惆悵損春期, 誰信一生憔悴爲情癡!

菩薩蠻

垂柳 曲欄東, 嬌柔耐曉風。

簾痕微疊波紋漾,濃香静裊芙蓉帳。

明月透窗紗、空庭正落花。

春威臨夜薄,

未肯侵羅幕

菩薩蠻

繡户下 葳蕤、

子規啼罷春無迹,煙蕪自向天涯碧。

塞上雪如花、

春深休憶家。

鮫絲紅淚染,

夢斷孤幃掩。

梁空燕子飛。

菩薩蠻

紅樓深夜春妍暖, 香燈未灺羅幃巷

簾迥

不知寒、繁紅一夜殘

菩薩蠻

月暗更籠煙、 宵長人未眠。

流鶯清曉語,

庭際飛紅雨。

緑窗煙月明。 鬢雲朝矮墮,

繁花飛盡春將去,

垂楊暗碧迷歸路。

好夢最難醒,

鏡裏眉雙鎖。

三九八

羅 袖淚痕殷, 春殘人未還!

#### 菩薩蠻

柳絮滿江飛, 閒潭花落流 歡心能憶誰? 春 去, 夢回 明月低朱户。 雙燕宿 梁間, 恨長宵未殘 ! 兒家臨漢水,

歡住長江尾

丹鳳吟

裏年光老, 餘寒衾薄。試把來書細展, 已是青春將半, 算朱顏空好, 絮影翻窗, 空易銷鑠。 暗損佳期, 桐陰侵閣。 幾番 風 雨, 還念人在天角 殘紅無賴, 日日 生愁花落!更恐人歸, 飛過數重垂幕。 漫記别時意緒,近來料得情倍惡。 欄干倦倚,掩關尋夢,静日香 春去了, 淚涔涔盈握 醉

滿懷遠恨, 知是誰見着? 微,

聲聲慢 友人畫梅蘭共一幅屬題, 用夢窗賦四香韵

寒林疏影, 騒 畹 孤根, 幽芳書卷初逢。 樣娉婷, 冰肌洗净塵容。 人間 萬花齊放, 好年華偏讓

三九九

四(()()

問

雙

蛾

晨

東風。 妝 今爲誰 緊相依, 濃?仙 施紙應耐 誤多情蜂 冷, 蝶, 紙上 鬭 嬋 娟不 春空。 在 青紅 猶記 相思遠道, 清 致悄 對銅檠香裊夢中 寄天涯 近消息, 江燕邊 ! 鴻 爲

#### 霜華腴

未遂,

夢想徒勞!

奉

和

関

用堅夙

腳

大 鶴詞 師 以舊作 懷夢窗楊柳閶門故居之作見示。 遭亂飄泊、 久有適吳之意。 扳 纏

客風前。 山丘零落, 客愁歲晚, 歎金閶改盡繁華, 傷心付與吟箋!墜楓夜船, 悔漫游, 蕭條總爲儒冠。華屋瞻 南橋西館總荒寒! 料月痕依舊娟娟。 鳥 秋色尚餘揚柳, 空林 巢 燕, 等他 風 時賃舍皋橋、 换斜陽 塵 寄迹 幾 應難 度 旅懷 雅詞 夢冷 還再看 枯 Ĥ 蟬, 寛, 舟 弔 壑潛 售 時

#### 浪陶沙

移詞

佳期 如今情緒更淒 已成灰, 密誓全非 迷。 春事飄 高樓簾影隔燈 零人 漸老, 垂。 空 賦 倚遍危 微辭 欄渾 不覺, 暮 雨 寒時 宋玉在 牆 西 頻誤

## 好事近 秋蝶

簾外十分秋, 曉夢 淒迷時節。 分 得幽 情 半, 有飛 來孤 蝶。 誰 憐憔 悴 向西 阑 身更輕 如葉!

## 好事近

繞閣是秋山, 獨倚斜陽一 面。 又是西風催暝, 問銷凝誰見? 秋山遮處是天涯, 遠思知何限!

漾作寒煙無數,向天涯不散。

好事近 秋曉聞笳

凌曉舣樓窗, 眼看蒼浪天色。 門掩千家沈睡, 但縱横阡陌。 空城笳吹轉喧鳴, 聲遠藉風力。

漫把胡沙寒意,向蕭條江國。

一絡索

西風蕭颯衹成秋,漫瘦損, 倚遍危欄將夕,遠情脈脈。隄南衰柳已微黄, 天涯客。 便旖旎, 知誰惜! 無限山程水驛,

滯君縱跡。

倦尋芳

玉梅詞隱有鶯啼序一闋,婉麗幽惻!

#### 無端。 因題一 解其後, 用 君特韵

見。 醉來問看。 念鴛盟, 售堂罷舞, 悔連環頓絶, 舸西施湖上去, 新壘 分棲, 寸蓮輕翦 春歸留燕。 吴宫回首菱歌斷。 逝水年華, 更訴與尊前幽怨, 最傷心, 誰認畫中 夢回. 人面? 遮面琵琶, 鸞柱移徧 時, 花落空憐芳塚在, 彩雲須散! 萬頃桑 柳飛還 田 向 幾度 長隄

## 綺寮怨

更青。 上清, 萬舞鈞天沈醉, 摻過在, 但自 傷去國經年, 九 月朔日 有誰聽? 劇憐人尚醒!訝往日玉樹銅駝, 淞濱賽會,都人出遊廠門,獨吟和清真此 雄心損, 身閒羨人觀賽, 鬢額霜易盈。 漫怪我, 最多情 興亡感便到新亭。 悵望故國幾程, 狂塵滿城, 佳人信斷, 遲遲殘陽欲下, 黄昏

獨

坐處 何須

偏淚零! 報瑶瓊?鼓 荒原外一

再

髮

## -梅芳近

急江 Ш

河 漸落, 秋月 清, 銀箭已催曉 待重來, 秋花好, 院寂 意難忘, 級微涼到 夢倦了, 葉摇虚響, 柳緑門 露浥蒼苔 前道。 暗螢照。 天薄霧, 簟摇燈焰 數點疏星掛林表 細, 扇拂 羅 。淚痕猶滿臉, 紋 小。 看

短語偏縈抱

但愁幽信杳

## 南鄉子

得殘紅帶恨 晴 絮化雲飛。 回。 莫道幽棲成分定, 樓 外斜陽燕子歸。 低窺, 炷 盡沈香人已倦, 却怪雙鴛在繡 幃。 深閨, 擬把開情付與誰? 春盡不勝悲,

拾

## 望江南

添香罷,

寫恨向雲箋。

腸斷

可憐無好句,

幽情宛轉那

能傳?

寫罷轉淒然!

相望處,

燈影畫樓

前,幾日暫來還暫別。所思祇在一城間,未信便無緣。

端正好

料

秋心幾

多幽恨,

並付與香殘

燈燼。

不同

春意好飄颺,

但一念繁方寸。

鬢雲 縹渺 天難問,

算

衹 有微驅堪殉。 更無希望更無愁, 縱萬古雙心印。

### 滿宫花

柳微黄, 蟬未歇, 已是可憐秋色! 煙痕又向柳邊多, 柳外 彎微月。

四〇三

儘蕭條,

無處説,

獨伴

寒蛩凄咽。 不堪摇落向天涯, 更值清秋時節。

朝中措

風伏雨送殘春, 朝來還餞花神。 深閣掩孤嚬。弱絮已隨流水,

落紅更化香塵。

無情百舌,問花不語,空惜

闌

佳辰。

收拾今年愁緒,

暗因幽卉憶嘉名。 爲盼江梅計驛程, 浣溪沙 題畫 對花忍俊愧飄零!小窗横幅寫寒英。 梅

萼緑華來無定所,

薛靈芸去足深情。

江上蕭條獨舉杯, 夕陽依舊照樓臺, 楚天人去不重回。 高柳西風蟬已歇,

寒蘆秋水雁初來,

浣溪沙

危欄何意久徘徊!

浣溪沙

落葉還能繞樹飛,

宵微雨便成泥。

飄零何惜淚沾衣!

斜日有情人易老,

南雲無信雁空啼!

和南唐中主

四〇四

秋來新恨有誰知?

浣溪沙

鏡裏清霜點鬢華,

可憐秋老不還家,

更無靈藥駐年涯。

好夢最妨深夜雨,

多情惟愛夕陽花、

飘零心事總堪嗟!

浣溪沙

不妨身世兩悠悠! 暫熱仍涼恰是秋, 微陰終日幂高樓, 更無心緒憶遨遊。

> 偶得奇書消永晝, 强尋閒事祓清愁、

**卜算子慢** 和耆卿韵

無人知道新來意。甚咫尺長安夢杳,便音書空寄! 年華易老。舊歡今後難繼! 長天過雨,餘照弄霞,野闊亂山横翠。遠客情懷,到此更悲秋氣。裊殘蟬自咽西風裏。 故國三千里, 但惹恨寒煙, 送愁流水!酒薄樓危, 凭徧畫欄十二, 悵荏苒

四〇五

也

#### 風 流 子 和 清 真韵

寸懷空繾綣, 仍是舊約西廂 晴碧滿春塘, 寄托與絲簧。 知否怨魂, 花飛倦, 宓札未成, 如今卻傍誰 燕子語斜陽。 篆煙衝幕; 行?算暗樓曲檻, 正深閣繡餘, 變歌纔 乍開朱户: 闋, 長繁别夢; 清淚浮觴! 晚妝匀了, 斷襟零袂, п 遥盼 思潛離地, 猶帶 紅牆。 餘 香 難忘 自别 還 有見 處, 後,

探春 雪中感懷 時,

别時容易何妨?

彭蠡歸鴻, 統干凍雀, 飄零同感時序 蕭瑟關河、 嚴凝天地, 望裏難分吴楚。 休説氛霾静,

海岱猶多烽櫓 寒侵重甲, 郊疊還催鼙鼓 最憐越使梅殘, 三峽江 征人消 息誰 流 咽 付? 問 蜀客船 此際羈愁重否?正野哭千 回何處?應羨羣鴉、 家, 長得安巢枯樹 聲 動 蓬户。

風掣

旌 怕

宿酒

旗

薄還醒 遠夢輕猶記 小苑與高樓, 總是難忘地。 春物自己 懸心, 不解 愁人意

飛絮落池

塘, 盡化相思淚!

酒 泉子

燈暗香銷,簟冷帷虚人悄。

夢難成,

涼月照,

度秋宵。

寒螿自向苔階泣,

夜風筝急。

更無

眠, 紅淚濕, 滿輕綃!

小重山 二月二十五日寒食遊高座寺

梅陵留廟祀, 也崔巍。 野棠如雪落還飛。 南朝夢, 例付斜暉!

違,

馬腦岡頭石徑危,

寂寥高座寺,

掩禪扉。

種松幾度旋成圍。

人何在?

春物鎮芳菲

!

青史 事多

小重山

炎威不到處, 晝宜長。 人間地迥足思量。 送荷香。 攤書罷, 招燕伴虚堂。

缸,

北牖

微風近隱

蹇,爐薰纔歇後,

更煩庭樾蔽驕陽,

簾波定,

緑影映衣涼。

凍耐且盈

點絳脣

樣嬌紅, 枝頭不及釵頭好。 春光未老, 無奈人歸早! 暗碧凄然, 卻把珍叢繞。 空閨悄, 鵑

四〇七

## 點絳脣

堪摇落, 秋應憐人弱!

**怯露疏螢,暗飛微鑑羅帷薄**。 孤眠難着, 況是遥砧惡。

幾夜西風,萬態皆蕭索。

愁難卻,不

點絳脣

檢匣得舊扇,尚未書字。扇爲蝳

吟班扇,

淚與殘蟬泫!

**蠀**甲玲瓏,幾年厘裏愁輕展。 聚頭人遠,辛苦知誰見? 蜎骨,癡梅所贈也。

濃笑書空,曾傍柔荑腕。

感賦一

闋,

即題扇上

音塵斷, 忍

點絳脣 元夕先陰後睛

點綴微雲,素娥心事原澄朗。 萬燈陌上,一鏡人齊仰! 綴玉窗前, 深夜誰相賞?垂疏幌,暗

香來往, 卧作羅浮想。

## 點絳脣

歸鶯去, **休話前遊,意中人隔瑶臺路**。 幾度青春暮! 緑陰多處, 苦恨催花雨! 流盡年光, 流水何時住?閒情誤,

燕

## 人月圓

壑風哀!黄旗安在?青絲又見,何世無才? 鼎湖龍去隨年遠,誰復畏軒臺?無情江燕,營巢陵樹, 秋去春來。 玉衣晨舉, 玄堂晝掩, 松

# 應天長

緑苔無影。隔着幽窗夜永,微香又不定。 枝新菊 煙微潤, 風細露寒眠不醒。空階静, 孤鴻迥, 依約曲籬初月暈。 悄將燈掩映,

映上

## 採桑子

年年三月傷懷日,游賞無心,也廢謳吟,羸病還當此際深! 十年前事憑誰說?聽雨樓陰, 四〇九 藉

## 虞美人

負卻相思債。 凭欄人去已多時, 落花已逐回波去,燕子銜難住。 從此人間何處問佳期? 春殘常有妬花風, 不恨花飛祇恨太悤悤! 羅襟留得啼痕在,

## 虞美人

東風無力留花住,祗怪鵑聲誤。欄杆重認落花痕, 縱得相逢祇恐是他生! 不道春歸猶有未銷魂! 長條也解留行客,

## 虞美人

别意真無極。枉教青鳥報多情,

衣典供酤酒。 遥山雨裏顰輕澹,螺黛偏難染。紅樓西畔柳猶眠, 出城還是怯泥深, 静掩羅窗一任曉寒侵。 勸倚雕闌同度寂寥天!

東郊見説遊驄有,

## 虞美人

寒檠屏角留殘穗, 雨夜供愁睡。 生憎庭樹有啼鴉, 起看晨光猶自隔窗紗。 故園歸夢三千里,

#### **四** 〇

歲 晚江湖裏。 貂裘已典酒瓶空, 鏡裏清霜還比昨宵濃。

## 虞美人

竹山 有 聽 雨詞, 後二語殊弱。 試即 其調, 而微變之

冷氣穿窗紙。 也曾聽雨荒江 應知夜雨本無心, 畔, 腸斷寒汀雁。 只是人情感舊自難禁! 也曾聽雨畫樓西, 翠被眠酣心惱短牆雞

如今聽雨書窗底,

阮郎歸

明。 追掠今夕定相迎, 燈稀露重罷歌聲, 華鞍照 薜蘿池上亭。 曉星。 柳陰樓閣自濛冥, 羅幃人醉醒 ! 蚊響寂, 燕翾輕, 搴幬

初旭

**阮郎歸** 

愁紅休向鏡中窺, 日長晴絮傍簾飛, 曲屏煙麝微, 娉婷非昔時。 芙蓉繡帶 雙垂, 閒階花霧霏。

春思遠,

舊歡稀,

天涯人未

歸!

**7**4

四三

# 少年遊 三月二十六日,檢曆,知春盡

倚欄身。 人間何處更尋春?檢曆獨傷神!八九年前, 滿地殘英, 也須珍重, 粉態片時新。 今朝遊賞, 欲續已無因。

只餘斜照明如昔,

來伴

浪淘沙 己酉年在日本東京作

應難 桂樹滿空山,秋思漫漫。玉關人老不生還!莫道此樓難望遠, 誰將尺素報平安? 惟願夕陽無限好, 長照紅顔。 輕倚危欄。 流水自潺湲,

重見

浪淘沙

是歡是怨總温柔!天外孤簫吹夢斷, 恨倩誰收?

綢繆。

閒

處便工愁,

此福難修!無端縹渺到心頭。

剛得牽牢還自去,

去也須留。

獨自

1上高樓

夢

浣溪沙 頤和園照片

别館猶存國已捐, 西郊風物盡堪憐! 山名萬壽也徒然! 候晚偏宜花戀樹, 塵多乍愛水涌天,

3

清遊回首十年前。

閒居遣問

浣溪沙 春晚猶寒,

驚心暗碧滿天涯!

今歲春寒似禁花,

閉門覓醉惜年華!觀遊未省屬誰家?

柳樹飄殘風不定,

燕翎濕盡雨還加,

浣溪沙

不關傷別杜鵑啼! 燕戀虚堂集不飛, 雨晴花片已盈溪。 春殘愁劇病瘥時! 映幌月痕羅襪澹, 窺窗山色翠眉低,

浣溪沙

記夢

始知風雪亦良宵。

夢入羅浮路未遥,

翠禽飛下緑梅梢。

温馨情况慰蕭寥!

暖逼鳧鑪生薄汗,

寒辭鴛被起微潮,

浣溪沙

樓閣微寒昨夜風,

起來梳洗意猶慵, 對郎羞怯又惺忪。

照影波光如眼媚, 透簾山色比眉濃,

還京 樂 和 美成韵

波委。 斜門, 甚 待夜久 情 緒? 鎮難忘點 虯水 卷相思怨曲 桃 穠李。 漫響, 擬 相 還自理。 淹留, 和 清 淚 愁夢逐飛花, ! 望羅窗深閉, 向鴛幃底, 翠 情隨逝水 定何時 筠隔了, 重 見? 癡懷須費。 可惜天涯 還應 客, 細 漾 説 暗愁 無 今

人 宵

長伴憔悴!

無際 孤

皓 堪

!

館

況

味 衝

憐 月

細 如

! 天

望海 潮 蝶

路窮 日 荒 晚, 江 烽燧, 羈思頻 浮雲樓閣, 加 擬 問 殘 回 陽, 頭 試望京華。 待將秋色向 傷別恨人, 誰 家? 招 孤 城 魂怨曲, Œ 隱 悲 笳。 蒼茫佇立 早 驚 鮅 一塵沙。 振 葉 無 流 處駐 水漂花 4 車 霜 悵

鬢易

推,

青

Ш

更遠,浮

生似

此

堪

嗟

煙裏柳絲斜

縱比前摇:

落,

猶

庇棲鴉。

腸斷

征蓬

未

知

何

日

到天

!

龍吟 晚 春偶赴吴門, 臨去留題 逆旅 用 清真 韵

暗柳低 門, 麗花飄樹。 凌波輕别 横 塘 畫 船載 酒 過春甚 處? 漫延佇, 容易舊 官芳

金昌

路,

仍見

瑞

24 74

恐 草 翠迷巖户 吴天幾 日勾 醉 魂 未醒, 哀鵑 又語 應動移居心 事, 有情山 小水, 銷愁歌舞 年去。凭高

生

自 鏡中朱顔, 遺 飄零怨 緒, 憔悴 非故。 何許謳金縷?人意嫩, 狂 香豔跡,空記纏 宵深還聞 綿句。 休辭 風 雨。 爲尊前媚眼, 後期未及, 沙間 川萍絮 聯步, ! 送了韶

清 詞則非工, 何須把 玩。 量守居士記。

此己已

所作,

棄置殘書中。

乙亥秋日,

曝書

檢得,

丹墨

一紛然!

聊爲

寫定,

以

留田

游

蘭 陵王 秋柳和 清

真

愁客舍罷歌, 江 潭 Ŀ, 短 絲 直, 如遇 去程人渺, 故 還想春前暗碧。 斜陽外, 人 應惜飄一 曾將音問附信驛。 零淚盈 尺。 猶賸 芳時逝 幾株, 竟長滯天北。 無迹 入眼 記酒漬衫襟, 蕭條是秋色! 心惻, 恨空積! 花送帆 年來怨去國。 席 又别館烏啼,高樹蟬寂 天涯芳草逢寒食 誰識、風流 舊客。

遠水秋無極! 但月照雙杵, 露沾 孤笛 休尋舊夢, 怕夢 杏, 淚更 滴

鶯啼序 秋感 用 夢窗

韵

但 衰楊 憔悴牽 絲 更無飛 暗户。 絮 酌 酒登樓 客哀時 病 Œ 眼 眺遠 漸高城 隱霧 峭 寒 驟 楓 落吴江,

涯樹

層

陰傍樓散.

晚,

悄

梧飄

閉

孤

館

詞

愁年

華 垂

暮

!

舊

Ш 外

西

風

换

殘

蟬

警響天

74 Ŧī.

74 六

鷗 鷺

棱

短書 誰寄魚素。 倚危欄荒碪 心韵急, 亂煙纖雕愁千縷 ! 好斜陽, 仍滿 汀 洲, 已輸

望斷 清秋燕子, 風雕期誤。 信宿漁人, 祇今尚 徒聞東海栽黄竹。 倦旅。 甚蓬萊淺碧舟難渡?鯨鱗水涸。 獨自感百年身世, 歲晚途遠, 昆池漫覓胡僧,浩劫儘賸 似奕長安,手翻 雲雨 情付與 灰土!

南 征單 燕歌送别,楚曲招魂,早淚痕漬苧! 雁, 蒼梧雲暗沈舊恨! 又華年瑶瑟驚絃柱。 待檢點防身長劍, 飄零空老雄心, 訴想淒簫, 故國迢迢, 醒 後微吟,醉來狂舞!遥 夢能到否?

霜

華 腴

重陽前一

日,

適值休沐,

偕遊北渚,

用夢窗韵

前 秋縱 悵 斜陽 目, 算紫萸明朝又滿危冠。 漸 落 汀 洲 斷 橋 流 水景荒寒! 紅藕香殘, 京 國朋 白蘋風 遊堪 動, 記, 傷高念遠應難。 記纔酬 怨 鴂 更和 暮天儘寬。 涼蟬。哀 共放清歌 樂中年

陰 酌 **店時塵世** 花 還勞倦客題箋。 再無畫船, 對敗荷相望娟娟 趁歸途騰有銷凝, 遠 山扶醉看

## 阮 籍咏懷詩補注

顔 日 「説 者謂 阮籍在晋文代, 常慮禍 患, 故發此咏耳。

路, 沈醉連旬, 阮公深 通玄理,妙建物情。 蓋已等南郭之仰天,類子與之鑑井。大哀在懷, 咏懷之作,固將包羅萬態, 豈厘曆心曹馬興衰之際乎! 跡 非恒言所能盡,故一發之于詩歌。

其未備云爾。

顏

沈以

後,

解者衆矣。

類皆摭字以求事、

改文以就己、

固哉高叟,

余甚病之! 今輯

绿

顏、沈之說,

其痛哭窮

憂思獨傷心!

顔日:

「嗣宗身仕亂朝,

常恐罹謗遇禍。

因兹發咏,

故每有憂生之嗟。

雖志在刺

譏,

而文

多隱

夜中不能寐, 起坐彈 鳴琴。 薄帷鑑明月, 清風吹我衿。 孤鴻號外野,翔鳥鳴北林。徘徊 將何 見?

百代之下, 難以情測。 故粗明大意, 略其幽旨也。

避。

容

好結中腸。 二妃遊江濱, 感激生憂思, 逍遥 順風翔。交甫懷環珮, 諼草樹 蘭房。 膏沐爲誰施?其 婉變有芬芳。 雨怨朝陽。 猗靡 情歡愛, 如何金石交, 千載不相 忘。傾 一旦更離傷。 城 迷下

沈曰: 「婉孌則千載不忘。金石之交,一旦輕絶, 未見好德如好 色。

傾 城見悦, 物之興衰, 至于蓬首,而終焉離隔。人情無定若此,雖復金石之交, 情之起伏,惟妃匹之間爲甚。 故多託以爲喻。 言交甫見欺,虚懷環珮,而千載不忘, 庸足賴乎?

四七

樹下成蹊, 東園桃與李。 秋風吹飛霍,零落從此始。繁華有憔悴, 堂上生荆 杷

去上西 IL 一身不自保, 何况戀妻子?凝霜被野草, 歲暮亦云已。

日: 「言無常也。 吹飛霍之時,蓋桃李零落之日。 西山夷齊所居, 言欲從之以避世禍。」 華實既 盡, 柯葉又彫、

無復一毫可悦。

榮悴去就

沈曰:

風

此 人本無保身之術, 況復妻子者乎?歲暮風霜之時,徒然而已耳。」

罄折似秋 和 流 盼

言笑吐芬芳。 昔日繁華子, 攜手等歡愛, 安陵與龍陽。 宿昔同衣裳。 天天桃李花, 願爲雙飛鳥, 灼灼有輝光。 比翼共翱翔。 悦懌若九春、 丹青著明誓, 永世不 相忘。 發姿媚

安陵君所以悲魚也, 亦豈能丹青著誓, 永代不忘者哉!蓋以俗衰教薄, 方直道丧;攜手笑言,

顔曰: 『以財助人者,

財盡則交絶;

以色事人者,色衰則愛她。

是以

「嬖女不弊席,

**嬖男不弊** 

代之所重者, 乃足傳之永代, 故以方誓。』 非止耻會一時。 故託二子以見其意,不在分桃斷袖愛嬖之權。丹青不

渝

天馬出西北、由來從東道。春秋非有託、 富貴焉常保?清露被阜蘭, 凝霜霑野草。 朝爲媚少年,

4 暮成 醜老。 自非王子晋, 誰能常美好?

之與賤易至乎?」 高 臨 四 北望青山 ्व 松柏翳岡岑, 飛鳥鳴相過。 感慨懷辛酸 怨毒常苦多。李公悲東門

蘇子狹三河。

求仁自得仁。

豈復歎咨嗟?

沈

日:

「春秋相代,

若環之無端。

天道常也。

譬如天馬本出西北,

忽由東道。

況富之與貧、貴

委天順命, 志力,故卒 仁得仁也。 沈曰: 松柏 以至于一丘之上, ·佩六國相印也。云二三子不知進趨之近禍敗哉?常以交利貨賖禍,故冒而行之。所謂求 河 山岡岑, 南、 河東、 丘墓所在也。古有皆死之義,莫有免者焉。達者安小大之涯,各遂分内之樂 河北、 夫何異哉?故因北望山阿而發此句。明祖謝之理雖同, 秦之三川郡。古人呼水皆爲河耳。 蘇子以兩周之狹小,不足逞其 夭逝之途則異

也。 感慨之來, 誠逝者所不免 至于顛沛逆天, 怨毒 求生, 蘇子李斯張本也

明 月耀 開秋兆涼氣, 清暉 晨雞鳴高樹, 蟋蟀鳴牀帷 命駕起旋 感物懷殷慶 歸 悄悄令心悲。多言焉所告。繁辭將訴谁。微風吹羅袂。

沈日: 「重言之, 猶云懷哉, 懷哉!

凡可

以

平生少年時、

輕薄好絃歌。

西遊咸陽市,

趙李相經過

娱樂未終極,

白日 斑,

忽蹉跎。驅馬復來歸,

告訴,

則其思苦矣!

歸 與歸

豆 有

淹留之意哉?

言語宣達者,非沈憂也。至于無所

顧望三河。黄金百溢盡,資用常苦多。 北臨太行道,失路將如何?

反

少壯未有不老者也; 顔日: 少年之日, 志好弦歌。 娱樂未有常保者也; 及乎歲晚旋 貲財未有不耗者也。黄金縱多,不若資用之多。若斯人 歸 路失財盡, 同乎太行, 之子當如之何乎?

者, 其失 路 न 立 而 待 也。

多 財爲 昔聞 患害。 東 陵 T. 布衣可終 近在青門外。 龍禄豈足賴 連軫距阡陌, 子母相拘帶。 五色曜朝日, 嘉賓四面會 膏火自煎熬,

顔日: 軫當爲畛。

連 畛 距 沈 日: 陌 Ŧi. 當東陵侯侯服之時, 色 相 照 非 唯周 身贍己, 多財爵 貴; 乃亦坐致 及種 **嘉**賓 瓜青門, 夫得 匹夫耳。 固易失, 寔由善于其事, 榮難 久恃。 倩 故以 以 明 自 味 美見稱 煎 人以

W 興 累 布衣可以 終身, 豈寵禄之足賴 哉?

出

上東門,

北望首陽岑。

下有採

薇士,

上有嘉

樹

林。

良辰在

何許?

凝霜雪

衣襟

寒

風

振

di

玄雲起重陰 鳴雁飛南征, 題與發哀音。 素質遊商聲, 悽愴傷我心!

沈 日: 夷、 齊尚不食周 粟 況取之以不義者乎? 良辰何許?言世 路 險 薄 非良辰

凋

殞

非一;

玄雲重陰,

多所擁蔽。

是以寄言夷齊望首陽

而嘆息。

此

鳥鳴

則芳歇

也

芬芳歇矣,

所存

也。風霜

交至

見殿腐 昔年 耳! 四 致此影素之質, Ŧi, 志尚好書詩。 由於商聲用 被褐懷珠玉, 事, 秋時也。 顏閃相 與 遊 期 字應作 開 軒臨 四 曲 野 並 古人 高望所思。 字類 無定 丘墓蔽 也。 Ш

萬 代 同 一時 千秋萬歲後, 榮名安所之?乃悟美門子, 嗷嗷今自蚩

也 若夫被 沈 日: 褐懷玉, 自 我以 託好詩書; 前, 徂謝者非一。 開軒 四野, 雖稅駕參差,同爲今日之一丘, 昇高永望; 志事不同, 徂没理一。 夫豈異哉? 追悟羨門之輕舉, 故云萬代 同 時

自

笑耳

H 月 IF. 徘 相 徊蓬池上, 望 朔 風 還顧 萬 嚴 望大 来 梁 陰氣下 緑 微霜 水揚洪 波 羈 旅 曠野: 無 碡 II. 莽茫茫。 俛仰 走獸 櫰 哀傷 交横 馳, 小人計其 飛馬 功, 相 隨 君子 翔。 是時 道其常。 鹑火中, 豈

惜 奴 # 字? 言著斯 章

沈曰: 豈惜終憔悴? 出 不 應憔悴而致憔悴。 君 子失其道也 小人計其功 ıfij 通 君 子道

其常

栭 塞, 故致憔悴也。因乎眺望多懷, 兼以羈旅無匹, 而發此咏。

炎暑惟 兹夏,三旬將欲移, 芳樹垂緑葉, 清雲自逶迤。 四時更代謝 日月遞差馳。徘 徊空堂上,

灼灼西隤

日.

餘光照我

衣。

迴風吹四

壁,

寒鳥

相

因

依。

周周

尚銜

羽、蛩

蛩亦念飢。

如

何當路

忉怛 莫我知。 願睹卒歡好, 不見悲别 離

好, 不見離別。 顔 日: 「言四 時代移, 日月遞運, 年壽將盡, 而人莫己知, 恐被讒 邪, 横遭擯斥。 故云 願卒歡

磬折忘所歸。 豈爲夸譽名? 憔悴使心悲! 寧與燕雀翔, 不隨黃鵲飛。 黄鵠遊四海, 中路將安歸?

爲侣, 進越, 沈曰:「天寒即飛鳥走獸尚知相依, 不念暮歸, 而欲與黄鵠比遊。黄鵠一 所安爲者, 惟夸譽名, 舉冲天, 周周 故致憔悴而心悲也。 翱翔四海, 衡羽, 以免顛仆。 短翮追而不逮,將安歸乎?爲其計者, 若斯人者、不念己之短翮, 蛩蛩負蟨,以口美草。 而當路者知 不隨燕雀 宜與燕

雀相隨, 不宜與黃鵠齊舉。

H

離獸 獨坐空堂上, 南 下。 幕思親 誰可與歡者? 友 晤 言用自 出門臨永路, 寫 不見行車馬, 登高望九州, 悠悠分曠野。孤鳥西北飛

則忽若有亡; 出則 無 所與道; 登高 遠望, 憂思猶繁。 所以思親友之晤言, 感離羣之巴久也。

北 里多奇 濮上有 微 音。 輕薄 閑 游子, 俯仰乍浮沈。 捷徑從狹路,僶俛趣荒淫。焉見王子喬?

鄧林。 獨有延年術, 可以慰我心!

顏 E: 「輕薄之輩、 隨俗浮沈。 棄彼大道, 好從狹路。 不尊恬淡, 競赴荒淫。 言可悲甚也!子

離俗以輕舉, 全性以保真 其人已遠、故云焉見; 其法不滅、故云可慰心

奇舞微音, 世之所用解憂者也。而片刻整歡,未足排終身之積慘。 必 有王喬之壽, 鄧 林 之遊,

然後至樂不乏于身,大患不嬰其應矣

朝雲進荒淫 湛湛長 iI 朱華 水 振芬芳, 上有楓 樹 高祭相追尋 林 \* 南被 徑路, 一爲黃雀 青號 哀 涕下誰 遠望令人悲, 能 禁? 春氣感我心 三楚多秀士

以三楚之廣,秀士之多,乃以肆侈爲

,5,

荒淫是效,

則 其覆

敗,

可

以

懸 車 在 14 視彼 南, 桃李花、 義 和將欲 誰能久熒熒?君子在何許?曠世未合并 傾 流光耀 四 海 忽忽至夕 冥 朝爲咸池暉,蒙汜受其榮 瞻仰景山松、 豈放 窮 達 士? 期。

雀之衣,

馬

能自己邪 若尋環

?

福

侍

伏

理

死不再生 可以慰吾情!

日 X 當再旦, 宣若人死不復生?春華有零落, ıE 類 含靈有组 謝。 先民已往, 吾誰與歸?必壽

凌寒之松, 乃足以

慰吾志也。窮達雖

殊,

終盡則一。故

相

挈為言

西方有佳人, 皎若白日光 被服纖 羅衣、 左右軍雙璜、 修容耀姿美, 順風 振微芳。 任高眺

所思

女口

舉袂 當 西 方佳人, 陵雲遠上, 朝 湯 寄順雲霄間, 雖相 揮 袖凌虚翔 悦懌, 而不復晤言 飄風恍惚中、 故知愛僧之情自我, 流眄顧我傍 悦澤未交接、 離合之理自天, 晤言用感傷 命之所無

楊 \* 一泣歧 路 墨子悲染絲 揖讓長離 别 飄風 難與期。 豈徒燕婉情? 存亡誠有之 蕭索人所悲

爨不可 解 趙女媚中山, 謙柔愈見欺 嗟嗟塗上士 何用自保持?

既

奈

何

!

雖

神

仙

竟何

神于感傷

也!

人雖 好荣, 物 情 萬 而荣不可得。以謙柔而見欺,則謙柔非取媚之道也。世士紛紜, 變, 故 有揖讓之頃,已見乖離。燕婉 之情既然,存亡之理何異?人雖惡禍,而 將何 道 以 自處哉?! 禍不可辭。

於心懷寸陰、 義陽將欲 冥 揮 袂撫長劍, 仰 觀浮 雲征。 雲間 有 玄鶴 抗志揚 哀聲。 一飛冲青天,

一不再 鳴 豈與鶉鷃遊? 連翩戲中庭。

夏后乘靈輿,

夸父爲鄧林。

存亡從變化,

日

月有

浮沉。

鳳皇鳴參差,

伶倫發其音。王子好簫管.

欲 與 玄鶴爲傳, 遠舉雲中; 不 欲與凡禽同 居 局趣 之地 也。

相追尋 誰言不可見? 青鳥明我 30

追 物 理變化, 難以悉推。 日月之明, 猶有沉没。 是以受形禀氣, 必無久存。 伶倫王子往矣。 後世

寻, 亦 畴得而見之哉?青鳥 明 ,3, 徒 虚 想耳。

呼 吸成 東 露霜 南有射山、 沐浴丹淵中, 汾水出其陽。 炤耀日月光。 六龍 服氣輿, 豈安通靈 雲蓋切天綱, 臺?游養去 仙 高 者四五人, 翔 逍遥晏蘭房。 寢息一純和,

自當教遊八紘之外;

雖通靈之臺,彼

且

不

以爲

安,

明避世之宜遠

殷憂令志結, 休陽常若驚。 逍遥未終晏, 朱華忽西傾。 蟋蟀在户牖, 蟪蛄鳴中庭。心腸未相好,

云亮我情?願爲雲間鳥, 歲易晏, 好 會易離; 所以令人殷憂莫解, 千里一哀鳴 三芝延瀛洲, 怵惕若驚。 遠遊可長生。 惟有長生, 可 無此 患也。

誰

神

仙之人,

既

離塵俗,

年

拔 劍 白 刀 安能 相中 傷? 但 畏工言子, 稱我三江旁。 飛泉流玉山 懸車 棲扶桑 日月 徑千

發微霜。

勢路有窮達、

咨嗟安可長。

劍 刃 相 傷, 不 如 言語之階。 物理相 循, 荣必 有悴。 縱 復多勢,豈能久長?所以 深戒 驕 盈, 安其

恬

恢

者

也。

射 干復嬋 性 朝 命皆有自然, 登洪 娟 坡 顛, 不見 林中葛, E 夕望 非能自主。 西 II. 延蔓相 鸞醫之比 荆棘被原野, 勾 連 飛鳥; 羣 建木之比葛萬; 烏飛翩 副 鸞醫時棲宿, 雖高下荣枯, 性命有自然。 不能無異, 建木誰能 而 受形大

周 鄭 天下交, 街術當三河。 妖冶閒 都子, 焕 耀何芬葩?玄复發朱 史, 離别 將如 外何? 顏, 睇 眄有光華。傾 城 顧

造,

不

能

相

為。

所

以

羡傲

之

情

雨

捐

;

大小

之生

俱

道。

莊

生道

遥,

北

近

之矣。

來相 誇。 願 爲 三春 遊, 朝 陽勿蹉 胜。 盛衰在須

遺視 儇薄之子, 當年盛色荣,足以 致傾城 之顧, 而榮華不久,旋復館 衰 始 于合而終于離, 非 人 力

手共遨遊。 陰陽有變化, 若花燿 西海 扶桑翳瀛洲。 誰云沈不浮? 日月經天塗, 朱鳖 明暗 耀飛泉, 不相 瞎 夜飛過吳洲。 窮達自有常 俛仰運天地, 得失又何 求? 再撫四海 豈效路上

日 月 朱監夜 各有 晦 飛, 明, 不 無庸相 形氣所 較; 人生皆有窮達,不必多矜。 Ł 不能 此 而 弱 情 利 必 如 路 智思 上之童, 始可長久邀 同 院, 遊 使 憂之暫 不嬰陰

陽

之患;

馬

関

若

8

則

見

困

当

能

殷

攜

名利場,

駑駿

同一朝。

豈若遺耳目?升遐去殷慶

所

與也

釋 昔 余游大梁, 登於黃華顛。 共工宅玄冥, 高臺造青天。 幽荒遊 修修, 悽愴懷所憐。所憐 者 誰

明 察自照 妍,應龍沈冀州, 妖女不得眠。 肆侈陵世俗, 豈云永厥年?

I 强霸, 今已消亡。 而 世之愚夫, 矜其 明 察, 当 知 禍 有先伏, 智有不 通, 肆 13 陵 人,

徒為衰

滅 之兆。 以求永年,翩其反 矣

高

榭隔微

聲。

讒邪使交疏,

浮雲令畫冥。

衣裳

一顧

傾人城。

繁華不再祭

而

單惟足以

蔽之;

微

聲之

驅車 出門去, 意欲遠 征行。 征行安所如? 嬿婉同 背棄夸與名。 夸名不在己, 從容在一時, 但 願 適中 情。 單 帷蔽 皎 日

奄復 夸名皆在身外,所以棄之若遗。 暮, 不見所歡 形。 黄鳥東南飛, 世事變化, 寄言謝友生。 難以 豫測。 觀皎日之明,

眇 而 高 槲 足 以 隔 之。 交親而離于議 贼; 晝明而 睡于 浮雲。 然則 嫌婉之情, 豈足終恃?繁荣之卉,

卒于 彩枯, 駕言發魏 旦暮之間, 都, 南向望吹臺。簫管有遺 所歡遽失。 興言及此,欲不從黃鳥以高翔得乎? 音, 梁王安在哉?戰士食糟 糠, 賢者處 蒿菜。 歌舞曲未終,

秦兵已復來。 梁王築臺自樂,而輕戰士,簡賢者。 夾林非吾有, 朱宫生塵埃。 軍敗 **豈意高臺未傾,蕭音猶在,** 華陽下, 身竟爲土灰。 而身已死,

國已亡也。

渔

紛交流。 陽不 再盛, 孔聖臨長川 白日忽西 幽。 惜逝忽若浮。 去此若俯 仰, 去者余不及, 如 何 似九秋?人生若塵露, 來者吾不留。 願登太華山, 天道 邈悠悠 上與松子遊。 齊景升牛

人道之促, 自 古所嗟。 唯有 從赤松、 隨漁 父, 庶幾永脱 世患也。

父 涕

世

患,

乘流

泛

輕

舟。

泗

日復一夕, 一夕復一朝。 顔色改平常, 精神 自損 消 胸中懷湯火, 變化故相 招。萬事 無

心焦

智謀苦不饒。 但恐須臾間, 魂氣隨風飄 終身履薄冰, 誰 知 我心焦?

衰老相 催, 由于憂患之衆。而智謀有限, 變化難虞 雖 須史之間、 循難自保 履冰之喻,

之談,

誠非過慮也。

妻僧 懷酸 故 H 人皆已徂謝, 辛。 復 朝, 願耕東皐陽, 一昏復一晨。 此 身塊 然獨存。憂生之餘, 誰與守其真。愁苦在一時、高行傷微身。 容色改平常, 精神白飄淪 但思隱退。 終日愁苦, 臨觴多哀楚 曲直何所爲? 不救于死亡; 思我故 龍蛇 時人 爲我 高行 對酒不能 自 修, 徒

世務 何 續 紛, 人道苦不遑。 壯年以時逝, 朝露待太陽, 願攬羲和辔。 白日不移光 天階路殊

所以存身而無害也。

苦其形體。是非得失,何事紛紜?龍蛇屈伸,

雲漢邈無梁。 濯髮暘谷濱 遠遊崑織傍。 登彼列仙姐, 採此秋蘭芳。 時路鳥足爭?太極可翱 翔

榮哀無定, 人道可 悲。 思欲上友列仙, 翱翔 太極; 而天階殊絕!雲漢無梁,則神仙終不可 冀

途窮之歎, 宣虚也哉?

可 用慰我情 誰言萬事囏, 逍遥可終生。 臨堂野華樹 悠悠念無形。 彷徨思親友,倏忽復至冥。寄言東飛鳥,

樹垂榮, 终 必 消滅。 自恐此身難于長保, 所以 寄言飛鳥, 思念所親 也。

誰語哉? 嘉 時 在今長 零 雨 灑塵埃 語 路望所思 日夕不復來。 人情 有感慨,蕩漾焉能排? 揮 涕懷哀傷,

人

辛

事難量。 甫得 佳期, 忽逢零雨。 所 思终阻, 感慨 赞與。 辛酸之情 竟將誰想也!

何足 高視長 炎光延萬里, 賴? 生, 捐身棄中 功名復大。 洪川蕩湍瀬。 野, 烏鳶作患害。 以視 彎弓掛扶桑, 莊子雖明大道, 豈若雄傑 長劍倚天外。 Try 終飼 士? 鳥鳥 功名從此大。 泰山成砥礪, 誠爲滿志矣。 黄 河爲裳帶。視彼莊周子, 設辭自寛, 以 此 見憂生

茶枯

壯士

何

慷慨,

志欲威八荒。

驅車遠行役,

受命念自忘。

良弓挾烏號、

明甲

有精光。臨難不顧生,

此

之至 也!

身 死 壯 魂飛揚。 士捐 生, 豈爲全驅士?效命爭戰場。 所 圖 者, 忠爲百世荣, 義使令名彰。 垂聲謝後世, 氣節故有 竟與常人何 别?

非 賛 頌之詞 混 元生 也。 兩儀, 四 象運 後世之名。 衡 璣。 皦 日布炎精, 以視 全軀之士,誠為卓異矣。而身死魂飛, 素月垂景輝。 晷 度有昭 回、哀哉 人命微!飄若風塵逝

哉 忽若慶雲晞。 尼父志! 何爲居九夷? 修齡 適余願, 光龍非己威。 安期步天路? 松子與世建。 焉得凌霄翼? 飄風登雲湄。嗟

居夷, 天道有常,人 何 足慕哉? 命危淺。 富貴非己所 願, 惟有長生可用 慰心。 安期赤松, 惜乎從之末由耳!尼父

此 養志在冲虚。 良可惑, 天網 彌 四 令我久躊 飄 野, 溫 雲 六 躇! 日間 翮掩不舒。 邈與世路殊。 適 波紛綸客、 榮名非己寶, 汎 汎若浮鳧。 聲色馬足娱?採藥無旋返, 生命無期度, 朝夕有不虞。列 神仙志不符。 仙停修齡 採藥

生命難料, 朝夕不保。 所以聲色不足戀, 榮名非己寶。 惟有神仙可以悦心。 而 自古所 傳

不返,求仙無驗, 則神仙亦終不可信。言念及此,焉得不惶惑踌躇乎?

人事多盈冲。 園綺遯南嶽, 業須良輔、 建功俟英雄。 伯陽隱西戎。 元凱康哉美, 保身念道真,寵耀焉足崇?人誰不善始?尠能克厥終。休 多士頌聲隆。 陰陽有奸錯, 日月不常融。天時 有否泰,

萬 榮枯自己, 時運啟之自天。雖有聖哲,逢時則爲元凱多士,失時則爲園綺伯陽。而世之人,矜其智力,以 当知 善始者之不必善終哉?上士清風,于斯爲美矣。

哉

上世士, 萬載垂清

風

朝餐琅玕實、夕宿丹山際。抗身青雲中,

網 羅敦能 鴻鵠 制?豈與鄉曲士?攜手共言誓。 相隨飛, 飛飛適荒裔。雙翮臨長風, 須臾萬里逝。

儔 果有遗世之情, 物終始殊, 修短各異方。 則網羅不復能制,鄉曲之士,窘若囚拘,又安肯與之攜手共談猥賤之事哉? 琅玕生高山, 芝英耀朱堂。 赞赞桃李花, 成蹊將天傷。馬敢希干術

三春表微光。 物類不齊,或有千歲常榮;或有三春暫茂;既性命自然, 自非凌風樹, 憔悴鳥有常? 雖相 肺無益也。

幽蘭不可佩, 朱草爲誰榮?修竹隱山陰、 射干臨增城。 葛草延幽谷, 縣縣瓜瓞生。樂極消靈

哀深傷人情。竟知憂無益, 豈若歸太清?

此 仍 行前章之意:言幽 蘭未必見佩, 朱草竟爲谁榮?修行射干,産于荒僻;葛茧瓜瓞, 反得繁

既命之所無奈何,斯憂樂皆爲無謂。歸于太清,齊物逍遙之旨也。

荣。

爲鳩飛桑榆, 海鳥運天池。 豈不識宏大?羽翼不相宜 招摇安可翔。不若棲樹枝。下集蓬艾間

F 拼 袁 圃 籬 但 祠 亦自足, 用子爲 追

娘 雖 1, 既 無大鵬之翼, 不美天池之遊。 然生生之理, 未嘗不足 用子追随, 阮公所 以 自

于 退 压也。

豈 可相 生命辰安在? 追尋? 曼城涕-沿法禁 高鳥 翔山岡、 燕雀 棲下林 青雲蔽 前庭 素琴妻我心 崇 有 鳴 鶴

荆 高 嬉庭 棲下, 樹, 皆 焦明遊浮雲。 有命焉。 雖 欲 焉見孤翔鳥? 追隨 鸣 鹤, 不 制制 可得也。 無匹草 憂戚 流涕, 死生自然理 素琴悽心、 消散何 非 續紛? 復常言 所 能 解矣

焦 遊三衢旁, 明 遠 翔, 不悉孤 惆悵念所思。 鳥無匹之苦, 豈爲今朝見?恍惚誠有之。 生死 萬殊, 本 于天命; 当 澤中生喬松、 能 相 馬 乎? 萬世未可期。高鳥摩天晚,

凌雲共遊嬉。 情念舊, 豈有 恍惚如存。 孤 行士? 怊悵之懷, 垂涕悲故 時 無時而 釋。 若夫喬松

清露爲凝霜, 華草成蒿菜。 誰云君子賢? 明達安可能? 乘雲招 松喬 呼吸 永矣哉!

度世,高鳥陵雲,

豈有如此之憂念哉?

春 秋 變化、榮悴轉移、 縱有賢建之才, 于 此 無能措手。 招尋松喬, 永其呼吸, 信有之乎?請從

而

往矣。

= 間 悼乖 丹心失恩澤, 離。 何爲混沌 重德喪所宜。 氏? 倏忽體貌 善言焉可 隳。 長? 慈惠未易施 不見南飛燕 羽翼正 差池。高子怨新詩

情 至難 預察, 智力終于有窮。 丹心宜于見思而失思; 重德應無不宜而喪宜; 善言可長而 有時

不 能 可長; 沌之 隳, 慈惠宜 何能 施 不歸咎于倏忽耶。 而 有時不易施。宜 白之孝而見疎于父,屈 原之忠而見疑于君; 則 世 事 何 一足 恃乎?

亦 去 荆與杞 + 日出 一場谷, 千歲猶崇 弭節 朝 馳萬里。 一餐聊自己。 經天 耀四海,倏忽潛蒙汜。 是非得失間, 焉足相譏理?計利知術窮, 誰言於炎久?遊没行可矣。 逝者豈長生? 能 止

理無久存, 人無不 死。正當順時待盡,忘情毀譽, 而争是非于短期之中, 就得失于崇朝之内, 哀情凌

自然有成理、 生死道無常。 智巧萬端出,大要不易方。 如何夸毗子?作色懷驕腸。乘軒驅良馬、

計

利

雖善,未有不窮。

以此思哀,哀能止乎?

憑几 夸談 智 向 膏粱。 巧縱多, 無所逃于成 快憤懣, 被服 纖羅 情慵 衣, 發煩 沙。 理。 深榭設問房。 彼跨毗 西 北 登不周, 者, 不見日夕華, 動自 東南望 驕 矜, 一部林。 翩翩 而不自知其行同落卉,終于枯槁 飛路 曠野 傍。 彌九州, 崇山 抗高岑。一餐度萬 也。

李 談 止 足暫解 慎 情。 至于 情已倦 憊, 煩 冤 立 典。 惟 有 遠 遊長生, 庶幾憂心 可釋。 然 生 生 必 滅 Ŧ

歲

再浮沈。

誰云玉石

同?淚下不可禁。

無 長存。 人 言 願 玉石縱 延 年, 延年欲焉之?黃鵲 殊, 同 于灰爐。 所以淚下而 呼子安,千秋未可期。 不可禁也。 獨 坐山岛中, 惻愴 懷所思 王子一 何好

猗 靡 相 仙之 攜持。 事, 悦懌猶今辰, 千載難期,縱復延年,終難自保。 計校在一時。 置此明朝事, 展朝相悦,夕便見欺, 日夕將見欺 方知 預計 明 朝,

忽近也。 猶

為圖遠

# 靡 Pt 所 在天命, 馬知 傾 窮達自有 側士?一旦不可持。 時 婉變佞邪子 随利來相欺, 孤門損患施 但爲讓夫喜 明绵鳴雲中,

越

側 之士、孤思損惠。窮達異狀,則 離合殊情。 勢交利交, 何能終情都?

芒芒將馬 警 風 如? 振四野, 翱翩從風飛, 迴雲蔭堂隅 悠悠去故居。 林惟爲誰設? 離麾玉山下, 几杖爲誰扶? 追棄毁與譽 雖 非明君子。 世間 桑與偷 世有此

常 人亦 4.0 有死, 非 唯 明 達能知。 而弱情名利 者 則 忽如聲晴, 忘其身之易消。 唯 明月 達乃能 决棄

如 危冠切浮雲, 長往不反也。 長劍出 天外 細故何足處? 高度跨一世 非子爲我御、逍遥遊荒裔。 顧射門上

吾將從此逝。 遠 游負 八俗, 豈與蓬户士?彈琴誦言 阮 公所以見嫉于禮法之士、 誓。 殆 以 此 與?

横術隅。歡笑不終晏, 俛仰復欷歔。鑒兹二三者, 甘彼藜藿食, 憤懣從此 舒。

樂是蓬蒿廬

豈效

演

紛子?

良馬轉輕

輿

朝生衛路旁

屯

p

上

有丈人,

緯蕭棄明珠。

各 枯 二三者謂續 者對榮之名,不榮何 紛子也。 枯?窮者對達之名,不達何窮?此所 以 廿 爲 河 上丈人, 而 不 樂馬 滑 路之

者通 六藝, 立志不可干。 違禮不爲動, 非法 不肯 言 渴飲 清 泉流, 机 食廿一 单 歳 時 無以祀,

衣 服 常苦寒。 儒 者自修如 歷履泳南風, 此, 自苦如彼。 縕袍笑華軒。 守詩書而不變, 信道守詩書, 持後眨而無慚。 義不受一餐。 以老氏之道觀之, 烈烈褒貶辭, 徒堪歎息耳! 老氏用長歎!

金鼓鳴。軍旅令人悲, 少年學擊刺, 妙伎過曲城。英風截雲霓,超世發奇聲。揮劍臨沙漠,飲馬九野坰。旗幟 列列有哀情。 念我平常時, 悔恨從此生。 何 翩

但

聞

少年任使,有輕死之心。及至臨軍旅、聞金鼓、而悔恨立生,則知懷生惡死,有生之所大期。

客 氣虚驕, 馬足恃乎?

實客者誰子?倏忽若飛塵。

裳衣佩雲氣,

言語究靈神。須臾相背棄,

中之人,忽爲塵土。雖復裳衣華美;言語通神; 而重見之因竟失。 阮公其有悲于叔夜泰初之

何

時見斯人?

平畫整衣冠,

思見客與實。

此 詩 出上東門, 慮令志散, 寂寞使心曼。 有《山 追 選望首陽基。 × 之意。 松柏鬱森沈, 翱翔觀陂澤, 撫劍於輕舟。 鷵黃相與嬉。 但願長閒暇, 後歲復來游。

然思妖 軻 炬。 逍遥九曲間,徘徊欲何之?念我平居時,

妃 匹之情, 理 無隔絕。 世人或疑末句不類嗣宗之言, 嗣宗豈忘情者哉?

王子十五年, 遊行伊洛 濱。 朱顔茂春華, 辯慧懷清真。焉見浮丘公?舉手谢時人。輕蕩易恍惚了

仙 竟無可信。 子晋簇填之游,人傳仙去。然飄飄怳忽, 竟與死去何殊?觀于此詩,而阮公憂

飄

棄其

八身。

飛飛鳴且翔,

揮翼且酸辛。

生 之情, 大可見矣。

寒門不可出, 海水焉可浮?朱明不相見, 奄昧獨無侯。 持瓜思東陵, 黃雀誠獨羞。失勢在須臾,

帶劍 上吾丘。 悼彼桑林子, 涕下自交流。 假乘汧渭間, 雖以漢武之雄主,吏卒得上其丘冢而磨劍。物 鞍馬去行道。 情若此,

何為而不 亦言神仙難信,富貴無常。 敖 游終生乎? 一旦失勢, 則

室中盛稻粱。 洪生資制度, 與《大人先生傳》同旨。 外厲貞素談, 被服正有常。 户内减芬芳。 言禮法之士, 尊卑設次序, 放口 深爲可憎。 從東出, 事物齊紀綱。 復說道義方。 容飾整領色, 磬折執圭璋。堂上置玄酒, 委曲周旋儀, 令人愁損。蓋不待世士嫉 姿態愁我腸。 阮公,

委曲周旋,

阮 公已先惡世士矣。

北

飛駕出南林。漭瀁瑶光中, 北 臨乾昧谿, 西行游少任。 忽忽肆荒淫。 遥顧望天津, 休息晏清都 駘蕩樂我心。 超世又誰禁? 綺靡存亡門, 逝不再尋。 償遇晨風馬,

北 亦遠 遊肆 志 之語。

咄咄 復 何 知 言! 結交易, 結交誠獨難。 險路多疑惑, 明珠未可干。 彼求響太牢,我欲并一餐。損益生怨毒,

朋 友 交親, 亦難終恃。 愛憎一異,美惡隨殊。 故有投明珠而見疑,求一食而獲戾。怨毒之興,

非 人 所及 察也。

有悲則有情, 無悲亦無思。 苟非嬰網罟, 何必萬里畿?翔風拂重霄, 慶雲招所晞。灰心寄枯宅,

顧 人間姿?始得忘我難, 焉知嘿自

曷

既 已忘情世事,一糞土形骸, 則不屑爲人間姿態。 叔 夜一月常十五 日不 梳頭, 意 同 于 此

採 採 修 木 羽翼。 茶丘 墓 衣裳爲誰施? 煌煌有 光 色。 俛仰自收拭。 白 日 頹 林 中, 生 命 幾 翩 何時? 翩 零路 側。 慷 慨 各努力。 蟋 蟀 吟 P 牖 蟪 蛄 鳴 荆 棘 蜉 蝣 玩 Ξ

勸 其立 少 修名也。 年 盛白 修 飾, 不 悟 朽老之易乘。 末二句 循 ~ 詩 × 吉 子有 衣 裳, 弗 曳 弗 婁 慷 慨 努 カ、

非

骨 肉 還相雙。 塗 一馳軒 車, 更希毁珠玉, 長川 載 輕 舟。 可用登遨遊。 性命豈自 1然? 勢路 有所由。 高名令志惑, 重利使心憂。 親 昵 懷 反

£. 致 修 盗, 逢 所 惟 以 超然于世 容軒車, 長 表者, 11 所 以 乃可以無 縱 顿 舟; 累也。 物 有 相 召, 事 有 相 因。 故 高名 致 惑, 重 利 致憂, 親 戚 致 雙,

珠

豈 足愁我 術有奇士, 黄駿服其 腸? 一去長離絕, 千歲 箱。 復 朝起瀛洲野, 相 望。 猗敷上 日夕宿明光。 世士, 恬淡 再撫 志安貧。 四 海 季葉道 外, 羽翼自飛揚。去置世上 陵遲, 馳 鶩紛垢塵。

子豈不類? 精 巢由 揚歌誰肯殉? 抗 高節, 從此 栖栖非我偶, 適 河 濱。 徨徨非己倫。 咄嗟榮辱事, 去來味道真。 道真信可娱, 清潔

抗 節, 不 73 能 獲 合乎道真, 我 :23 也。 而 馳 為于塵俗者, 雖 如蒲 戚之謳歌, 耀 求用于世, ± ? 棲棲皇皇循羞與偶。 必 若 一時, 巢

由

梁東 有芳草, 朝 再三 榮。 色容艷姿美, 光華 傾城。 豈爲明哲 妖 蠱諂媚生。輕薄在

安知百世名? 路端便 娟子, 但恐日月 傾。 焉見冥靈木? 悠悠竟無 形。

也。

江 駕安可學?東野窮路旁。 綸深魚淵潛, **鱛設鳥高翔**。 凡凡乘 車 舟 演漾靡所望。吹嘘 誰 以 益?

湖 相捐忘。 都冶 難爲 顔, 修容是我常。 兹年在松喬 恍惚誠未央

如 者, 智 計 獨有 不 能 松 終用。 喬 耳。 自 惟 北 有循 以 往, 常江 亦畴 海之魚, 能出于恆理之外哉? 不美的沫, 慎戒容止、不在都妍。 所異于常

理,

而

恍惚

難

Ħ 目還相 咄嗟行至老, 羞。 聲色爲胡越, **僶俛常苦憂**。 人情自逼道。 臨川美洪波 招彼玄通士,去來歸羨遊。 同 始異支流。 百年何足言? 但恐怨與雙。 **警您者誰子**?

死 生 非所感, 而 怨雙難 預防。 親若耳 E, 尚 成胡 越。 其餘亦何 足賴哉?

昔有 神仙士, 力處射山 阿。 乘雲御飛龍, 嘘噏嘰 瓊華 可聞不可見、 慷慨歎咨嗟。自傷非儔類、

愁苦來相 加。 下學而上達, 忽忽將如 何?

「下學而上達」,言學仙之事。 中 有奇鳥, 自言是鳳凰。 清 朝 「忽忽將如 飲醴泉, H 何者,」年命不相待。 勺 棲 di 固 高 鳴徹九州, 所以 愁難禁, 延頸望八荒。 自 傷非 適逢商風 類 矣。

羽翼自 奇 推 若 藏。 鳳 凰, 一去崑崙西, 亦 有推 藏 之 歎。 何時復迴翔?但恨處非位, 憎恨使心傷!

15 行將何之?不見季秋草?摧折在今時。 出門望佳人, 佳人豈在兹? 三山 招松 喬 萬世誰與期? 存亡有長短、慷慨將焉知。忽忽朝日隤、

佳人既不可見,松喬復不可期。惟有伊鬱以没,悲傷之至也!

昔有神仙者,羡門及松喬。噏習九陽間,升遐嘰雲霄。人生樂長久,百年自言遼。白日隕隅谷,

餘光照九阿。寧微少年子,日久歎咨嗟! 夕不再朝。豈若遺世物?登明遂飄飖。 墓前熒熒者,木槿耀朱華。榮好未終朝,連飈隕其葩。豈若西山草?琅玕與丹禾。垂影臨增城,

**豈無年少之人,而日久終可嗟歎。自非琅玕丹禾,亦焉能與天地齊壽乎?** 

柔兆執徐畢臯之月朔日寫竟。黄 侃季子記

荆門西下

蘭蹊徑失佳期。 洞庭湖闊蛟龍惡,却羡楊朱泣路歧

夕南風一葉危,荆門廻望夏雲時。人生豈得輕離別,

天意何曾忌嶮巇。

骨肉書題安絶徼,

蕙

案詩意當為自桂林奉使南郡, 還 路所作。

杜工部蜀中離席

上晴雲雜雨雲。美酒成都堪送老,當罐仍是卓文君。 人生何處不離羣,世路干戈惜暫分。雪嶺未歸天外使, 松州猶駐殿前軍。

座中醉客延醒客,

江

擬

韓舍人也。

朱氏釋此題最當。 案此以 **蜀中離席為題,而擬杜** 程氏以爲杜工部應從一本作辟工部, 體,循五言有韓翊舍人即事, 非也。 以 即 事為題而

四三七

### 隋宫

紫泉宫殿鎖烟霞,欲取蕪城作帝家。玉璽不緣歸日角, 錦帆應是到天涯。 於今腐草無螢火,終

古垂楊有暮鴉。地下若逢陳後主,豈宜重問後庭花? 平陳之役, 煬帝爲晋王,實總戎重,末路荒淫, 過於叔寶。 故義山舉後主以爲類,

譏

刺之意甚顯,不必以稗官所記觀鬼事實之也。

# 二月二日

年從事亞夫營。新灘莫悟遊人意, 二月二日江上行,東風日暖聞吹笙。花鬚柳眼各無賴, 更作風簷夜雨聲。 紫睫黄蜂俱有情。萬裏憶歸元亮井,三

案詩辭當為東蜀作。

### 即日

歲林花即 日休, 江間亭下悵淹留。**重吟細把真無奈,已落猶開未放愁**。 山色正來銜小苑, 春

隂只欲傍高樓。金鞍忽散銀壺滴, 更醉誰家白玉鈎?

放, 循散也。

# 無題 二首

曹射 覆 昨夜星辰昨 蠟燈 紅。 夜風, 嗟余聽鼓應官去, 畫樓西畔桂堂東。 走馬 蘭臺 身無彩鳳雙飛翼, 類 轉蓬 心有靈犀 點通。 隔座 送鈎春酒 暖,

分

聞 道闖門專緑華, 昔年相望抵天涯 끞 知 一夜秦樓客, 偷看吳王苑内花。

莱 義 4 無 題詩, 十九 皆為 寄意之作。 既 云無 題, 則當 時 必 有 深隱之 意, 不 能 直 陳 者。

則 此 鏊。 在 一讀者 此 詩全為 以 意逆志, 追憶之詞, 會心處正不在遠也。 又有聽鼓應官之語。 必 概 目 其出 為 艷 語, 馬 縣 其失 尉, 八則拘; 追 想京華游宴之作乎? 求 其 時 地 其失

# 無題 四首

熏微度繡芙蓉。 來是空言去絶踪, 劉郎已恨蓬山 月斜樓上五更鐘。 遠, 更隔蓬 山 夢爲遠别啼難 萬重 唤, 書被催成墨未濃。 蠟照半籠金翡 翠,

麝

颯颯東風細雨來,

芙蓉塘外有輕雷。

金蟾齧鏁燒香入,

玉虎牽絲汲井廻。賈氏窺簾韓掾少,宓

妃留 枕魏王才。春心莫共花争發,一寸相思一 寸灰。

含情春碗晚, 暫見夜闌干。樓響將登怯, 簾烘欲過難。 多羞釵上燕, 真媿鏡中鸞。歸去横塘曉:

華星送實鞍

明 暖後同牆看。 何處哀筝隨急管?櫻花永巷垂楊岸。東家老女嫁不售, 歸來展轉到五更,梁間燕子聞長歎。 白日當天三月半。 溧陽公主年十四,

清

其一, 啼難唤者、 言悲思之深。墨未濃者, 言草書之促。 五、 六句指所 憶之地

其二: 古詩: 第二句略用其意, 雷隱隱,感妄心, 以 側耳傾聽非車音 典三、 四 句; 言所憶者之自外獨歸也。

五、六

句

以

禁約 又非 井之事也。 真雷, 閒情之詞。 乃以 擬車聲也。 言情事與韓壽曹植既殊, 三四句亦 所以足第二句之意, 則徒思無益也。 東風 言其自外獨 細 雨 所 歸而 以 典 2 起 輕 雷, 非 必 真有燒 而 蛇 雷

詩乃有所求於人, 而人不見諒之詞 香汉

王十二兄與畏之員外相訪見招小

謝傅門庭舊末行, 飲,時予以悼亡日近不去,因寄 今朝歌管屬檀郎。 更無人處簾垂地,

欲拂塵時簟竟牀。

嵇氏幼男循

可憫,

左

家嬌 女豈能忘?愁霖腹疾俱難遺, 萬里西風夜正長。

義山為 此 頃 集中 僚 故是詩亦有末 壻, 有 ≪七 故 月二十 有第二句 句 所 八 云也。 E 嵇氏 夜 聽 義山 幼 雨 男,  $\approx$ 爲 , 用 I 及  $\Rightarrow$ 茂元壻,  $\Rightarrow$ 嵇 七 月二 叔 夜 與 I + 4 + 九 E \_ 日 源絶交書》 則其婦兄 崇讓 宅》二 也。 : 詩。 畏之韓瞻字, 悼 女年十三, 亡之日 男年 蓋在 蓋

與

#### 曲 池

1

歲

未及

成

人;

顧

此

限

烺

如

何

可

110

意。

末行,

末

屬

也。

檀

Ėß

指畏之員外。

車

更望柳 日 下繁香不自持, 絲絲。 從來此 月中流 地黄昏散, 豔與 未信 誰 期? 河梁是别 迎憂急討 鼓 離 疏 鐘 斷, 分隔休燈滅 燭 時。 張 蓋欲判 江 遗遗,

廻

决 七 句 句 想其夜來, 曲 言 池 惜 蓋 别 即 之 曲 更當何往 情過于 ;I 觀第 河 梁 ?三句慮其將 五 地。 句 可 知 0 分 此 亦當 行, 詩爲 宴集 時方語, 迎憂猶言豫愁爾。 惜 别 猶 之 作。 今言料定爾 首 四 句 吉 句言其果去,與次句相應。 驟 遇繁香, 難于 自

### 無題

相見 時 難 别 亦 難, 東風 無力百花殘。 春蠶到 死 絲方 盡, 蠟 炬成 灰淚始乾。 曉鏡 但愁雲鬢改, 夜

四 四

四 74

吟 覺 月 光 寒。 蓬 Ш 此 去 無 多 路, 青鳥 殷 勤 爲 探 石

决 句 言 無 計 相 捧, 任 其 惟 悴 = 四 句 自 叙 £ 六 句 斥 所 懷 者。 七 1 句 則 無 由 見 顏

還 自 託 微 波 之 意。

### 城

過 河 碧 源 隔 城 + 座 看。 曲 若使 闌 干, 曉 珠明 犀 辟 又定, 塵 埃玉辟 生長對· 寒。 闐 水 苑有書多 精 盤 附 鶴, 女林 無 樹 不 棲 鷥 星沈 海 底當窗 見, 雨

狂 舞撥湘 對影聞聲已 絃。 可 鄂君悵望舟中夜, 憐, 玉池 荷葉正 田 繡被焚香獨 田 不逢蕭史休 H 眠 首,

莫見

洪崖又拍肩。

紫鳳

放

嬌

銜

楚

赤

收

鱗

將

鳳

紙 七

寫

相

夕來時先有期 思。 武皇内 傳分 洞房簾箔至今垂。 明 在, 莫道人間總不 玉輪顧 兎 知 初 生 魄, 鐵 網 珊 瑚 未 有 枝 檢與 神 方 教 駐 景,

程夢星 以 趙 氏 以 比 為 = 貴 È 詩皆 £ 刺 貴主 六 句 之為 及第二首末二句 女冠者, 以 意 備 勸 感 言其 是 显從 跡 也。 雖 其一 秘 而 物 七 1 議 2 句 兹, 皆 用 所 飛 恭 以 戒 外 騎 傳

淫 iŁ 佚 荡 此 與 陳 鄭 變 風 何 異 ?

句 即 承 可 棒 之 意 蓮 憐 吉 同。 吴 聲 歌 曲。皆 以 蓮 萬 棒 也。

紫 鳳 赤 鳞 , 皆 喻 狂 佼。 鄂 君 以 喻 未見洪 崖 以 前 所 遇之人。其三、三四 句 當如

脚不 程 說。 停。 七八句諷刺之意至顯。 雲窗 霧閣 事恍忽,重 韓退之《華山女》詩篇末云: 重翠幔深金屏。 仙梯難攀俗緣重, 『東家少年豈知道?來繞百 浪憑青鳥通丁寧。 匝

辛未七夕

4

此

詩意同。

而退之蕴藉矣。

雲未接過來遲。 豈能無意酬鳥鵲? 恐是仙家好别離,故教迢遞作佳期。由來碧落銀河畔, 誰與蜘蛛乞巧絲。 미 要金風玉露 時。 清漏漸 移相望久, 微

字、次句 佳期之稀,本緣仙意,仍與首二句相應。 北 詩純以氣勢取 「故」字相應。七、八句言佳會果然,則當酬 勝。 首二句作疑詞。三、四句申言致疑之理。 用意之高, 制格之密, 鹊橋之力。今但與 即玉粉集中, 五、六句與首句 蜘蛛以巧,是知 亦罕見其比也。 好

### 牡丹

錦帷

初卷魏夫人,

令香爐可待熏?我是夢中傳彩筆,欲書花葉寄朝雲。

繡被猶堆越鄂君。

垂手亂翻雕

玉佩,

折腰争舞鬱金裙。

石家

燭何

荀

**義山詠物詩,什九皆屬閒情。此詩非直咏牡丹,** 蓋借牡丹以喻人也。 首句际所喻者。

四四三

不 决 著堆 **的自喻。三、** 砌之迹, 與牡 四句寫其壯。五句喻其光采。六句喻其芳馨。末二顯乕所喻矣。八句八 丹在即離之間 即專以詠物論之, 亦難能可貴矣。

### 片

花尋去月輪移。 片 非煙隔九枝,蓬巒仙仗儼雲旗。天泉水暖龍吟細, 人間桑海朝朝變,莫遣佳期更後期 露畹春多鳳舞遲。 榆莢散來星斗轉,

桂

以爲豔情, 此 詩所刺, 此 以篇首二字為 則首二句不可解。 與《碧城》三首及後《中元作》一首同,皆爲貴主之爲女道士者作也。 題,仍與無題 《中元作》紀以爲有求而不得之詞, 同。篇中但以 神仙 事爲喻, 則後來以遊仙寓意之濫 則首二句亦不可 解。 此首程

# 馬嵬 二首

外 馬 燕犀動地來, 徒 聞 更九州, 他生未卜此生休。空聞 自埋紅粉自成灰。君王若道能傾國, 虎旅傳宵柝, 玉輦何由過馬嵬? 無復雞人報曉籌。 此日六

軍同駐

馬,當

七夕笑牽牛。 如何四紀爲天子,不及盧家有莫愁

時

海冀

首句言神仙茫昧。 次句言輪轉荒唐。 以此思哀,哀可 知矣! 中二聯皆以 馬 老與

偕 長 以 自 爲淺近; 老山 以 安對舉。五、 宴安可久, 林者, 紀昀以爲多病痛,豈知言者乎?唯「空聞」與「徒聞」犯複, 良多她恋。 宣悟波瀾反覆, 六句筆刀 尤矯健,不僅屬對工巧也。由此振出末二句,言當就弱聲色之時, 上校銀潢靈妃, 變起龍胡、倉卒西 尤不可同年而 行, 又不能保其嬖爱。 語矣。 諷意至深, 以視尋常伉儷, 用筆至細。 則夏后之璜,不 胡仔

## 富平少侯

能

無坊

也。

枕 玉雕鎪。 此 詩 刺武宗。 當關不報侵晨客,新得佳人字莫愁。 題 日富平少侯, 詭辭也。 首句學 括 漢 成帝報許后 書意, 而注 家 皆不僚。

檀鲃

七國三邊未到憂,

十三身襲富平侯。不收金彈拋

林外,

却惜銀牀在井頭。

綵樹

轉燈珠錯落,

繡

嵇 武宗好游 叔 夜  $\Rightarrow$ 與山 獵,又龍王才人, 巨源 絶交書》。 故以 成帝比 之。 廻枕」, 循繞枕也。 當 嗣, 謂閣人,見

### 聖女祠

松篁臺殿蕙香幃,

龍護瑶窗鳳掩扉。無質易迷三里霧,不寒長著五銖衣。

四四五

人間定有崔羅什,

天

四四六

上應無劉武威。寄問釵頭雙白燕,每朝珠館幾時歸

今 仙 女得以自恣。 此 首 合  $\Rightarrow$ 重 過 毎朝珠館,  $\approx$ 一篇 觀之, 謂常入禁中也。 諷 刺 愈 類。 五 句 言上真所戀, 乃在凡夫。六句言神寶無重,

# 臨發崇讓宅紫薇

樹

**穠姿獨看來,秋庭暮雨類輕埃**。

不先摇落應爲有,

已欲别離休

更

開

桃經含情依露

井,

柳

綿相 憶隔章臺。 崇讓宅王茂元所居。 天涯地角 同榮謝, 臨發, 豈要移根 將去東都也。 上苑栽 是時王茂元已殁,義山 他 逋, 當 人

所托 合, 以 物 桃 身, 柳 輕 薄 連 類 故借詠 叢詩。 無 行。 作喻 紫薇 李洁 觀 于 言處地 以 北 刊 寄意。 篇 誤 縱殊, 及  $\Rightarrow$ 釋 駕離 怪 應為 荣枯不異,夫何  $\approx$ 篇, 有」? 腐鼠 專機 有 之詞, 義 4 必 以 謂 有花 飄 得見其端 蓋 亦 泊為恨邪? 緣于黨人之見。 也。 矣。 程 疑 三  $\Rightarrow$ 字有 唐書 誤 究之義山  $\leq$ 以 義 非 傾 4 也 掠, 恃 放 才 利 後 傲 偷 \*

### 野菊

苦

竹園· 南 椒 塢 微香冉冉淚涓涓。 已悲節物同 寒雁, 忍委芳心與暮蟬 ! 細路獨來當此夕, 清

樽 相 伴 取霜栽 近 御 筵

省他 年。 紫雲新苑移花處, 不

銀 'n 吹 笙

稍

婉

耳。

此

詩義

4

蓋

以

自

喻

其身

世。

末二

句

斑

 $\Rightarrow$ 

崇讓

宅紫薇

 $\approx$ 

意

正

相

類

但

彼

措

前

徑

直,

此

則

望 銀 河 吹  $\pm$ 笙

殘 燭 隔 霜 清 不須 浪 作 緱 Ш 意, 湘瑟秦簫 自 有 情

樓 寒院:

冷接

平 明。

重

衾

幽

夢

他

年

斷,

别

樹

羈

雌

昨

夜

驚

月

榭

故

香

因

雨

發,

風

簾

悵

句 亦 而 言 自 别 求 旅 慰 取 之 所 况 首 並 10 句 以 為 自 中 首二 肚 無 29 之 字 俚 道。 句 為 言自 五 題, 句 湘 言舊 實無 瑟秦簫, 處岑寂, 遊 題 依 之 稀 雖 體 動 遙聞 可 也。 ,: 娱 記。 耳, 笙 程 六 響 以 , 不 句 為 言 必 惟 亦 高高 它夜 有 刺 悵 女 冠, 望 14 凄 樂, 獨 而 200 未 堪 悲。 諦 始 Ξ 可 0 樂 七 句 細 魂 言 1 審 也。 的言攀 往 其意,蓋干求不 好不可復尋。 一緣不得 iÉ, 則 四

#### 聞 歌

腰官 裡北人過。 斂笑凝眸意欲歌, 此聲腸斷非今日, 高 雲 不 動碧 香炮 嵯 峨。 燈殘奈爾何! 銅 臺罷望 歸 何 處, E 輦忘 還事幾 多。 青 家 路邊南 雁 盡

四四四 七

細

白 秦 泥 此 青響 中 古 詩製格最 可 29 悲之 遏 句 行 為 奇。 事; 雲 實 事, 事 閘 , 而 是 今之歌 歌 而 也。 Ŀ 附 會 面 聲令 孟德西 於 宫 首二句已寫出, 人腸 人 陵 之 之恨 斷, 流 落 者, 亦與 周 Ŧ 往 則 以下皆概托之筆。 黄 昔同 疐礙 44 之謠, # 孔 3 矣。 此 與夫漢 于 燭 明香暗 高 七 雲不 1 女入胡, 句 之時, 動 73 息妈 , 收 欲 朱 到 唤 歸 長 楚, 本 奈 孺 意。 何 以 也! 此 馬

皆 用 程

### 春雨

悵

卧新春白袷衣,

白門寥落意多違。

紅樓隔雨相望冷,

珠箔飄

燈獨自歸。

遠路應悲春腕

晚,

燧

宵 猶得 白 瞰 長 夢依 閣草 安, 此 稀。 堂 為 故 滞 詩 因 居長安憶家之作。「白門」 玉璫縅 × 以 號 杜 札何 帝 甫 里,  $\Rightarrow$ 由 美 非 達?萬里雲羅 陂 西 建 康之白門也。 南 臺 > 詩, 即 《街西池館》詩所謂白閣他年 雁飛 錯磨終南翠, 红 樓 二二句, 顛 正寫寂寥之状。 倒 白 閣 彩 別者也。岑多 皆謂 終南 支 有 峰  $\Rightarrow$ 

近 歸

### 中元作

迷路 絳 節飄溫空國來, 爲花開。 有娀未抵 中元朝拜上清廻。 瀛洲 遠, 青雀如 何鴆鳥媒? 羊 權 雖得金條脱, 温 **嶠終虚玉鏡臺**。 曾省驚眠聞 雨過,

不

知

却 端耳。三四 在 人間;青鳥爲媒,適同鴆毒。 程 以 為中元悼亡之作、蓋誤。此詩所刺, 句譏 消至顯;五 向惜其雨夜之無眠; 疾之之詞, 與 可謂消厲矣。 六句謔其如狂香之引路,七八言有城雖遠, 《碧城》《聖女》諸首同;特因中元而 造

# 宿晋昌亭聞驚禽

羈緒鰥鰥夜景侵, 高窗不掩見驚禽。 飛來曲渚煙方合, 過盡南塘樹更深。 胡馬嘶 和榆 塞笛

猿吟雜橘村砧。

失羣掛木知何限,

遠隔天涯共此

心。

自 道本懷耳。製格布局,最爲可式。 此 詩以 驚禽與起己之離 绪, 以 胡 馬 楚猿 陪觀 「驚禽」 通體惟 羅, 緒

句,

楚

### 安定城樓

廻天地 入扁舟。 不知腐鼠 成 滋 味, 猜意编 雛 竟未 休

迢遞高城百尺樓,緑楊枝外盡汀洲。

賈生年少虚垂涕,

王粲春來更遠游。

永憶江

湖

歸白髮、

欲

五六句一意互言,言欲俟旋轉乾坤之後,歸老江湖以扁舟自適也。 此 詩作于王茂元涇原節度幕中。 當時令狐約華、 必 有 以 義山 背黨為議 當時黨人機義山以 者故 有末二句。 放利

四四九

偷 合, 詭薄無行,: 豈其然哉!

淚

燧 楚帳夜聞歌。 水巷長年怨綺羅, 朝來灞水橋邊問, 離情終日思風 未抵青袍送玉珂 波 湘江竹上痕無限, 峴首碑前灑幾多。 人去紫臺秋入塞,

兵

之厭厭 鬼語: 巷離情所能爲喻也。 首六句皆陪意,末二句乃結出正意。以青袍寒士,而 但見汝送人作郡, 如以為詠物之詞, 不見人送汝作郡, 脱化得來, 可云善悟 則無此 堆砌之篇法矣。 送玉珂上客, 其悲苦之情, 非永 程以為末二句從晋時羅友託

流 鶯

户

千門 流 鶯 開閉時。 漂蕩復參差,度陌臨流 曾苦傷春不忍聽, 不自 鳳城何處有花枝? 持。 巧囀 豈能 無本意,良辰未必有佳期?風朝露夜陰 晴 裏, 萬

夏 失所也。 此 首 借 流鶯以自傷飄泊。 末二句言, 正為己有傷春之情, 所以聞此啼 萬, 不禁為 之代

關宿盤豆館對叢蘆有 感

昔年曾是江南客,

此日初爲關外心。

思子臺邊風自急,

E

蘆葉 梢梢夏景深, 出 郵亭踅欲灑塵襟。

嬢湖 上月應沉。 清聲不遠行人去, 一世荒城伴夜砧

遅暮 も無い 詩 成。 有思子臺 Ξ 四 在 句 以 農湖, 言昔在少壯 于唐爲 ; 未 始以 湖 城 遠游 縣 地。 爲 悲; 盤 To 及 驛 此 名, 歲 華既 當 即 晏, 在 思子臺旁也。 蓬轉天涯, 荒 此 野 首 寒砧, 白 嗟

其

# 七月二十九日崇讓宅讌作

年年相伴,

驛亭回首,

不免有遷席之情也。

生 涯 露 獨 如微霰下前 酒 知。 **豈到白** 池, 頭 風過廻塘萬竹悲。 長只 爾? 嵩陽松雪 浮世本來多聚散, 有心期 紅葉何事亦離披? 悠揚歸夢惟燈見, 濩

落

程

意七

月二十八

九日為

義山

悼

亡之日。

此

詩蓋悼亡後失意

無聊

之作。

五六

極寫淒

涼之

况 從 0  $\Rightarrow$ 西 七 溪 1 叢 則 語 言 世途  $\approx$ 作 之 風。 樂已盡 濩落 惟 有 空 4 作 長 往 松落 趨 <u>\_</u>, 向 無 Pp 生 而 拓 200 落 風 ; 又 過 即 舊 落拓 作 月 ·亦 過 即 一落 當

梓州罷吟寄同舍

魄

 $\Rightarrow$ 説

文

 $\approx$ 

作

落桑

花朝與雪 朝, 五年從事霍嫖姚。

不

揀

君緣接座交珠履,

我爲分行近

翠翹。

楚雨含情皆

有託,

漳

74 Ŧī.

消 病 竟無 聊。 長吟遠下燕臺去, 惟 有衣 香 日未 :

銷

此 之 柳 美, 其所 仲 到 為 同 以 而 難 自 東 舍 也 11 歉 馬 節 謂 度, 劉 病 同 植詩 幕 所 侵 + 府者。 : 年能。 不 「余嬰沉錮 及 ~ 府 轉 義山 Ì 韵 思 詩 疾 禮 此  $\approx$ 詩 竄 字 73 身清漳 能 征 東同 則 府 時 其 濱。 怨望 作。 舍駕與鸞」 可 细 于 審詩 言外得之。措 意 亦 但 謂 同 叙 述 幕 詞深 宴遊之樂。 府者 婉 而 不 中 激 华 伎

### 無 題 一首

鳳尾 息石榴紅 香羅 薄幾重, 斑雕只 繁垂楊岸, 碧文圓頂夜深縫。 何處西 南任 扇裁月魄羞難掩, 好 風 車走雷聲語 未通 曾是寂寥金 燼

柱葉香? 深下莫愁堂, 直道相 卧後清宵細細長 思了無益, 未妨惆悵是清 神女生 涯 狂 原 是夢, 小 姑居處本 無 郎 風 波 不信菱枝

弱 月

更

盛 誰

教 重幃

空谷 佳 義 山詩 無 殆 均不 題以 嬔 此二首最得 幽 貞 而 解 風 者多 人之旨。 以 馬 有 察 思而不 其 詞, 得之 纯 託 詞, 之於 、守禮不 失之甚矣! 佻 之 處子, 與 杜 陵 所 謂

其 首 句 IE 写 寂 寥 時 所 以 自 遣 碧文圓 頂 謂 帳 也。 車走雷 举 言狂 且

之言

無 窥 由 伺 A F 門 也。 中 深 £ 莲 句 言 固 非 维 所 居 得 情 况, 而 知 也 日 日 謂 40 之 斯 0 詞 六 婉 意嚴 的言 親愛 畴 云不 離居 可。 永 無消息。七八言縱有游人

四 ħ.

其二、首二句極寫其岑寂。三句言縱復懷人, 祇勞夢想。四 句言獨居幽地,不厭單棲。

見懷思,適成廢俗也。 五句言狂暴相 凌, 徒困荏弱。六句言容華佼好, 易召侵欺。 七、 八言終不棄禮而相從,

### 井絡

能先主是真龍。 井絡天彭一掌中, 將來爲報奸雄輩, 漫誇天設劔爲峰。 陣 圖東聚煙江 石, 邊柝西懸雪嶺松。 堪歎故君成 杜宇,

μ]

莫向金牛訪舊蹤。

恃。 三、四承首句之意, 此 詩與張載《 斜 開銘 ≫同 意 皆以 懲割據也。 首句言其地 之狭 1, 次 句 言地 險 **以之不足** 

婉。 末的 ıE. 寫警戒之意。 言其疆域 廹促也。 五、六言伯主偏隅 終殊中縣之君也。 詞特深

### 宋玉

年雲夢送煙花。 何 事 荆 臺 百 萬 可憐庾信尋荒徑, 惟教宋 玉擅才華。 猶得三朝托後車。 楚辭已不饒 唐勒, 風 賦 何曾 景差。 落日渚宫供

觀閣

開

此 首自傷無宋玉之遇。末二句尤顯。 開年即楚辭所 云 開春獻歲, 猶言新年 新春耳。

四五三

程

解大謬。五六二句正自傷無宋玉之遇也

### 曲江

憂 Ē 室泣銅 望 斷 平 駝。 時翠輦過, 天荒地變心雖折, 空聞子夜鬼悲歌。 若比傷力 春意未多。 金輿不返傾城 色, 玉殿 (猶分下 苑波。 死憶華 - 亭聞 唳 鶴,

老

亡 句 國之 言不 此 恨, 復遊 詩吊 幸。 猶 楊 未敢 妃 而 次 傾城 句 作, 言其 夭枉 與杜子美 凄 涼。 遗迹荒殘之働也。 三句 《哀 吉 江 楊 頭 妃  $\approx$ 2 同 意。 去 試 0 取 而 四 哀 笺 句 江 吉 注 頭 宫殿 家附會甘露之變, 詩 與 猶 此 存。 詩互 後 觀, 四 句 當能 殊屬 吉 聪 領悟。 命之悲, 無 謂。 首

# 贈司勳杜十三員外

杜牧 歎雪霜 司勳字牧之, 垂。 漢江遠弔西江 清秋一首杜秋詩。 水, 羊祜韋 前身應是梁江 丹 盡 有 碑。 總, 名總還曾字總持。 心鐵已從干鏌 利

耆

義 4 于牧之甚 相 傾 倒。 其  $\Rightarrow$ 杜 牧 之 絕的  $\approx$ 云: 「高 樓 風 雨 感 斯 文 , 短 異 所 差 池 以 自 不 詠 及

草。 也。 刻 意傷春復傷別, 人間 惟有杜司勳 0 與此五六句可 以 參閱。 義山 詠 杜 即

口 中 牡丹爲雨所敗

人惆悵卧遥帷。 章臺街裏芳菲伴,

下

苑他年未可追,

西

州今日忽相期。

水亭暮雨寒猶在,

纙

薦春香暖不知。

舞蝶殷勤

收落蕊,

佳

且問宫腰損幾枝?

浪笑榴花不及春,先期零落更愁人。

玉盤迸淚傷

心數,

錦瑟驚絃破

夢 頻。

萬里重

陰

非

售

圃

年生意屬流塵。 前溪舞罷君廻顧, 併覺今朝粉態新。

次首末二句尤淒婉。 《楊柳枝》 詞 · 云: 言今日飄零固為可念, 葉隨風忽報秋, 縱使君來豈堪折!」 然使更遅 數稔顏色愈衰, 政是此 求如 意。 今日 且 不 可

得也。

四 五 五



發 印 出 編責 校 行 刷 版 輯任 訂 : : : : :

:湖北省人民政府文史研究館 : 王 序 平 : 湖北人民出版社 : 新華書店湖北發行所 一九八五年九月 一九八五年九月

詩文鈔

責任編輯: 王序平 内封題字: 張昕若 封面設計: 方 榮

and and I